

XXV. 1-17.

T. 3.



5-10. 2-11-



È rara e sorprendente quest'anon-
senza "Aldus" nè "Aldi filii".

Il Renouard mette

"Venetiis Aldus:" ma quest'Aldus
qui non è detto. Il resto della
descrizione di Renouard combina.

Bisognava piuttosto dire
"Venetiis Paulus Manutius," come
risulta dalla Pref^a.

La pagina 138 è segnata per
enore 139.

C. S A L V S T I I

C R I S P I

DE CONIVRATIONE CATILINAE,

ET DE BELLO IVGVRTHINO.


Eiusdem orationes quædam ex libris
historiarum.

Orationes contrariæ, quarum altera
Salustio tribuitur, altera
Ciceroni.

INDEX RERV M EMORABILI



*Martialis Epigramm: lib. iij.
Hic vult ut præbent Doctorum corda viros
Prætor Romanus Crispus in historia*



VENETIIS, M. D. LVII.

4

C. 2. 1. 8. 1. 1.

C. 2. 1. 8. 1. 1.

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

BE GOTTENHAGEN

AD ANTONIVM


TRIULTIVM,

CARDINALEM,

PAVLI MANVTII IN

HISTORIAM SALVSTII

præfatio.



VM omnes me literæ, omnisq; libero homine digna cognitio uehementer delectat, Antoni Triulti, Cardinalis ampliss. tum uero pascor incredibili uoluptate, & afficio maiorem quendam in modum sensibus intimis, dum historiam tracto. quid enim potest esse iucundius? rerum interitus obliuio est. at eæ reuiuiscunt historia, cum in nostram memoriam reuocantur: quæq; multorum annorum spatio, multis abhinc seculis gesta sunt, ea nos, exiguo uolumine comprehensa, & tanquam in conspectu nostro posita, cognoscimus. Si sermonibus delectamur: resonat in scriptis hominum uox eloquentissimorum, nihil temere, nihil incomposite narrantium, omnia grauitè, suo quidque or-

dine, & loco. si consuetudine clarorum
uirorum: uersantur, uetera legentes,
cum regibus, cum principibus uiris, ma-
gnis in bello ducibus, sapientissimus re-
rump. rectoribus: ora ipsa mehercule,
lineamenta, & formam non tam corpo-
ris, quàm animi, eorum, quos nunquam
uidimus, uidemur tamen quasi præsen-
tes intueri. quòd si recte instituendæ ui-
tæ rationem ac doctrinam sequimur: usu
maxime rerum quæritur prudentiâ. usus
est, uel cum experimur ipsi, uel cum, ex-
perientibus aliis quid euenerit, obser-
uamus. nobis ipsis, experiri multa si ue-
limus, facile non licet. labore opus est,
ac tempore: & fortuna tentanda; nec
tentatur interdum sine periculo. com-
modius ergo, ac tutius, euentis aliorum
examinandis, prudentiâ comparatur. id
autem, profecto uides Antoni doctissi-
me, ac sapientissime, proprium esse hi-
storiæ bonum: in qua patent fortunæ ui-
cissitudines, regnorum mutationes, ho-
minū siue uitia, siue uirtutes: ex quibus,
quæ uitanda nobis sint, quæ experenda,
nullo nostro periculo, nullo labore, se-
dentes in ocio docemur. atque hoc in
genere

genere Polybius inter Græcos, de nostris
maxime is, cuius nunc libros tibi inscrip-
tos emitto, Salustius excellit. euenta e-
nim ita narrat, ut causas simul aperiat.
ex quo oritur illa omnium pulcherrima
scientia, ut, malorum, & calamitatum
origine perspecta, nihil agamus, nisi quod
ratio præscribit, omniaq; nostra consi-
lia, omnes actiones ueterum exemplo-
rum regula metiamur. Quæ cum sit om-
nium, qui annales antiquorum euol-
uunt, communis utilitas: alia quædam
tua conditio est. habes enim historiam
in familia tua: neque tibi, si quid inueni-
re uis egregium, & imitatione dignum,
confugere ad libros necesse est, neque
longius euagari, & quasi peregrinari ani-
mo, ac mente, more multorum. domo
petas licet omnium uirtutum exempla.
persequere maiores tuos cogitando. quæ
fuerit eorum in pace iustitia, in bello uir-
tus, in omni fortuna moderatio, si at-
tendes, nihil ad gloriam domesticam re-
quires. iustus Aristides, prudens Themis-
tocles, fortis Epaminondas: de Roma-
nis multi, multis eximiiisq; uirtutibus in-
signes: horum alii facta dum legunt, bonas

artes ex eorum uita discunt, & ad easdem res, eademq; studia laudis cupiditate rapiuntur. at tu refer animum ad tuos maiores. eminere uidebis, instructū egregiis artibus, Ioannem illum Iacobum Triultium, magni animi, summi consilii uirum, scientia rei militaris ætate sua facile principem; præterea, iustum, liberalem, abstinentem, plane, præter decus, & gloriam, nihil in uita cogitantem. nam de laudibus Hieronymi, parentis tui, quia tecum quasi loquor, ne seruire tuis auribus uidear, nolo multus esse: tantum dicam; quàm diu uixerit, Gallicam rem in bello floruisse; postea quàm, hostium multitudine oppressus, fortiter pugnans in acie perierit, concidisse. tantum in uno uiro momenti fuit, ac roboris. Age, sint hæc, ut ita dicam, in campetri quadam luce posita: quid? in urbe Roma, id est in omnium gentium celeberrimo theatro, non spectata, probataq; uehementer est trium tuæ gentis Cardinalium doctrina, religio, sapientia? ut Triultiorum nomine, multorum uocibus in multas partes dissipato, non ipsa tantum Roma, sed omnis Italia,
omnis,

omnis, ubi colitur humanitas, Europa
personaret. omitto alios: sunt enim mul-
ti: nec tu quenquam ignoras. non enim
sunt ex imaginibus, aut ex illa colorum
inani specie maiores tui cognoscendi:
quærenda tibi facies tuorum non est. cla-
ri sunt ex recte factis: uirtute distinguun-
tur: cum alius in alia, in omnibus simul
omnes enituerint. Quæ tu quoniam à
primis annis ad hanc ætatem non modo
cogitasti, uerum etiam uita ac moribus
expressisti; propterea te, episcopatu To-
lonensi iam antea insignitum, legationi-
bus honestatum, primum Perusina, &
Auenionensi, in quibus miram iustitiæ
laudem tulisti, deinde ad regem Galliarum,
& ad Venetam remp. ubi prudentiam,
ubi grauitatem incredibilem præstitisti,
proximis diebus Cardinalem creauit Pau-
lus IIII. Pontifex omnium optimus,
omniumq; maximus, iudicio præditus
acerrimo in æstimandis hominum inge-
niis, ac moribus, itaq; animatus, ut,
quæ cuiusque meritis præmia debentur,
ea libentissime, ac liberalissime persol-
uat. in quo nemo est, qui tuam animi sin-
gulari æquitatem, ac moderationem

uehementer non admiretur , ac laudet ;
qui summæ nuncium dignitatis , cum esse
ad te , multis præsentibus , allatus , ita ac
ceperis , ut nemo , te commotum , ne-
mo , ne leuiter quidem affectum , ex uul-
tu , aut oratione , aut ullo corporis ge-
stu potuerit intelligere . ita patuit , quod
ab insipientibus ambigi , ac disputari
quandoque solet , bonis uiris uirtutem
magis ipsam diligi , quàm uirtutis in-
gnia ; honorem esse præmium recte agen-
di , finem non esse ; magnos illos , ac præ-
stantes esse homines , qui laudabiliter ita
uiuant , quasi laudem percupiant , ita lau-
dem , aut dignitatem excipiant , quasi ni-
hil minus antea cogitauerint . quod in te
& animaduersum est maxime , & obser-
uatur quotidie magis . colere enim te
quidem studiosius , quàm antea , omnes
uidentur : ipse autem , qui antea fueras ,
idem omnibus es . nemo excluditur ser-
mone tuo , nemo congressu : tui omni-
bus copiam facis : eandem omnibus hu-
manitatem ostendis . Sequitur insolentia
fortunam : comes est rerum secunda-
rum arrogantia . tu mansuetudinem a-
mas : tu continentiam , tu benignitatem ,
perpetuo

perpetuo retines . iure ergo hoc etiam
nomine Cardinalis es : iure habes hanc ,
quò tui te pro Petri ecclesia suscepti la-
bores extulerunt , maximi sacerdotii di-
gnitatem . et nunc tu quidem comitatu
stipatus honestissimo familiarium tuo-
rum , multo tamen insignior atque orna-
tior cohorte tuarum uirtutum , quæ tibi
comites ubique sunt , Romam redibis
expectatus , expetitusq; , columen futu-
rus Christianæ reip. splendor sacri colle-
gii , ornamentum familiæ tuæ. I, decus
Italiæ , amor ac deliciæ bonorum om-
nium , diis bene iuuantibus ad eam ur-
bem , quæ sola peregrinam uirtutem ex-
cipit , sola ornat honoribus , sola domi-
nam facit rerum omnium humanarum .
nos autem , quibus tuam iustitiam , tuam
benignitatem ostenderas , læti tua digni-
tate , mæsti discessu , te prosequimur ab-
euntem optimis ominibus ; fauemus ani-
mis , precamur linguis ; uota prorsus
eadem , quæ pro parentibus ac liberis no-
stris , pro tua salute suscipimus . Atque
ego , in hac omnium eximia lætitia pari-
ter & molestia , præcipuo quodam dolore
diuellor ; quia fato nescio quo meo con-
tigerit,

tigerit, ut, quàm diu Venetiis fuisti, ego
semper afflictus importuno morbo iacuerim: quo etiam nunc langueo: & ad morbum accedit ægritudo: quoniam quidem, aliis ad te adeuntibus, deq; ista dignitate gratulantibus, ipse excludor unus, nec possum meæ summæ erga te obseruantix præsentì officio satisfacere. hac tamen spe sustentor, quòd humanitas ac sapientia tua facile fortunam à crimine seiunget. consilio aliquid peccatur: accuses: iure feceris. culpam autem in iis rebus, quæ non à uoluntate nostra pendent, sapiens nemo unquam dixit esse: quare nec tu mihi, quia non ualeo, uictio dandum putabis: & hoc ipsum, quia, me non ualere, non tam corporis, quàm officii causa doleo, laudi etiam fortasse tribues. equidem habeo non uoluntatis modo testem, uerum etiam studii ac beneuolentiæ auctorem in te meæ, hominem honoratum, & cum omni uirtute excellentem, tum uero omnium, quos ego in uita uiderim, humanissimum, Petrum Carneseccum Protonotarium; qui te amat egregie, facitq; plurimi, tuasq; laudes utraque manu ad astra sæpe tollit.

uerum

uerum ego non id solum ſpecto , mea ut
uni tibi pateat obſeruantia . illuſtrabo
eam , ſi potero , meis aliquando ſcriptis,
& patefaciam omnibus gentibus . inte-
rim, ut hæc tibi noſtra ex aliquo ſigno uo-
luntas illuceſcat , præclaram edo tuo
cum nomine Saluſtii hiftoriam : cui tu ſi
locum dabis inter eos libros , qui ab ocu-
lis tuis abeſſe non ſolent ; uigebit apud
te noſtri memoria: quo ties eam uidebis,
toties animo tibi occurram ; adero tibi
ſæpe abſens ; tacitus ſæpe tecum loquar ;
meq; eſſe de tuis familiaribus unum , de
iis maxime , qui operam tibi aſſiduam
præbent , qui tuo potiſſimum honori ſer-
uiunt , exiſtimabis . quod ut ita ſit , uehe-
menter opto : & , ſi aſſequor , feram in
cælum iſtam humanitatem , colam ani-
mo , tuebor officiis , & imitabor , quan-
tum potero : ſtudio certe , ſi minus re li-
cebit , tibi ut ſatiſfaciam , elaborabo .

EX LIBRIS PETRI CRINITI
DE HISTORICIS AC ORA-
TORIBVS LATINIS.

Crispus Salustius Amiterni natus tradi-
tur in agro Sabino, quo anno Athenien-
C. sium urbs à L. Sylla deuicta, atque vasta-
ta est, ut Romani annales referunt, ex no-
bili Salustiorum familia ortus est, quæ
diu in secundo ordine dignitatem seruauit. idem in
urbe educatus creditur, & à teneris annis operam,
ac studium impendisse optimus disciplinis. sed cum
in ea tempora incidisset, quibus corrupti ciuium mo-
res uariis partibus, atque factionibus forent, neque
virtuti præmia, aut bonis ingeniis adessent, in tam
deprauata ciuitate, quod idem Salustius fatetur, ui-
ctum eius ingenium voluptatibus, facile succubuit.
itaque cum ad reip. pro ætate foret delatus, pro-
pter ciuium improbitatem & factiones, multa ad-
uersa pertulit. nam tum præcipue Syllanis partibus
infecta ciuitas æstuabat. Constat ex ueterum com-
mentariis, Salustium ipsum ingenio fuisse acri, &
in studiis literarum accurato, tum maxime in scri-
benda historia. Præceptorem habuit inter alios
Ateium Prætextatum, qui Philologum se appella-
uit, & ab eo edoctus est de ratione recte scribendi,
ut à Suetonio Tranquillo traditur, qui & Asinium
quoque Pollionem scribit ab eodem Prætextato
eruditum, atque instructum. maxime autem M. Ca-
tonis studiosus fuit: ex cuius commentariis uerba
excerpsit, & uelut breuiarium ad usum proprium
habuit: quod Octavius quoque Aug. in epistola ad
M. Antonium refert, in qua ipsum Antonium, ceu
insa-

insanientem increpat, quod ea scribere uellet, quæ
mirentur potius hominēs, quam quæ intelligant.
sed interim ad Salustii commentarios. Historiam
composuit de L. Catilinæ coniuratione contra Ro.
Senatum, & item de bello Iugurthæ, qui Numidiæ
rex factus, diu contra Romanos strenue rem ges-
sit. Historiam præterea de Romanorum gestis, ut
de Mario, & Sylla, necnon de Pompeio contra re-
gem Mithridatē, quod opus libris aliquot à Salu-
stio absolutum traditur. & adhuc supersunt quæ-
dam, ueluti absolutissimi operis reliquæ, in qui-
bus Salustii diligentia in historia describenda, at-
que grauitas appareat. In parte operis de rebus Pu-
nicis, tanto animi studio incubuit, ut à quibusdam
scriptum sit, eum regionem adiisse, ac maxima so-
lertia perlustrasse, quo maiore fide atque officio
ueritatem exploraret. Auienus certe Rufus pluri-
mum Salustii diligentiam, atque studium commen-
dauit. Sed & Gellius uir Romanus, qui ueterum
eruditionis Aristarchus habetur, ita de Salustii ora-
tione disserit. Elegātia, inquit, Salustii uerborumq;
facundia, & nouandi studium, cum multa prorsus
inuidia fuit. plures non mediocri ingenio uiri co-
nati sunt reprehendere pleraque & obrectare, in
quibus plura inscite, aut maligne uellicant. quin &
hunc proprietatis seruantissimum uocat. T. autem
Linius tam iniquus Salustio fuit, sicuti ab Anneio
Seneca scribitur, ut quædam, ex historia Thucydi-
dis translata, & eleganter assumpta, uelut deprauata,
& corrupta illi obiecerit. idq; ipsum non in
Thucydidis gratiam effecit, ut Arellius Fuscus di-
cebat, uerum putauit se facilius Salustium uincere,
si prius Thucydidem ipsum præferret. Asinius quo-
que Pollio librum scripsit, quo Salustii scripta re-
prehenderet, quod in iis nimia quidem affectatione
anti-

antiquitatem sequeretur. Fabius uero Quintilianus, uir maturo & graui iudicio, asseruit, oratione Salustii, atque breuitate nihil fieri posse perfectius, presertim apud uacuas & eruditae aures. neque ueritus est idem Fabius, Thucydidi, in scribenda historia apud Græcos principi, Salustium ipsum opponere, sicuti T. Liniū Herodoto, quo factum est, ut, cum plures uoluerint dicendi genus Salustianum sequi, minime sint assecuti. est enim eius oratio tam absoluta, tam casta, & innocens, ut merito ab eruditis diuina breuitas censeatur. nam & Aruntius, qui belli Punici historiam scripsit, Salustio tantum concessit, ut eius orationem maximo studio sequeretur: quod alibi diximus. Nec illud ignoratur, consueuisse Salustium magno labore ac studio scribere, ut nihil non absolutum, atque perfectum uideri posset. quod ex ipsa lectione facile colligitur. Amicos in primis habuit doctrinæ, & ingenio nobiles, ut Cornelium Nepotem, Messiam & Nigidium Figulum, qui periisse in exilio traditur: Iulium præterea Cæsarem magno studio dilexit, à quo etiam, ut creditur, dignitate præfecturæ honestatus est. Illud item à Suetonio refertur, Lenæum grammaticum, Pompeii libertum, satyras contra Salustium composuisse, eumq; mordaci & uirulento carmine lacerasse, ut qui lurconem illum, popinionemq;, & nebulonem, ac lastaurum appellaret, tū uitæ scriptisq; monstrosū, ac M. Catonis furem iueruditissimum. quod ipsum non alia ratione à Lenæo factū creditur, quàm ut studium suum, atque officium erga patronum Pompeium probaret, quem uirum Salustius ore probo, animo autem inuerecundo esse scripserat. itaque mirandū non est, sitam acerbe, atq; satyricæ libertus Lenæus contra Salustium aciem stili exacuit. Quantū odii, atque

atque inimicitia inter hunc & M. Ciceronem extiterit, notissimum est: quod utriusque uiolentæ, atque acerrimæ orationes ita demonstrant, ut neuter uideri possit satis sui rationem habuisse, dum alteri male diceret. Qua in re non sunt multa referenda, cum ex Hieronymi, ac Fabii auctoritate constet, eos homines longe aberrasse, qui confictas magis orationes ab aliis, quàm à Salustio & Cicerone habites crediderint. Et sanè tam corruptis moribus Salustius, ingenio tam procliui ad luxum fuit, ut paternam domum, uiuente adhuc patre, turpissima ratione uenalem haberet, quod illi inter alia uitia à M. Cicerone exprobratur. Sed à Varrone etiam & Gellio traditum est, eundem fuisse in adulterio deprehensum ab Annio Milone, lorisq; cæsum, ac data pecunia dimissum. qua ratione factum est, ut M. Cicerone appellare illum non dubitauerit, mensarum assecram, cubiculorum pellicem, & adulterum. Dignitates publicas gessit, & quæsturæ, ac tribunatus honorem affecutus est, sed nulla quidem laude, aut commendatione, adeo libidine magis, quam ratione, & publice & priuatim uixisse. nam & bis uocatus in iudicium & ad iudicium subsellia abstractus, fortuna extrema (ut inquit Ci.) stetit. Scribunt autem grammatici ea de causa senatu eiectum fuisse à censoribus, quod ingenti libidine matronas confectaretur. Illud quoque de Salustio relatum est, patrocínio & fauore C. Cæsaris consecutum fuisse præturam Africæ interioris: ex qua diues factus, cum in urbem rediret, pretiosissimos, atque amoenissimos hortos in regione ad Malum punicum comparauit, ac Tiburti uillam. quæ à Cicerone itidem illi obijciuntur. Neq; desunt qui scribant Terentiam M. Ciceronis uxorem ab eo repudiatam, Salustio nupsisse, ac deinceps Messalæ Coruino, uiro in eloquen-

tia clarissimo, quod etiam sito loco scripsimus. Sciendum est fuisse plures Salustios, nam & Cneus à M. Tullio celebratur in Salustiorum familia insignis, & M. Ciceroni, ac Cn. Pompeio maxime familiaris, quod ex iis epistolis colligitur, quas Cicero ad Pomponium Atticum scribit. qua in re imprudenter quidam decepti sunt, cum Salustii Empedoclea ignorarent, ut alibi demonstraui. Sunt qui tradant, ad annum secundum & l. x. eum uixisse, & in patria annis aliquot post obitum C. Cæsaris diem extremum obiisse: quod ex ueterum commentariis colligitur. Illud præterea de hoc ipso Crispo Romæ circumlatum est, ut multi testantur:

Hic erit, ut perhibent doctorum corda uirorum,
Crispus Romana primus in historia.

ERRATA CORRIGE SIC.

- | | |
|---------------------------------|-----------------------------|
| 44. a. dato castra hostium | certamen. |
| 51. a. tempestate R. Numida. | 64. b. proxima est Numidia. |
| 53. a. ueluti cedentem | 67. a. petenti regū more, |
| 56. a. nisi cum odor, aut | 68. b. uidetur. Metellus |
| 58. b. arborum, & t. q. e. | 69. a. ciuis ex Latio erat |
| i, c. n. l, t. d. i, a. f. m. o | 80. b. autem aridus, |
| 61. b. præterea iniquum | 88. b. Utica uenire. |

I

C. SALVSTII CRISPI
DE CONIVRATIONE
C A T I L I N A E .

O M N E S homines, qui sese student præstare ceteris animantibus, summa ope niti decet, ne uitam silentio transeant, ueluti pecora; quæ Natura prona, atque uentri obedientia finxit. sed nostra omnis uis in animo, & corpore sita est. animi imperio, corporis seruitio magis utimur. alterum nobis cum dijs, alterum cum belluis commune est. quo mihi rectius esse uidetur, ingenij, quàm uirium, opibus gloriam querere, & quoniam uita ipsa, qua fruimur, breuis est, memoriam nostri quammaxime longam efficere. nam diuitiarum, & formæ gloria, fluxa, atque fragilis est: uirtus clara, æternaq; habetur. Sed diu magnum inter mortales certamen fuit, ut ne corporis, an uirtute animi, res magis militaris procederet. nam & prius quàm incipias, consulto, & ubi consulueris, mature factò opus est. ita utrumque per se indigens, alterum alterius auxilio eget. igitur initio reges, (nam in terris nomen imperij id primum fuit) diuersi, pars ingenium, alij

B corpus



corpus exercebant. etiam tum uita hominum si-
 ne cupiditate agitabatur : sua cuique satis pla-
 cebant . postea uero quàm in Asia Cyrus , in
 Græcia Lacedæmoni , & Athenienses , cæpere
 urbes atque nationes subigere ; libidinem domi-
 nandi , causam belli habere ; maximam gloriam
 in maximo imperio putare : tum demum pericu-
lo atque negocijs compertum est , in bello pluri-
imum ingenium posse . quòd si regum , atque im-
peratorum animi uirtus in pace ita , ut in bel-
lo , ualeret : equalius , atque constantius sese
reshumane haberent ; neque aliud aliò ferri ,
neque mutari , ac misceri omnia cerneret . nam
imperium facile ijs artibus retinetur , quibus
initio partum est . uerum , ubi pro labore desi-
dia , pro continentia & equitate libido atque
superbia inuasere ; fortuna simul cum moribus
immutatur . ita imperium semper ad optimum
quenque à minus bono transfertur . que homi-
nes arant , nauigant , edificant , uirtuti omnia
parent . sed multi mortales , dediti uentri , atque
somno , indocti , incultiq̃ ; uitam sicuti peregri-
nantes transiere . quibus profecto contra natu-
ram corpus uoluptati , anima oneri fuit . eorum
ego uitam mortemq̃ ; iuxta æstimo : quoniam de
utraq̃ siletur . Verum enim uero is mihi uiue-
re demum , atque frui anima uidetur , qui ali-
 quo

quo negotio intentus , præclari facinoris , aut ar-
tis bonæ famam quærit . sed in magna copia re-
rum , aliud alij natura iter ostendit . pulchrum
est bene facere reip. etiam bene dicere , haud ab-
surdum est . uel pace , uel bello clarum fieri li-
cet . et qui fecere , & qui facta aliorum scripse-
re , multi laudantur . Ac mihi quidem , tametsi
haudquaquam par gloria sequatur scriptorem ,
& actorem rerum ; tamen in primis arduum ui-
detur res gestas scribere : primum , quod facta
dictis sunt exæquanda : dehinc , quia plerique ,
quæ delicta reprehenderis , maleuolentia , & in-
uidia dicta putant : ubi de magna uirtute , at-
que gloria bonorum memores ; quæ sibi quisque
facilia factu putat , æquo animo accipit ; supra
ea , ueluti ficta pro falsis ducit . Sed ego adole-
scentulus initio , sicuti plerique , à studio ad
remp. latus sum : ibiq; mihi multa aduersa fue-
re . nam pro pudore , pro abstinentia , pro uirtu-
te , audacia , largitio , auaritia uigebant . quæ
tametsi animus aspernabatur , insolens malarum
artium : tamen inter tanta uitia imbecilla ætas ,
ambitione corrupta , tenebatur . Ac me , cum
ab reliquis malis moribus dissentirem , nihilo mi-
nus honoris cupido eadem , quæ ceteros , fama ,
atque inuidia uexabat . igitur , ubi animus ex
multis miseris , atque periculis requieuit , &

CONIVRATIO

mibi reliquam ætatem à rep. procul habendam decreui; non fuit consilium, socordia, atque desidia bonum ocium conterere, neque uero, agrum colendo, aut uenando, seruilibus officijs intentum ætatem agere; sed, à quo incepto, studioq; me ambitio mala detinuerat, eodem regressus, statui res gestas populi R. carptim, ut quæque memoria digna uidebantur, perscribere, eo magis, quòd mihi à spe, metu, partibus reip. animus liber erat. igitur de Catilinæ coniuratione, quàm uerissime potero, paucis absoluam. nam id facinus in primis ego memorabile existimo, sceleris, atque periculi nouitate. de cuius hominis moribus pauca prius explananda sunt, quàm initium narrandi faciam. L. Catilina, nobili genere natus, fuit magna ui & animi, & corporis, sed ingenio malo; prauoq;. huic ab adulescentia bella intestina, cædes, rapinæ, discordia civilis grata fuere: ibiq; inuentutem suam exercuit. corpus patiens inedia, algoris, uigilie, supra quàm cuiquam credibile est. animus audax, subdolanus, uariis, cuiuslibet rei simulator, ac dissimulator, alieni appetens, sui profusus, ardens in cupiditatibus. satis loquentie, sapientie parum. uastus animus immoderata, incredibilia, nimis alta semper cupiebat. hunc, post dominationem L. Syllæ, libido maxima inuaserat

Mores Catilinæ

uaserat reip. capiunda : neque, id quibus modis adsequeretur, dum sibi regnum pararet, quidquam pensi habebat. agitabatur magis magisq; in dies animus ferox inopia rei familiaris, & conscientia scelerum : quæ utraque his artibus auxerat, quas supra memoravi. incitabant præterea corrupti ciuitatis mores : quos pessima ac diuersa inter se mala, luxuriâ atque auaritia uexabant. Res ipsa hortari uidetur, quoniam de moribus ciuitatis tempus admonuit, supra repetere, ac paucis instituta maiorum domi, militiaq;, quo modo reip. habuerint, quantamq; reliquerint, utq;, paulatim immutata, ex pulcherrima et optima pessima ac flagitiosissima facta sit, differere. Urbem Romam, sicuti ego accipi, condidere, atque habuere initio Troiani; qui, Aenea duce, profugi, incertis sedibus uagabantur; cumq; his Aborigines, genus hominum agreste, sine legibus, sine imperio, liberum atque solutum. hi postquam in una mœnia conuenere, dispari genere, dissimili lingua, alius alio more uiuentes; incredibile memoratu est, quàm facile coaluerint. sed, postquam res eorum ciuibus, moribus, agris aucta, satis prospera, satisq; pollens uidebatur; sicuti pleraque mortalium habentur, inuidia ex opulentia orta est. igitur reges, populiq; finitimi bello tentare : pauci ex

amicis auxilio esse . nam ceteri , metu perculsi , à periculis aberant . at Romani , domi , militiaq̃ intenti , festinare , parare ; alius alium hortari ; hostibus obuiam ire ; libertatem , patriam , parentesq̃ armis protegere . post , ubi pericula uirtute propulerant , socijs atque amicis auxilia portabant ; magisq̃ dandis , quàm accipiendis beneficijs amicitias parabant : imperium legitimum , nomen imperii regium habebant : delecti , quibus corpus annis infirmum , ingenium sapientia ualidum erat , reip. consultabant . hi , uel ætate , uel curæ similitudine , patres appellabantur . post , ubi regium imperium , quod initio conseruandæ libertatis , atque augendæ reip. fuerat , in superbiam , dominationemq̃ se conuertit ; immutato more , annua imperia , binos imperatores sibi fecere . eo modo minime posse putabant per licentiam insoleſcere animum humanum . Sed ea tempeſtate cæpere ſe quiſque magis extollere : magisq̃ ingenium in promptu habere . nam regibus boni , quàm mali , ſuſpectiores ſunt : ſemperq̃ his aliena uirtus formidoloſa eſt . Sed ciuitas , incredibile memoratu eſt , adēpta libertate , quantum breui creuerit . tanta cupido gloriæ inceſſerat . Iamprimum iuuentus , ſimul ac belli patiens erat , in caſtris per laborem uſu militiam diſcebat : magisq̃ in decoris armis ,

& militaribus equis, quàm in scortis, atque con-
uiuus, libidinem habebant. igitur talibus uiris
non labor insolitus, non locus ullus asper, aut ar-
duus erat, non armatus hostis formidolosus: uir-
tus omnia domuerat. sed gloriæ maximum cer-
tamen inter ipsos erat. sic se quisque hostem fe-
rrire, murum ascendere, conspici, dum tale fa-
cinus faceret, properabat. eas diuitias, eam bo-
nam famam, magnamq; nobilitatem putabant.
laudis auidi, pecuniæ liberales erant. gloriam
ingentem, diuitias honestas uolebant. Memora-
re possem, quibus in locis maximas hostium co-
pias populus R. parua manu fuderit; quas ur-
bes natura munitas pugnando ceperit; ni ea res
longius nos ab incepto traheret. sed profecto
Fortuna in omni re dominatur. ea res cunctas
ex libidine magis, quàm ex uero, celebrat, ob-
scuratq;. Atheniensium res gestæ, sicuti ego exi-
stimo, satis ample, magnificæq; fuere, uerum
aliquanto minores tamen, quàm fama feruntur:
sed, quia prouenere ibi scriptorum magna inge-
nia, per terrarum orbem Atheniensium facta
pro maximis celebrantur. ita eorum, qui ea fe-
cere, uirtus tanta habetur, quantum uerbis ea
potuere extollere præclara ingenia. at populo
R. nunquam ea copia fuit: quia prudentissimus
quisque, negociosus maxime erat. ingenium ne

CONIVRATIO

mo sine corpore exercebat. optimus quisque facere, quàm dicere, sua ab alijs bene facta laudari, quàm ipse aliorum narrare, malebat. igitur domi, militiæq; boni mores colebantur. concordia maxima, minima auaritia erat. ius bonumq; apud eos non legibus magis, quàm natura, ualebat. iurgia, discordias, iras, simultates cum hostibus exercebant. ciues cum ciuibus de uirtute certabant. in supplicijs deorum magnifici, domi parci, in amicos fideles erant. duabus his artibus, audacia in bello, ubi pax euenerat, æquitate, seq; remq; publicam curabant. Quarum rerum maxima documenta hæc habeo; quòd in bello sæpius uindicatum est in eos, qui contra imperium in hostem pugnauerant, quiq; tardius reuocati prælio excesserant, quàm qui signa relinquere, aut pulsi loco cedere ausi erant; in pace uero, quòd beneficijs magis, quàm metu, imperium agitabant, & accepta iniuria, ignoscere, quàm persequi, malebant. sed, ubi labore atque iustitia resp. creuit; reges magni bello domiti; nationes ferae, & populi ingentes ui subacti; Carthago, æmula imperij Romani, à stirpe interiit; cuncta maria, terræq; patebant: sequi fortuna, ac miscere omnia cæpit. qui labores, pericula, dubias, atque asperas res facile tolerauerant, ijs ocium, diuitiæ, optan-
de

de alijs , oneri miseriæq; fuere . igitur primo pe-
cuniæ , deinde imperij cupido creuit . ea quasi ma-
teries omnium malorum fuere . nanque auaritia
fidem , probitatem , ceterasq; artes bonas sub-
uertit ; pro his superbiam , crudelitatem , deos
negligere , omnia uenalia habere , edocuit : am-
bitio multos mortales falsos fieri subegit ; aliud
clausum in pectore , aliud promptum in lingua
habere ; amicitias , inimicitiasq; non ex re ,
 sed ex commodo æstimare ; magisq; uultum , *Concupiscentia*
 quàm ingenium , bonum habere . hæc primo pau- *ambitio*
 latim crescere , interdum uindicari . post , ubi *et auaritia*
 contagio , quasi pestilentia , inuasit ; ciuitas
 immutata ; imperium ex iustissimo , atque op-
 timo , crudele , intolerandumq; factum . Sed
 primo magis ambitio , quàm auaritia , ani-
 mos hominum exercebat : quod tamen uitium
 propius uirtuti erat . nam gloriam , honorem ,
 imperium , bonus , & ignauus æque sibi exo-
 ptant . sed ille uera uia nititur : huic quia bo-
 nae artes desunt , dolis atque fallacijs contendit .
 auaritia pecuniæ studium habet : quam nemo
 sapiens concupiscit . ea quasi uenenis malis im-
 buta , corpus animumq; uirilem effeminat ; sem-
 per infinita , insatiabilis est ; neque copia , ne-
 que inopia minuitur . Sed , postquam L. Sylla
 armis recepta rep. bonis imitijs malos euentus ha-
 buit ,

buit; rapere omnes, trahere; domum alius,
 alius agros cupere; neque modum, neque mod-
 stiam uictores habere; fœda, crudeliaq; in cie-
 ues facinora facere. huc accedebat, quod L.
 Sylla exercitum, quem in Asia ductauerat,
 quo sibi fidum faceret, contra morem maio-
 rum luxuriose, nimisq; liberaliter habuerat. lo-
 ca amœna, uoluptaria, facile in ocio feroces
 militum animos molliuerant. ibi primum insue-
 uit exercitus populi R. amare; potare, signa,
 tabulas pictas, uasa cœlata mirari, ea priua-
 tim ac publice rapere, delubra spoliare, sacra,
 profanaq; omnia polluere. Igitur hi milites,
 postquam uictoriam adepti sunt, nihil reliqui
 uictis fecere. quippe secundæ res sapientium
 animos fatigant: nedum illi, corruptis mori-
 bus, uictoriæ temperarent. postquam diuitie
 honori esse cœperunt, & eas gloria, imperium,
 potentia sequebatur: hebescere uirtus, pau-
 pertas probro haberi, innocentia pro maleuo-
 lentia duci cœpit. igitur ex diuitijs iuuentu-
 tem luxuria, atque auaritia cum superbia inua-
 sere. rapere, consumere; sua parui pendere,
 aliena cupere; pudorem, pudicitiam, diuina,
 atque humana promiscua; nil pensi, neque mo-
 derati habere. operæpretium est, cum domos
 atque uillas cognoueris, in urbium modum ædi-
 ficatas,

ficatas, uisere templa deorum, quæ nostri maiores, religiosissimi mortales, fecere. uerum illi delubra deorum pietate, domos suas gloria decorabant, neque uictis quidquam, præter iniuriæ licentiam, eripiebant. at hi contra, ignauissimi homines, per summum scelus omnia ea socijs adimere, quæ fortissimi uiri uictores reliquerunt: proinde quasi, iniuriam facere, id demum esset imperio uti. nam quid ea memorem, quæ, nisi ijs, qui uidere, nemini credibilia sunt; à priuatis compluribus subuersos montes, maria constructa esse? quibus mihi ludibrio uidentur fuisse diuitiæ. quippe, quas honeste habere licebat, per turpitudinem abuti properabant. Sed libido stupri, ganæ, ceteriq; cultus non minor inceserat. uiri patimuliebria: mulieres puditiciam in propatulo habere: uescendi causa, terra, mariq; omnia exquirere: dormire prius, quàm somni cupido esset: non famem, non sitim, neque frigus, neque lassitudinem opperiri, sed ea omnia luxu ante capere. hæc iuuentutem, ubi familiares opes defecerant, ad facinora incendebant. animus imbutus malis artibus, haud facile libidinibus carebat. eo profusus omnibus modis quæstui, atque sumptui deditus erat. In tanta, tamq; corrupta ciuitate, Catilina, id quod fa-

ctu

CONIVRATIO

ctu facillimum erat, omnium flagitiorum, atque facinorum circum se, tanquam stipatorum, cateruas habebat. nam, quicumque impudicus, adulter, ganeo, uentre, manu, pene bona patria dissipauerat; quiq; alienum æs grande conflauerat, quo flagitium aut facinus redimeret; præterea, omnes undique paricidæ, sacrilegi, conuicti iudiciis, aut pro factis iudicium timentes; ad hoc, quos manus, atque lingua, periurio, aut civili sanguine alebat; postremo, omnes, quos flagitium, egestas, conscius animus exagitabat, hi Catilinæ proximi, familiaresq; erant. quod si quis etiam à culpa uacuus in amicitiam eius inciderat; quotidiano usu, atque illecebris, facile par, similisq; ceteris efficiebatur. sed maxime adolescentium familiaritates appetebat. eorum animi molles, & ætate fluxi, dolis haud difficulter capiebantur. nam, ut cuiusque studium ex ætate flagrabat, alijs scorta præbere, aliis canes, atque equos mercari, postremo neque sumptui, neque modestiæ suæ parcere, dum illos obnoxios, fidosq; sibi faceret. Scio fuisse non nullos, qui ita existimarent; inuentutem, quæ domum Catilinæ frequentabat, parum honeste pudicitiam habuisse. sed ex alijs rebus magis, quàm quod cuiquam id compertum foret, hæc fama ualebat. Iam
primum

primum adolescens Catilina multa nefanda stupra fecerat cum uirgine nobili, cum sacerdote Vestæ, & alia huiusmodi contra ius, fasq; postremo, captus amore Aureliæ Orestillæ, cuius, præter formam, nihil unquam bonus laudauit; quod ea nubere illi dubitabat, timens priuignum adultum ætate; pro certo creditur, necato filio, uacuam domum scelestis nuptiis fecisse. quæ quidem res mihi in primis uidetur causa fuisse facinoris maturandi. nanque animus impurus, diis, hominibusq; infestus, neque uigiliis, neque quietibus sedari poterat: ita conscientia mentem excitam uastabat. igitur color eius exanguis, fædi oculi, citus modo, modo tardus incessus: prorsus in facie, uultuq; uecordia inerat. Sed iuuentutem, quam, ut supra diximus, illexerat, multis modis mala facinora edocebat. ex illis testes, signatores falsos commodare; fidem, fortunas, pericula uilia habere. post, ubi eorum famam, atque pudorem attriuerat, maiora alia imperabat. si causa peccandi in præsens minus suppetebat; nihilo minus infontes, sicuti fontes, circumuenire, iugulare. scilicet, ne per ocium torpescerent manus, aut animus, gratuito potius malus, atque crudelis erat. His amicis, socijsq; confisus Catilina; simul, quod æs alienum per omnes terras ingens

CONIVRATIO

ingens erat; & quòd plerique Syllani milites, largius suo usi, rapinarum & uictoriæ ueteris memores, ciuile bellum exoptabant; opprimendæ reip. consilium cepit. in Italia nullus exercitus: Cn. Pompeius in extremis terris bellum gerebat: ipsi consulatum petendi magna spes: senatus nihil sane intentus: tutæ, tranquillæq; res omnes. sed ea prorsus opportuna Catilinæ erant. igitur circiter cal. Iun., L. Cæsare, & C. Figulo cos. primo singulos appellare; hortari alios; alios tentare; opes suas, imparatam remp. magna præmia coniurationis docere. ubi satis explorata sunt, quæ uoluit; in unum omnes conuocat, quibus maxima necessitudo, & plurimum audaciæ inerat. eò conuenere senatorij ordinis P. Lentulus Sura, P. Autronius, L. Cassius Longinus, C. Cethegus, P. & Ser. Syllæ, Ser. filij, L. Vargunteius, Q. Annius, M. Porcius Lecca, L. Bestia, Q. Curius; præterea, ex equestri ordine, M. Fuluius Nobilior, L. Statilius, P. Gabinus Capito, C. Cornelius; ad hoc, multi ex colonijs & municipijs, domi nobiles. erant præterea complures paulo occultius consilij huiusce participes nobiles: quos magis dominationis spes hortabatur, quàm inopia, aut alia necessitudo. ceterum iuuentus pleuraque, sed maxime nobilium, Catilinæ inceptis fauebat.

fauebat . quibus in ocio uel magnifice , uel mol-
liter uiuere copia erat , incerta pro certis , bel-
lum , quàm pacem , malebant . fuere item ea
tempestate , qui crederent , M. Licinium Cras-
sum non ignarum eius consilij fuisse : quia Cn.
Pompeius , inuisus ipsi , magnū exercitum du-
ctabat , cuiusuis opes uoluisset contra illius poten-
tiam crescere : simul confisum , si coniuratio ua-
luisset , facile apud eos se principem fore . Sed
antea item coniurauere pauci contra remp. in
quibus Catilina fuit . de qua , quàm uerissime
potero , dicam . L. Tullio , M. Lepido cos. P.
Autronius , & P. Sylla , designati consules , le-
gibus ambitus interrogati , pœnas dederant .
post paulo Catilina , pecuniarum repetundarum
reus , prohibitus erat petere consulatum ; quòd
intra legitimos dies profiteri nequiuert . erat
eodem tempore Cn. Piso , adolescens nobilis , *Piso .*
summæ audaciæ , egens , factiosus : quem ad
perturbandam remp. inopia , atque mali mores
stimulabant . cum hoc Catilina , & Autronius ,
circiter nonas Dec. consilio communicato , pa-
rabant in Capitolio calendis Ian . L. Torqua-
tum , & L. Cottam cos. interficere ; ipsi , fasci-
bus correptis , Pisonem cum exercitu ad obti-
nendis duas Hispanias mittere . ea re cognita ,
rursus in nonas Febr. consilium cædis transtule-
runt .

CONIVRATIO

runt . iam tum non consulibus modo , sed ple-
risque senatoribus perniciem machinabantur .
quòd ni Catilina maturasset pro curia signum
socijs dare : eo die , post conditam urbem Ro-
mam , pessimum facinus patratum foret . quia
nondum frequentes armati conuenerant ; ea res
consilium diremit . Postea Piso in citeriorem Hi-
spaniam quæstor pro prætore missus est , adniten-
te Crasso ; quòd eum infestum inimicum Cn.
Pompeio cognouerat . neque tamen senatus pro
uinciam inuitus dederat . quippe fædum homi-
nem à rep. procul esse uolebat : simul , quia bo-
ni complures præsidium in eo putabant ; & iam
tum potentia Cn. Pompeij formidolosa erat . sed
is Piso , in provinciam iter faciens , ab equiti-
bus Hispanis , quos in exercitu ductabat , occisus
est . sunt qui ita dicunt , imperia eius iniusta , su-
perba , crudelia barbaros nequiuisse pati : alij
autem , equites illos , Cn. Pompeij ueteres , fi-
dosq; clientes , uoluntate eius Pisonem aggres-
sos : nunquam Hispanos præterea tale facinus
fecisse , sed imperia sæua multo antea perpeffos .
nos eam rem in medio relinquemus . De supe-
riori coniuratione satis est dictum . Catilina ,
ubi eos , quos paulo ante memorauimus , conuenis-
se uidet ; tametsi cum singulis multa sæpe ege-
rat ; tamen , in rem fore credens uniuersos ap-
pellare ,

pellare, & cohortari, in ablitam partem edi-
 um secedit; atque ibi, omnibus arbitris procul
 amotis, orationem huiusmodi habuit. Nisi *Catiline*
 uirtus atque fides uestra satis spectata mihi fo- *ap. min. la*
 ret: nequicquam opportuna res cecidisset: spes *cy. conf. h.*
 magna, dominatio in manibus frustra fuissent:
 neque ego, per ignauiam, aut uana ingenia, in-
 certa pro certis captarem, sed, quia multis, &
 magnis tempestatibus uos cognoui fortes, fi-
 dosq; mihi; eo animus ausus est maximum, at-
 que pulcherrimum facinus incipere; simul, quia
 uobis eadem, quæ mihi, bona, malaq; esse in-
 tellexi. nam, idem uelle, atque idem nolle, ea
demum firma amicitia est. Sed ego, quæ men-
 te agitari, omnes iam antea diuersi audistis.
 ceterum mihi in dies magis animus accenditur,
 cum considero, quæ conditio uitæ futura sit, ni
 si nosmet ipsos uindicamus in libertatem. nam,
postquam resp. in paucorum potentium ius, at-
que ditionem concessit: semper illis reges, te-
trarchæ uectigales esse: populi, nationes, sti-
pendia pendere: ceteri omnes, strenui, boni,
nobiles, atque ignobiles, uulgus fuimus, sine
gratia, sine auctoritate, his obnoxij, quibus, si
resp. ualeret, formidini essemus. itaque omnis
 gratia, potentia, honos, diuitie apud illos sunt,
 aut ubi illi uolunt: nobis reliquerunt pericula,
 C repulsas,

repulsas, iudicia, egestatem. quæ quousque tandem patiementini ò fortissimi uiri? non ne emori per uirtutem præstat, quàm uitam miseram, at que inhonestam, ubi aliene superbie ludibrio fueris, per dedecus amittere? uerum enim uero, proh Deum atque hominum fidem, uictoria in manu nobis est. uiget ætas: animus ualet. contra illis, annis, atque diuitijs, omnia consenserunt. tantummodo incepto opus est: cetera res expediet. etenim quis mortalium, cui uirile ingenium est, tolerare potest, illis diuitias superare, quas profundant in extruendo mari, & montibus coequandis, nobis rem familiarem etiam ad necessaria decesse? illos binas, aut amplius domos continuare, nobis larem familiarem nusquam ullum esse? cum tabulas, signa, toreumata emunt; noua diruunt, alia ædificant; postremo omnibus modis pecuniam trahunt, uexant; tamen summa libidine diuitias suas uincere nequeunt. at nobis est domi inopia, foris æs alienum, mala res, spes multo asperior. denique quid reliqui habemus, præter miseram animam? Quin igitur expergiscimini? en illa, illa, quam sæpe optastis, libertas, præterea diuitie, decus, gloria in oculis sita sunt. fortuna ea omnia uictoribus præmia posuit. res, tempus, pericula, egestas, belli spolia magnifica, magis,

magis, quàm oratio mea, uos hortentur. uel imperatore, uel milite me utimini. neque animus, neque corpus à uobis aberit. hæc ipsa, ut spero, uobiscum una consul agam: nisi forte me animus fallit; & uos seruire magis, quàm imperare, parati estis. Postquam accepere ea homines, quibus mala omnia abunde erant, sed neque res, neque spes bona ulla: tametsi illis, quicquid mouere, magna merces uidebatur; tamen postulauere plerique, ut proponeret, quæ conditio belli foret; quæ præmia armis peterent; quid ubique opis, aut spei haberent. Tum Catilina polliceri tabulas nouas, proscriptionem locupletum, magistratus, sacerdotia, rapinas, aliaq; omnia, quæ bellum, atque libido uictorum fert: præterea, esse in Hispania citeriore Pisonem, in Mauritania cum exercitu P. Sittium Nucerinum, consilij sui participes: petere consulatum C. Antonium, quem sibi collegam fore speraret, hominem & familiarem, et omnibus necessitudinibus circumuentum: cum eo consule se initium agendi belli facturum. ad hæc maledictis increpabat omnes bonos: suorum unumquenque nominans laudare. admonere alium egestatis, alium cupiditatis suæ, complures periculi, aut ignominie, multos Syllanæ uictorie, quibus ea præda fuerat. Postquam

omnium animos alacres uidet; cohortatus, ut petitionem suam curæ haberent, conuentum dimisit. Fuere ea tempestate, qui dicerent, Catilinam, oratione habita, cum ad iusiurandum populares sceleris sui addiceret, humani corporis sanguinem uino permixtum in pateris circumtulisse; inde, cum post execrationem omnes degustauissent, sicuti in solennibus sacris fieri consuevit; aperuisse consilium suum, atque eo dictare fecisse, quo inter se magis fidi forent, alius alij tanti facinoris conscij. non nulli ficta & hæc, & multa præterea existimabant ab iis, qui Ciceronis inuidiam, quæ postea orta est, leniri credebant atrocitate sceleris eorum, qui pænas dederant. nobis ea res pro magnitudine parum comperta est. Sed in ea coniuratione fuit

Q. Curius, natus haud obscuro loco, flagitijs atque facinoribus coopertus: quem senatu censores probri gratia amouerant. huic homini non minor uanitas, quàm audacia, inerat. neque reticere, quæ audierat, neque suamet ipse scelera occultare, prorsus neque dicere, neque facere, quidquam pensi habebat. erat ei cum Fulvia, muliere nobili, stupri uetus consuetudo: cui cum minus gratus esset, quòd inopia minus largiri poterat; repente glorians maria, montesq; polliceri cæpit; & minari interdum ferro, nisi

*Q. Curius.
Detectio
conjur.
Fulvia*

ro , nisi obnoxia foret ; postremo , ferocius agitare , quàm solitus erat . at Fulvia , ex insolentia Curij causa cognita , tale periculum reip. haud occultum habuit ; sed , sublato auctore , de Catilinæ coniuratione , quæ & quo modo audierat , compluribus narrauit . ea res in primis studia hominum accendit ad consulatum mandandum M. Tullio Ciceroni . nanque antea pleraque nobilitas inuidia æstuabat , & quasi pollui consulatum credebat , si eum , quamuis egregius , homo nouus adeptus foret . sed , ubi periculum aduenit , inuidia , atque superbia post fue-
re . Igitur , comitijs habitis , consules declarantur M. Tullius , & C. Antonius . quod factum primo populares coniurationis concusserat . neque tamen Catilinæ furor minuebatur ; sed in dies plura agitare ; arma per Italiam locis opportunis parare ; pecuniam , sua , aut amicorum fide sumptam . mutuatam , Fesulas ad Manlium quendam portare ; qui postea princeps fuit belli faciundi . Ea tempestate plurimos cuiusque generis homines asciuisse sibi dicitur , mulieres aliquot etiam ; quæ primo ingentes sumptus stupro corporis tolerauerant , post , ubi ætas tantummodo quæstui , neque luxuriæ modum fecerat , æs alienum grande conflauerant . per eas se Catilina credebat posse seruitia urbana solici

*Mulieres
 etiam in
 conspectum
 astitisse Ciceronem.*

tare, urbem incendere, uiros earum uel adiungere
Sempronia re sibi, uel interficere. sed in his erat Sempronia;
 quæ multa sæpe uirilis audaciæ facinora commi-
 serat. hæc mulier genere, atque forma, præterea
 uiro, ac liberis, satis fortunata fuit; literis græ-
 cis & latinis docta; psallere, & saltare elegan-
 tius, quàm necesse est probæ: multa alia, quæ in-
strumēta luxuriæ sunt. sed ei semper cariora om-
 nia, quàm decus, atque pudicitia fuit. pecuniæ,
 an famæ, minus parceret, haud facile discerne-
 res. libidine sic accensa, ut sæpius peteret uiros,
quàm peteretur. sed ea sæpe antehac fidem pro-
 diderat, creditū abiurauerat, cadis conscia fue-
 rat, luxuria atque inopia præcepta abierat. ue-
 rum ingenium eius haud absurdum, posse uersus
 facere, iocum mouere, sermone ut uel modesto,
 uel molli, uel procaci. prorsus multæ facetiæ, mul-
 tusq; lepos inerat. His rebus comparatis, Catili-
 na nihilo minus in proximum annū consulatum
 petebat, sperans, si designatus foret, facile se ex
 uoluntate Antonio usurum. neque interea quie-
 tus erat, sed omnibus modis insidias parabat Ci-
 ceroni. neque illi tamen ad cauendum dolus, aut
 astutiæ deerant. nanque à principio consulatus
 sui, multa per Fuluiam pollicendo, effecerat, ut
 Q. Curius, de quo paulo ante memorauimus, consi-
 lia Catilinæ sibi proderet. ad hoc, collegam suū
 Antonium

Antonium pactione provinciae perpulerat, ne cōtra remp. sentiret: circum se praesidia amicorum, atque clientium occulte habebat. Postquam dies comitiorum uenit; & Catilinae neque petitio, neque insidiae, quas consuli fecerat, prospere cessere: constituit bellum facere, & extrema omnia experiri; quoniam, quae occulte tentauerat, aspera, fœdaq; euenerant. Igitur C. Manlium Fesulas, atque in eam partem Hetruriae, Septimium quendam Camertem in agrum Picenum, C. Iulium in Appuliam dimisit, praeterea alium aliò, quem ubique opportunum sibi fore credebat. interea Romae multa simul moliri: consuli insidias tendere: parare incendia: opportuna loca armatis hominibus obsidere: ipse cum telo esse: item alios iubere: hortari, uti semper intenti, paratq; essent: dies, noctesq; festinare: uigilare: neque insomnia, neque labore fatigari. postremo, ubi multa agitati nihil procedit, rursus intempesta nocte coniurationis principes conuocat per M. Porcium Laecam: ibiq; multa de ignauia eorum questus, docet se Manlium praemississe ad eam multitudinem, quam ad capiendam arma parauerat; item alios in alia loca opportuna, qui initium belli facerent; seq; ad exercitum proficisci cupere, si prius Ciceronem oppressisset: eum suis consilijs multum officere.

Igitur, perterritis ac dubitantibus ceteris, C. Cornelius, eques Romanus, operam suam pollicitus, & cum eo L. Vargunteius senator, constituere ea nocte paulo post cum armatis hominibus, sicuti salutatum, introire ad Ciceronem, ac de improviso domi suae imparatum confodere. Curius, ubi intelligit, quantum periculum consuli impendeat, propere per Fulviam Ciceroni dolum, qui parabatur, enunciat. Ita illi ianua prohibiti, tantum facinus frustra susceperant. Interea Manlius in Etruria plebem sollicitare, egestate simul, ac dolore iniuriarum rerum cupidam; quod, Syllae dominatione, agros, bonaque omnia amiserat; praeterea, latrones cuiusque generis, quorum in ea regione magna copia erat, non nullos ex Syllanis colonis, quibus libido, atque luxuria ex magnis rapinis nihil reliqui fecerant. ea cum Ciceroni nunciarentur; ancipiti malo permotus, quod neque urbem ab insidijs privato consilio longius tueri poterat, neque, exercitus Manlij quantus, aut quo consilio foret, satis comperit habebat, rem ad senatum refert, iam antea vulgi rumoribus exagitatam. itaque, quod plerumque in atroci negotio solet, senatus decrevit, ut darent operam consules, ne quid respublicae detrimenti caperet. ea potestas per senatum
more

more Romano magistratui maxima permittitur, exercitum parare, bellum gerere, coercere omnibus modis socios, atque ciues: domi militiæq; imperium, atque iudicium summum habere. aliter, sine populi iussu, nulli earum rerum consuli ius est. Post paucos dies L. Senius senator in senatu literas recitauit, quas Fesulis allatas sibi dicebat: in quibus scriptum erat, C. Manlium arma cepisse, cum magna multitudine, ante diem VI. cal. Nou. simul, id quod in tali re solet, alij portenta, atque prodigia nunciabant: alij, conuentus fieri, arma portari, Capuæ, atque in Appulia seruile bellum moueri. igitur senatus decreto Q. Marcius Rex Fesulas, Q. Metellus Creticus in Appuliam, circumq; ea loca missi sunt. hi utrique ad urbem imperatores erant, impediti, ne triumpharent, calumnia paucorum; quibus omnia honesta, atque inhonesta uendere mos erat. sed prætores Q. Pompeius Rufus Capuam, Q. Metellus Celer in agrum Picenum: hisq; permissum, uti pro tempore, atque periculo exercitum compararent. ad hoc, si quis indicasset de coniuratione, quæ contra remp. facta erat, premium, seruo libertatem, HS centum, libero impunitatem eius rei, & HS ducenta millia. itemq; decreuere, uti gladiatoria fami-
lix

*Derisus
Plautus
rij.*

liæ Capuam, & in cetera municipia distribue-
rentur pro cuiusque opibus, Romæ per totam
urbem uigiliæ haberentur, eisq; minores magi-
stratus præessent. Quibus rebus permota ciui-
tas, atque immutata facies urbis erat: ex sum-
ma letitia, atque lasciuia, quæ diuturna quies
pepererat, repente omnes tristitia inuasit. festi-
nare, trepidare: neque loco, neque homini cui-
quam satis credere: neque bellum gerere, ne-
que pacem habere: suo quisque metu pericula
metiri. ad hoc, mulieres, quibus pro reip. ma-
gnitudine belli timor insolitus inceserat, affli-
ctare sese: manus supplices ad cælum tendere:
miserari paruos liberos: rogitare: omnia paue-
re: superbia atque delicijs omissis, sibi, patriæq;
diffidere. At Catilinæ crudelis animus eadem il-
la monebat: tametsi præsidia parabantur; &
ipse lege Plautia interrogatus erat ab L. Paul-
lo. postremo, dissimulandi causa, & quasi sui
expurgandi, sicuti iurgio laceffitus foret, in se-
natum uenit. tum M. Tullius consul, siue præ-
sentiam eius timens, siue ira commotus, oratio-
nem habuit luculentā, atque utilem reip. quam
postea scriptam edidit. sed, ubi ille assedit, Ca-
tilina, ut erat paratus ad dissimulanda omnia,
demisso uultu, uocē supplici, postulare à patri-
bus cœpit, ne quid de se temere crederent: ea
familia

familia ortum , ita se ab adolescentia uitam instituisse , ut omnia bona in spe haberēt : neque existimarent , sibi , patricio homini , cuius ipsius atque maiorum plurima bēnēficia in plebem R. essent ; perdita rep. opus esse ; cum eam seruaret M. Tullius , inquilinus ciuis urbis Romæ . Ad hæc maledicta alia cum adderet ; obstrepere omnes , hostem , atque paricidam uocare . tum ille furibundus , Quoniam quidem circumuentus ; inquit , ab inimicis præceps agor ; incendium meum ruina restinguam . Deinde se ex curia domum proripuit . ibi multa secum ipse uolens , quod neque insidiæ consuli procedebant , & ab incendio intelligebat urbem uigilijs munitam , optimum factu credens exercitum augere , ac prius , quàm legiones scriberentur , multa ante capere , quæ bello usui forent , nocte intempesta cum paucis in Manliana castra profectus est . sed Cethego , atque Lentulo , ceterisq̃ ; quorum cognouerat promptam audaciām , mandat , quibus rebus possent , opes factionis confirmant ; insidias consuli maturent ; eadem , incendia , aliaq̃ ; belli facinora parent : sese propediem cum magno exercitu ad urbem accessurum . Dum hæc Romæ geruntur , C. Manlius ex suo numero legatos ad Q. Marcium regem mittit cum mandatis huiusmodi . Deos , hominesq̃ ;
testamur ,

testamur, imperator, nos arma neque contra patriam cepisse, neque quo periculum alijs faceremus, sed uti corpora nostra ab iniuria tuta forent: qui miseri, egentes, uiolentia, atque crudelitate fœneratorum plerique patria, sed omnes fama, atque fortunis expertes sumus: neque cuiquam nostrum licuit, more maiorum, lege uti, neque, amisso patrimonio, corpus liberum habere: tanta sœuitia fœneratorum, atque prætoris fuit. sæpe maiores nostri miserti plebis R. decretis suis, inopiæ eius opitulati sunt: ac nouissime, memoria nostra, propter magnitudinem æris alieni, uolentibus omnibus bonis, argentum ære solutum est. sæpe ipsa plebs aut dominandi studio permota, aut superbia magistratuum armata, à patribus secessit. at nos non imperium, neque diuitias petimus; quarum rerum causa, bella, atque certamina omnia inter mortales sunt; sed libertatem; quam nemo bonus, nisi cum anima simul, amittit. te, atque senatum obtestamur; consulatis miseris ciuibus; legis præsidium; quod iniquitas prætoris eripuit, restituatis; ne ne nobis eam necessitudinem imponatis, ut queramus, quonam modo maxime, ulti sanguinem nostrum, pereamus. Ad hæc Q. Marcius respondit: si quid à senatu petere uellent, ab armis discedant, Romam supplices

ces proficiscantur : ea misericordia , ac mansuetudine senatum , & populum R. semper fuisse , ut nemo unquam ab eo frustra auxilium petierit . At Catilina ex itinere plerisque consularibus , præterea optimo cuique literas mittit : se , falsis criminibus circumuentum , quoniam factioni inimicorum resistere nequiverit , fortunæ cedere , Massiliam in exilium proficisci : non quo sibi tanti sceleris conscius esset ; sed uti respublica foret ; ne ue ex sua contentione seditio oriretur . Ab his longe diuersas literas Q. Catulus in senatu recitauit ; quas sibi nomine Catilinæ redditas dicebat . earum exemplum infra scriptum est .

L. C A T I L I N A Q.
CATVLO. S.

EGREGIA tua fides , re cognita , grata mihi , magnis in meis periculis , fiduciam commendationi meæ tribuit . quamobrem defensionem in nouo consilio non statui parare : satisfactionem ex nulla conscientia de culpa proponere decreui : quam mediufidius licet ueram cognoscas . Iniurijs contumelijsq; concitatus , quòd fructu laboris , industrieq; meæ priuatus , statum dignitatis non obtinebam , publicam miserorum causam

*causa pro mea consuetudine suscepi: non, quin
 æs alienum meis nominibus ex possessionibus sol
 uere possem; cum & alijs nominibus liberalitas
 Aureliæ Orestillæ, suis, filiaeq; copijs persoluere
 ret: sed, quod non dignos homines honore ho
 nestatos uidebam; meq; falsa suspitione aliena
 tum esse sentiebam. hoc nomine satis honestas
 pro meo casu spes reliquæ dignitatis conseruan
 dæ sum secutus. Plura cum scribere uellem, nun
 ciatum est mihi uim parari. nunc Orestillam ti
 bi commendo, tuæq; fidei trado. eam ab iniuria
 defendas, per liberos tuos rogatus, aucto. Sed
 ipse, paucos dies commoratus apud C. Flami
 nium in agro Rheatino, dum ciuitatem antea so
 licitatam armis exornat, cum fascibus atque a
 lijs imperij insignibus in castra ad Manlium con
 tendit. Hæc ubi Romæ comperta sunt; senatus
 Catilinam & Manlium hostes iudicat; ceteræ
 multitudini diem statuit, ante quam liceret sine
 fraude ab armis discedere, præter rerum capi
 talium condemnatis. præterea, decernit, uti
 consules delectum habeant; Antonius cum exer
 citu Catilinam persequi maturet; Cicero urbi
 præsidio sit. Ea tempestate mihi imperium po
 puli R. multo maxime miserabile uisum est: cui
 cum ad occasum ab ortu solis omnia domita ar
 mis parerent; domi ocium, atque diuitie, quæ
 prima*

prima mortales putant, affluerent; fuere tamen ciues, qui seq; , remq; publicam obstinatis animis perditum irent. nanque duobus senatus decretis, ex tanta multitudine neque præmio inductus coniurationem patefecerat, neque ex castris Catilinæ quisquam omnium discesserat. tanta uis morbi, atque uti tabes plerosque ciuium animos inuaserat. neque solum illis aliena mens erat, qui conscii coniurationis fuerant; sed omnino cuncta plebs, nouarum rerum studio, Catilinæ incepta probabat. id adeo more suo uidebatur facere. nam semper in ciuitate, quibus opes nullæ sunt, bonis inuident, malos extollunt; uetera odere, noua exoptant; odio suarum rerum mutari omnia student; turba atque seditionibus sine cura aluntur; quoniam egestas facile habetur sine damno, sed urbana plebs ea uero præceps erat multis de causis. primum omnium, qui ubique probro, atque petulantia maxime præstabant, item alij, qui per dedecora, patrimonij amissis, postremo omnes, quos flagitium, aut facinus domo expulerat, hi Romam, sicuti in sentinam, confluxerant. deinde multi, memores Syllanæ uictoriæ, quod ex gregarijs militibus alios senatores uidebant, alios ita diuites, ut regio uictu, atque cultu etatem agerent, sibi quisque, si uictoria in armis foret,
taliam

talia sperabat. præterea, iuuentus, quæ in agris
 manuum mercede inopiam tolerauerat, priua-
 tis, atq; publicis largitionibus excita, urbanum
 ocium ingrato labori prætulerat. eos, atque
 alios omnes malum publicum alebat. quo mi-
 nus mirandum est, homines egentes, malis mo-
 ribus, maxima spe, reip. iuxta ac sibi consuluis-
 se. præterea, quorum, uictoria Syllæ, parentes
 proscripti, bona erepta, ius libertatis imminu-
 tum erat, haud sane alio animo belli euentum
 expectabant. ad hoc, quicumque aliarum, atque
 senatus, partium erant, conturbari remp. quàm
 minus ualere ipsi, malebant. id adeo malum mul-
 tos post annos in ciuitatem reuerterat. nam,
 postquam Cn. Pompeio, & M. Crasso cos. tri-
 bunicia potestas restituta est; homines adolescen-
 tes, summam potestatem naçti, quibus ætas, ani-
 musq; ferox erat, cæpere, senatum criminan-
 do, plebem exagitare; deinde, largiendo, at-
 que pollicitando, magis incendere; ita ipsi cla-
 ri, potentesq; fieri. contra eos summa ope nite-
 batur pleraque nobilitas senatus, sub specie reip.
 pro sua magnitudine. nanque, uti paucis uerum
 absoluam, per illa tempora quicumque remp.
 agitauere, honestis nominibus, alij, sicuti iura
populi defenderent, pars, quo senatus auctori-
tas maxima foret, bonum publicum simulan-
 tes,

tes, pro sua quisque potentia certabat : neque illis modestia, neque modus contentionis erat : utique uictoriam crudeliter exercebant . sed , postquam Cn. Pompeius ad bellum maritimum, atque Mithridaticum missus est ; plebis opes imminuta ; paucorum potentia creuit . hi magistratus , provincias , aliaq ; omnia tenere : ipsi innoxij, florentes, sine metu etatem agere, ceterosq ; iudicijs terrere , quo plebem in magistratu placidius tractarent . sed , ubi primum , dubijs rebus nouandis , spes oblata est ; uetus certamen animos eorum arrexit . quod si primo praelio Catilina superior , aut aequa manu discessisset : profecto magna clades , atque calamitas reip. oppressisset : neque illis , qui uictoriam adepti forent , diutius ea uti licuisset ; quin , defessis , & exanguibus , qui plus posset , imperium , atque libertatem extorqueret . Fuerunt tamen extra coniurationem complures, qui ad Catilinam initio profecti sunt . in his erat Fuluius senatoris filius : quem retractum ex itinere parens necari iussit . Iisdem temporibus Romae Lentulus , sicuti Catilina praeceperat , quoscunque moribus , aut fortuna nouis rebus idoneos credebat , aut per se , aut per alios sollicitabat ; neque solum ciues , sed cuiusque modi genus hominum , quod modo usui bello foret . igitur P. Umbreno

C O N I U R A T I O

v. in fin.
6. ab. Jugur.
 cuidam negocium dat, uti legatos Allobrogum
 requirat, eosq; , si possit, impellat ad societa-
 tem belli, existimans publice, priuatimq; ære
 alieno oppressos; præterea, quòd natura Galli-
ca gens bellicosa esset, facile eos ad tale consi-
 lium adduci posse. Umbrenus, quòd in Gallia
 negociatus erat, plerisque principibus ciuitatū
 notus erat, atque eos nouerat. itaque sine mo-
 ra, ubi primum legatos in foro conspexit, per-
 contatus pauca de statu ciuitatis, Et quasi do-
 lens eius casum, requirere cæpit, quem exitum
 tantis malis sperarent. postquam illos uidet que-
 ri de auaritia magistratuum, accusare senatum,
 quòd in eo auxilij nihil esset; miserjs suis reme-
 dium mortem expectare: At ego, inquit, uo-
 bis, si modo uiri esse uultis, rationem ostendam,
 qua tanta mala ista effugiatis. Hæc ubi dixit;
 Allobroges, in maximam spem adducti, Um-
 brenum orare, ut sui miseretur: nihil tam a-
 sperum, neque tam difficile esse, quod non cupi-
 diffime facturi essent; dum ea res ciuitatem ære
 alieno liberaret. ille eos in domum D. Bruti
 perducit; quòd foro propinqua erat, neque alie-
 na consilij propter Semproniam. nam tum Bru-
 tus Roma aberat. præterea Gabinium accersit;
 quo maior auctoritas sermoni inesset. eo præsen-
 te coniurationem aperit: nominat socios, præ-
terea

terea multos cuiusque generis innoxios ; quo legatis animus amplior esset : deinde eos , pollicitos operam suam , domum dimittit . sed Allobroges diu in incerto habuere , quidnam consilii caperent . in altera parte erat *as* alienum , studium belli , magna merces in spe uictoriae . at in altera maiores opes , tuta consilia , pro incerta spe certa præmia . hæc illis uoluentibus , tandem uicit fortuna reip. itaque Q. Fabio Sanga , cuius patrocínio plurimum ciuitas utebatur , rem omnem , uti cognouerant , aperiunt . Cicero , per Sangam consilio cognito , legatis præcepit , ut studium coniurationis uehementer simulent ; ceteros adeant ; bene polliceantur ; dentq; operam , uti eos quammaxime manifestos habeant.

hæc Cic.

Iisdem fere temporibus , in Gallia citeriore , atque ulteriore , item in agro Piceno , Brutio , Appulia motus erat . nanque illi , quos ante Catilina dimiserat , inconsulte , ac ueluti per dementiam , cuncta simul agebant : nocturnis consilijs , armorum , atque telorum portationibus , festinando , agitando omnia , plus timoris , quam periculi effecerant. ex eo numero complures Q. Metellus Celer prætor , ex S. C. causa cognita , in uincula coniecerat . item in citeriore Gallia C. Murena , qui ei prouinciæ legatus præerat . At Romæ Lentulus cum ceteris , qui principes

coniurationis erant . paratis , ut uidebatur , ma-
 gnis copijs , constituerat , uti , cum Catilina in
 agrum Fesulanum cum exercitu uenisset , L. Be-
 stia tribunus pl. concione habita , quereretur de
 actionibus Ciceronis , belliq; grauissimi inuidiã
 optimo consuli imponeret ; eo signo , proxima
 nocte cetera multitudo coniurationis suum quis-
 que negociũ exequeretur . sed ea diuisa hoc mo-
 do dicebantur : Statilius et Gabinus uti cum ma-
 gna manu duodecim simul opportuna loca urbis
 incenderent ; quo tumultu facilior aditus ad con-
 sulem , ceterosq; , quibus insidia parabantur ,
 fieret : Cethegus Ciceronis ianuam obsideret ,
 eumq; ui aggrediretur , alius autem alium ; sed
 filij familiarum , quorum ex nobilitate maxima
 pars erat , parentes interficerent ; simul , cæde,
 & incendio percussis omnibus , ad Catilinam
 erumperent . Inter hæc parata , atque decreta ,
 Cethegus semper querebatur de ignauia socio-
 rum : illos , dubitando , & dies prolatando , ma-
 gnas opportunitates corrumpere : factò , nō con-
 sulto , in tali periculo opus esse : seq; , si pauci
 adiuuarent , languentibus alijs , impetum in cu-
 riam facturum . natura ferox , uehemens , ma-
 nu promptus erat : maximum bonum in celeri-
 tate putabat . Sed Allobroges ex præcepto Ci-
 ceronis per Gabinium ceteros conueniunt : ab
 Lentulo ,

Lentulo , Cethego , Statilio , item Cassio postulant insurandum , quod signatum ad ciues perferant : aliter haud facile eos ad tantum negocium impelli posse . ceteri nihil suspicantes dant . Cassius semet eò breui uenturum pollicetur , ac paulo ante legatos ex urbe proficiscitur . Lentulus cum his P. Vulturtium quendam Crotoniensem mittit : ut Allobroges , prius quàm domum pergerent , cum Catilina , data , atque accepta fide , societatem confirmarent . ipse Vulturtio literas ad Catilinam dat : quarum exemplum infra scriptum est . Qui sim , ex eò , quem ad te misi , cognosces . fac cogites , in quanta calamitate sis : & memineris , te uirum esse : consideres , quid tuæ rationes postulent : auxilium petas ab omnibus , etiam ab infimis . Ad hæc , mandata uerbis dat : cum ab senatu hostis iudicatus sit , quo consilio seruitia repudiet : in urbe parata esse , quæ iusserat : ne cunctetur ipse propius accedere . His rebus ita actis , constituta nocte , quæ proficiscerentur , Cicero , per legatos cuncta edoctus , L. Valerio Flaccò , & C. Pomptinio prætoribus imperat , ut in ponte Miluio per insidias Allobrogum comitatus deprehendant : rem omnem aperit , cuius gratia mittebantur : cetera , uti factò opus sit , ita agant , permittit illis . homines militares , sine tumultu præsi-

C O N I V R A T I O

dijs collocatis, sicuti præceptum erat, occulte
 pontem obsident. postquam ad id loci legati cum
 Vulturio uenerunt; & simul utrinque clamor
 exortus est: Galli, cito cognito consilio, sine mo-
 ra prætoribus se tradunt. Vulturio primo, co-
 hortatus ceteros, gladio se à multitudine defen-
 dit; deinde, ubi à legatis desertus est, multa
 prius de salute sua Pomptiniū obtestatus, quòd
 ei notus erat, postremo timidus, ac uitæ diffi-
 dens, uelut hostibus, sese prætoribus dedit. qui-
 bus rebus confectis, omnia propere per nuncios
 consuli declarantur. At illum ingens cura, at-
 que lætitia simul occupauere. nam lætabatur in-
 telligens, coniuratione patefacta, ciuitatem pe-
 riculis ereptam esse. porrò autem anxius erat,
 dubitans, in maximo scelere tantis ciuibus de-
prehensis, quid factò opus esset. pœnam illorum
sibi oneri, impunitatem perdundæ reip. fore cre-
 debat. igitur, confirmato animo, uocari ad sese
 iubet Lentulum, Cethegum, Statilium, Gabi-
 nium, itemq; Ceparium Terracinensem; qui in
 Appuliam ad cōcitanda seruitia proficisci para-
 bat. ceteri sine mora ueniunt: Ceparius, paulo
 ante domo egressus, cognito indicio, ex urbe
 profugerat. consul Lentulum, quòd prætor e-
 rat, ipse manu tenens in senatum perducit; reli-
 quos cum custodibus in eadem Concordiæ uenire
 iubet.

iubet . eò senatum aduocat ; magnaq; frequen-
tia eius ordinis , Vulturtium cum legatis intro-
ducit ; Flaccum prætorem scrinium cum literis ,
quas à legatis acceperat , eodem afferre iubet .
Vulturtius , interrogatus de itinere , de literis ,
postremo quid , aut qua de causa consilij habuif-
set , primo fingere , alia dissimulare de coniura-
tione ; post , ubi fide publica dicere iussus est , om-
nia , uti gesta erant , aperit ; docetq; , se pau-
cis ante diebus à Gabinio & Cepario socium ac-
citum : nihil amplius scire , quàm legatos : tan-
tummodo audire solitum ex Gabinio , P . Au-
tronium , Ser. Syllam , L. Vargunteium , mul-
tos præterea in ea coniuratione esse . eadem Gal-
li fatentur . At Lentulum dissimulantem coar-
gunnt , præter literas , sermonibus , quos ille ha-
bere solitus erat : ex libris Sibyllinis , regnum
Romæ tribus Cornelijs portendi : Cinnam , at-
que Syllam antea , se tertium esse , cui fatum fo-
ret urbis potiri : præterea , ab incenso Capito-
lio , illum esse uigesimum annum , quem sæpe ex
prodigijs aruspices respōdissent bello civili cruen-
tum fore . Igitur , perlectis literis , cum prius
omnes signa sua cognouissent , senatus decernit ,
uti , abdicato magistratu , Lentulus , itemq; ce-
teri in liberis custodijs habeantur . itaque Lentu-
lus P. Lentulo Spintheri , qui tum edilis erat ,

CONIVRATIO

Cethegus Q. Cornificio, Statilius C. Cæsari, Gabinius M. Crasso, Ceparius (nam is paulo ante ex fuga retractus erat) Cn. Terentio senatori traduntur. Interea plebs, coniuratione patrefacta, quæ primo cupida nouarum rerum nimis bello sauebat, mutata mente Catilinæ consilia execrari, Ciceronem ad cælum tollere; ueluti ex seruitute erepta, gaudium, atque lætitiā agitabat. nanque alia belli facinora prædæ magis, quàm detrimento, fore, incendium uero crudele, immoderatum, ac sibi maxime calamitosum putabat; quippe cui omnes copiæ in usu quotidianis, & cultu corporis erant. Post eum diem quidam L. Tarquinius ad senatum adductus erat: quem, ad Catilinam proficiscentem, ex itinere retractum aiebant. is cum se diceret indicaturum de coniuratione, si fides publica data esset; iussus à consule, quæ sciret, edicere, eadem fere, quæ Vulturcius, de paratis incendijs, de cæde bonorum, de itinere hostium senatum edocet: præterea, se missum à M. Crasso, qui Catilinæ nunciaret, ne eum Lentulus, & Cethegus, alijq; ex coniuratione deprehensi terrerent: eoq; magis properaret ad urbem accedere. quo & ceterorum animos reficeret; & illi facilius è periculo eriperentur. Sed, ubi Tarquinius Crassum nominauit, hominem nobilem, maximis diuitijs

uitis, summa potentia; alij rem incredibilem ra-
ti; pars, tametsi uerum existimabant, tamen,
quia in tali tempore tanta uis hominis magis le-
niunda, quam exagitanda, uidebatur, plerique
Crasso ex priuatis negocijs obnoxij, concla-
mant, indicem falsum esse; deq; ea re postu-
lant, uti referatur. itaque, consulente Cice-
rone, frequens senatus decreuit; Tarquinij
indiciu falsum uideri; eumq; in uinculis re-
tinendum; neque amplius potestatem faciun-
dam, nisi de eo indicaret, cuius consilio tan-
tam rem esset mentitus. Erant eo tempore,
qui existimarent, indicium illud à P. Autronio
machinatum; quo facilius, appellato Crasso,
per societatem periculi reliquos illius potentia
tegeret. alij, Tarquinium immissum à Cicero-
ne, aiebant; ne Crassus, more suo suscepto ma-
lorum patrociniò, remp. conturbaret. ipsum
Crassum ego postea prædicantem audiui, tan-
tam illam contumeliam sibi à Cicerone para-
tam. Sed iisdem temporibus Q. Catulus, & Cn.
Piso neque precibus, neque gratia, neque pre-
tio Ciceronem impellere potuerunt, uti per Allo-
broges, aut per alium indicem C. Cæsar falso no-
minaretur. nam uterque cum illo graues inimi-
citas exercebant; Piso, oppugnatus in iudicio
pecuniarum repetundarum, propter cuiusdam
transpada-



transpadani supplicium iniustum; Catulus, ex
petitione pontificatus odio incensus; quòd, ex-
trema etate, maximis honoribus usus, ab ado-
lescentulo Cesare uictus discesserat. res autem
opportuna uidebatur; quòd is, priuatim egregia
liberalitate, publice maximis muneribus, gran-
dem pecuniam debebat. sed, ubi consulem ad
tantum facinus impellere nequeunt, ipsi, singil-
latim circueundo, atque ementiendo quæ se ex
Vulturtio, aut Allobrogibus audisse dicerent,
magnam illi inuidiam conflauerant; usque adeo,
ut non nulli equites R. qui præsidij causa cum te-
lis erant circum ædem Concordiæ, seu periculi
magnitudine, seu animi mobilitate impulsì, quo
studium suum in remp. clarius esset, egredien-
ti ex senatu Cesari gladio minitarentur. Dum
hæc in senatu aguntur; & dum legatis Allobro-
gum, & T. Vulturtio, comprobato eorum in-
dicio, præmia decernuntur: libertini, & pau-
ci ex clientibus Lentuli, diuersis itineribus, opi-
fices, atque seruitia in uicis ad eum eripiendum
solicitabant. partim exquirebant duces multitu-
dinum, qui pretio remp. uexare soliti erant. Ce-
thegus autem per nuncios familiam, atque li-
bertos suos, electos, & exercitatos in auda-
ciam, orabat, ut, grege factò, cum telis ad se
se irrumperent. Consul, ubi ea parari cogno-
uit,

nit, dispositis praesidijs; uti res, atque tempus monebat, conuocato senatu refert, quid de ijs fieri placeat, qui in custodijs traditi erant. sed eos paulo ante frequens senatus iudicauerat contra remp. fecisse. tum D. Iunius Silanus, primus sententiam rogatus, quod eo tempore consul designatus erat, de ijs, qui in custodijs tenebantur, & praeterea de L. Cassio, P. Furio, P. Umbreno, Q. Annio, si deprehensi forent, supplicium sumendum decreuerat: isq; postea, permotus oratione C. Caesaris, pedibus in sententiam Ti. Neronis iturum se dixerat; qui de ea re, praesidijs additis, referendum censuerat. sed Caesar, ubi ad eum uentum est, rogatus sententiam a consule, huiuscemodi uerba locutus est. Omnes homines P. C. qui de rebus dubijs consultant, ab odio, amicitia, ira, atque misericordia uacuos esse decet. haud facile animus ue- Oratio
Caesaris.
rum prouidet, ubi illa officiunt: neque quisquam omnium libidini simul & usui paruit. ubi intenderis ingenium; ualet. si libido possidet; ea dominatur; animus nihil ualet. magna mihi copia est memorandi P. C. qui reges, atque populi, ira aut misericordia impuls, male consuluerint: sed ea malo dicere, quae maiores nostri contra libidinem animi sui recte, atque ordine fecere. Bello Macedonico, quod cum rege Per-
se gef-

se gessimus, Rhodiorum ciuitas, magna, atque
 magnifica, quæ populi R. opibus creuerat, infi-
 da, atque aduersa nobis fuit: sed, postquam bel-
 lo confecto, de Rhodijs consultum est; maiores
 nostri, ne quis diuitiarum magis, quàm iniuriæ,
 causa bellum inceptum diceret, impunitos eos
 dimisere. Item, bellis Punicis omnibus, cum
sepe Carthaginenses & in pace, & per indu-
cias multa nefaria facinora fecissent, nunquam
ipsi per occasionem talia fecere: magis, quod
se dignum foret, quàm quod in illos iure fieri
posset, querebant. Hoc item uobis prouiden-
 dum est P. C. ne plus apud uos ualeat P. Len-
 tuli, & ceterorum scelus, quàm uestra digni-
 tas; ne ue magis iræ uestre, quàm fame, consu-
 latis. nam si digna pœna pro factis eorum repe-
 ritur: nouum consilium approbo. sin magnitu-
 do sceleris omnium ingenia exuperat: ijs uten-
 dum censeo, quæ legibus comparata sunt. Ple-
 rique eorum, qui ante me sententias dixerunt,
 composite, atque magnifice casum reip. misera-
 ti sunt: quæ belli seuitia esset, quæ uictis accide-
 rent, enumerauere: rapi uirgines, pueros: di-
 uelli liberos à parentum complexu: matres fami-
 liarum pati, quæ uictoribus collibuissent: fama,
 atque domos spoliari: cædem, incendia fieri: po-
 stremo armis, cadaueribus, cruore, atque luctu
 omnia

Brilli scæ-
 nian.

omnia compleri: sed, per Deos immortales, quò illa oratio pertinuit? an, uti uos infestos coniurationi faceret? scilicet, quem res tanta, & tam atrox non permouit, eum oratio accendet. non ita est: neque cuiquam mortalium iniuriæ suæ parua uidentur: multi eas grauius æquo habere. sed alijs alia licentia est, P. C. qui demissi in obscuro uitam agunt, si quid iracundia deliquere; pauci sciunt; fama atque fortuna eorum pares sunt: qui, magno imperio præditi, in excelso ætatem agunt; eorum facta cuncti mortales nouere. ita in maxima fortuna minima licentia est. neque studere, neque odisse, sed minime irasci decet. quæ apud alios iracundia dicitur, ea in imperio superbia, atque crudelitas appellatur. equidem ego sic existimo P. C. omnes cruciatus minores, quàm facinora illorum, esse. sed plerique mortales postrema meminere, & in hominibus impijs, sceleris eorum obliti, de pœna disserunt, si ea paulo sænior fuerit. D. Silanum, uirum fortem, atque strenuum, certo scio, quæ dixerit, studio reip. dixisse, neque illum in tanta re gratiam, aut inimicitias exercere. eos mores, eamq; modestiam uiri cognoui. uerum sententia eius mihi non crudelis, (quid enim in tales homines crudele fieri potest?) sed aliena à rep. nostra uidetur. nam profecto aut metus,
aut

aut iniuria te subegit Silane, consulem designatum, genus pœnæ nouum decernere. de timore, superuacaneum est differere; cum presertim diligentia clarissimi uiri consulis tanta præsidia sint in armis. de pœna, possum equidem dicere id, quod res habet; in luctu, atque miserijs, mortem ærumnarum requiem, non cruciatum, esse; eam cuncta mortalium mala dissoluere; ultra neque curæ, neque gaudio locum esse. sed, per deos immortales, quamobrem in sententiam non addidisti, uti prius uerberibus in eos animaduertetur? an, quia lex Porcia uetat? at aliæ leges item condemnatis ciuibus non animam eripi, sed exilium permitti iubent. an, quia grauius est uerberari, quàm necari? quid aut acerbum, aut nimis graue est in homines tanti facinoris conuictos? sin, quia leuius est; qui conuenit in minore negocio legem timere, cum eam in maiore neglexeris? At enim quis reprehendet, quod in paricidas reip. decretum erit? tempus, dies, fortuna; cuius libido gentibus moderatur. illis merito accidet, quidquid euenerit. ceterum uos P. C. quid in alios statuatis, considerate. omnia mala exempla ex bonis initijs orta sunt; sed, ubi imperium ad ignaros ciues, aut minus bonos peruenit; nouum illud exemplum ab dignis & idoneis ad indignos & non idoneos transfertur.

Lacedæ-

Lacedæmonij, deuictis Atheniensibus, triginta uiros imposuere, qui remp. eorum tractarent. hi primo cæpere pessimum quenque, & omnibus inuisum indemnatum necare. ea populus lætari, & merito dicere fieri. post, ubi paulatim licentia creuit; iuxta bonos & malos libidinose interficere, ceteros metu terrere. ita ciuitas, seruitute oppressa, stultæ lætitiæ graues pœnas dedit. Nostra memoria uictor Sylla, cum Damasippum, & alios eiusmodi, qui malo reip. creuerant, iugulari iussit; quis non factum eius laudabat? homines scelestos, & factiosos, qui seditio nibus remp. exagitauerant, merito necatos aiebant. sed ea res magnæ initium cladis fuit. nam, uti quisque aut domum, aut uillam, postremo uas, aut uestimentum alicuius concupiuerat; dabat operam, ut is in proscriptorum numero esset. ita illi, quibus Damasippi mors lætitiæ fuerat, paulo post ipsi trahebantur: neque prius finis iugulandi fuit, quàm Sylla omnes suos diuitijs expleuit. Atque ego hoc non in M. Tullio, neque his temporibus uereor. sed in magna ciuitate multa, & uaria ingenia sunt. potest alio tempore, alio consule, cui idem exercitus in manu sit, falsum aliquid pro uero credi. ubi hoc exemplo, per senatus decretum, gladium consul eduxerit; quis illi finem statuet, aut quis moderabitur?

*Dr. Sylla
& consilio.*

tur? Maiores nostri P. C. neque consilij, neque audaciæ unquam eguere: neque illis superbia obstabat, quo minus aliena instituta, si modo proba erant, imitarentur. arma atque tela militaria ab Samnitibus, insignia magistratuum ab Tuscis pleraque sumpserunt: postremo, quod ubique apud socios, aut hostes idoneum uidebatur, cum summo studio domi exequiebantur. imitari, quàm inuidere bonis, malebant. sed eodem illo tempore, Græciæ morem imitati, uerberibus animaduvertebant in ciues, de condemnatis summum supplicium sumebant. postquam resp. adoleuit; & multitudine ciuium factiones ualuere; circumueniri innocentes, alia huiusmodi fieri cæpere: tunc lex Porcia, aliæq; leges paratæ sunt; quibus legibus exilium damnatis permissum est. Hanc ego causam P. C. quo minus nouum consilium capiamus, in primis magnam puto. Profecto uirtus, atque sapientia maior in illis fuit, qui ex paruis opibus tantum imperium fecere, quàm in nobis, qui ea bene parta uix retinemus. Placet igitur eos dimitti, & augeri exercitum Catilinæ? minime: sed ita censeo: publicandas eorum pecunias; ipsos in uinculis habendos per municipia, quæ maxime opibus ualent: neu quis de his postea ad senatum referat, ne ne cum populo agat: qui aliter fecerit, senatum

tum existimare , eum contra remp. & salutem
 omnium facturum . Postquam Cæsar dicendi
 finem fecit ; ceteri uerbo , alius alij uarie assen-
 tiebantur . at M. Porcius Cato , rogatus senten-
 tiam , huiusmodi orationem habuit . Longe
 mihi alia mens est P. C. cum res , atque pericu-
 la nostra considero , et cum sententias non nullo-
 rum ipse mecum reputo . illi mihi differuisse ui-
 dentur de pœna eorum , qui patriæ , parentibus ,
 aris , atque focis suis bellum parauere . res au-
 tem monet , cauere ab illis magis , quàm , quid
 in illos statuamus , consultare . nam cetera male-
 ficia tum persequare , ubi facta sunt : hoc , nisi
 prouideris , ne accidat ; ubi euenit , frustra iudi-
 cia implores . capta urbæ , nihil reliqui fit uiētis .
 sed , per deos immortales , (uos ego appello , qui
 semper domos , uillas , signa , tabulas uestras plu-
 ris , quàm remp. fecistis) si ista , cuiuscunque mo-
 di sint , quæ amplexamini , retinere , si uolupta-
 tibus uestris ocium præbere uultis : expergiscimi-
 ni aliquando , & capeffite remp. non agitur de
 uectigalibus , neque de sociorum iniurijs : liber-
 tas , & anima nostra in dubio est . sæpenumero
 P. C. multa uerba in hoc ordine feci : sæpe de lu-
 xuria , atque auaritia nostrorum ciuium questus
 sum ; multosq; mortales ob eam causam aduer-
 sos habeo . qui mihi , atque animo meo nullius un-

E quam

*Oratio Ca-
 tonis .*

quam delicti gratiam fecissem, haud facile alterius libidini malefacta condonabam. sed, ca-
 met si uos paruipendebatis: tamen resp. firma
 erat: opulencia negligentiam tolerabat. nunc
 uero non id agitur, bonis ne, an malis moribus
 uiuamus; neque, quantum, aut quàm magnifi-
 cum imperium populi R. sit; sed, hæc, cuiuscun-
 que modi uidentur, nostra, an nobiscum una ho-
 stium futura sint. hic mihi quisquam mansuetu-
 dinem, & misericordiam nominat? iam pridem
equidem nos uera rerum uocabula amisimus.
quia, bona aliena largiri, liberalitas; malarum
rerum audacia, fortitudo uocatur; eo resp. in ex-
tremo sita est. sint. sane, quoniam ita se mores
 habent, liberales ex sociorum fortunis: sint mi-
 sericordes in furibus ærarij: ne illi sanguinem
 nostrum largiantur; &, dum paucis scelestis par-
 cunt, bonos omnes perditum eant. Bene & com-
 posite C. Cæsar paulo ante in hoc ordine de uita
 & morte disseruit, credo falsa existimans ea,
quæ de inferis memorantur: diuerso itinere ma-
los à bonis loca tetra, inculta, fæda, atque for-
midolosa habere. itaque censuit, pecunias eo-
 rum publicandas, ipsos per municipia in custo-
 dijs habendos, uidelicet timens, ne, si Romæ
 sint, aut à popularibus coniurationis, aut à mul-
 titudine conductæ, per uim eripiantur. quasi
 uero

uero mali atque scelesti tantum modo in urbe, & non per totam Italiam sint; aut non ibi plus possit audacia, ubi ad defendendum opes minores sunt. quare uanum equidem hoc consilium est, si periculum ex illis metuit. sin in tanto omnium metu solus non timet: eo magis refert, me mihi, atque uobis timere. quæ de P. Lentulo, ceterisq; statuetis; pro certo habetote, uos simul de exercitu Catilinæ, & de omnibus coniuratis decernere. quanto uos attentius ea agetis; tanto illis animus infirmior erit. si paululum modo uos languere uiderint; iam omnes feroces aderunt. nolite existimare, maiores nostros armis remp. ex parua magnam fecisse. si ita res esset; multo pulcherrimam eam nos haberemus. quippe sociorum, atque ciuium, præterea armorum, atque equorum maior nobis copia, quàm illis, est. sed alia fuere, quæ illos magnos fecere; quæ nobis nulla sunt; domi industria, foris iustum imperium; animus in consulendo liber, neque delicto, neque libidini obnoxius. pro his nos habemus luxuriam, atque auaritiam, publice egestatem, priuatim opulentiam: laudamus diuitias, sequimur inertiam: inter bonos & malos nullum discrimen est; omnia uirtutis præmia ambitio possidet. neque mirum; ubi uos separatim sibi quisque consilium capitis; ubi domi uoluta

E 2 tibus,

CONIVRATIO

tibus, hic pecuniæ, aut gratiæ seruitis. eo fit,
 ut impetus fiat in uacuum tempus. Sed ego hæc
 omitto. Coniurauere nobilissimi ciues patriam
 incendere: Gallorum gentem infestissimam Ro-
 mano nomini ad bellum accersunt: dux hostium
 cum exercitu supra caput est: uos cunctamini
 etiam nunc? & dubitatis, quid, intra mœnia
 deprehensis hostibus, faciatis? misereamini, cen-
 seo: deliquere homines adolescentuli per ambi-
 tionem: atque etiam armatos dimittatis. ne ista
 uobis mansuetudo, & misericordia, si illi arma
 ceperint, in miseriam conuertetur. Scilicet res
 ipsa aspera est; sed uos non timetis eam. immo
 uero maxime; sed inertia & mollitia animi, a-
 lius alium expectantes, cunctamini; uidelicet
 dijs immortalibus confisi, qui hanc remp. in ma-
 ximis sæpe periculis seruauere. non uotis, ne-
que supplicijs muliebribus auxilia deorum pa-
rantur. uigilando, agendo, bene consulendo,
prosperè omnia cedunt. ubi socordie te, atque
ignauie tradideris; nequidquam deos implores.
irati, infestiq; sunt. Apud maiores nostros A.
 Manlius Torquatus bello Gallico filium suum,
 quod is contra imperium in hostem pugnauerat,
 necari iussit. atque ille egregius adolescens im-
 moderate fortitudinis morte pœnas dedit. uos,
 de crudelissimis paricidis quid statuatis, cun-
 ctamini?

Etamini? uidelicet cetera uita eorum huic sceler
ri obstat . uerum parcite dignitati Lentuli , si
ipse pudicitiae , si famae suae , si dijs , aut homini
bus unquam ullis pepercit . ignoscite Cethegi a-
dolescentiae , nisi iterum iam patriae bellum fecit .
nam quid ego de Gabinio , Statilio , Cepario lo-
quar? quibus si quidquam pensi unquam fuisset , non ea consilia de Rep. habuissent . postremo P. C. si mehercle peccato locus esset ; facile
paterer uos ipsa re corrigi , quoniam uerba mea
contemnitis : sed undique circumuenti sumus :
Catilina cum exercitu in faucibus urget : alij in
tra mœnia : atque in sinu urbis sunt hostes : ne-
que parari , neque consuli quidquam potest oc-
culte . quo magis properandum est . Quare ita
censeo : cum nefario consilio sceleratorum ciui-
um resp. in maxima pericula uenerit ; hiq; indi-
cio T. Vulturij , & legatorum Allobrogum
conuicti , confessiq; sint , cædem , incendia , a-
liaq; se fœda , atque crudelia facinora in ciues ,
patriamq; parauisse ; de confessis , sicuti de ma-
nifestis rerum capitalium , more maiorum sup-
plicium sumendum . Postquam Cato assedit ;
consulares omnes , itemq; senatus magna pars ,
sententiam eius laudant , uirtutem animi ad cœ-
lum ferunt : alij alios , increpantes , timidos uo-
cant : Cato magnus , atque clarus habetur : sena-

Simul in
Cato nis

CONIVRATIO

tus decretum fit, sicut ille censuerat. Sed mihi,
 multa legenti, multaq; audienti, quæ populus
 R. domi, militiaq; , mari, atque terra præclara
 facinora fecit, forte libuit attendere, quæ res
 maxime tanta negocia sustinuisset. Sciebam,
 sæpenumero parua manu cum magnis legioni-
 bus hostium contendisse: cognoueram, paruis
 copijs bella gesta cum opulentis regibus: ad hoc,
 sæpe fortune uiolentiam tolerauisse: facundia
 Græcos, gloria belli Gallos Romanos antefuisse.
ac mihi, multa agitati, constabat, paucorum
ciuium egregiam uirtutem cuncta patrauisse;
eoq; factum, uti diuitias paupertas, multitudi-
nem paucitas superaret. sed, postquam luxu,
 atque desidia ciuitas corrupta est; rursus resp.
 magnitudine sua imperatorum, atque magistra-
 tuum uitia sustentabat; ac, ueluti effæta paren-
tum, multis tempestatibus haud sane quisquam
Romæ uirtute magnus fuit. sed, mea memoria,
 ingenti uirtute, diuersis moribus fuere duo uiri,
 M. Cato, & C. Cæsar: quos quoniam res obtu-
 lerat, silentio præterire, non fuit consilium,
 quin utriusque naturam & mores, quantum in-
 genio possem, aperirem. Igitur his genus, ætas,
 eloquentia prope æqualia fuere: magnitudo ani-
 mi par, item gloria: sed alia alij. Cæsar benefi-
 cius, ac munificentia magnus habebatur: integri-
 tate

tate uitæ Cato . ille mansuetudine , & misericordia clarus factus : huic seueritas dignitatem addiderat . Cæsar , dando , subleuando , ignoscendo , Cato , nihil largiendo , gloriam adeptus est . in altero miseris perfugium erat , in altero malis pernicies . illius facilitas , huius constantia laudabatur . postremo Cæsar in animum induxerat , laborare , uigilare ; negocijs amicorum intentus , sua negligere ; nihil denegare , quod dono dignum esset ; sibi magnum imperium , exercitum , nouum bellum exoptabat , ubi uirtus eius enitescere posset . at Catoni studium modestiæ , & decoris , sed maxime seueritatis erat , non diuitijs cum diuite , nec factione cum factiono , sed cum strenuo uirtute , cum modesto pudore , cum innocente abstinentia certabat . esse , quàm uideri , bonus malebat . itaque , quo minus gloriam petebat , eo magis illam adsequebatur . Postquam , uti dixi , senatus in Catonis sententiam discessit , consul optimum factu ratus , noctem , quæ instabat , ante capere , ne quid eo spatio nouaretur , triumuiros , quæ ad supplicium postulabat , parare iubet : ipse , dispositis præsijs , Lentulum in carcerem deducit : ceteris idem fit per prætores . Est locus in carcere , quod Tullianum appellatur , ubi paululum ascenderis ad læuam , circiter XII . pedes humi depressus . eum muni-

unt undique parietes, atque insuper camera lapideis fornicibus iuncta: sed inculta tenebris, odore fœda, atque terribilis eius facies est. in eum locum postquam demissus est Lentulus; indices rerum capitalium, quibus præceptum erat, laqueo gulam fregere. ita ille patricius, ex gente clarissima Corneliorum, qui consulare imperium Romæ habuerat, dignum moribus, factisq; suis exitum uitæ inuenit. de Cethego, Statilio, Gabinio, Cepario eodem modo supplicium sumptum est. Dum ea Romæ geruntur, Catilina ex omni copia, quam & ipse adduxerat, & Manlius habuerat, duas legiones instituit, cohortes pro numero militum complet: deinde, ut quisque uoluntarius, aut ex socijs in castra uenerat, æqualiter distribuerat, ac breui spatio legiones numero hominum expleretur; cum initio non amplius duobus millibus habuisset. sed ex omni copia circiter pars quarta erat militaribus armis instructa: ceteri, ut quenque casus armauerat, spargos, aut lanceas, alij præacutas sudes portabant. sed postquam Antonius cum exercitu aduentabat; Catilina per montes iter facere; modo ad urbem, modo Galliam uersus castra mouere; hostibus occasionem pugnandi non dare: sperabat, prope diem magnas copias se habiturum, si Romæ socij incepta patrauissent: interea seruitia repudiabat:

diabat , cuius initio ad eum magnæ copię concurrebant , opibus coniurationis fretus , simul alienum suis rationibus existimans , uideri causam ciuium cum seruis fugitiuis communicasse . sed , postquam in castra nuncius peruenit , Romæ coniurationem patefactam , de Lentulo , & Cethego , ceterisq; , quos supra memorauimus , supplicium sumptum : plerique , quos ad bellum spes rapinarum , aut nouarum rerum studium illexerat , dilabuntur : reliquos Catilina per montes asperos magnis itineribus in agrum Pistoriensem adducit , eo consilio , uti per tramites occulte perfugerent in Galliam transalpinam . at Q. Metellus Celer cum tribus legionibus in agro Piceno præsidebat , ex difficultate rerum eadem illa existimans , quæ supra diximus , Catilinam agitare . igitur , ubi iter eius ex perfugis cognouit , castra propere mouit , ac sub ipsis radicibus montium consedit : quæ illi descensus erat in Galliam properanti . neque tamen Antonius procul aberat , utpote qui magno exercitu locis æquioribus expeditos in fugam sequeretur . Sed Catilina , postquam uidet montibus , atque copiis hostium se clausum ; in urbe res aduersas ; neque fugæ , neque præsidij ullam spem ; optimum factu ratus , in tali re fortunam belli tentare , statuit cum Antonio quamprimum confli-
gere :

C O N I V R A T I O

gere : itaque , concione aduocata , huiusmodi orationem habuit . Compertum habeo milites , uerba uirtutem non addere , neque ex ignauo strenuum , neque fortem ex timido exercitum oratione imperatoris fieri . quanta cuiusque animo audacia natura , aut moribus inest , tanta in bello patere solet . quem neque gloria , neque pericula excitant , nequidquam hortere . timor animi auribus officit . sed ego uos , quo pauca monerem , aduocaui , simul uti causam mei consilij aperirem . Scitis equidem milites , socordia , atque ignauia Lentuli quantum ipsi , nobisq; cladis attulerit ; quoq; modo , dum ex urbe praesidia operior , in Galliam proficisci nequiuimus . nunc uero , quo loco res nostrae sint , iuxta mecum omnes intelligitis . exercitus hostium duo , unus ab urbe , alter à Gallia obstant : diutius in his locis esse , si maxime animus ferat , frumenti atque aliarum rerum egestas prohibet : quocunque ire placet , ferro iter aperendum est . Quapropter uos moneo , uti forti , atque parato animo sitis ; & , cum praelium inhibitis , memineritis , uos diuitias , decus , gloriam , praeterea libertatem , atque patriam in dextris uestris portare . si uincimus : omnia nobis tuta erunt : commeatus abunde , municipia , atque coloniae patebunt . sin metu cesserimus : eadem il

la

la aduersa fient : neque locus , neque amicus
quisquam teget , quem arma non texerint . Præ
terea milites , non eadem nobis , & illis necessi-
tudo impendet . nos pro patria , pro libertate ,
pro uita certamus : illis superuacaneum est pro
potentia paucorum pugnare . quo audacius ag-
gredimini , memores pristinae uirtutis . Licuit no-
bis cum summa turpitudine in exilio ætatem age-
re . potuistis non nulli Romæ , amissis bonis , alie-
nas opes expectare . quia illa fœda , atque into-
leranda uiris uidebantur , hæc sequi decreuistis .
si hæc relinquere uultis ; audacia opus est . ne-
mo , nisi uictor , pace bellum mutauit . nam , in
fuga salutem sperare , cum arma , quibus corpus
tegitur , ab hostibus auerteris ; ea uero demen-
tia est . semper in prælio ijs maximum est peri-
culum , qui maxime timent : audacia pro muro
habetur . cum uos considero milites ; & cum fa-
cta uestra æstimo : magna me spes uictoriæ tenet .
animus , ætas , uirtus uestra me hortantur : præ-
terea , necessitudo , quæ etiam timidos fortes fa-
cit . nam , multitudo hostium ne nos circumue-
nire queat , prohibent angustia loci . quòd si uir-
tuti uestræ fortuna inuiderit : cauete , ne inulti
animam amittatis , neu capti potius , sicuti pe-
cora , trucidemini , quàm , uirorum more pu-
gnantes , cruentam atque luctuosam uictoriam
hostibus

C O N I V R A T I O

hostibus relinquatis . Hæc ubi dixit ; paululum commoratus , signa canere iubet ; atque instructos ordines in locum æquum deducit : dein , remotis omnium equis , quo militibus , exequato periculo , animus amplior esset , ipse pedes exercitum pro loco , atque copijs instruit . nam , uti planities erat inter sinistros montes , & ab dextera rupe aspera , octo cohortes in fronte constituit ; reliqua signa in subsidijs arctius collocat . ab his centuriones omnes lectos , & euocatos , præterea ex gregarijs militibus optimum quenque armatum in primam aciem subducit : C . Manlium in dextra , Fesulanum quendam in sinistra parte curare iubet : ipse cum liberis , & colonis propter Aquilam adsistit : quam bello Cymbrico C . Marius in exercitu habuisse dicebatur . At ex altera parte C . Antonius , pedibus æger , quod prælio adesse nequibat , M . Petreio legato exercitum permittit . ille cohortes ueteranas , quas tumultus causa conscripserat , in fronte , post eas ceterum exercitum in subsidijs locat . ipse equo circuens , unumquenque nominans , appellat , hortatur , rogat , ut meminerint , se contra latrones inermeis , pro patria , pro liberis , pro aris , atque focis suis certare . homo militaris , quod amplius annos x x x tribunus , aut præfectus , aut legatus , aut prætor

cum

cum magna gloria in exercitu fuerat ; plerofque ipsos, facta q̃; eorum fortia nouerat ; ea commemorando , militum animos accendebat . sed , ubi , omnibus rebus exploratis , Petreius tuba signum dat ; cohortes paulatim incedere iubet ; idem facit hostium exercitus . postquam eò uentum est ; unde à ferentarijs prælium committi posset ; maximo clamore , infestis signis concurrunt ; pila omittunt ; res gladijs geritur . ueterani , pristinae uirtutis memores , comminus acriter instare : illi haud timidi resistunt : maxima ui certatur . interea Catilina cum expeditis *In p. alio, ist. officio* in prima acie uersari : laborantibus succurrere : integros pro saucijs arcessere : omnia providere : multum ipse pugnare : saepe hostem ferire : strenui militis, & boni imperatoris officia simul exequabatur . Petreius , ubi uidet Catilinam contra , ac ratus erat , magna ui contendere ; cohortem prætoriam in medios hostes inducit ; eos q̃; perturbatos , atque alios alibi resistentes , interficit : deinde utrinque ex lateribus ceteros aggreditur . Manlius & Fesulanus in primis pugnantes cadunt . postquam fusas copias , seq̃; cum paucis relictum uidet Ctilina ; memor generis , atque pristinae dignitatis suae , in confertissimos hostes incurrit , ibi q̃; pugnans confoditur . Sed , confecto prælio , tum uero cerneret quanta audacia,

dacia, quantaq; animi uis fuisset in exercitu Catilinae. nam fere, quem quisque pugnando uiuus locum ceperat, eum, amissa anima, corpore tegebat. pauci autem, quos medios cohors pratoria disiecerat, paulo diuersius, sed omnes tamen aduersis uulneribus, conciderant. Catilina uero longe à suis inter hostium cadauera repertus est, paululum etiam adhuc spirans, ferociamq; animi, quam habuerat uiuus, in uultu retinens. postremo, ex omni copia, neque in prælio, neque in fuga quisquam ciuis ingenuus captus est. ita cuncti suæ hostiumq; uitæ iuxta pepercerant. neque tamen exercitus populi R. lætam, aut incruentam uictoriam adeptus erat. nam strenuissimus quisque aut occiderat in prælio, aut grauiter uulneratus discesserat. multi autem, qui è castris uisendi, aut spoliandi gratia processerant, uolentes hostilia cadauera, amicum alij, pars hospitem, aut cognatum reperiabant. fuere item, qui inimicos suos cognoscerent. ita uarie per omnem exercitum letitia, mœror, luctus, atque gaudium agitabantur.

C. SALVSTII CRISPI

DE BELLO

IVGVRTINO.

F ALSO queritur de natura sua
genus humanum; quod imbecil-
la, atque æui brevis, sorte poti-
us, quàm uirtute, regatur. nam,
 contra reputando, neque maius
 aliud, neque præstabilius inuenias; magisq; na-
 turæ industriam hominum, quàm uim, aut tem-
 pus, deesse. sed dux, atque imperator uitæ mor-
 talium, animus est. qui ubi ad gloriam, uirtu-
 tis uia grassatur; abunde pollens, potensq; , &
 clarus est, neque fortunæ eget; quippe quæ pro-
 bitatem, industriam, ceterasq; bonas artes ne-
 que dare, neque eripere cuiquam potest. sin, ca-
 ptus prauis cupidinibus, ad inertiam, & uolu-
 ptates corporis pessundatus est, perniciofa libi-
 dine paulisper usus: ubi per socordiam uires,
 tempus, etas, ingenium defluxere, naturæ
 infirmitas accusatur: suam quippe culpam au-
 ctores ad negocia transferunt. quod si homini-
 bus bonarum rerum tanta cura esset, quanto
 studio aliena, ac nihil profutura, multumq; e-
 tiam periculosa, petunt: neque regerentur ma-
 gis

gis casibus, quàm regerent casus; & eò magnitudinis procederent, ubi pro mortalibus gloria æterni fierent. nam uti genus hominum compositum è corpore, & anima est: ita res cunctæ, studiaq; omnia nostra, corporis alia, alia animi naturam sequuntur. igitur præclara facies, magna diuitiæ, ad hoc vis corporis, & alia huiusmodi omnia breui dilabuntur. at ingenij egregia facinora, sicuti anima, immortalia sunt. postremo, corporis & fortune bonorum, uti initium, sic finis est; omniaq; orta occidunt, & aucta senescunt. animus incorruptus, æternus, rector humani generis, agit, atque habet cuncta, neque ipse habetur. quo magis prauitas eorum admiranda est, qui, dediti corporis gaudijs, per luxum, atque ignauiam etatem agunt, ceterum ingenium, quo neque melius, neque amplius aliud in natura mortalium est, incultu, atque socordia torpescere sinunt; cum præsertim tam multe, uariæq; sint artes animi, quibus summa claritudo paratur. Verum ex his magistratus, & imperia, postremo omnis cura rerum publicarum, minime mihi hac tempestate cupièda uidentur: quoniam neque uirtuti honos datur; neque illi, quibus per fraudem ius fuit, utique tuti, aut eo magis honesti sunt. nam, ui quidem regere patriam, aut parentes, quanquam

& possis, & delicta corrigas, tamen importu-
 num est; cum presertim omnes rerum mutatio-
 nes eadem, fugam, aliaq; hostilia portendant.
frustra autem niti, neque aliud, se fatigando,
nisi odium querere, extrema dementie est: nisi
 forte quem inhonesta, & perniciofa libido te-
 net, potentie paucorum decus, atque liberta-
 tem suam gratificari. Ceterum ex ijs negocijs,
 qua ingenio exercentur, in primis magno usui
 est memoria rerum gestarum: cuius de uirtute
 quia multi dixere, prætereundum puto; simul,
 ne per insolentiam quis existimet memet stu-
 dium meum laudando extollere. Atque ego cre-
 do fore, qui, quia decreui procul à rep. atatem
 agere, tanto, tamq; utili labori meo nomen iner-
 tie imponant: certe, quibus maxima industria
 uidetur, salutare plebem, & conuiuijs gloriam
 querere. qui si reputauerint, & quibus ego tem-
 poribus magistratum adeptus sum; & quales ui-
 ri idem adsequi nequiuerint; & postea, quæ ge-
 nera hominum in senatum peruenerint: profe-
 cto existimabunt, me magis merito, quàm igno-
 uia, iudicium animi mei mutauisse; maiusq;
 commodum ex ocio meo, quàm ex aliorum ne-
 gocijs, reip. uenturum. nam sepe audiui, Q.
 Maximum, P. Scipionem, præterea ciuitatis
 nostræ præclaros uiros, solitos ita dicere: cum ma-

F iorum

iorum imagines intuerentur, uehementissime si-
bi animum ad uirtutem accendi : scilicet non te-
 ram illam, neque figuram tantam uim in sese
 habere ; sed memoria rerum gestarum eam flam-
 mam egregijs uiris in pectore crescere, neque
 prius sedari, quàm uirtus eorum famam, atque
 gloriam adæquauerit. At contra, quis est om-
 nium his moribus, qui non diuitijs, & sumpti-
 bus, non probitate, neque industria, cum ma-
 ioribus suis contendat ? etiam homines noui, qui
antea per uirtutem soliti erant nobilitatem an-
teuenire, furtim, & per latrocinia potius, quàm
bonis artibus, ad imperia, & honores nituntur.
perinde quasi prætura, et consulatus, atque alia
omnia huiuscemodi per se ipsa clara, & magni-
fica sint, ac non perinde habeantur, ut eorum,
qui ea sustinent, uirtus est. Verum ego liberius,
 altiusq; processi, dum me ciuitatis morum pi-
 get, tædetq; . nunc ad inceptum redeo . Bel-
 lum scripturus sum, quod populus R. cum Iu-
 gurtha rege Numidarum gessit : primum, quia
 magnum, & atrox, uariaq; uictoria fuit : de-
 inde, quia tum primum superbie nobilitatis ob-
 uiam itum est. quæ contentio diuina & huma-
 na cuncta permiscuit ; eoq; uicordiæ processit,
 ut studijs civilibus bellum, atque uastitas Ita-
 liæ finem faceret. sed prius quàm huiuscemodi
 rei

Propositio

rei initium expediam , pauca supra repetam ; quo , ad cognoscendum , omnia illustria magis , magisq̃ ; in aperto sint . Bello Punico secundo , quo dux Carthaginensium Annibal , post magnitudinem nominis Romani , Italiae opes maxime attriuerat ; Massanisa rex Numidarum , in amicitiam receptus à P. Scipione , cui postea cognomen Africano ex uirtute fuit , multa et præclara rei militaris facinora fecerat : ob quæ , uictis Carthaginensibus , & capto Syphace , cuius in Africa magnum , atque late imperium ualuit , populus R. quasunque urbes , & agros manu ceperat , regi dono dedit . igitur amicitia Massanise bona , atque honesta nobis permanfit : sed imperij , uitæq̃ ; eius finis idem fuit . deinde Micipsa filius eius regnum solus obtinuit , Manastabale , & Gulussa fratribus morbo absumptis . is Adherbalem , & Hiempsalem ex sese genuit ; Iugurtamq̃ ; Manastabalis fratris filiū , quem Massanisa , quia ortus ex concubina erat , priuatum reliquerat , eodem cultu , quo liberos suos , domi habuit . Qui ubi primum adoleuit , pollens uiribus , decora facie , sed multo maxime ingenio ualidus , non se luxui , neque inertie corrumpendum dedit , sed , uti mos gentis illius est , equitare , iaculari , cursu cum æqualibus certare : & , cum omnes gloria anteiret , o-

mibus tamen carus esse : ad hoc pleraque tem-
 pora in uenando agere : leonem , atque alias fe-
 ras primus , aut in primis ferire : plurimum face-
 re , & minimum ipse de se loqui . Quibus rebus
 Micipsa tametsi initio letus fuerat , existimans
 Iugurthæ uirtutem regno suo gloriæ fore : tamen
 postquam hominem adolescentem , exacta sua
 ætate , & paruis liberis , magis magisq; cresce-
 re intelligit , uehementer eo negotio permotus ,
 multa cum animo suo uolebat . Terrebat eum
natura mortalium auida imperij , & præceps
ad explendam animi cupidinem ; præterea , op-
 portunitas suæ liberorumq; ætatis , quæ etiam
 mediocres uiros spe prædæ transuersos agit ; ad
 hoc , studia Numidarum in Iugurtham accensa :
 ex quibus , si talem uirum dolis interfecisset , ne
 qua seditio , aut bellum oriretur , anxius erat .
 His difficultatibus circumuentus , ubi uidet ne-
 que per uim , neque insidijs opprimi posse homi-
 nem tam acceptum popularibus ; quod erat Iu-
 gurtha manu promptus , & appetens gloriæ mi-
 litaris , statuit eum obiectare periculis , & eo
 modo fortunam tentare . igitur bello Numan-
 tino Micipsa , cum populo R. equitum , atque
 peditum auxilia mitteret ; sperans uel ostentan-
 do uirtutem , uel hostium seuitia facile eum oc-
 casurum , præfecit Numidis , quos in Hispani-
 am

am mittebat . Sed ea res longe aliter , ac ratus erat , euenit . nam Iugurtha , ut erat impigro , atque acri ingenio , ubi naturam P. Scipionis , qui tum Romanis imperator erat , & morem hostium cognouit ; multo labore , multaq; cura , præterea modestissime parendo , & sæpe obuiam eundo periculis , in tantam claritudinem breui peruenerat , ut nostris uehementer carus , Numantinis maximo terrori esset . ac sane , quod difficillimum in primis est , & prælio strenuus erat , & bonus consilio . quorum alterum ex prouidentia timorem , alterum ex audacia temeritatem plerunque asferre solet . Igitur imperator omnes fere res asperas per Iugurtham agere , in amicis habere , magis magisq; eum in dies amplecti , quippe cuius neque consilium , neque inceptum ullum frustra erat . Huc accedebat munificentia animi , & ingenij solertia : quibus rebus sibi multos ex Romanis familiari amicitia coniunxerat . Ea tempestate in exercitu nostro fuere complures noui , atque nobiles , quibus diuitiæ bono , honestoq; potiores erant , factiosi , domi potentes , apud socios clari magis , quàm honesti : qui Iugurthæ non mediocrem animum pollicitando accendebant , si Micipsa rex occidisset , fore uti solus regno Numidiæ potiretur : in ipso maximam uirtutem , omnia

Romæ uenalia esse . Sed postquam, Numan-
tia deleta, P. Scipio dimittere auxilia, &
ipse reuerti domum decreuit: donatum, at-
que laudatum magnificè pro concione Iugur-
tham in pratorium adduxit: ibiq; secreto mo-
nuit, ut potius publicè, quàm priuatim, ami-
citiam populi R. coleret: neu quibus largiri in-
suesceret: periculose à paucis emi, quod mul-
torum esset: si permanere uellet in suis artibus,
ultra illi & gloriam, & regnum uenturum: sin
properantius pergeret, pecuniam, & ipsum præ-
cipitem casurum. Sic locutus, cum literis eum,
quas Micipsæ redderet, dimisit. earum senten-
tia hæc erat. Iugurthæ tui bello Numantino lon-
ge maxima uirtus fuit. quam rem certo scio ti-
bi gaudio esse. nobis ob merita tua carus est:
ut idem senatui, populoq; R. sit, summa ope ni-
temur. Tibi quidem pro nostra amicitia gratu-
lor. En habes uirum dignum te, atque auo suo
Massanisa. Igitur rex, ubi ea quæ fama accepe-
rat, ex literis imperatoris ita esse cognouit, tum
uirtute, tum gratia uiri permotus, flexit animū
suum; & Iugurtham beneficijs uincere aggres-
sus est; statimq; eum adoptauit, & testamento
pariter cum filijs heredem instituit. Sed ipse
paucos post annos, morbo, atque ætate conse-
ctus, cum sibi finem uitæ adesse intelligeret, co-

ram

ram amicis, & cognatis; itemq; Adherbale, & Hiempsale filijs, huiuscemodi uerba cum Iugurtha fertur habuisse. Paruum ego te Iugurtha, amisso patre, sine spe, sine opibus, in meum regnum accepi, existimans non minus me tibi, quàm liberis, si genuissem, ob beneficia carum fore. neque ea res falsum me habuit. nam ut alia magna, et egregia tua facta omittam, nouissime rediens Numantia, me, regnumq; meum gloria decorasti: tuaq; uirtute nobis Romanos ex amicis amicissimos fecisti: in Hispania nomen familie nostræ renouasti: postremo, quod difficillimum inter mortales est, gloria inuidiam uicisti. Nunc, quoniam mihi natura finem uitæ facit, per hanc dextram, per regni fidem moneo, obtestorq; te, ut hos, qui tibi genere propinqui, beneficio meo fratres sunt, caros habeas; neu malis alienos adiungere, quàm sanguine cõiunctos retinere. Non exercitus, neque thesauri presidia regni sunt, uerum amici: quos neque armis cogere, neque auro parare queas, officio, & fide parantur. Quis autem amicior, quàm frater fratri? aut quem alienum fidum inuenies, si tuis hostis fueris? Equidem ego regnum uobis trado firmum, si boni eritis: sin mali, imbecillum. nam concordia parue res crescunt, discordia maxime dilabuntur. Ceterum ante hos te Iugur

tha, qui etate, & sapientia priores, ne aliter quid eueniat, providere decet. Nam in omni certamine, qui opulentior est, etiam si accipit iniuriam, tamen, quia plus potest, facere uidetur. Vos autem Adherbal, & Hiempsal colite, & obseruate talem hunc uirum: imitamini uirtutem: & enitimini, ne ego meliores liberos sumpsisse uidear, quam genuisse. Ad ea Iugurtha, tametsi regem ficta locutum intelligebat, & ipse longe aliter animo agitabat: tamen pro tempore benigne respondit. Micipsa paucis post diebus moritur. Postquam illi more regio iusta magnifice fecerant, reguli in unum conuenere, ut inter se de cunctis negocijs disceptarent. Sed Hiempsal, qui minimus ex illis erat, natura ferox, etiam ante ignobilitatem Iugurthæ, quia materno genere impar erat, despiciens, dextra Adherbalem adfedit: ne medius ex tribus, quod apud Numidas honori ducitur, Iugurtha foret. deinde tamen, ut etati concederet, fatigatus à fratre, uix in alteram partem traductus est. Ibi cum multa de administrando imperio dissederent, Iugurtha inter alias res ait, oportere quinquenij consulta, & decreta omnia rescindi. nam per ea tempora confectum annis Micipsam parum animo ualuisse. Tum idem Hiempsal place re sibi respondit. nam ipsum illum tribus his
proximis

proximis annis adoptione in regnum peruenisse. Quod uerbum in pectus Iugurthæ altius, quàm quisquam ratus erat, descendit. itaque ex eo tempore ira, & metu anxius, moliri, parare, atque eo modo in animo habere, quibus per dolum Hiempsal caperetur. que ubi tardius procedunt, neque lenitur animus ferox: statuit quouis modo inceptum perficere. Primo conuentu, quem ab regulis factum supra memorauimus, propter dissensionem placuerat diuidi thesauros, finesq; imperij singulis constitui. itaque tempus ad utranque rem decernitur, sed maturius ad pecuniam distribuendam. reguli interea in loca propinqua thesauris, alius aliò concessere. Sed Hiempsal in oppido Thirmida forte eius utebatur domo, qui proximus liCTOR Iugurthæ, carus, acceptusq; ei semper fuerat: quem ille casu ministrum oblatum promissis onerat, impellitq; uti tanquam suam domum uisens eat: portarum clauēs adulterinas parēt: nam uere ad Hiempsalem referebantur: ceterum, ubi res postularet, se ipsum cum magna uenturum manu. Numida mandata breui conficit: atque, uti doctus erat, noctu Iugurthæ milites introducit: qui postquam in ades irrupere, diuersi regem querere: dormientes alios, alios occursantes interficere: scrutari loca abdita: clau

sa

sa effringere : Strepitu & tumultu omnia misce-
 re : cum interim Hiempsal reperitur , occultans
 se in tugurio mulieris ancillæ , quò initio pau-
 dus , & ignarus loci profugerat . Numidæ ca-
 put eius , uti iussi erant , ad Iugurtham refe-
 runt . Ceterum fama tanti facinoris per omnem
 Africam breui diuulgatur : Adherbalem , om-
 nesq; , qui sub Micipsæ imperio fuerant , metus
 inuadit . In duas partes discedunt Numidæ : plu-
 res Adherbalem sequuntur , sed illum alterum
 bello meliores . Igitur Iugurtha quàm maximas
 potest copias armat : urbes partim ui , alias uo-
 luntate imperio suo adiungit : omni Numidiæ
 imperare parat . At Adherbal , tametsi Ro-
 mam legatos miserat , qui senatum docerent de
 cede fratris , & suis fortunis ; tamen fretus mul-
 titudine militum parabat armis contendere . sed
 ubi res ad certamen uenit , uictus ex prælio pro-
 fugit in prouinciam , ac deinde Romam conten-
 dit . Tum Iugurtha patratis consilijs , postquam
 omni Numidia potiebatur in ocio , facinus suum
 cum animo reputans , timere populum R. neque
aduersus iram eius usquam , nisi in auaritia nobi-
litis , & pecunia sua spem habere . itaque , pau-
cis diebus , cum argento , & auro multo lega-
tos Romam mittit : queis precipit , uti primum
ueteres amicos magnis muneribus expleant : de-
 inde

inde nouos acquirant : postremo , quencunque possint largiendo parare , ne cunctentur . Sed ubi Romam legati uenere , & ex praecepto regis hospitibus , alijsq; quorum ea tempestate in senatu auctoritas pollebat , magna munera misere : tanta commutatio incessit , ut ex maxima inuidia in gratiam & fauorem nobilitatis Iugurtha ueniret . quorum pars spe , alij premio inducti , singulos ex senatu ambiendo nitebantur , ne grauius in eum consuleretur . igitur , ubi legati satis confidunt , die constituto senatus utrisque datur . tum Adherbalem hoc modo locutum accepimus . Patres conscripti , Micipsa pater meus moriens mihi praecepit , uti regni Numidiae tantummodo procurationem existimarem meam : ceterum ius , & imperium eius penes uos esse : simul eniterer domi , militiaeq; quàm maximo usui esse populo R . uos mihi cognatorum , uos affinium loco ducerem : si ea fecissem , in uestra amicitia exercitum , diuitias , munimenta regni me habiturum . Quae praecepta patris mei cum agitarem ; Iugurtha homo omnium , quos terra sustinet , sceleratissimus , contempto imperio uestro , Massanisae me nepotem , etiam à stirpe socium , atque amicum populi R . regno , fortunisq; omnibus expulit . Atque ego P . C . quoniam eò miseriarum uenturus eram ,
uellem ,

*Oratio Ad
 Serbalis.*

uellem potius ob mea , quàm ob maiorum meo-
 rum beneficia me posse à uobis auxilium petere ,
 ac maxime deberi mihi beneficia à populo R.
 quibus non egerem , sed , ea si desideranda erant ,
 uti debitis uterer . Sed quoniam parum tuti per
se ipsa probitas est ; neque mihi in manu fuit ,
Iugurtha qualis foret : ad uos confugi P. C. qui
bus , quod mihi miserrimum est , cogor prius o-
neri , quàm usui esse . Ceteri reges , aut bello ui-
eti in amicitiam à uobis recepti sunt , aut in suis
dubijs rebus societatem uestram adpetiuerunt .
 familia nostra cum populo R. bello Carthagi-
 niensi amicitiam instituit , quo tempore magis
 fides eius , quàm fortuna pendenda erat . Quo-
 rum progeniem uos P. C. nolite pati me nepo-
 tem Massinise frustra à uobis auxilium petere .
 Sed si ad impetrandum nihil causæ haberem ,
 præter miserandam fortunam : quod paulo ante
 rex genere , fama , atque copijs potens , nunc
 deformatus ærumnis , inops , alienas opes expe-
 ctat . tamen erat maiestatis populi R. prohibe-
 re iniuriam ; neque pati , cuiusquam regnum
 per scelus crescere . Verum ego ijs finibus eie-
 ctus sum , quos maioribus meis populus R. dedit :
 unde pater , & auus meus una uobiscum expu-
 lere Syfacem , & Carthaginienses . Vestræ be-
 neficia mihi erepta sunt , P. C. uos in mea iniu-
 ria

ria despecti estis. Heu me miserum, buccine Mi
 cipsa pater beneficia tua euasere. ut quem tu
 parem cum liberis tuis, regniq; participem feci
 sti, is potissimum stirpis tue extinctor sit? Nun
 quam ne ergo familia nostra quieta erit? sem
 per ne in sanguine, ferro, fuga uersabitur? Dum
 Carthaginenses incolumes fuere, iure omnia
 seua patiebamur. hostes à latere: uos amici pro
 cul: spes omnis in armis erat. postquam illa pe
 stis ex Africa eiecta est, leti pacem agitabamus:
 quippe, queis nullus hostis erat, nisi forte quem
 uos iussissetis. Ecce autem ex improviso Iugur
 tha intoleranda audacia, scelere, atque super
 bia sese efferens, fratre meo, atque eodem pro
 pinquo suo interfecto, primum regnum eius sce
 leris sui prædā fecit: post, ubi me iisdem dolis
 nequit capere, nihil minus, quam uim, aut bel
 lum expectantem, in imperio uestro, sicuti ui
 detis, extorrem patria, domo, inopem, & co
 opertum miseris effecit, ut ubiuis tutius, quam
 in meo regno, essem. Ego sic existimabam P. C.
 uti prædicantem audieram patrem meum: qui
 uestram amicitiam diligenter tolerent, eos mul
 tum laborem suscipere, ceterum ex omnibus ma
 xime tutos esse. Quod in familia nostra fuit,
 præstitit, ut in omnibus bellis adesset uobis: nos
 uti per ocium tuti simus, in manu uestra est P. C.

Pater

Pater nos duos fratres reliquit: tertium Iugur-
 tham beneficijs suis ratus est nobis coniunctum
 fore. alter eorum necatus est: alter ipse ego ma-
 nus impias uix effugi. Quid agam? aut quò po-
 tissimum infelix accedam? generis praesidia om-
 nia extincta sunt. Pater, uti necesse erat, natu-
 ra concessit: fratri, quem minime decuit, propin-
 quus per scelus uitam eripuit: affines, amicos,
 propinquos ceteros meos, alium alia clades op-
 pressit: capti ab Iugurtha, pars in crucem acti
 pars bestijs obiecti sunt: pauci, quibus relicta
 est anima, clausi in tenebris cum mærore, &
 luctu, morte grauiorem uitam exigunt. Si om-
 nia, quæ aut amisi, aut ex necessarijs aduersa
 facta sunt, incolumia manerent: tamen, si quid
 ex improviso mali accidisset, uos implorarem
 P. C. quibus pro magnitudine imperij ius &
 iniurias omnes curæ esse decet. nunc uero exul-
 patria, domo, solus, atque omnium honestarum
 rerum egens, quò accedam? aut quos appellem?
 nationes ne, an reges, qui omnes familie nostræ
 ob uestram amicitiam infesti sunt? an quoquam
 mihi adire licet, ubi non maiorum meorum ho-
 stilia monumenta plurima sint? an quisquam no-
 stri misereri potest, qui aliquando uobis hostis
 fuit? Postremo Massanisa nos ita instituit P. C.
 ne quem coleremus nisi populum R. ne societa-

tes, ne fœdera noua acciperemus: abunde, ma-
 gna præsidia nobis in uestra amicitia fore: si huic
 imperio fortuna mutaretur, una occidendum do-
 bis esse. uirtute, ac dijs uolentibus, magni, &
 opulenti estis: omnia secunda et obedientia sunt:
 quo facilius sociorum iniurias curare licet. tan-
 tum illud uereor, ne quos priuata amicitia Iu-
 gurthæ parum cognita transuersos agat: quos
 ego audio summa opemiti, ambire, fatigare uos
 singulos, ne quid de absente, incognita causa, sta-
 tuatis: fingere me uerba, & fugam simulare, cui
 licuerit in regno manere. quod utinam illum,
 cuius impio facinore in has miseras proiectus
 sum, eadem hæc simulantem uideam: et aliquan-
 do aut apud uos, aut apud deos immortales re-
 rum humanarum cura oriatur: ut ille, qui nunc
 sceleribus suis ferox, atque præclarus est, om-
 nibus malis excruciat, impietatis in parentem
 nostrum, fratris mei necis, mearumq; miseria-
 rum graues pœnas reddat. Iamiam frater ani-
 mo meo carissime, quanquam tibi immaturo,
 & unde minime decuit, uita erepta est, tamen
 letandum magis, quàm dolendum puto casum
 tuum. non enim regnum, sed fugam, exilium,
 egestatem, & omnes has, quæ me premunt,
 ærumnas cum anima simul amisti. At ego in-
 felix in tanta mala præcipitatus, pulsus ex pa-
 trio

trio regno, rerum humanarum spectaculum præ-
 beo: incertus quid agam; tuas ne iniurias perse-
 quar, ipse auxilij egens; an regno consulam, cu-
 ius uitæ, necisq; potestas ex alienis opibus pen-
 det. Vtinam, emori, fortunis meis honestus exi-
tus esset: ne uiuere contemptus uiderer, si defes-
sus malis iniuriæ concessissem. Nunc quoniam
 neque uiuere libet, neque mori licet sine dedeco-
 re, P. C. oro uos per liberos, atque parentes ue-
 stros, per maiestatem populi R. subuenite mi-
 hi misero: ite obuiam iniuriæ: nolite pati re-
 gnum Numidiæ, quod uestrum est, per scelus,
 & sanguinem familiæ nostræ tabescere. Post-
 quam rex loquendi finem fecit, legati Iugur-
 thæ largitione magis, quàm causa freti, paucis
 respondent: Hiempsalem, ob seuitiam suam, à
 Numidis interfectum: Adherbalem ultro bel-
 lum inferentem, postquam superatus sit, queri,
 quòd iniuriam facere nequisset: Iugurtham ab
 senatu petere, ne se alium putarent, ac Nu-
 mantia cognitus esset: neu uerba inimici ante fa-
 cta sua ponerent. Deinde utrique curia egrediun-
 tur. senatus statim consulitur: fautores legato-
 rum, præterea magna pars gratia deprauata,
 Adherbalis dicta contemnere: Iugurthæ uirtu-
 tem laudibus extollere: gratia, uoce, denique om-
 nibus modis pro alieno scelere, & flagitio, sua
 quasi

quasi pro gloria nitebantur. At contra pauci,
quibus bonum & æquum diuitijs carius erat,
subueniendum Adherbali, & Hiempsalis mor-
tem seuerè uindicandam censebant, sed ex om-
nibus maxime Æmilius Scaurus, homo nobilis,
impiger, factiosus, auidus potentiæ, honoris,
diuitiarum, ceterum uitia sua callide occultans.
is postquam uidit regis largitionem famosam,
impudentemq; , ueritus, quod in tali re fieri so-
let, ne polluta licentia inuidiam accenderet,
animum à consueta libidine continuit. uicit ta-
men in senatu pars illa, quæ uero pretium, aut
gratiam anteferebat. decretum fit, uti decem
legati regnum, quod Micipsa obtinuerat, inter
Iugurtham, & Adherbalem diuiderent. cuius
legationis princeps fuit L. Opimius, homo cla-
rus, & tum in senatu potens, quia consul, C.
Graccho, & M. Fuluius Flacco interfectis, acer
rimè uictoriam nobilitatis in plebem exercue-
rat. eum Iugurtha, tametsi Romæ in amicis ha-
buerat, tamen accuratissime accepit: dando &
pollicendo multa perfecit, uti famæ, fidei, po-
stremo omnibus suis rebus commodum regis an-
teferret. reliquos legatos eadem uia aggressus,
plerosque capit: paucis carior fides quàm pe-
cunia fuit. in diuisione regni, quæ pars Numi-
diæ Mauritaniam attingit, agris uirisq; opulen-

G tior,

tior, Iugurthæ traditur: illam alteram specie,
quàm usu, potiore, quæ portuosior, & adifi-
cijs magis exornata erat, Adherbal possedit.
Res postulare uidetur, Africæ situm paucis ex-
ponere, & eas gentes, quibus cum nobis bellum,
aut amicitia fuit, attingere. Sed quæ loca, &
nationes ob calorem, aut asperitatem, item ob
solitudines minus frequentata sunt, de ijs haud
facile compertum narrauerim: cetera quam pau-
cissimis absoluiam. In diuisione orbis terræ
plerique in parte tertia Africam posuere: pau-
ci, tantummodo Asiam, & Europam esse; sed
Africam in Europa. ea fines habet ab Occiden-
te, fretum nostri maris, et Oceani: ab ortu solis de-
clinem latitudinem: quem locum Catabathmon
incolæ appellant. mare sæuum, et importuosum:
ager frugum fertilis, bonus pecori, arboribus in-
fæcundus: celo, terraq; penuria aquarum: ge-
nus hominum salubri corpore, uelox, patiens la-
borum: plerosque senectus dissoluit, nisi qui fer-
ro, aut bestijs interiere. nam morbus haud sæpe
quenquam superat. Ad hoc, malefici generis
plurima animalia. Sed qui mortales initio A-
fricam habuerint, quiq; postea accesserint,
aut quo modo inter se permisti sint: quanquam
ab ea fama, quæ plerosque obtinet, diuersum
est: tamen uti ex libris Punicis qui regis Hiem-
psalis

psalis dicebantur, interpretatum nobis est, utiq;
rem sese habere cultores eius terræ putant,
quam paucissimis dicam. ceterum fides eius rei
penes auctores erit. Africam initio habuere Ge-
tuli, & Libyes asperi incultiq; queis cibus erat
caro ferina, atque humi pabulum, uti pecori-
bus. Hi neque moribus, neque lege, aut impe-
rio cuiusquam regebantur: uagi, palantes, qua-
nox coëgerat, sedes habebant. Sed postquam in
Hispania Hercules, sicuti Afri putant, interiit:
exercitus eius compositus ex uarijs gentibus, a-
misso duce, ac passim multis sibi quisque impe-
rium petentibus, breui dilabitur. Ex eo nume-
ro Medi, Persæ, & Armenij nauibus in Afri-
cam transuerti, proximos nostro mari locos oc-
cupauere. Sed Persæ intra Oceanum magis, hiq;
alios nauium muersos pro tugurijs habuere:
quia neque materia in agris, neque ab Hispanis
emendi, aut mutuandi copia erat. mare ma-
gnum, & ignara lingua commercia prohibe-
bant. hi paulatim per connubia Getulos sibi mi-
scuere: & quia saepe tentantes agros, alia dein-
de, atque alia loca petiuerant, semet ipsi Numi-
das appellauere. Ceterum adhuc ædificia Numi-
darum agrestium, quæ mapalia illi uocant, ob-
longa, incuruis lateribus tecta, quasi nauium ca-
rinæ sunt. Medis autem, & Armenijs accesse-

re Libyes . nam hi propius mare *Africum* agi-
 tabant : *Getuli* sub sole magis , haud procul ab
 ardoribus : hiq; mature oppida habuere . nam
 freto diuisi ab *Hispania* , mutare res inter se in-
 stituerant . nomen eorum paulatim *Libyes* cor-
 rupere , barbara lingua *Mauros* pro *Medis* ap-
 pellantes . Sed res *Persarum* breui adoleuit : ac
 postea *Numidia* nomine propter multitudinem
 à parentibus digressi , possedere ea loca , quæ
 proxime *Carthaginem* *Numidia* appellatur . De
 inde utrique alteris freti , finitimos armis , aut
 metu sub imperium suum coëgere ; nomen , glo-
 riamq; sibi addidere ; magis hi , qui ad nostrum
 mare processerant : quia *Libyes* , quàm *Getuli* , mi-
 nus bellicosi : denique *Africa* pars inferior , ple-
 raque ab *Numidis* possessa est : uicti omnes in
 gentem , nomenq; imperantium concessere . Po-
 stea *Phœnices* , alij multitudinis domi minuendæ
 gratia , pars imperij cupidine sollicitata ple-
 be , & alijs nouarum rerum audis , *Hipponem* ,
Adrumetum , *Leptim* , aliasq; urbes in ora ma-
 ritima condidere : hæq; breui multum auctæ ,
 pars originibus suis præsidio , aliæ decori fuere .
 Nam de *Carthagine* silere melius puto , quàm
 parum dicere : quoniam aliò properare tempus
 monet . Igitur ad *Catabathmon* , qui locus *Ae-*
gyptum ab *Africa* diuidit , secundo mari prima
 Cyrene

Cyrene est, colonia Therewn, ac deinceps duæ Syrtes, interq; eas Leptis: deinde Aræ Phile-
næ: u: quem locum Aegyptum uersus finem im-
perij habuere Carthaginienses: post aliæ Puni-
cæ urbes. cetera loca usque ad Mauritaniam
Numidæ tenent. proxime Hispaniam Mauri
sunt. super Numidiam Getulos accepimus, par-
tim in tugurijs, alios incultius uagos agitare:
post eos Aethiopas esse: deinde loca exusta solis
ardoribus. Igitur bello Iugurthino pleraque ex
Punicis oppida, & fines Carthaginensium, quos
nouissime habuerant populus R. per magistratus
administrabat: Getulorum magna pars, & Nu-
midæ usque ad flumen Mulucham sub Iugurtha
erant: Mauris omnibus rex Bocchus imperita-
bat, præter nomen, cetera ignarus populi R.
itemq; nobis neque bello, neque pace antea co-
gnitus. De Africa, & eius incolis, ad necessitu-
dinem rei satis dictum est. Postquam diuiso
regno legati Africa decessere, & Iugurtha con-
tra timorem animi præmia sceleris adeptum se-
se uidet; certum esse ratus, quod ex amicis apud
Numantiam acceperat, omnia Romæ uenalia
esse; simul & illorum pollicitationibus accensus,
quos paulo ante muneribus expleuerat; in re-
gnum Adherbalis animum intendit. ipse acer,
bellicosus: at is, quem petebat, quietus, imbel-

lis, placido ingenio, opportunus iniuriæ: metuens magis, quàm metuendus. Igitur ex improviso fines eius cum magna manu inuadit: multos mortales cum pecore, atque alia præda capit: ædificia incendit: pleraque loca hostiliter cum equitatu accedit. deinde cum omni multitudine in regnum suum se conuertit, existimans Adherbalem, dolore permotum, iniurias suas manu uindicaturum, eamq; rem belli causam fore. At ille, quod neque se parem armis existimabat, & amicitia populi R. magis quàm Numidis fretus erat; legatos ad Iugurtham de iniurijs questum misit: qui tametsi contumeliosa dicta retulerant, prius tamen omnia pati decreuit, quàm bellum sumere: quia tentatum antea secus cesserat. Neque eo magis cupido Iugurthæ minuebatur: quippe qui totum eius regnum animo iam inuaserat. itaque non, uti antea, cum prædatoria manu, sed magno exercitu comparato, bellum gerere cœpit, & aperte totius Numidiæ imperium petere. ceterum, quâ pergebat, urbes, agros uastare, prædas agere: suis animum, hostibus terrorem augere. Adherbal ubi intelligit eò processum, uti regnum aut relinquendum, aut retinendum armis esset; necessario copias parat, & Iugurthæ obuius procedit. Interim haud longe à mari prope Cirtham oppidum utriusque exercitus

xercitus consedit : & quia diei extremum erat, prælium non est inceptum . sed ubi plerunque noctis processit , obscuro etiam tum lumine, milites Iugurthini signo dato est astra hostium inuadunt : semisomnos partim , alios arma sumentes fugant , funduntq̃ ; Adherbal cum paucis equitibus Cirtham profugit . et ni multitudo togatorum fuisset , quæ Numidas insequentes à mœnibus prohibuit , uno die inter duos reges cæptum, atque patratum bellum foret . Igitur Iugurtha oppidum circumsedit : uineis, turribusq̃ ; & machinis omnium generum expugnare aggreditur : maxime festinans tempus legatorum antecapere, quos ante prælium factum ab Adherbale Romanam missos audiuerat . Sed postquam senatus de bello eorum accepit, tres adolescentes in Africam legantur : qui ambos reges adeant , senatus populiq̃ ; Romani uerbis nuntient , uelle , & censere eos ab armis discedere : ita seq̃ ; , illisq̃ ; dignum esse . Legati in Africam maturantes ueniunt , eo magis , quòd Romæ dum proficisci parant , de prælio facto , & oppugnatione Cirthæ audiebatur . sed is rumor clemens erat . Quorum Iugurtha accepta oratione respondit : sibi neque maius quidquam , neque carius auctoritate senatus esse : ab adolescentia ita se enisum, ut ab optimo quoque probaretur : uirtute , non

malitia P. Scipioni summo uiro placuisse: ob easdem artes à Micipsa, non penuria liberorum, in regnum adoptatum esse: ceterum quo plura bene, atque strenue fecisset, eo animum suum iniuriam minus tolerare: Adherbalem dolis uitæ suæ insidiatum: quod ubi comperisset, eius sceleri obuiam isse: populum R. neque recte, neque pro bono facturum, si ab iure gentium se se prohibuerit: postremo de omnibus rebus legatos Romam breui se esse missurum. Ita utrique digrediuntur. Adherbalis copia appellandi non fuit. Iugurtha ubi eos Africā decessisse ratus est, neque propter naturam loci Cirtham armis expugnare potest: uallo, atque fossa mœnia circundat: turres extruit easq; præsijs firmat: præterea dies, noctesq; aut per uim, aut dolis tentare, defensoribus mœnium præmia modo, modo formidinem ostentare: suos hortando ad uirtutem arrigere: prorsus intentus cuncta parare. Adherbal ubi intelligit omnes suas fortunas in extremo sitas, hostem infestum, spem auxilij nullam, penuria rerum necessariarū bellum non posse trahi; ex ijs, qui una Cirtam profugerant, duos maxime impigros delegit: eos multa pollicendo, ac miserando casum suum, confirmat, uti per hostium munitiones noctu ad proximum mare, dein Romam pergerent.

Numidæ

Numidæ paucis diebus iussa efficiunt. literæ Adherbalis in senatu recitate sunt: quarum sententia hæc fuit. Non mea culpa sæpe ad uos oratum mitto P. C. sed uis Iugurthæ subigit, quem tanta libido extinguendi me inuasit, ut neque uos, neque deos immortales in animo habeat; sanguinem meum, quàm omnia malit. itaque quintum iam mensem socius & amicus populi R. armis obsessus teneor: neque mihi Micipsæ patris mei beneficia, neque uestra decreta auxiliantur: ferro, an fame acrius urgear, incertus sum. Plura de Iugurtha scribere debortatur me fortuna mea: etiam ante expertus sum parum fidei miseris esse: nisi tamen intelligo illum, supra quàm ego sum, petere, neque simul amicitiam uestram, & regnum meum sperare. Utrum grauius existimet, nemini occultum est. Nam initio occidit Hiempsalem fratrem meum; deinde patrio regno me expulit. Quæ sane fuerint nostræ iniuriæ, nihil ad uos. uerum nunc regnum uestrum armis tenet: me, quem uos imperatorem Numidis posuistis, clausum obsidet: legatorum uerba quanti fecerit, pericula mea declarant. Quid est reliquum, nisi uis uestra, qua moueri possit? nam ego quidem uellem, & hæc quæ scribo, & illa, quæ antea in senatu questus sum, uana forent potius,

Litteræ Adherbalis.

potius, quàm miseria mea fidem uerbis faceret.
 Sed quoniam eo natus sum, ut Iugurthæ scele-
 rum ostentui essem: non iam mortem, neque
 ærumnas, tantummodo inimici imperium, &
 cruciatus corporis deprecor. Regno Numidiæ,
 quod uestrum est, uti libet, consulite: me ex
 manibus impijs eripite, per uos, per maiesta-
 tem imperij, per amicitie fidem: si ulla apud
 uos memoria remanet aui mei Massanisæ. His li-
 teris recitatis, fuere qui exercitum in Africam
 mittendum censerent, & quamprimum Adher-
 bali subueniendum: de Iugurtha interim uti con-
 suleretur; quoniam non paruisset legatis. Sed
 ab ijsdem illis fautoribus regis summa ope eni-
 sum est, ne tale decretum fieret: ita bonum pu-
blicum, ut in plerisque negocijs solet, priuata
gratia deuictum. legantur tamen in Africam
 maiores natu nobiles, amplis honoribus usi: in
 queis fuit M. Scaurus, de quo supra memora-
 uimus; consularis, & tum in senatu princeps.
 Hi, quòd in inuidia res erat, simul & à Numi-
 dis obsecrati, triduo nauim ascendere: deinde
 breui Uticam adpulsi, literas ad Iugurtham
 mittunt, quamocyssime ad prouinciam acce-
 dat, seq; ad eum ab senatu missos. Ille, ubi ac-
 cepit homines claros, quorum auctoritatem Ro-
 mæ pollere audierat, contra inceptum suum ue-
 nisse:

nisse : primo commotus metu , atque libidine , diuersus agitabatur . timebat iram senatus , ni paruisset legatis : porro animus cupidine cecus ad inceptum scelus rapiebatur : uicit tamen in auido ingenio prauum consilium . Igitur exercitu circumdato, summa ui Cirtham irrumpere nititur , maxime sperans, diducta manu hostium, aut ui , aut dolis sese casum uictoriae inuenturum . Quod ubi secus procedit , neque quod intenderat , efficere potest , ut prius , quàm legatos conueniret, Adherbalis potiretur ; ne amplius morando Scaurum , quem plurimum metuebat, incenderet, cum paucis equitibus in prouinciam uenit . ac tametsi senatus uerbis graues minæ nunciabantur , quòd ab oppugnatione non desisteret : multa tamen oratione consumpta , frustra legati discessere . Ea postquam Cirthæ audita sunt, Italici, quorum uirtute mænia defensabantur , confisi, deditione facta, propter magnitudinem populi R. inuiolatos sese fore , Adherbali suadent , uti se se , & oppidum Iugurthæ tradat : tantum ab eo uitam paciscatur : de ceteris senatui curæ fore . At ille , tametsi omnia potiora fide Iugurthæ rebatur , tamen, quia penes eosdem , si aduersaretur , cogendi potestas erat , ita, uti censuerant Italici , deditio- nem facit . Iugurtha in primis Adherbalem
excruciatum

excruciatum necat: deinde omnes puberes Numidas, atque negociatores promiscue, uti quisque armatus obuius fuerat, interfecit. Quod postquam Romæ cognitum est, & res in senatu agitari cæpit; iidem illi ministri regis interpellando, ac sæpe gratia, interdum iurgijs trahendo tempus, atrocitatem facti leniebant. et n. C. Memmius tribunus pl. designatus, uir acer & infestus potentie nobilitatis, populum R. edocuiisset id agi, ut per paucos factiosos scelus Iugurthæ condonaretur: profecto omnis inuidia prolatandis consultationibus dilapsa foret: tanta uis gratiæ atque pecuniæ regis erat. Sed ubi senatus delicti conscientia populum timet: lege Sempronia prouinciæ futuris consulibus Numidia, atque Italia decreta sunt. consules declarati sunt P. Scipio Nasica, L. Bestia Calpurnius: Numidia Calpurnio, Scipioni Italia obuenerit. deinde exercitus, qui in Africam portaretur, scribitur: stipendium, aliaq; , quæ bello usui forent, decernuntur. At Iugurtha, contra spem nuncio accepto, quippe cui Romæ omnia uenum ire in animo hæserat; filium, & cum eo duos familiares ad senatum legatos mittit: ijsq; , uti illis, quos Hiempsale interfecto miserat, præcepit, ut omnes mortales pecunia aggre-diantur. Qui postquam Romam aduentabant,

bant, senatus à Bestia consultus est, placeret ne legatos Iugurthæ recipi mœnibus; ijq; decreuere, nisi regnum, ipsumq; deditum uenissent, uti diebus proximis decem Italia decederent. Consul Numidis ex senatus decreto nunciari iubet: ita infectis rebus, illi domum discedunt.

Interim Calpurnius parato exercitu, legit sibi homines nobiles, factiosos, quorum auctoritate, quæ deliquisset, munita fore sperabat: inqueis fuit Scaurus, cuius de natura, & habitu supra memorauimus. Nam in consule nostro multæ, bonæq; artes animi, & corporis erant: quas omnes auaritia præpediebat. patiens laborum, acri ingenio, satis prouidens, belli haud ignarus, firmissimus contra pericula, & insidias. Sed legiones per Italiam Regium, atque inde Siciliam, porro ex Sicilia in Africam transuectæ sunt. Igitur Calpurnius in initio paratis commeatibus, acriter Numidiam ingressus est; multosq; mortales, & urbeis aliquot pugnando cepit. Sed ubi Iugurtha pecunia per legatos tentare, belliq; quod administrabat, asperitatem ostendere cœpit: animus æger auaritia facile conuersus est. Ceterum socius, & minister omnium consiliorum assumitur Scaurus: qui tametsi à principio, plerisque ex factione eius corruptis, acerrime regem impugnauerat:

pugnauerat : tamen magnitudine pecunie à bo-
 no , honestoq; in prauum abstractus est . Sed In-
 gurtha primum tantummodo belli moram redi-
 mebat , existimans sese interim aliquid Romæ
 pretio , aut gratia effecturum . postea uero quàm
 participem negocij Scaurum accepit ; in maxi-
 mam spem adductus recuperandæ pacis , statuit
 cum eis de omnibus pactionibus præsens agere .
 Ceterum interea fidei causa mittitur à consule
 Sextius quæstor in oppidum Ingurthæ Vaccam :
 cuius rei species erat acceptio frumenti , quod
 Calpurnius palam legatis imperauerat : quoni-
 am deditionis mora induciæ agitabantur . Igitur
 rex , uti constituerat , in castra uenit : ac pauca
 præsentis consilio locutus de inuidia sui facti , at-
 que uti in deditionem acciperetur : reliqua cum
 Bestia , & Scauro secreta transegit . deinde
 postero die quasi per Satyram legem , sententijs
 exquisitis , in deditionem accipitur . Sed uti pro
 consilio imperatum erat , elephanti x x x . pe-
 ctus , atque equi multi , non cum paruo argenti
 pondere , quæstori traduntur . Calpurnius Ro-
 mam ad magistratus rogandos proficiscitur . In
 Numidia & exercitu nostro pax agitabatur .
 Postquam res in Africa gestas , quoq; modo a-
 ctæ forent , fama diuulgauit : Romæ per omnes
 locos , & conuentus de facto consulis agitari :
 apud

apud plebem grauis inuidia : patres solliciti erant : probarent ne tantum flagitium , an decretum consulis subuerterent , parum constabat .

Ac maxime eos potentia Scauri , quòd is auctor , & socius bestiae ferebatur , à uero , bonoq; impediēbat . At C. Memmius , cuius de libertate ingenij , & odio potentiae nobilitatis supra diximus , inter dubitationem & moras senatus , concionibus populum ad uindicandum hortari : monere , ne remp. ne libertatem suam desererent : multa superba , & crudelia facinora nobilitatis ostendere : prorsus intentus omni modo plebis animum accendebat . Sed quoniam ea tempestate Romae Memmij facundia clara , pollensq; fuit : decere existimaui unam ex tam multis orationem eius perscribere . ac potissimum eam dicam , quam in concione post reditum Bestiae huiusmodi uerbis disseruit . Multa me debortantur à uobis Quirites , ni studium reip. omnia superet ; opes factionis , uestra patientia , ius nullum ; ac maxime quòd innocentiae plus periculi , quàm honoris est . nam illa quidem piget dicere , his annis quindecim quàm ludibrio fueritis superbiae paucorum : quàm fœde , quàmq; multi perierint uestri defensores : ut uobis animus ~~ut~~ ignauia , atque socordia corruptus sit : qui ne nunc quidem obnoxij inimicis exurgitis :
atque

*Oratio fletus
nisi.*

atque etiam nunc timetis eos, quibus uos decet
terrori esse. Sed quanquam hæc talia sunt; ta-
men obuiam ire factionis potentia animus subi-
git. certe ego libertatem, quæ mihi à parente
meo tradita est, experiar: uerum id frustra, an
ob rem faciam, in uestra manu situm est Quiri-
tes. Neque ego uos hortor, quod sæpe maiores
uestri fecere, uti contra iniurias armati catis.
nihil ui, nihil secessione opus est: necesse est
suomet ipsi more præcipientes eant. Occiso Ti.
Graccho, quem regnum sibi parare aiebant, in
plebem Romanam quæstiones graues habitæ
sunt. post C. Gracchi, & M. Fuluij cadem,
uestri item ordinis multi mortales in carcere ne-
cati sunt. utriusque cladis non lex, uerum li-
bido eorum finem fecit. Sed sane fuerit regni
reparatio, plebi sua iura restituere; quicquid
sine sanguine ciuium ulcisci nequit, iure factum
sit. Superioribus annis taciti indignabamini æ-
rarium expilari: reges, & populos liberos pau-
cis nobilibus uestigal pendere: penes eosdem &
summam gloriam, & maximas diuitias esse: ta-
men hæc talia facinora impune suscepisse, pa-
rum habuere. itaque postremo leges, maiestas
uestra, diuina, & humana omnia hostibus tradi-
ta sunt. Neque eos, qui ea fecere, pudet, aut
pœnitet: sed incedunt per ora uestra magnifice:
sacerdotia,

sacerdotia, & consulatus, pars triumphos suos
 ostentantes: perinde quasi ea honori, non præ-
 da habeant. Serui ære parati, iniusta imperia
 dominorum non perferunt: uos Quirites in im-
 perio nati, æquo animo seruitutem toleratis?
 At qui sunt hi, qui remp. occupauere? homi-
 nes sceleratissimi, cruentis manibus, immani
 auaritia, nocentissimi, & iidem superbissimi,
 quibus fides, decus, pietas, postremo honesta,
 atque inbonesta omnia quæstui sunt. Pars eorum
 occidisse tribunos pl. alij quæstiones iniustas, ple-
 rique eadem in uos fecisse, pro munimento ha-
 bent. itaque quàm quisque pessime fecit, tam
 maxime tutus est; metum à scelere suo ad igna-
 uiam uestram transtulere: quos omnes eadem cu-
 pere, eadem odisse, eadem metuere in unum coe-
 git. Sed hæc inter bonos amicitia, inter malos
 factio est. quòd si tantam uos libertatis curam
 haberetis, quàm illi ad dominationem accensi
 sunt: profecto neque resp. sicuti nunc, uastare-
 tur: & beneficia uestra penes optimos, non au-
 dacissimos forent. Maiores uestri parandi iuris,
 & maiestatis constituendæ gratia, bis per seces-
 sionem armati Auentinum montem occupaue-
 re: uos pro libertate, quam ab illis accepistis,
 non ne summa ope nitimini? atque eo uehemen-
 tius, quo maius dedecus est, parta amittere,

H

quàm

cum intelligetis aut seruiendum esse, aut per manus libertatem retinendam. Nam fidei quidem & concordiae quæ spes est? Dominari illi uolunt, uos liberi esse: facere illi iniurias, uos prohibere: postremo socijs uestris, ueluti hostibus, hostibus pro socijs utuntur. Potest ne in tam diuersis mentibus pax, aut amicitia esse? Quare moneo, hortorq; uos, ne tantum scelus impunitum omittatis. Non peculatus ærarij factus est: neque per uim socijs ereptæ pecuniæ. Quæ quanquam graua sunt: tamen consuetudine iam pro nihilo habentur. Hosti acerrimo prodita senatus auctoritas: proditum imperium uestrum est: domi, militiæq; resp. uenalis fuit. Quæ nisi quæsitæ erunt, nisi uindicatum in noxios: quid erit reliquum, nisi ut illis, qui ea fecere, obedientes uiuamus? Nam impune quidlibet facere, id est regem esse. Neque ego uos Quirites hortor, ut iam malitis ciues uestros perperam, quàm recte fecisse, sed ne, ignoscendo malis, bonos perditum eatis. At hoc in rep. multo præstat beneficij, quàm maleficij immemorem esse. Bonus tantummodo segnior fit, ubi negligas: at malus improbius. Ad hoc si iniuriæ non sint, haud sæpe auxilij egeas. Hæc atque alia huiusmodi sæpe dicendo, C. Memmius populo R. persuadet, uti L. Cassius, qui tum prætor erat, ad



Iugurtham mitteretur: eumq; , interposita fide
 publica , Romam duceret : quo facilius indicio
 regis , Scauri , & reliquorum , quos pecunie
 captæ arcescebant , delicta patefierent . Dum
 hæc Romæ geruntur , qui in Numidia relictæ à
 Bestia exercitui præerant , secuti morem impe-
 ratoris sui , plurima , & flagitiosissima facinora
 fecere . Fuere , qui auro corrupti , elephantes
 Iugurthæ traderent , alij perfugas uenderent :
 pars ex pacatis prædas agebant : tanta uis aua-
 ritie in animos eorum , ueluti tabes , inuaserat .
 At Cassius populi R. perlata rogatione à C.
 Memmio , ac percussa omni nobilitate , ad Iugur-
 tham proficiscitur : eiq; timido , & ex conscien-
 tia diffidenti rebus suis , persuadet , quoniam se
 populo R. dedisset , ne uim , quàm misericordi-
 am eius experiri malit : priuatim præterea fi-
 dem suam interponit , quam ille non minoris ,
 quàm publicam ducebat : talis ea tempestate fa-
 ma de Cassio erat . Igitur Iugurtha contra decus
 regium , cultu quammaxime miserabili , cum
 Cassio Romam uenit . Ac tametsi in ipso magna
 uis animi erat , confirmatus ab omnibus , quo-
 rum potentia , aut scelere cuncta ea gesserat , quæ
 supra diximus ; C. tamen Bebiū tribunum pl.
 magna mercede parat , cuius impudentia contra
 ius , & iniurias omnes munitus foret . At C.

Memmius

Memmius aduocata concione ; quanquam regi infesta plebs erat ; & pars in uincula duci iubebat , pars , nisi socios sceleris sui aperiret , more maiorum de hoste supplicium sumi ; dignitati magis , quàm iræ consulens , sedare motus , & animos eorum mollire ; postremo confirmare fidem publicam per sese inuiolatam fore . Post , ubi silentium cœpit , producto Iugurtha , uerba facit : Romæ , Numidiæq̃ ; facinora eius memorat : scelera in patrem fratresq̃ ; ostendit : quibus iuuantibus , quibusq̃ ; ministris ea egerit : quanquam intelligat populo R. tamen uelle manifesta magis ex illo habere : si uerum aperiat , in fide & clementia populi R. magnam spem illi sitam : sin reticeat , non socijs saluti fore , sed se , suasq̃ ; spes corrupturum . Deinde , ubi Memmius dicendi finem fecit , & Iugurtha respondere iussus est , C. Bebius tribunus pl. quem pecunia corruptum supra diximus , regem tacere iubet : ac tametsi multitudo , quæ in concione aderat , uehementer accensa , terrebat eum clamore , uultu , sæpe impetu , atque alijs omnibus , quæ ira fieri amat ; uicit tamen impudentia . ita populus ludibrio habitus , ex concione discessit : Iugurthæ , Bestiæq̃ ; , & ceteris , quos illa questio exagitabat , animi augescunt . Erat ea tempestate Romæ Numida quidam nomine

consule, indicium profitetur. Fit reus magis ex æquo & bono, quàm ex iure gentium Bomilcar, comes eius, qui Romam fide publica uenerat.

At Iugurtha manifestus tanti sceleris, non prius omisit contra uerum niti, quàm animaduertit, super gratiam, atque pecuniam suam inuidiam facti esse. Igitur quanquam in priore actione ex amicis quinquaginta uades dederat, regno magis, quàm uadibus, consulens, clam in Numidiam Bomilcarem dimittit: ueritus ne reliquos populares metus inuaderet parendi sibi, si de illo supplicium sumptum foret. & ipse paucis diebus eodem profectus est, iussus à senatu Italia decedere. Sed postquam Roma egressus est, fertur, eò sæpe tacitus respiciens, postremo dixisse: urbem uenalem, & mature perituram, si emptorem inuenerit. Interim Albinus, renouato bello, commeatum, stipendium, aliaq; , quæ militibus usui forent, maturat in Africam portare; ac statim ipse profectus est, uti ante comitia, quod tempus haud longe aberat, armis, aut deditione, aut quouis modo bellum conficeret. at contra Iugurtha trahere omnia: & alias, deinde alias moræ causas facere: polliceri deditionem: ac deinde metum simulare, instanti cedere: & paulo post, ne sui differerent, instare: ita belli modo, modo pacis mo-

ra consulem ludificare. Ac fuere, qui tum Al-
 binum haud ignarum consilij regis existimarent;
 neque ex tanta properantia tam facile tractum
 bellum socordia magis, quàm dolo crederent. sed
 postquam dilapso tempore, comitiorum dies ad-
 uentabat, Albinus, Aulo fratre in castris pro
 pretore relicto, Romam decessit. Ea tempesta-
 te Romæ seditionibus tribunicijs atrociter ressp.
 agitabatur, P. Lucullus, & L. Annius tribu-
 nus pl. resistentibus collegis continuare magi-
 stratum nitebantur: quæ dissensio totius anni co-
 mitia impediabat. Ea mora in spem adductus
 Aulus, quem pro pretore in castris relictum su-
 pra diximus, aut conficiendi belli, aut terrore
 exercitus ab rege pecuniæ capiundæ, milites men-
 se Ianuario ex hybernis in expeditionem euo-
 cat: magnisq; itineribus hyeme aspera peruenit
 ad oppidum Suthul, ubi regis thesauri erant.
 quod quanquam & sæuitia temporis, & oppor-
 tunitate loci, neque capi, neque obsideri pote-
 rat: (nam circum situm in prærupti montis ex-
 tremo planities limosa hyemalibus aquis palu-
 dem fecerat) tamen aut simulandi gratia, quo
 regi formidinem adderet, aut cupidine cæcus ob
 thesauros oppidi potiundi, uineas agere, agge-
 rem iacere: aliaq; , quæ cæpto usui forent, pro-
 perare. at Iugurtha, cognita uanitate, atque
 imperitia

imperitia legati, subdole eius augere amentiam:
missitare supplicantes legatos: ipse quasi uita-
bundus per saltuosa loca, & tramites exerci-
tum ducere. Denique Aulum spe passionis pe-
pulit, uti, relicto Suthule, in abditas regiones
se se, ueluti cadentem insequeretur: ita delicta
occultiora fore. interea per homines callidos die
noctūq; exercitum tentabat: centuriones, du-
cesq; turmarum partim, uti transfugerent, cor-
rumpere, alij signo dato, locum uti desererent.
quæ postquam ex sententia instruxit, intempe-
sta nocte de improviso cum multitudine Numi-
darum Auli castra circumuenit: milites Roma-
ni, perculsi tumultu insolito, arma capere: alij
se se abdere: pars territos confirmare: trepidare:
omnibus locis uis magna hostium calum nocte,
atque nubibus obscuratum: periculum anceps:
postremo fugere, an manere, tutius foret, in in-
certo erat. Sed ex eo numero, quos paulo ante
corruptos diximus, cohors una Ligurum, cum
duabus turmis Thracum, & paucis gregarijs mi-
litibus, transire ad regem: & centurio primipi-
li tertiæ legionis per munitionem, quam uti de-
fenderet, acceperat, locum hostibus introeundi
dedit: eaq; Numide cuncti irrupere: nostri fu-
ga fæda, plerique abiectis armis proximum col-
lem occupauere: nox, atque præda castrorum,
hostes,

quam eò uenit, quanquam persequi Iugurtham,
& mederi fraternæ inuidiæ animo ardebat: co-
gnitis militibus, quos præter fugam, soluto im-
perio, licentia atque lasciuiæ corruperat, & co-
pia rerum, statuit nihil sibi agitandum. interea
Romæ C. Mamilius Limetanus tribunus pl. roga-
tionem ad populum promulgat, uti quereretur
in eos, quorum consilio Iugurtha senatus decre-
ta neglexisset; quiq; ab eo in legationibus, aut
imperijs pecunias acceperant; qui elephantos,
quiq; perfugas tradidissent; itemq; qui de pace,
aut bello cum hostibus pactiones fecissent. Huic
rogationi partim conscij sibi, alij ex partium in-
uidia pericula metuentes, quoniam aperte resi-
stere non poterant, quin illa, & alia talia pla-
cere sibi faterentur, occulte per amicos, ac ma-
xime per homines Latini nominis, & socios Ita-
licos impedimenta parabant. sed plebs, incredi-
bile est memoratu, quàm intenta fuerit, quan-
taq; ui rogationem iusserit, decreuerit, uolue-
rit, magis odio nobilitatis, cui mala illa para-
bantur, quàm cura reip. tanta libido in parti-
bus erat. Igitur, ceteris metu percussis, M. Scau-
rus, quem legatum Bestiæ fuisse supra docui-
mus, inter lætitiā plebis, & suorum fugam, tre-
pida etiam tum ciuitate, cum ex Mamilij roga-
tione tres quæsitores rogarentur, effecerat, ut
ipse

ipse in eo numero crearetur . sed quæstione exer-
 citata asperere , uiolenterq; ex rumore , & libidi-
 ne plebis , ut sæpe nobilitatem , sic ea tempestate
 plebem ex secundis rebus insolentia ceperat . Ce-
 terum mos partium popularium , & senatus fa-
 ctionum , ac deinde omnium malarum artium ,
 paucis ante annis Romæ ortus est ocio , atque a-
 bundantia earum rerum , quæ prima mortales
 ducunt . nam ante Carthaginem deletam , po-
 pulus , & senatus Romanus placide , modesteq;
 inter se remp. tractabant : neque gloriæ , neque
 dominationis certamen inter ciues erat : metus
 hostilis in bonis artibus ciuitatem retinebat . sed
 ubi illa formido mentibus decessit : scilicet ea ,
 quæ secundæ res amant , lasciuia atque superbia
 incessere . ita , quod in aduersis rebus optaue-
 rant , ocium postquam adepti sunt , asperius , a-
cerbiusq; fuit . nanque cæpere nobilitas digni-
tatem in superbiam , plebes libertatem in libi-
dinem uertere : sibi quisque ducere , trahere , ra-
pere . ita omnia in duas partes abstracta sunt .
resp. quæ media fuerat , dilacerata est . ceterum
nobilitas factione magis pollebat : plebis uis so-
luta , atque in multitudine dispersa , minus po-
terat . paucorum arbitrio belli , domiq; resp. agi
tabatur : penes eosdem erarium , prouinciæ , ma-
gistratus , gloriæ , triumphiq; erant : populus
 militia ,

origo factio-
 nis Romæ .

Vell. Lib. 2.
 c. 5.

militia , atque inopia urgebatur , prædas bellicas imperatores cum paucis diripiebant . Interea parentes , aut parui liberi militum , uti quisque potentiori confinis erat , sedibus pellebantur . ita cum potentia auaritia sine modo , modestiaq; inuadere , polluere , & uastare omnia : nihil pensi , neque sancti habere , quoad semet ipsam præcipitauit . nam ubi primum ex nobilitate reperti sunt , qui ueram gloriam iniuste potentie anteponerent : moueri ciuitas , & dissensio civilis , quasi permistio terræ , oriri cæpit . Nam postquam Tiberius , & C. Gracchus , quorum maiores Punico atque alijs bellis multum reip. addiderant , uindicare plebem in libertatem , & paucorum scelera patefacere cæpere : nobilitas noxia , atque eo perculsa , modo per socios , ac nomen Latinum , interdum per equites Romanos , quos spes societatis à plebe dimouerat , Gracchorum actionibus obuiam ierat : & primo Tiberium , deinde paucos post annos eadem ingredientem Caium , tribunum pl. alterum , alterum triumuirum colonijs deducendis cum M. Fulvio Flacco ferro necauerat . et sane Gracchis cupidine uictoriæ haud satis moderatus animus fuit . Sed bono uinci satius est , quàm malo more iniuriam uincere . igitur ea uictoria nobilitas ex libidine sua usa , multos mortales ferro aut fuga extinxit:

pter bonas artes, tum maxime quòd aduersum diuitias inuictum animum gerebat: & auaritia magistratuum ante id tempus in Numidia nostræ opes contusa, hostiumq; auctæ erant. sed ubi in Africam uenit, exercitus ei traditur à Sp. Albino proconsule, iners, imbellis, neque periculi, neque laboris patiens: lingua, quàm manu promptior, prædator ex socijs, & ipse præda hostium sine imperio, & modestia habitus. ita imperatori nouo plus ex malis moribus sollicitudinis, quàm ex copia militum auxilij, aut bonæ spei accedebat. Statuit tamen Metellus, quamquam & æstiuorum tempus comitiorum mora imminuerat; & expectatione euentus, ciuium animos intentos putabat; non prius bellum attingere, quàm maiorum disciplina milites laborare coëgisset. Nam Albinus Auli fratris, exercitusq; clade perculsus, postquam decreuerat non egredi prouincia, quantum temporis æstiuorum in imperio fuit, plerunque milites in Statiuis castris habebat: nisi cum dolor, aut pabuli egestas locum mutare subegerat. sed neque more militari uigiliæ deducebantur: uti cuique libebat, ab signis aberat. Lixæ permisti cum militibus diu, noctuq; uagabantur: & palantes agros uastare, uillas expugnare, pecoris, & mancipiorum prædas certatim agitare: eaq; mutare

cum

cum mercatoribus uino aduecticio, & alijs tali-
 bus. præterea frumentum publice datum uende-
 re, panem in dies mercari: postremo quæcunque
 dici, aut fingi queunt ignauia, luxurieq; pro-
 bra, in illo exercitu cuncta fuere, & alia am-
 plius. sed in ea difficultate Metellum non minus,
 quàm in rebus hostilibus, magnum, & sapien-
 tem uirum fuisse comperio, tanta temperantia
 inter ambitionem, seuitiamq; moderatum. nan-
 que edicto primum adiumenta ignauia sustulif-
 se dicitur: ne quisquam in castris panem aut
 quem alium coctum cibum uenderet: ne lixæ e-
 exercitum sequerentur: ne miles gregarius in ca-
 stris, ne ue in agmine seruum, aut iumentum ha-
 beret: ceteris arte modum statuisse: præterea
 transuersis itineribus quotidie castra mouere:
 iuxta ac si hostes adessent, uallo, atque fossa
 munire: uigilias crebras ponere, et eas ipse cum
 legatis circuire: item in agmine in primis mo-
 do, modo in postremis, sæpe in medio adesse, ne
 quisquam ordine egrederetur: ut, cum signis fre-
 quentes incederent, miles cibum, & arma por-
 taret. ita prohibendo à delictis magis, quàm uin-
 dicando, exercitum breui confirmauit. interea
 Ingurtha ubi, quæ Metellus agebat, ex nuncijs
 accepit: simul de innocentia eius certior Romæ
 factus, diffidere suis rebus, ac tum demum ue-
 ram

p. 22
 exercitus
 corrupt.

ram deditiōem facere conatus est . igitur legatos ad consulem cum supplicijs mittit , qui tantummodo ipsi , liberisq; uitam peterent , alia omnia dederent populo Romano . Sed Metello iam antea experimentis cognitum erat , genus Numidarum infidum , ingenio mobili , nouarum rerum auidum esse . itaque legatos alium ab alio diuersos aggreditur : ac paulatim tentando , postquam opportunos sibi cognouit , multa pollicendo persuadet , uti Iugurtham maxime uiuum , sin id parum procedat , necatum sibi traderent . ceterum palam , quæ ex uoluntate forent , regi nunciari iubet . deinde ipse paucis diebus , intento , atque infesto exercitu in Numidiam procedit : ubi contra belli faciem tuguria plena hominum , pecora , cultoresq; in agris erant : ex oppidis , & mapalibus , præfecti regis obuiam procedebant ; parati frumentum dare , commeatum portare , postremo omnia , quæ imperarentur , facere . neque Metellus minus idcirco , sed pariter ac si hostes adessent , munito agmine incedere , late explorare : omnia illa deditiōis signa ostentui credere , & insidijs locum tentare . itaque ipse cum expeditis cohortibus , item funditorum , & sagittariorum delecta manu apud primos erat : in postremo C. Marius legatus cum equitibus curabat : in utrunque latus auxiliares equites tri-

bunis legionum, & præfectis cohortium disper-
 tiuerat: ut cum his permisti uelites, quocunque
 accederent, equitatus hostium propulsarent.
 nam in Iugurtha tantus dolus, tantaq; peritia
 locorum, & militiæ inerat, ut, absens an præ-
 sens, pacem an bellum gerens perniciosior esset,
 in incerto haberetur. Erat haud longe ab eo iti-
 nere, quò Metellus pergebat, oppidum Numi-
 darum nomine Vacca, forum rerum uenalium
 totius regni maxime celebratum: ubi & incole-
 re, & mercari consueuerant Italici generis mul-
 ti mortales. Huic consul, simul tentandi gratia,
 & si paterentur opportunitates loci, præsidium
 imposuit: præterea imperauit frumentum, &
 alia, quæ bello usui forent, comportare: ratus
 id, quod res monebat, frequentiam negotiato-
 rum & commeatum iuuaturum exercitum, e-
 tiam paratis rebus munimento fore. Inter hæc
 negocia Iugurtha impensius modo legatos sup-
 plices mittere, pacem orare: præter suam, libe-
 rorumq; uitam, omnia Metello dedere. quos
 item consul uti priores illectos ad prodicionem
 domum dimittebat: regi pacem, quam postula-
 bat, neque abnuere, neque polliceri, & inter
 eas moras promissa legatorum expectare. Iugur-
 tha ubi Metelli dicta cum factis composuit, ac
 suis se artibus tentari animaduertit, (quippe
 cui

cui uerbis pax nunciabatur, ceterum re bellum
 asperrimum erat, urbs maxima alienata, ager
 hostibus cognitus, animi popularium tentati)
 coactus rerum necessitudine, statuit armis cer-
 tare. igitur, explorato hostium itinere, in spem
 uictoriæ adductus ex opportunitate loci, quàm
 maximas potest copias omnium generum parat,
 ac per tramites occultos exercitum Metelli ante
 uenit. erat in ea parte Numidiæ, quam Adher-
 bal in diuisione possederat, flumen à meridie o-
 riens nomine Muthul: à quo mons aberat ferme
 millia passuum xx. tractu pari, uastus ab natu-
 ra, & humano cultu: sed ex eo medio quasi col-
 lis oriebatur in immensum pertingens, uestitus
 oleastro, ac myrtetis, alijsq; generibus arbo-
 rum, quæ humo arida, atque arenosa gignun-
 tur. media autem planities deserta, penuria
 aquæ, præter flumini propinqua loca. ea consi-
 ta arbuſtis, pecore, atque cultoribus frequen-
 tabantur. igitur in eo colle, quem transuerso iti-
 nere porrectum docuimus, Iugurtha extenuata
 suorum acie consedit: elephantis, & parti co-
 piarum pedestrium Bomilcarem præfecit: eumq;
 edocet, quæ ageret. ipse propius montem cum
 omni equitatu, & peditibus delectis suos collo-
 cat: dein singulas turmas, & manipulos circu-
 iens monet, atque obtestatur, uti memores pri-

Descrip
 prælii
 ituel præ
 parabris.

1. *Stinæ uirtutis & uictoriæ, sese, regnumq; suum
 ab Romanorum auaritia defendant: cum ijs cer
 tamen fore, quos antea uictos sub iugum mise
 rint: ducem illis, non animum mutatum: quæ
 ab imperatore decuerint, omnia suis prouisa: lo
 cum superiorem, ut prudentes cum imperitis, ne
 pauciores cum pluribus, aut rudes cum bello me
 lioribus manum confererent: proinde parati, in
 tentiq; essent signo dato Romanos inuadere: il
 lum diem aut omnes labores, & uictorias con
 firmaturum, aut maximarum ærumnarum ini
 tium fore. ad hoc uiritim, uti quenque ob mi
 litare facinus pecunia, aut honore extulerat,
 commune facere beneficij sui, & eum ipsum alijs
 ostentare: postremo pro cuiusque ingenio polli
 cendo, minitendo, obtestando, alium alio mo
 do excitare: cum interim Metellus ignarus ho
 stium monte digrediens cum exercitu conspici
 tur. primo dubius, quidnam insolita facies o
 stenderet (nam inter uirgulta equi, Numidæq;
 confederant, neque plane occultati humilitate
 arborum) & tamen quidnam esset, incerti:
 cum natura loci, tum dolo ipsi, atque signa mi
 litaria obscurati. deinde breui cognitis insidijs,
 paulisper agmen constituit. ibi commutatis ordi
 nibus, in dextro latere, quod proximum hostibus
 erat, triplicibus subsidijs aciem instruxit: inter
 manipulos*

manipulos funditores, & sagittarios dispersit: equitatum omnem in cornibus locat: ac pauca pro tempore milites cohortatus, aciem sicuti instruxerat, transuersis principijs in planum deducit. sed ubi Numidas quietos, neque colle digredi animaduertit, ueritus ex anni tempore, & inopia aquæ, ne siti conficeretur exercitus, Rutilium legatum cum expeditis cohortibus & parte equitum præmisit ad flumen, uti locum castris ante caperet, existimans hostes crebro impetu, & transuersis prælijs iter suum remoraturus, & quoniam armis diffiderent, lassitudinem & sitim militum tentaturos. deinde ipse pro re, atque loco, sicuti monte descenderat, paulatim procedere: Marium post principia habere: ipse cum sinistræ alæ equitibus esse, qui in agmine principes facti erant: at Iugurtha ubi extremum agmen Metelli primos suos prætergressum uidet, præsidio quasi duum millium peditem montem occupat, quæ Metellus descenderat: ne forte cedentibus aduersarijs receptui, ac post munimento foret. deinde repente signo dato hostes inuadit. Numidæ alij postremos cedere: pars à sinistra, ac dextra tentare: insensi adesse: instare, atque omnibus locis Romanos ordines conturbare. quorū etiam qui firmioribus animis obuī hostibus fuerant, ludificati incerto prælio

ipsi modo eminus sauciabantur : neque contra feriendi , aut conserendi manum copia erat . ante iam docti ab Iugurtha equites , ubi Romanorum turma insequi cœperat , non confertim , neque in unum sese recipiebant , sed alius aliò quàm maxime diuersi . ita numero priores , si à persequendo hostes deterrire nequiuertant , disiectos ab tergo , aut lateribus circumueniebant : sin opportunior fugæ collis , quàm campi fuerant ; eà uero consueti Numidarum equi facile inter uirgulta euadere ; nostros asperitas , & insolentia loci retinebat . ceterum facies totius negocij uaria , incerta , fœda , atque miserabilis . dispersi à suis , pars cedere , alij insequi : neque signa , neque ordines obseruare : ubi quenque periculum ceperat , ibi resistere , ac propulsare : arma , tela , equi , uiri , hostes , atque ciues permisti , nihil consilio , neque imperio agi : fors omnia regere . itaque multum diei processerat , cum etiam tum euentus in incerto erat . denique omnibus labore , & æstu languidis , Metellus , ubi uidet Numidas minus instare , paulatim milites in unum conducit : ordines restituit , & cohortes legionarias quatuor aduersus pedites hostium collocat . eorum magna pars superioribus locis fessa confederat : simul orare , & hortari milites , ne descenderent , neu päterentur hostes fugientes uincere :

re: neque illis castra esse, neque munimentum ullum, quum cedentes tenderent: in armis omnia sita. sed ne Iugurtha quidem interea quietus erat: circuire, hortari, renouare praelium, & ipse cum delictis tentare omnia: subuenire suis, hostibus dubijs instare: quos firmos cognouerat, eminus pugnando retinere. Eo modo inter se duo imperatores summi uiri certabant. ipsi pares, ceterum opibus disparibus. nam Metello uirtus militum erat, locus aduersus: Iugurthæ alia omnia, præter milites, opportuna. denique Romani, ubi intelligunt neque sibi profugium esse, neque ab hoste copiam pugnandi fieri; ut iam diei uesper aderat, aduerso colle sicuti præceptum fuerat, euadunt. amisso loco Numidæ fusi, fugatiq; pauci interiere: plerosque uelocitas, et regio hostibus ignara tutata sunt. interea Bomilcar, quem elephantis, & parti copiarum pedestrium præfectum ab Iugurtha supra diximus, ubi eum Rutilius prætergressus est, paulatim suos in æquum locum deducit: ac, dum legatus ad flumen, quò præmissus erat, festinans pergit, quietus uti res postulabat, aciem exornat: neque remittit interim, quid ubique hostis ageret, explorare. postquam Rutilium confedissem iam, & animo uacuum acceperat, simulq; ex Iugurthæ prælio clamorem augeri, ueritus ne legatus, co-

gnita re, laborantibus suis auxilio foret, aciem, quem diffidens uirtuti militum arte statuerat, quo hostium itineri officeret, latius porrigit: eoq; modo ad Rutilij castra procedit. Romani ex improviso pulueris uim magnam animaduertunt. nam prospectum ager arbusis confitus prohibebat. et primo rati humum aridam uento agitari; post ubi equabilem manere, et, sicuti acies mouebatur, magis magisque appropinquare uident: cognita re properantes arma capiunt, ac pro castris, sicuti imperabatur, consistunt. Deinde, ubi propius uentum est, utrinque magno clamore concurritur. Numidae tantummodo remorati, dum in elephantis auxilium putant, postquam eos impeditos ramis arborum, atque ita disiectos circumueniri uident, fugam faciunt: ac plerique, abiectis armis, collis, aut noctis, quae iam aderat, auxilio integri abeunt. elephantum quatuor capti, reliqui omnes XL. numero interfecti. At Romani quanquam itinere, atque opere castrorum, & praelio fessi, lassique erant: tamen, quod Metellus amplius opinione morabatur, instructi, intentique obuiam procedunt. nam dolus Numidarum nihil languidi, neque remis-
si patiebatur. ac primo obscura nocte, postquam haud procul inter se erant, strepitu, uelut hostes aduentaret, alteri apud alteros formidi-

nem

nem simul, & tumultum facere: & penè imprudentia esset admissum facinus miserabile, ni utrinque præmissi equites rē explorauissent. igitur pro metu repente gaudium exortum est. Milites alius alium leti appellant, acta edocent, atque audiunt: sua quisque fortia facta ad cælum effert. Quippe res humanæ ita sese habent: in uictoria uel ignauis gloriari licet: aduersæ res etiam bonos detrectant. Metellus in iisdem castris quatrinduo moratus, saucios cum cura reficit, meritos in prælijs more militiæ donat, uniuersos in concione laudat, atque agit gratias: hortatur ad cetera, quæ leuia sunt: parem animum gerant: pro uictoria satis iam pugnatum, reliquos labores pro præda fore. tamen interim transfugas, & alios opportunos, Iugurtha ubi gentium, aut quid agitare, cum paucis ne esset, an exercitum haberet, ut sese uictus gereret, exploratum misit. At ille sese in loca saluosa, & natura munita receperat: ibiq; cogebat exercitum numero hominum amplio, sed hebetem, infirmum, agri ac pecoris magis, quàm belli, cultorem. id ea gratia eueniebat, quòd præter regiones equites nemo omnium Numidarum ex fuga regem sequitur: quò cuiusque animus fert, eò discedunt. neque id flagitium militiæ ducitur. ita se mores habent. igitur

tur Metellus, ubi uidet animum regis etiam tum
 ferocem esse: bellum renouari, quod nisi ex il-
 lius libidine geri non posset: præterea inimicum
 certamen sibi cum hostibus esse: minore detri-
 mento illos uinci, quàm suos uincere: statuit
 non prælijs, neque acie, sed alio more bellum ge-
 rundum. itaque in loca Numidie opulentissima
 pergit: agros uastat: multa castella, & oppida
 temere munita, aut sine præsidio capit, incen-
 ditq;: puberes interfici iubet, alia omnia mili-
 tum esse prædam. ea formidine multi mortales
 Romanis dediti obsides: frumentum, & alia,
 quæ usui forent, affatim præbita: ubicunque res
 postulabat, præsidium impositum. Quæ nego-
 cia multo magis, quàm prælium male pugna-
 tum, ab suis, regem terrebant. quippe cuius
 spes omnis in fuga sita erat, sequi cogebatur;
 & qui sua loca defendere nequuerat, in alie-
 nis bellum gerere. tamen ex inopia, quod opti-
 mum uidebatur, consilium capit: exercitum ple-
 runque in ijsdem locis opperiri iubet: ipse cum
 delectis equitibus Metellum sequitur: noctur-
 nis, & auis itineribus ignoratus, Romanos pa-
 lantes repente aggreditur. eorum plerique in-
 ermes cadunt, multi capiuntur: nemo omnium
 intactus profugit: & Numidæ prius quàm ex
 castris subueniretur, sicuti iussi erant, in proxi-
 mos

mos colles discedunt. Interim Romæ gaudium ingens ortum cognitis rebus Metelli: ut sese, & exercitum more maiorum gereret: ut in aduerso loco uictor tamen uirtute fuisset: hostium agro potiretur: Iugurtham magnificum ex Auli socordia, spem salutis in solitudine, aut fuga coegisset habere. itaque senatus ob ea feliciter acta dijs immortalibus supplicia decernere: ciuitas trepida antea, sollicita de belli euentu, læta agere: de Metello fama præclara esse. Igitur eo intentior ad uictoriam niti, omnibus modis festinare: cauere tamen necubi hosti opportunus fieret: meminisse post gloriam inuidiam sequi. ita quò clarior, eo magis anxius erat: neque post insidias Iugurthæ effuso exercitu prædari. ubi frumento, aut pabulo opus erat, cohortes cum omni equitatu præsidium agitabant: exercitus partem ipse, reliquos Marius ducebat. sed igne magis, quàm præda, ager uastabatur. duobus locis haud longe inter se castra faciebant. ubi ui opus erat, cuncti aderant: ceterum quo fuga, atque formido latius cresceret, diuersi agebant. Eo tempore Iugurtha per colles sequi: tempus, aut locum pugne querere: quà uenturum hostem audierat, pabulum, & aquarum fontes, quorum penuria erat, corrumpere: modo se Metello, interdum Mario ostendere: postremos

strenuos in agmine tentare, ac statim in colles regredi: rursus alijs, post alijs minitari: neque praelium facere, neque ocium pati, tantummodo hostem ab incepto retinere. Romanus imperator ubi se dolis fatigari uidet, neque ab hoste copiam pugnandi fieri; urbem magnam, & in ea parte, qua sita erat, arcem regni, nomine Zamam, statuit oppugnare, ratus id, quod negocium poscebat, Iugurtham laborantibus suis auxilio uenturum, ibiq; praelium fore. At ille quæ parabantur à perfugis edoctus, magnis itineribus Metellum anteuenit: oppidanos hortatur, ut mœnia defendant, additis auxilio perfugis: quod genus ex copijs regis, quod fallere nequebat, firmissimum erat. præterea pollicetur in tempore semet cum exercitu adfore. ita compositis rebus, in loca quammaxime occulta discedit, ac paulo post cognoscit, Marium ex itinere frumentatum cum paucis cohortibus Siccam missum. quod oppidum primum omnium post malam pugnam ab rege defecerat. eò cum delectis equitibus noctu pergit, & iam egredientibus Romanis in porta pugnam facit: simul magna uoce Siccenses hortatur, uti cohortes ab tergo circumueniant: fortunam illis præclari facinoris casum dare, si id fecerint: postea sese in regno, illos in libertate sine metu ætatem acturos,

ros. Ac ni Marius signa inferre, atque euade-
 re oppido properauisset, profecto cuncti, aut
 magna pars Siccensium fidem mutauissent. tan-
 ta mobilitate sese Numidæ gerunt. sed milites
 Iugurthini paulisper à rege sustentati, postquam
 maiore ni hostes urgent, paucis amissis profugi
 discedunt. Marius ad Zamam peruenit. id op-
 pidum in campo situm, magis opere, quàm na-
 tura munitum erat, nullius idoneæ rei egens, ar-
 mis uirisq; opulentum. igitur Metellus pro tem-
 pore, atque loco paratis rebus, cuncta mœnia
 exercitu circumuenit: legatis imperat, ubi
 quisque curaret: deinde signo dato undique si-
 mul clamor ingens exoritur. neque ea res Nu-
 midas terret: insensi, intentiq; sine tumultu ma-
 nent: prælium incipitur. Romani pro ingenio
 quisque, pars eminus glande, aut lapidibus pu-
 gnare: alij succedere, ac modo murum suffo-
 dere, modo scalis aggredi, cupere prælium ma-
 nibus facere. Contra ea oppidani in proximos
 saxa uoluere, fudes, pila, præterea picem sul-
 phure, & teda mistam ardenti mittere. sed ne
 illos quidem, qui procul manserant, timor ani-
 mi satis muniuerat. nam plerosque iacula tor-
 mentis, aut manu emissa uulnerabant: pariq;
periculo, sed fama impari, boni, atque ignaui
 erant. Dum apud Zamam sic certatur, Iugur-
 tha

tha ex improviso castra hostium cum magna manu inuadit: remissis, qui in praesidio erant, et omnia magis, quàm praelium, expectantibus, portā irrupit. At nostri repentino metu perculsi, sibi quisque pro moribus consulunt: alij fugere, alij arma capere: magna pars uulnerati, aut occisi sunt. ceterum ex omni multitudine non amplius XL. memores nominis Romani, grege facto locum cepere, paulo quàm alij editiorem: neque inde maxima ui depelli quiuerunt: sed tela ominis missa remittere, pauci in pluribus minus frustrari: sin Numida propius accessissent, ibi uero uirtutem ostendere, & eos maxima ui cadere, fundere, atque fugare. Interim Metellus, cum accerrime rem gereret, clamorem & tumultum hostilem à tergo accepit: deinde conuerso equo animaduertit fugam ad se uersum fieri. quæ res indicabat populares esse. igitur equitatum omnem ad castra propere misit, ac statim C. Marium cū cohortibus sociorum; eumq; lacrymans per amicitiam, perq; remp. obsecrat, nequam contumeliam remanere in exercitu uictore, ne ue hostes inultos abire sinat. ille breui mandata efficit, at Iugurtha munimento castrorum impeditus, cum alij super uallum præcipitarentur, alij in angustiis ipsi sibi properantes officerent, multis amissis in loca munita sese recipit.

cipit . Metellus , infecto negotio , postquam nox
 aderat , in castra cum exercitu reuertitur . Igi-
 tur postero die prius quàm ad oppugnandum e-
 grederetur , equitatum omnem in ea parte , quàm
 regis aduentus erat , pro castris agitare iubet :
 portas , & proxima loca tribunis dispertit : de-
 inde ipse pergit ad oppidum , atque , uti superio-
 re die , murum aggreditur . Interim Iugurtha
 ex occulto repente nostros innadit . qui in pro-
 ximo locati fuerant , paulisper territi pertur-
 bantur : reliqui cito subueniunt . neque diutius
 Numidæ resistere quiniissent , ni pedites cum e-
 quitibus permisti , magnam cladem congressu
 facerent : quibus illi freti , non uti equestri præ-
 lio solet , sequi , deinde cedere , sed aduersis equis
 concurrere , implicare , ac perturbare aciem .
 ita expeditis peditibus suis , hostes pene uictos
 dare . Eodem tempore apud Zamam magna ui-
 certabatur . ubi quisque legatus , aut tribunus
 curabat , eò acerrime niti , neque alius in alio
 magis , quàm in se , spem habere : pariterq; op-
 pidani agere , oppugnare , aut parare omnibus
 locis ; auidius alteri alteros sauciare , quàm se-
met tegere . clamor permixtus hortatione , leti-
 tia , gemitu : item strepitus armorum ad cælum
 ferri : tela utrinque uolare . sed illi , qui mœnia
 defensabant , ubi hostes paululum modo pugnam
 remiserant ,

gongus

remiserant, intenti praelium equestre prospere-
 tabant. eos, uti quaque Iugurtha res erant, la-
 tos modo, modo pauidos animaduertes: ac si-
 cuti à suis audiri aut cerni possent, monere alij,
 alij hortari, aut manu significare, aut niti cor-
 poribus: huc, & illuc quasi uitabundi, aut ia-
 cientes tela agitare. Quod ubi Mario cognitum
 est (nam is in ea parte curabat) consulto lenius
 agere, ac diffidentiam rei simulare: pati Numi-
 das sine tumultu, regis praelium uisere. ita illis
 studio suorum astrictis, repente magna ui mu-
 rum aggreditur: & iam scalis aggressi milites,
 prope summa ceperant, cum oppidani concur-
 runt, lapidesq; & ignem, praeterea alia tela
 ingerunt. nostri primo resistere: deinde ubi una
 atque altera scale comminuta sunt, qui super-
 steterant afflicti sunt: ceteri quoquo modo po-
 tuere, pauci integri, magna pars confecti uul-
 neribus, abeunt. denique utrinque praelium nox
 diremit. Metellus postquam uidet frustra ince-
 ptum, neque oppidum capi, neque Iugurtham
 niti nisi ex insidijs, aut de suo loco pugnam face-
 re, & iam aetatem exactam esse, ab Zama di-
 scedit; & in ijs urbibus, quae à rege defecerant,
 satisq; munita loco, aut mœnibus erant, praesi-
 dia imponit. ceterum exercitum in provincia,
 quae proxima est Numida, hyemandi gratia
 collocat.

collocat. neque id tempus ex aliorum more quieti, aut luxuriæ concedit, sed, quoniam armis bellum parum procedebat, insidias regi per amicos tendere, & eorum perfidia pro armis uti parat. igitur Bomilcarem, qui Romæ cum Iugurtha fuerat, & inde uadibus datis de Massinæ nece clam iudicium fugerat, quod ei per maximam amicitiam maxima copia fallendi erat, multis pollicitationibus aggreditur: ac primo efficit, uti ad se colloquendi gratia occultus ueniat; deinde, fide data, si Iugurtham uiuum, aut necatum sibi tradidisset, fore, ut illi senatus impunitatem, & sua omnia concederet, facile Numidæ persuadet, cum ingenio infido, tum metuenti, ne, si pax cum Romanis fieret, ipse per conditiones ad supplicium traderetur. is, ubi primum opportunum fuit, Iugurtham anxium ac miserantem fortunas suas accedit: monet, atque lacrymans obtestatur, uti aliquando sibi, liberisq; , & genti Numidarum optimè meritæ provideat: omnibus prælijs sese uictos, agrum uastatum, multos mortales captos, occisos, regni opes comminutas esse: satis sæpe iam & uirtutem militum & fortunam tentatam: caueat, ne illo cunctante Numidæ sibi consulant. his, atque talibus alijs ad deditionem animum regis impellit. mittuntur ad imperatorem legati, qui

K Iugurtham

Iugurtham imperata facturum dicerent, ac sine ulla pactione sese, regnumq; suum in illius fidem tradere. Metellus propere cunctos senatorij ordinis ex hibernis accersiri iubet: eorum et aliorum, quos idoneos ducebat, consilium habet. ita more maiorum, ex consilij decreto, per legatos Iugurthæ imperat, argenti pondo ducenta millia, elephantos omnes, equorum, & armorum aliquantulum. Quæ postquam sine mora facta sunt, iubet omnes perfugas uinctos adduci. eorum magna pars uti iussum erat, adducti: pauci, cum primum deditio cæpit, ad regem Bocchum in Mauritaniam abierant. igitur Iugurtha ubi armis, uirisq; , & pecunia spoliatus est, dum ipse ad imperandum Tisdrum, uocaretur, rursus cæpit flectere animum suum, & ex mala conscientia digna timere. denique multis diebus per dubitationem consumptis, cum modo tædio rerum aduersarum omnia bello potiora duceret; interdum ipse secum reputaret, quàm grauis casus in seruitium ex regno foret: multis, magnisq; præsidys nequicquam perditis, deintegro resumat bellum. et Romæ senatus de prouincijs consultus, Numidiam Metello decreuerat. Per idem tempus Uticæ forte C. Mario per hostias dijs supplicanti, magna, atque mirabilia portendi aruspex dixerat: proinde, quæ ani
mo

mo agitabat, fretus dijs ageret: fortunam quã
 sæpiſſime experiretur: cuncta proſpere euentu-
 ra. At illum iam antea conſulatus ingens cupi-
 do exagitabat: ad quem capiendum, præter ue-
 tuſtatem familie, alia omnia abunde erant: in-
dustria, probitas, militiæ magna ſcientia, ani-
mus belli ingens, domi modicus, libidinis, & di-
uitiarum uictor, tantummodo gloriæ auidus. ſed
 is natus, & per omnem pueritiam Arpini ali-
 tus, ubi primum ætas militiæ patiens fuit, ſti-
 pendijs faciundis, non Græca facundia, neque
 urbanis mundicijs ſeſe exercuit: ita inter bonas
 artes integrum ingenium breui adoleuit. ergo
 ubi primum tribunatum militum à populo pe-
 tit, plerisque faciem eius ignorantibus facile no-
 tus per omnes tribus declaratur. deinde ab eo
 magiſtratu alium poſt alium ſibi peperit: ſem-
 perq; in poteſtatibus eo modo agitabat, ut am-
 pliore, quàm gerebat, dignus haberetur. tamen
 is ad id locorum talis uir (nam poſtea ambitione
 præceps datus eſt) conſulatum appetere non au-
 debat. etiam tum alios magiſtratus plebs, con-
 ſulatum nobilitas inter ſe per manus tradebat.
 nouus nemo tam clarus, neque tam egregius fa-
 ctus erat, quin is indignus illo honore, & quaſi
 pollutus haberetur. igitur ubi Marius aruſpiciſ
 dicta eodem intendere uidet, quò cupido animi

Marius.

hortabatur, ab Metello petendi gratia missionem rogat: cui quāquam uirtus, gloria, atque alia optanda bonis superabant, tamen inerat contemptor animus, & superbia, commune nobilitatis malum. itaque primum commotus insolita re, mirari eius consilium, & quasi per amicitiam monere, ne tam praua inciperet, neu super fortunam animum gereret: non omnia omnibus cupienda esse: debere illi res suas satis placere: postremo caueret id petere à populo R. quod illi iure negaretur. postquam hæc, atque alia talia dixit, neque animus Marij flectitur: respondit, ubi primum potuisset per negocia publica, facturum sese, quæ peteret. ac postea sæpius eadem postulanti fertur dixisse, ne festinaret abire: satis mature illum cum filio suo consulatum petiturum. is eo tempore in contubernio patris ibidem militabat, annos natus circiter x x. quæ res Marium cum pro honore, quem affectabat, tum contra Metellum uehementer accenderat. ita cupidine, atque ira, pessimis consultoribus, grassari: neque factu ullo, neque dicto abstinere, quod modo ambitiosum foret: milites, quibus in hibernis præerat, laxiore imperio, quàm antea, habere: apud negotiatores, quorum magna multitudo Vtica erat, criminosè simul & magnifice de bello

lo loqui : dimidia pars exercitus si sibi permitte-
retur , paucis diebus Iugurtham in catenis habi-
turum : ab imperatore consulto bellum trahi ,
quòd homo inanis , & regie superbie , imperio
nimis gauderet . quæ omnia illis eo firmiora ui-
debantur , quia diuturnitate belli res familia-
res corruperant : & animo cupienti nihil satis
festinatur . erat præterea in exercitu nostro Nu-
mida quidam , nomine Gauda , Manastabalis fi-
lius , Massanisæ nepos , quem Micipsa testamen-
to secundum heredem scripserat , morbis conse-
ctus , & ob eam causam mente paululum immu-
tata . cui Metellus petenti more , ut sellam iux-
ta poneret , item postea custodiæ causa turmam
equitum Romanorum , utrunque negauerat : ho-
norem , quòd eorum modo foret , quos populus
R. reges appellauisset : præsidium , quòd contu-
meliosum in eos foret , si equites Romani , satelli-
tes Numidæ traderentur . hunc Marius anxi-
um aggreditur , atque hortatur , ut contumelia-
rum in imperatorem cum suo auxilio pœnas pe-
tat : hominem ob morbos animo parum ualido
secunda oratione extollit : illum regem , ingen-
tem uirum , Massanisæ nepotem esse : si Iugurtha
captus , aut occisus foret , imperium Numidiæ
sine mora habiturum : id adeo mature posse eue-
nire , si ipse consul ad id bellum missus foret . ita-

que & illum, & equites Romanos, milites, & negociatores, alios ipse, plerosque spes pacis impellit, uti Romam ad suos necessarios asperere in Metellum de bello scribant, Marium imperatorem poscant. Sic à multis illi mortalibus honestissima suffragatione consulatus petebatur: simul ea tempestate plebs nobilitate fusa, per legem Mamiliam novos extollebat, ita Mario cuncta procedere. interim Iugurtha postquam omis-
sa deditioe bellum incipit, cum magna cura parare omnia; festinare, cogere exercitum: ciuitates, quæ ab se defecerant, formidine, aut ostentando præmia affectare: communire suos locos: arma, tela, aliaq; quæ spe pacis amiserat, reficere, aut commercari: seruitia Romanorum allicere, & eos ipsos, qui in præsidijs erant, pecunia tentare: prorsus nihil intactum, neque quietum pati: cuncta agitare. igitur Vaccenses, quò Metellus initio, Iugurtha, pacificante, præsidium imposuerat, fatigati regis supplicijs, neque antea uoluntate alienati, principes ciuitatis inter se coniurant (nam uulgus, uti plerumque solet, & maxime Numidarum, ingenio mobili seditiosum, atque discordiosum erat, cupidum nouarum rerum, quieti & ocio aduersum) deinde compositis inter se rebus, in diem tertium constituunt, quòd is festus, celebratusq;
per

per omnem Africam ludum & lasciuiam magis
 quàm formidinem ostentabat, sed ubi tempus
 fuit, centuriones, tribunosq; militares, & ip-
 sum præfectum oppidi T. Turpiliū Silanum,
 alius alium domos suos inuitant: eos omnes, præ-
 ter Turpiliū, inter epulas obtruncant: postea
 milites palantes, inermes, quippe in tali die, et
 sine imperio aggrediuntur. idem plebs facit,
pars edocti à nobilitate, alij studio talium rerum
incitati, queis acta, consiliūq; ignorantibus
tumultus ipse, & res nouæ satis placebant. Ro-
 mani milites perculsi improuiso metu, incerti
 ignariq; quid potissimum facerent, trepidare.
 arcem oppidi, ubi signa, & scuta erant, præsi-
 dium hostium, & portæ ante clausæ fugam pro-
 hibebant. Ad hoc mulieres, pueriq; protectis
 ædificiorum saxa, & alia, quæ locus præbebat,
 certatim mittere. ita neque cauere anceps ma-
 lum, neque à fortissimis infirmissimo generi resi-
 sti posse: iuxta boni, maliq;, strenui, & imbe-
 cilles multi obtruncari. in ea tanta asperitate
 sæuissimis Numidis, & oppido undique clauso,
 Turpilius præfectus unus ex omnibus Italicis
 profugit intactus. id misericordia ne hospitis, an
 pactione, an casu ita euenerit, parum comperi-
 mus: nisi, quòd illi in tanto malo turpis uita
integra fama potior fuit, improbus intestabi-

lisq; uidetur. Metellus postquam de rebus Vaccæ
 actis comperit, paulisper mæstus è conspectu a-
 bijt: deinde, ubi ira, & ægritudo permixta sunt,
 cum maxima cura ultum ire iniurias festinat.
 legionem cum qua hyemabat, & quàm pluri-
 mos potest Numidas equites pariter cum occa-
 su solis expeditos educit: & postera die circiter
 horam tertiam peruenit in quandam planitiem,
 locis paulo superioribus circumuentam. ibi mi-
 lites fessos itineris magnitudine, & iam abnuen-
 tes omnia, edocet oppidum Vaccam non ampli-
 us mille passuum abesse: decere illos reliquum
 laborem æquo animo pati, dum pro ciuibus suis
 uiris fortissimis, atque miserrimis pœnas cape-
 rent: præterea prædam benigne ostendat. sic ani-
 mis eorum arrectis, equites in primo latere, pe-
 dites quamartissime pergere, & signa occulta
 re iubet. Vaccenses ubi animaduertere ad se uor-
 sum exercitum pergere, primo, uti res erat, Me-
 tellum esse rati. portas clausere: deinde, ubi ne-
 que agros uastari, & eos, qui primi aderant,
 Numidas equites uident; rursus Iugurtham
 arbitrati, cum magno gaudio obuij procedunt.
 equites peditesq; repente signo dato, alij uul-
 gum effusum oppido cadere: alij ad portas festi-
 nare, pars turres capere, ira, atque spes prædæ
 amplius, quàm lassitudo posse. ita Vaccenses bi-
 duum

Strategem
 Metellij

duum modo ex perfidia lætati, ciuitas magna, atque opulenta pœnæ cuncta, aut prædæ fuit. Turpilius, quem præfectum oppidi unum ex omnibus profugisse supra ostendimus, iussus à Metello causam dicere, postquam sese parum expurgat, condemnatus, uerberatusq; pœnas capite soluit. nam is ciuis ex Collatia erat. per idem tempus Bomilcar, cuius impulsu Iugurtha deditiõnem, quam metu deseruit, inceperat, suspectus regi, & ipse eum suspiciens, nouas res cupere: ad perniciem eius dolum querere: diu notuq; fatigare animum. denique omnia tentando, socium sibi adiungit Nabdalsam, hominem nobilem, magnis opibus clarum, acceptumq; popularibus suis: qui plerumque exercitum ductare seorsum ab rege, & omnes res exequi solitus erat, quæ Iugurthæ fesso, aut maioribus astricto superauerant: ex quo illi gloria, opesq; inuenta. igitur utriusque consilio dies insidijs statuitur: cetera, uti res posceret, ex tempore parari placuit. Nabdalsa ad exercitum profectus est, quem inter hiberna Romanorum iussus habebat, ne ager inultis hostibus uastaretur. is postquam magnitudine facinoris perculsus, ad tempus non uenit, metusq; rem impediēbat, Bomilcar simul cupidus incepta patrandi, & timore socij anxius, ne omisso uetere consilio nouum quere-

Nabdalsa.

quæreret ; literas ad eum per homines fideles
 mittit , in queis mollitiem , socordiamq̃ ; uiri ac-
 cusare : testari deos , per quos iurasset : monere
 ne præmia Metelli in pestem suam conuerteret.
 Ingurthæ exitum adesse : ceterum sua ne , an uir-
 tute Metelli periret , id modo agitari : proinde
 reputaret cum animo suo , præmia , an crucia-
 tum mallet . sed cum hæ literæ adlatæ sunt , for-
 te Nabdalsa , exercito corpore fessus , in lecto
 quiescebat : ubi cognitis Bomilcaris uerbis , pri-
 mo cura eum , deinde , uti ægrum animum solet ,
 somnus cepit . erat ei Numida quidam negocio-
 rum curator fidus , acceptusq̃ ; & omnium con-
 siliorum , nisi nouissimi , particeps . qui postquam
 adlatas literas audiuit , & ex consuetudine ra-
 tus opera , aut ingenio suo opus esse : in taberna-
 culum introiuit : & , dormiente illo , epistolam
 super caput in puluino temere positam sumit , ac
 perlegit : deinde propere , cognitis insidijs , ad
 regem pergit . Nabdalsa paulo post experrectus ,
 ubi neque epistolam reperit , & rem omnem , uti
 acta erat , ex perfugis cognouit : primo indicem
 persequi conatus , postquam id frustra fuit , In-
 gurtham placandi gratia accedit : dicit , quæ ip-
 se parauisset facere , perfidia clientis sui præuen-
 ta : lacrymans obtestatur per amicitiam , perq̃ ;
 sua antea fideliter acta , ne super tali scelere su-
 spectum

spec̃tum sese haberet . ad ea rex aliter , atque animo gerebat , placide respondit . Bomilcare , atque alijs multis , quos socios insidiarum cognouerat , interfectis , iram oppresserat , ne qua ex eo negocio seditio oriretur . neque post id locorum Iugurthæ dies , aut nox ulla quieta fuit : neque loco , neque mortali cuiquam , aut tempori satis credere : ciues , hostesq̃ ; iuxta metuere : circumspectare omnia , & omni strepitu pauescere : alio , atque alio loco sæpe contra decus regium noctu requiescere : interdum somno excitus , arreptis armis tumultum facere : ita formidine quasi uecordia exagitari . igitur Metellus ubi de casu Bomilcaris & indicio patefacto ex perfugis cognouit ; rursus tanquam ad integrum bellum cuncta parat , festinatq̃ ; . Marium fatigantem de profectioe , simul & inuitum & offensum sibi parum idoneum ratus , domum dimittit . et Romæ plebes literis , quæ de Metello ac Mario misæ erant , cognitis , uolenti animo de ambobus acceperant . imperatoris nobilitas , quæ antea decori fuerat , inuidiæ esse : at illi alteri generis humilitas fauorem addiderat : ceterum in utroque magis studia partium , quàm mala , aut bona sua , moderari . præterea seditiosi magistratus uulgus exagitare , Metellum omnibus concionibus capitis arcessere , Marij uirtutem in maius celebrare .

permanere
paritatem

celebrare . denique plebes sic est accensa , uti opifices agrestesq; omnes , quorum res , fidesq; in manibus sita erant , relictis operibus frequentarent Marium , & sua necessaria post illius honorem ducerent . ita perculsa nobilitate , post multas tempestates nouo homini consulatus mandatur : & postea populus à tribuno pl. L. Manlio Mancino rogatus , quem uellet cum Iugurtha bellum gerere , frequens Marium iussit . sed senatus paulo ante Metello Numidiam decreuerat . ea res frustra fuit . eodem tempore Iugurtha amissis amicis , quorum plerosque ipse necauerat , ceteri formidine , pars ad Romanos , alij ad regem Bocchum profugerant ; cum neque bellum geri sine ministris posset , & nouorum fidem in tanta perfidia ueterum experiri periculum duceret , uagus incertusq; agitabatur , neque illi res ulla , neque consilium , aut quisquam hominum satis placebat : itinera , praefectosq; in dies mutare : modo aduersum hostes , interdum in solitudines pergere : saepe in fuga , ac paulo post spem in armis habere : dubitare uirtuti , an fidei popularium minus crederet . ita , quocunque intenderat , res aduersae erant . sed inter eas moras repente sese Metellus cum exercitu ostendit . Numida ab Iugurtha pro tempore parati , instructiq; sunt : deinde praelium incipitur .
qua

qua in parte rex pugnae adfuit, ibi aliquandiu certatum est: ceteri omnes eius milites primo congressu pulsi, fugatiq;: Romani signorum, & armorum, & aliquanto numero hostium potiti. nam ferme Numidas in omnibus praeliis magis pedes, quam arma, tutati sunt. Ea fuga Iugurtha impensius modo rebus suis diffidens, cum per fugis, & parte equitatus in solitudines, dein Thalam peruenit. id oppidum magnum atque opulentum, ibiq; plerique thesauri, filiorumq; eius multus pueritiae cultus erat. quae postquam Metello comperta sunt, quanquam inter Thalam, flumenq; proximum, in spatio millium quinquaginta, loca arida, atque uasta esse cognouerat, tamen spe ^{facienda} patranda belli, si eius oppidi potitus foret, omnes asperitates superuadere, ac naturam loci etiam uincere aggreditur. igitur omnia iumenta sarcinis leuari iubet, nisi frumento dierum x. ceterum utres modo, & alia aquae idonea portari. praeterea conquirat ex agris quam plurimum potest domiti pecoris: eoq; imponit uasa cuiusque modi, sed pleraque lignea collecta ex tugurijs Numidarum. ad hoc finitimis imperat, qui se post regis fugam Metello dediderant, quamplurimum quisque aquae portaret: diem, locumq; ubi praesto forent, praedicat. ipse ex flumine, quam proximam oppido aquam esse su

pra

pra diximus, iumenta onerat. eo modo instru-
 ctus ad Thalam proficiscitur. deinde ubi ad id
 loci uentum est, quod Numidis præceperat; &
 castra posita, munita; sunt: tanta repente cæ-
 lo missa uis aquæ dicitur, ut ea modo exercitui
 satis superq; foret. præterea commeatus spe am-
 plior: quia Numida, sicuti plerique in noua de-
 ditione, officia intenderant. ceterum milites re-
 ligione pluuiæ magis usi, ea; res multum ani-
 mis eorum addiderat. nam rati sese dijs immor-
 talibus curæ esse. deinde postero die contra, opi-
 nionem Iugurthæ, ad Thalam perueniunt. op-
 pidani, qui se locorum asperitate munitos credi-
 derant, magna atque insolita re perculsi, nihi-
 lo segnius bellum parare: idem nostri facere: sed
 rex nihil iam Metello infectum credens: quippe
 qui omnia arma, tela, equos, locos, tempora,
 denique naturam ipsam ceteris imperitantem,
 industria uicerat, cum liberis, & magna parte
 pecuniæ ex oppido noctu profugit; neque postea
 in ullo loco amplius una die, aut una nocte mo-
 ratus. simulabat sese negocij gratia properare;
 ceterum prodicionem timebat, quam uitare pos-
 se celeritate perabat: nam talia consilia per o-
 cium ex opportunitate capi. at Metellus ubi op-
 pidanos prælio intentos, simul oppidum & ope-
 ribus, & loco munitum uidet, uallo, fossa; mæ-
 nia

nia circumuenit . deinde iubet locis ex copia ma-
 xime idoneis uineas agere , superq; aggerem ia-
 cere , & super aggerem impositis turribus opus
 & ministros tutari . contra hæc oppidani festi-
 nare , parare , prorsus ab utrisque nihil reliquum
 fieri . denique Romani multo ante labore , præ-
 lijsq; fatigati , post dies quadraginta , quàm eò
 uentum erat , oppido modo potiti : præda omnis
 à perfugis corrupta est . hi postquàm murum a-
 rrietibus feriri , resq; suas adflctas uident , au-
 rum , argentumq; , et alia , quæ prima ducuntur ,
 domum regiam comportant : ibiq; uino & epu-
 lis onerati , illaq; & domum , & semet igni cor-
 rumpunt : & quas uicti ab hostibus pœnas me-
 tuerant , eas ipsi uolentes pependere . sed pariter
 cum capta Thala legati ex oppido Lepti ad Me-
 tellum uenerant , orantes uti præsidium , præfe-
 ctumq; eò mitteret : Hamilcarem quendam ho-
 minem nobilem , factiosum , nouis rebus studere ,
 aduersum quem neque imperia magistratuum ,
 neque leges ualerent : id ni festinaret , in summo
 periculo suam salutem , & illorum socios fore .
 nam Leptitani iam inde à principio belli Iugur-
 thini ad Bestiam consulem , & postea Romam mi-
 serant amicitiam , societatemq; rogatum . dein-
 de , ubi ea impetrata fuere , semper boni , fide-
 lesq; mansere , & cuncta à Bestia , Albino , Me-
 telloq;

telloq; imperata gnauius fecerant, itaque ab imperatore facile, quæ petebant, adepti. Miffa sunt eò cohortes Ligurum quatuor. & C. Annius præfectus. id oppidum ab Sidonijs conditum est, quos accepimus profugos ob discordias ciuiles, nauibus in eos locos uenisse: ceterum situm inter duas Syrtes: quibus nomen ex re inditum. nam duo sunt sinus prope in extrema Africa, impares magnitudine, pari natura: quorum proxima terræ præalta sunt: cetera, uti fors tulit, alia alia in tempestate uadosa. nam ubi mare magnum esse, & scire cœpit uentis, limum, arenamq; , & saxa ingentia fluctus trahunt: ita facies locorum cum uentis simul mutatur: Syrtes ab tractu nominate. eius ciuitatis lingua modo conuersa connubio Numidarum legum, cultusq; pleraque Sidonica: quæ eo facilius retinebantur, quòd procul ab imperio regis ætatem agebant. inter illos, & frequentem Numidiam, multi uasti q; loci erant. sed, quoniam in has legiones per Leptitanorum negocia uenimus, non indignum uidetur, egregium, atque memorabile facinus duorum Carthaginiensium memorare. eam rem nos locus admonuit. Qua tempestate Carthaginienses pleraque Africæ imperitabant, Cyrenenses quoque magni, atque opulenti fuere. ager in medio arenosus una specie: neque

quod.
L. Carth.
patr. fili.

que flumen, neque mons erat, qui fines eorum
discerneret. que res eos in magno diuturnoq;
bello inter se habuit. postquam utrinque legio-
nes, item classes sæpe fusæ, fugatæq; & alteri
alteros aliquantum attinuerant, ueriti ne mox ui-
ctos, uictoresq; defessos alius aggrederetur, per
inducias sponsonem faciunt, uti certo die legati
domo proficiscerentur: quo in loco inter se obuij
fuissent, is communis utriusque populi finis ha-
beretur. igitur Carthagine duo fratres missi, qui
bus nomen Philanes erat, maturauere iter per-
gere: Cyrenenses tardius iere. id socordia ne, an
casu acciderit, parum cognoui. ceterum solet
in illis locis tempestas haud secus, atque in mari,
retinere. nam, ubi per loca equalia, & nuda
gignentium uentus coortus arenam humo excita-
uit, ea magna ui agitata, ora oculosq; implere
solet: ita prospectu impedito morari iter. post-
quam Cyrenenses aliquanto posteriores sese ui-
dent, et ob rem corruptam domi pœnas metuunt:
criminari Carthaginenses ante tempus domo di-
gressos: conturbare rem, denique omnia malle,
quàm uicti abire. sed cum Pœni aliam conditio-
nem tantummodo æquam peterent, Græci optio-
nem Carthaginensibus faciunt: ut uel illi, quos
fines populo suo peterent, ibi uiui obruerentur,
uel eadem conditione sese, quem in locum uel-

L lent,

lent, processuros. Phileni conditione probata, seq; uitamq; suam reip. condonauere: ita uiui obruti. Carthaginenses in eo loco Philenis fratribus aras consecrauere, alijq; illis domi honores instituti. nunc ad rem redeo. Iugurtha postquam, amissa Thala, nihil satis firmum contra Metellum putat: per magnas solitudines cum paucis profectus, peruenit ad Getulos, genus hominum ferum, incultumq;, & eo tempore ignarum nominis Romani. eorum multitudinem in unum cogit: ac paulatim consuefacit ordines habere, signa sequi, imperium obseruare, item alia militaria facere. præterea regis Bocchi proximos magnis muneribus, & maioribus promissis ad studium sui perducit; quæ ad adiutoribus regem aggressus, impellit, uti aduersum Romanos bellum suscipiat. id ea gratia facilius, procliuiusq; fuit, quod Bocchus initio huiusce belli legatos Romam miserat, fædus, & amicitiam petitem. quam rem opportunissimam incepto bello pauci impediuere, cæci auaritia, quæ omnia honesta, atque inhonesta uendere mos erat. etiam antea Iugurthæ filia Boccho nupserat. uerum ea necessitudo apud Numidas, Maurosq; leuis ducitur: quia singuli pro opibus, quisque quàm plurimas uxores, denas alij, alij plures habent: sed reges eo amplius. ita animus
multitud-

multitudine distrahitur: nullam pro socia obtinet: pariter omnes uiles sunt. igitur in locum ambobus placitum exercitus conueniunt: ibi fide data, & accepta Iugurtha Bocchi animum *id. infra pag. 109.*
*oratione accendit: Romanos iniustos, profunda auaritia, communes omnium hostes esse: eandem illos causam belli cum Boccho habere, quam secum, & cum alijs gentibus libidine imperitandi, quæ omnia regna aduersa sint: tum sese, paulo ante Carthaginenses, item regem Persen, post, uti quisque opulentissimus uidebitur, ita Romanis hostem fore. his, atque alijs talibus dictis, ad Cirtham oppidum iter constituunt: quod ibi Q. Metellus prædam, captiuosq; , & impedimenta locauerat. ita Iugurtha ratus, aut capta urbe operæpretium fore; aut si dux Romanis auxilio suis uenisset, prælio sese certaturos. nam callidus id modo festinabat, Bocchi pacem imminuere, ne, moras agitando, aliud, quàm bellum, mallet. imperator postquam de regum societate cognouit, non temere, neque uti sæpe iam uictio Iugurtha consueuerat, omnibus locis pugnandi copiam facit: ceterum haud procul ab Cirtha castris munitis, reges opperitur, melius esse ratus cognitis Mauris, quoniam is nouus hostis accesserat, ex commodo pugnam facere. interim Roma per literas certior fit, prouinciam
 L 2 Numidiam*

Numidiam Mario datam. nam consulem factum
 antea acceperat. quibus rebus supra bonum, at-
 que honestum percussus, neque lacrymas tene-
 re, neque moderari linguam: uir egregius in
alijs artibus, nimis molliter egritudinem pati.
 quam rem alij in superbiam uertebant: alij bo-
 num ingenium contumelia accensum esse: mul-
 ti, quod iam parta uictoria ex manibus eripere
 tur. nobis satis cognitum est, illum magis hono-
re Marij, quàm iniuria sua excruciatum: neque
tam anxie laturum fuisse, si adempta provincia
alij, quàm Mario, traderetur. igitur eo dolore
 impeditus, & quia stultitiæ uidebatur, alienam
rem suo periculo curare, legatos ad Bocchum
mittit, postulatum, ne sine causa hostis populo
Romano fieret: habere tam magnam copiam so-
 cietatis, amicitieq; coniungendæ, quæ potior
 bello esset: & quanquam opibus suis consideret,
 tamen non debere incerta pro certis mutare: om-
ne bellum sumi facile, ceterum ægerrime desi-
nere: non in eiusdem potestate initium eius, &
finem esse: incipere cuius etiam ignauo licere;
non deponi, nisi cum uictores uelint: proinde si-
 bi, regnoq; suo consuleret: neu florentes res suas
 cum Ingurthæ perditis misceret. ad ea rex satis
 placide uerba facit: sese pacem cupere, sed In-
 gurthæ fortunarum misereri: si eadem illi copię
 fieret,

fieret, omnia conuentura. rursus imperator contra postulata Bocchi nuncios mittit. ille probare partim, alia abnuere. eo modo saepe ab utroque missis, remissisq; nuncijs tempus procedere, & ex Metelli uoluntate bellum intactum trahi. at Marius, ut supra diximus, cupientissima plebe consul factus, postquam ei prouinciam Numidiam populus iussit, antea iam infestus nobilitati, tum uero multus, atque ferox instare: singulos modo, modo uniuersos ladere: dictitare sese consulatum ex uictis illis spolia cepisse: alia praeterea magnifica pro se, & illis dolentia. interim quae bello opus erant, prima habere: postulare legionibus supplementum: auxilia à populis, & regibus, socysq; arcessere: praeterea ex Latio fortissimum quenque, plerosque militia, paucos fama cognitos accire, & ambiendo cogere homines emeritis stipendijs secum proficisci: neque illi senatus, quanquam aduersus erat, de ullo negotio abnuere audebat: ceterum supplementum etiam letus decreuerat: quia, neque plebe militiam uolente, putabatur Marius aut belli usum, aut studia uulgi amissurus. sed ea res frustra sperata. tanta libido cum Mario eundi plerosque inuaserat. sese quisque praeda locupletem fore, uictorem domum rediturum: alia huiusmodi animis trahebant: & eos non paulum oratione

sua Marius arrexerat . nam postquam, omnibus
 quæ postulauerat decretis, milites scribere uult,
 hortandi causa, simul & nobilitatem, uti con-
 sueuerat, exagitandi, concionem populi aduo-
 cavit . deinde hoc modo disseruit . Scia ego qui
 rites plerosque non iisdem artibus imperium à
nobis petere, &, postquam adepti sunt, gerere,
primo industrios, supplices, modicos esse: dein-
de per ignauiam, & superbiam etatem agere.
 sed mihi contra uidetur . nam quo uniuersa resp.
 pluris est, quàm consulatus, aut prætura, eo
 maiore cura illam administrari, quàm hæc peti
 debere . neque me fallit, quantum cum uestro
 maximo beneficio negocij sustineam . bellum pa-
rare, simul & ærario parcere, cogere ad mili-
tiam eos, quos nolis offendere: domi, forisq; om-
nia curare: & ea agere inter inuidos, occursan-
tes, factiosos, opinione Quirites asperius est.
 adhuc alijs, si deliquere, uetus nobilitas, maio-
 rum fortia facta, cognatorum & affinium opes,
 multæ clientelæ, omnia hæc præsidio adsunt: mi-
 hi spes omnes in memet sitæ: quas necesse est uir-
 tute, & innocentia tutari: nam alia infirma
 sunt . et illud intelligo Quirites, omnium ora in
 me conuersa esse: æquos, bonosq; fauere: quip-
 pe beneficia mea in remp. procedunt: nobilita-
 tem inuadendi me querere locum . quo mihi a-
 crius

crius adnitendum est, ut neque uos capiamini, & illi frustra sint. ita ad hoc ætatis à pueritiâ fui, ut omnes labores, pericula consueta habeam. quæ ante uestra beneficia gratuito faciebam, ea uti accepta mercede deferam, non est consilium Quirites. illis difficile est in potestatibus temperare, qui per ambitionem sese probos simulauere: mihi, qui omnem ætatem in optimis artibus egi, bene facere iam ex consuetudine in naturam uertitur. Bellum me gerere cum Iugurtha iussistis: quam rem nobilitas ægerrime tulit. quæso, reputate cum animis uestris, num id mitari melius sit, equem ex illo globo nobilitatis ad hoc, aut aliud tale negotium mittatis hominem ueteris prosapie, ac multarum imaginum, & nullius stipendiij, scilicet ut in tanta re ignarus omnium trepidet, festinet, sumat aliquem ex populo monitorem sui officij. ita plerunque euenit, ut quem uos imperare iussistis, is sibi imperatorem alium quærat. at ego scio Quirites, qui postquam consules facti sunt, acta maiorum, & Græcorum militaria præcepta legere cæperint, præposterii homines. nam legere, quàm fieri, tempore posterius, re, atque usu prius est. comparate nunc Quirites me hominem nouum cum illorum superbia. quæ illi audire, & legere solent, eorum partem uidi, alia egomet ges-

si, quæ illi literis, ea ego didici militando. nunc
 uos existimate, facta, an dicta pluris sint. con-
 temnunt nouitatem meam, ego illorum igna-
 uiam: mihi fortuna, illis probra obiectantur.
quanquam ego naturam unam, & communem
omnium existimo, sed fortissimum quenque ge-
nerosum esse. ac si iam ex patribus Albini, aut
Bestie queri posset, me ne, an illos ex se gigni
maluerint: quid responsuros creditis? nisi sese li-
beros quamoptimos uoluisse? Quod si iure de-
 spiciunt me, faciant idem maioribus suis, qui-
 bus, ut mihi, ex uirtute nobilitas cæpit. inui-
 dent honori meo: ergo inuideant labori, & in-
 nocentiæ, periculis etiam meis: quoniam per hæc
 illum cepi. uerum homines corrupti superbia,
 ita ætatem agunt, quasi uestros honores contem-
 nant: ita hos petunt, quasi honeste uixerint.
ne illi falsi sunt, qui diuersissimas res pariter
expetant, ignauia uoluptatem, & præmia uir-
tutis. atque etiam cum apud uos, aut in senatu
 uerba faciunt, pleraque oratione maiores suos
 extollunt, eorum fortia facta memorando cla-
 riores sese putant: quod contra est. nam quan-
 to uita illorum præclarior, tanto horum socor-
 dia flagitiosior. et profecto ita se res habet. Ma-
iorum gloria posteris quasi lumen est, neque
bona eorum, neque mala in occulto patitur.

Huiusce

Huiusce rei ego inopiam patior Quirites . uerum id , quod multo præclarius est , meamet facta mihi dicere licet . nunc uidete quàm iniqui sint . quod ex aliena uirtute sibi arrogat , id mihi ex mea non concedunt : scilicet quia imagines non habeo , & quia mihi noua nobilitas est ; quam certe peperisse , quàm acceptam corrupisse , melius est . equidem ego non ignoro , si iam mihi respondere uelint , abunde illis facundam , & compositam orationem fore . sed in maximo uestro beneficio , cum omnibus locis me , uosq; maledictis lacerent , non placuit reticere : ne quis modestiam in conscientiam duceret . nam me quidem ex animi mei sententia ledere nulla oratio potest . quippe uera necesse est bene prædicet : falsam uita moresq; mei superant . sed quoniam uestra consilia accusantur , qui mihi summum honorem , & maximum negocium imposuistis : etiam atque etiam reputate , num eorum pænitendum sit . Non possum , fidei causa , imagines , neque triumphos , aut consulatus maiorum meorum ostentare : at , si res postulet , hastas , uexillum , phaleras , alia militaria dona , præterea cicatrices aduerso corpore . hæ sunt meæ imagines , hæc mea nobilitas , non hereditate relicta , ut illa illis , sed quæ ego plurimis meis laboribus , & periculis quæsiui . non sunt composita

Reg. 1. 1.
(om. Aug.)

posita uerba mea : parui id facio : ipsa se uirtus
 satis ostendit . illis artificio opus est , ut turpia
 facta oratione tegant . neque literas Græcas di-
 dici . parum placebat eas discere , quippe quæ
 ad uirtutem doctoribus nihil profuerunt . at illa
 multo optima reip. doctus sum , hostem ferire ,
 præsidia agitare , nihil metuere , nisi turpem fa-
 mam : hyemem , & æstatem iuxta pati , humi
 requiescere , eodem tempore inopiam , & labo-
 rem tolerare . his ego præceptis militeshorta-
 bor : neque illos arte colam , me opulenter , ne-
 que gloriam meam laborem illorum faciam . hoc
 est utile , hoc ciuile imperium . nanque cum tu
 per mollietiam agas , exercitum supplicio cogere ,
 id est dominum , non imperatorem esse . hæc , at-
 que alia maiores uestri faciendo , seq. , & remp.
 celebrauere . queis nobilitas freta , ipsa dissimi-
 lis moribus , nos illorum æmulos contemnit : &
 omnes honores , non ex merito , sed quasi debi-
 tos à uobis repetit . ceterum homines superbissi-
 mi procul errant . Maiores eorum omnia , quæ
licebat , illis reliquere , diuitias , imagines , me-
moriam sui præclaram : uirtutem non reliquere ,
neque poterant : ea sola neque datur dono , ne-
que accipitur . sordidum me , & incultis mori-
bus uiunt ; quia parum scite conuiuium exorno ;
neque histrionem ullum , neque pluris pretij co-
quum ,

quum, quàm uillicum, habeo. quæ mihi libet
confiteri, Quirites. nam & ex parente meo, &
ex alijs sanctis uiris ita accepi, munditias mulie-
ribus, uiris laborem conuenire: omnibusq; bo-
nis oportere plus gloriæ, quàm diuitiarum esse:
arma, non suppellectilem, decori esse. Quin er-
go, quod iuuat, quod carum æstimant, id sem-
per faciant: ament, potent: ubi adolescentiam
habuere, ibi senectutem agant, in conuiujs, de-
diti uentri; & turpissimæ parti corporis: sudo-
rem, puluerem, & alia talia relinquant nobis,
quibus illa epulis iucundiora sunt. uerum non est
ita. nam, ubi se omnibus flagitijs dedecorauere
turpissimi uiri, bonorum præmia ereptum eunt.
ita iniustissime luxuria, & ignauia, pessimæ ar-
tes, illis, qui coluere eas, nihil efficiunt, reip.
innoxie cladi sunt. nunc, quoniam illis, quan-
tum mores mei, non illorum flagitia poscebant,
respondi: pauca de rep. loquar. primum omni-
um de Numidia bonum habetote animum, Qui-
rites. nam, quæ ad hoc tempus Iugurtham tu-
tata sunt, omnia remouistis, auaritiam, imperi-
tiam, atque superbiam. deinde exercitus ibi est,
locorum sciens, sed mehercule magis strenuus,
quàm felix. nam magna pars eius auaritia, aut
temeritate ducum attrita est. quamobrem uos;
quibus militaris est ætas, adnitimini mecum, et
capeffite,

capeſſite remp. neque quenquam ex calamitate
 aliorum, aut imperatorum ſuperbia metus ce-
 perit. Egomet in agmine atque in prælio conſul
tor idem, & ſocius periculi uobiſcum adero,
me, uosq; in omnibus rebus iuxta geram. et pro
 feſto, diis iuuantibus, omnia matura ſunt, ui-
 ctoria, præda, laus: quæ ſi dubia, aut procul ef-
 ſent, tamen omnes bonos reip. ſubuenire dece-
 bat: etenim nemo ignauia immortalis factus eſt:
 neque quiſquam parens liberis, uti æterni foret,
 optauit; magis, uti boni, honeſtiq; uitam exige-
 rent. plura dicerem Quirites, ſi timidis uirtu-
tem uerba adderent. nam ſtrenuus abunde dictū
 puto. huiusmodi oratione habita, Marius poſt
 quam plebis animos arreſtos uidet, propere com-
 meatu, ſtipendio, armis, alijsq; utilibus naues
 onerat: cum his A. Manlium legatum profici-
 ſci iubet. ipſe interea milites ſcribere, non more
 maiorum, neque ex claſſibus, ſed uti cuiusque
 libido erat, capite cenſos pleroſque. id factum
 alij inopia bonorum, alij per ambitionem conſu-
 lis memorabant; quòd ab eo genere celebratus,
 auctuſq; erat; & homini potentiam querenti e-
 gentiſſimus quiſque opportuniſſimus; cui neque
ſua cara, quippe quæ nulla ſunt, & omnia cum
pretio honeſta uidentur. igitur Marius cum ali-
 quanto maiore numero, quàm decretum erat, in
 Africam

*Africam profectus, paucis diebus Uticam aduehitur. exercitus ei traditur à P. Rutilio legato. nam Metellus conspectum Marij fugerat, ne uideret ea, quæ audita animus tolerare nequie-
rat. sed consul expletis legionibus, cohortibusq; auxiliarijs, in agrum fertilem, & præda onustum proficiscitur. omnia ibi capta militibus donat: deinde castella, & oppida natura, & uiris parum munita aggreditur: prælia multa, ceterum alia leuia alijs locis facere. interim noui milites sine metu pugne adesse: uidere fugientes capi, aut occidi; fortissimum quenque tutissimum: armis libertatem, patriam, parentesq;
& alia omnia tegi, gloriam, atque diuitias queri. sic breui spatio noui, ueteresq; coaluere, & uirtus omnium æqualis facta. at reges ubi de aduentu Marij cognouerunt, diuersi in locos difficiles abeunt. ita Iugurthæ placuerat, speranti, mox effusos hostes inuadi posse: Romanos, sicuti plerosque, remoto metu laxius, licentiusq; futuros. Metellus interea Romam profectus, contra spem suam lætissimis animis accipitur, plebi, patribusq; postquam inuidia decesserat, iuxta carus. sed Marius impigre, prudenterq; suorum, & hostium res pariter attendere, cognoscere quid boni utrisque aut contra esset: explorare itinera regum, consilia, & insidias eorum
anteuenire*

anteuenire . nihil apud se remissum , neque apud
 illos tutum pati . itaque & Getulos , & Ingur-
 tham , ex nostris socijs prædas agentes , sæpe ag-
 gressus in itinere fuderat , ipsumq; regem haud
 procul ab oppido Cirtha armis exuerat . Quæ
 postquam gloriosa modo , neque belli patrandi
 copiam cognouit , statuit urbes , quæ uiris , aut
 loco pro hostibus , & aduersum se opportunisti-
 mæ erant , singulas circumuenire , ita ratus Iu-
 gurtham aut præsidij nudatum iri , si ea pate-
 retur , aut prælio certaturum . nam Bocchus
 nuncios sæpe ad eum miserat , uelle populi R.
 amicitiam : ne quid ab se hostile timeret . id si-
 mulauerit ne , quo improuisus grauior accede-
 ret , an mobilitate ingenij pacem , atque bellum
 mutare solitus , parum exploratum est . sed con-
 sul , uti statuerat , oppida , castellaq; munita adi-
 re : partim ui , alia metu , aut præmia ostentan-
 do , auertere ab hostibus . ac primo mediocria
 gerebat , existimans Iugurtham ob suos tutan-
 dos in manus uenturum . sed ubi illum procul ab-
 esse , & alijs negocijs intentum accepit , maio-
 ra , & magis aspera aggredi tempus uisum est .
 erat inter ingentes solitudines oppidum magnū ,
 atque ualidum nomine Capsa : cuius conditor
 Hercules Libys memorabatur . eius ciues apud
 Iugurtham immunes , leni imperio , & ob ea si-
 delissimi

A. 1. 10.
 apud
 affi. g.
 lentate.
 Mar.

delissimi habebantur: muniti aduersum hostes,
non mœnibus modo, & armis, atque uiris, ue-
rum etiam multo magis locorum asperitate. nam
præter oppido loca propinqua, alia omnia ua-
sta, inculta, egentia aquæ, infesta serpentibus:
quarum uis, sicuti omnium ferarum, inopia ci-
bi acrior. ad hoc natura serpentium ipsa perni-
ciosa, siti magis quàm alia re accenditur. eius
oppidi potiundi Marium maxima cupido inuase-
rat, cum propter usum belli, tum quia res aspe-
ra uidebatur: & Metellus oppidum Thalam ma-
gna gloria ceperat, haud dissimiliter situm, mu-
nitumq;: nisi quòd apud Thalam non longe à
mœnibus aliquot fontes erant. Capsenses una mo-
do, atque ea intra oppidum iungi aqua, cetera
pluuia utebantur. idq; ibi, & in omni Africa,
quæ procul à mare incultius agebat, eo facilius
tolerabatur, quia Numidæ plerunque lacte, &
ferina uescebantur, neque salem, neque alia
gulæ irritamenta quærebant. cibus illis aduer-
sus famem, atque sitim, non libidini, neque lu-
xuriæ erat. igitur consul, omnibus exploratis,
credo dijs fretus, (nam contra tantas difficulta-
tes consilio satis prouidere non poterat) quippe
etiam frumenti inopia tentabatur, quòd Nu-
midæ pabulo pecoris magis, quàm aruo student,
& quodcunque natum fuerat, iussu regis in lo-
ca

ca munita contulerant : ager autem ^Yauidus , & frugum uacuus ea tempestate : (nam æstatis extremum erat) tamen pro rei copia satis prouidenter exornat : pecus omne , quod superioribus diebus prædæ fuerat , equitibus auxiliarijs agendum attribuit . A . Manlium legatum cum cohortibus expeditis , ad oppidum Laris , ubi stipendium , & commeatum locauerat , ire iubet : dicitq; se prædabundum post paucos dies eodem uenturum . sic incepto suo occultato , pergit ad flumen Tanam . ceterum in itinere quotidie pecus exercitui per centurias , item per turmas æqualiter distribuerat , & , ex corijs utres uti fierent , curabat , simul & inopiam frumenti lenire , & ignaris omnibus parare , quæ mox usui forent . denique sexto die , cum ad flumen uentum est , maxima uis utrius effecta . ibi castris leuimunimento positis , milites cibum capere , atque , uti simul cum occasu solis egrederentur , paratos esset iubet , omnibus sarcinis abiectis , aqua modo , seq; , & iumenta onerare . dein , postquam tempus uisum , castris egreditur : noctemq; totam itinere facto consedit . idem proxima facit . deinde tertia multo ante lucis aduentum , peruenit in locum tumultuosum , à Capsa non amplius duum millium interuallo : ibiq; quàm occultissime potest , cum omnibus copijs opperitur . sed
ubi

ubi dies cæpit, & Numidæ nihil hostile metuentes, multi oppido egressi, repente omnem equitatum, & cum his uelocissimos pedites cursu tendere ad Capsam, & portas obsidere iubet: deinde ipse intentus propere sequi, neque milites prædari sinere. quæ postquam oppidani cognouere: res trepidæ, metus ingens, malum improuisum, ad hoc pars ciuium extra mœnia in hostium potestate, coegere, uti deditionem facerent. ceterum oppidum incensum: Numidæ puberes interfecti: alij omnes uenundati: præda militibus diuisa. id facinus contra ius belli non auaritia, neque scelere consulis admissum; sed quia locus Iugurthæ opportunus, nobis aditu difficilis; genus hominum mobile, infidum, ante neque beneficio, neque metu coercitum. postquam tantam rem peregit Marius sine ullo suorum incommodo, magnus, & clarus antea, maior, atque clarior haberi cæpit: omnia non bene consulta in uirtutem trahebantur. milites modeste imperio habiti, simul & locupletes, ad celum ferre: Numidæ magis, quàm ullum mortalem, timere: postremo omnes socij, atque hostes credere, illi aut mentem diuinam esse, aut deorum nutu cuncta portendi. Sed consul, ubi ea res bene euenit, ad alia oppida pergit, pauca repugnantibus Numidis capit: plura deser-

ta propter Capsensium miseras igni corrumpit :
 luctu , atque cæde omnia complentur . denique
 multis locis potitus , ac plerisque exercitu in-
 cruento , aliam rem aggreditur , non eadem a-
 speritate , qua Capsensium , ceterum haud secus
 difficilem . nanque haud longe à flumine Mulu-
 cha , quod Ingurthæ , Bocchiq; regnum diuide-
 bat , erat inter ceteram planitiem mons saxeus ,
 mediocri castello , satis patens , in immensum e-
 ditus , uno per angustum aditu relicto : nam omnis
 natura , uelut opere , atque consulto , præceptus
 erat . quem locum Marius , quod ibi regis thesau-
 ri erant , summa ui capere intendit : sed ea res
 forte , quàm consilio , melius gesta . nam castello
 uirorum , atque armorum satis magna uis erat
 & frumenti , & fons aquæ : aggeribus , turri-
 busq; , & alijs machinationibus locus importu-
 nus : iter castellanorum angustum admodum ,
 utrinque præcisum : uineæ cum ingenti periculo
 frustra agebantur . nam cum hæ paulo processer-
 rant , igni , aut lapidibus corrumpebantur . mi-
 lites neque pro opere consistere , propter iniqui-
 tatem loci ; neque inter uineas sine periculo ad-
 ministrare : optimus quisque cadere , aut saucia-
 ri : ceteris metus augeri . at Marius , multis die-
 bus , & laboribus consumptis , anxius trahere
 cum animo suo , omitteret ne inceptum , quoni-

am

Atq; difficilis
 m. i. l. i. f.
 capi. g.
 casu.

am frustra erat, an fortunam opperiretur, quæ saepe prospere usus fuerat. quæ cum multos dies, noctesq; æstuans agitare, forte quidam Ligus, ex cohortibus auxiliarijs miles gregarius, castris aquatum egressus, haud procul ab latere castelli, quod aduersum præliantibus erat, animaduertit inter saxa repentes cochleas: quarum cum unam, atque alteram, deinde plures peteret, studio legendi paulatim prope ad summum montis egressus est. ubi postquam solitudinem intellexit, more ingenij humari cupido difficilia faciendi, animaduertit. et forte in eo loco grandis ilex coaluerat inter saxa, paululum modo pronæ, deinde inflexa, atque aucta in altitudinem, quò cuncta gignentium natura fert: cuius ramis modo, modo eminentibus saxis nixus Ligus, castelli planitiem perscribit; quòd cuncti Numidæ, intenti præliantibus, aberant. exploratis omnibus, quæ mox usui fore ducebat, eadem regreditur, non temere, uti ascenderat, sed tentans omnia, & circumspiciens. itaque propere adiit Marium: acta edocet: hortatur, ab ea parte, quæ ipse ascenderat, castellum tentet: pollicetur se se ducem itineris: periculiq; nihil esse docet. Marius cum Ligure promissa eius cognitum ex præsentibus misit: quorum alij, uti cuiusque ingenium erat, ita rem difficilem, aut facilem renunciant.

ciauere . consulis animus tamen paululum arre-
ctus est . itaque ex copia tubicinum , & cornici-
num , numero quinque quam uelocissimos dele-
git , & cum his , praesidio qui forent , quatuor
centuriones : omnesq; Liguri parere iubet : &
ei negotio proximum diem constituit . sed ubi ex
praecepto tempus uisum est ; paratis & compo-
tis omnibus , ad locum pergit . ceterum illi , qui
centurijs praerant , praedocti ab duce , arma , or-
natumq; mutauerunt , capite , atque pedibus
nudis , uti prospectus , nesusq; per saxa facili-
or foret : super terga gladij , & scuta , uerum ea
Numidica ex corijs , ponderis gratia , simul &
offensa , quo leuius streperent . igitur praegre-
diens Ligus , saxa , & si quae uetustae radices e-
minebant , laqueis uinciebat , quibus allenati
milites facilius ascenderent : interdum timidos
insolentia itineris leuare manu : ubi paulo aspe-
rior ascensus erat , singulos praese inermes mitte-
re , deinde ipse cum illorum armis sequi : quae du-
bia nisi uidebantur , potissimum tentare , ac se-
pius eadem ascendens , descendensq; , deinde sta-
tim digrediens , ceteris audaciam addere . igitur
diu , multumq; fatigati , tandem in castellum
perueniunt , desertum ab ea parte : quod omnes ,
sicuti alijs diebus , aduersum hostes aderant . Ma-
rius , ubi ex nuncijs , quae Ligus egerat , cogno-
uit ,

nit, quanquam toto die intentos prælio Numidas habuerat, tum uero cohortatus milites, & ipse extra uineas egressus, testudine acta succedere, & simul hostem tormentis, sagitarijsq; , & funditoribus eminus terrere. at Numidæ, sæpe antea uineis Romanorum subuersis, item incensis, non castelli mœnibus sese tutabantur: sed pro muro dies, noctesq; agitare: maledicere Romanis: ac Mario uerborum obiectione: militibus nostris Iugurthæ seruitium minari: secundis rebus feroces esse. interim, omnibus Romanis, hostibusq; prælio intentis, magna ui utrinque, pro gloria atque imperio his, illis pro salute certantibus, repente à tergo signa canere. ac primo mulieres, & pueri, qui uisum processerant, fugere, deinde, uti quisque muro proximus erat, postremo, cuncti armati, inermes; . quod ubi accidit, eo acrius Romani instare, fundere, ac plerosque tantummodo sauciare: deinde super occisorum corpora uadere, auidi glorie certantes murum ascendere; neque quenquam omnium præda morari. sic forte correctæ Marij temeritas, gloriam ex culpa inuenit. Ceterum dum ea res geritur, L. Sylla questor cum magno equitatu in castra uenit: qui, uti ex Latio, & socijs cogeret exercitum, Romæ relictus erat. sed quoniam nos tanti uiri res admonuit,

idoneum usum est, de natura, cultuq; eius pau-
 cis dicere. neque enim alio loco de Syllæ rebus
 dicturi sumus: & L. Sisenna optime, & diligen-
 tissime omnium, qui eas res dixere, persecutus
 historiam, parum mihi libero ore locutus uide-
 tur. Igitur Sylla patriciæ gentis nobilis fuit, fa-
 milia prope iam extincta maiorum ignavia, lite-
 ris Græcis iuxta ac Latinis doctissime eruditus:
 animo ingenti, cupidus uoluptatum, sed gloriæ
 cupidior: ocio luxurioso esse; tamen ab negocijs
 nunquam eum uoluptas remorata, nisi quod de
 uxore potuit honestius consuli: facundus, calli-
 dus, & amicitia facilis: ad simulanda negocia
 altitudo ingenij incredibilis: multarum rerum,
 ac maxime pecuniæ largitor: atque illi, felicissi-
 mo omnium ante ciuilem uictoriam, nunquam
 super industriam fortuna fuit: multiq; dubita-
 uere, fortior, an felicior esset. nam, postea quæ
 fecerit, incertum habeo, pudeat magis, an pi-
 geat differere. Igitur Sylla, ut supra dictum
 est, postquam in Africam, atque in castra Ma-
 rij cum equitatu uenit, rudis antea, & igna-
 rus belli, solertissimus omnium in paucis tempe-
 statibus factus est. ad hoc milites benigne appel-
 lare: multis rogantibus, alijs per se ipse benefi-
 cia dare, inuitus accipere sed ea properantius,
 quam æs mutuum, reddere, ipse ab nullo repe-
 tere:

Sylla.

Ad

Modo misissim-
andi Sylla.

tere: magis id laborare, uti illi quamplurimi deberent: ioca, atque seria cum humillimis agere: in operibus, in agmine, atque ad uigilias multus esse: neque interim, quod praua ambitio solet, consulis, aut cuiusquam boni famam lædere: tantummodo neque consilio, neque manu alium priorem pati: plerosque anteuenire. quibus rebus, & artibus breui Mario, militibusq; carissimus factus est. At Iugurtha postquam oppidum Capsam, aliosq; locos munitos, et sibi utiles, simul & magnam pecuniam amiserat; ad Bocchum nuncios mittit, quamprimum in Numidiam copias adduceret: prælii faciendi tempus adesse. quem ubi cunctari accepit, dubiumq; belli, atque pacis rationes trahere: rursus, uti antea, proximos eius donis corrumpit: ipsiq; Boccho pollicetur Numidiæ tertiam partem, si aut Romani Africa expulsi, aut, integris suis finibus, bellum compositum foret. eo præmio illectus Bocchus cum magna multitudine Iugurtham accedit. ita, amborum exercitu coniuncto, Marium, iam in hiberna proficiscentem, uix decima parte diei reliqua inuadunt; rati noctem, quæ iam aderat, & uictis sibi munimento fore, &, si uicissent, nullo impedimento, quod locorum scientes erant; contra Romanis utrumque casum in tenebris difficilem fore.

Descriptio
Ca. 13.
 igitur simul consul ex multis de hostium aduentu cognouit: & ipsi hostes aderant: & prius quàm exercitus aut instrui, aut sarcinas colligere, denique, ante quàm signum, aut imperium ullum accipere quiniit, equites Mauri, atque Getuli, non acie, neque ullo more prælij, sed cæteruatim, uti quosque fors conglobauerat, in nostros concurrunt. qui omnes trepidi improviso metu, attamen uirtutis memores, aut arma capiebant, aut capientes alios ab hostibus defensabant. pars equos ascendere, ire obuiam hostibus: pugna latrocinio magis, quàm prælio similis fieri: sine signis, sine ordinibus equites, peditesq; permisti cedere alios, alios obtruncare: multos contra aduersos acerrime pugnantes à tergo circumuenire: neque uirtus, neque arma satis tegere; quòd hostes numero plures, & undique circumfusi erant. denique Romani ueteres, noniç; & ob ea scientes belli, si quos locus, aut casus coniunxerat, orbis facere: atque ita ab omnibus partibus simul tecti, & instructi, hostium uim sustentabant. neque in eo tam aspero negotio Marius territus, aut magis, quàm antea, demisso animo fuit; sed cum turma sua, quã ex fortissimis magis, quàm ex familiarissimis parauerat, uagari passim: ac modo laborantibus suis succurrere, modo hostes, ubi confertissimi

simi obstitierant , inuadere manu : consulere militibus , quoniam imperare conturbatis omnibus non poterat . Iamq; dies consumptus erat , cum tamen barbari nihil remittere : atque , uti reges praeceperant , noctem pro se rati acrius instare . cum Marius ex copia rerum consilium trahit : atque , uti suis receptui locus esset , colles duos inter se propinquos occupat . quorum in uno castris parum amplo fons aquae magnus erat : alter usui opportunus , quia , magna parte edita , & precipiti , pauca munimenta querebat . ceterum apud aquam Syllam cum equitibus noctem agitare iubet . ipse paulatim dispersos milites , neque minus hostibus conturbatis in unum contrahit : dein eos pleno gradu in collem subducit . ita reges loci difficultate coacti , praelio deterrentur , neque tamen suos longius abire sinunt , sed , utroque colle multitudine circumdato , effusi consedere . deinde , crebris ignibus factis , plerunque noctis barbari more suo letari , exultare , strepere pedibus , uocibus : & ipsi duces feroces , quod non fugere , ac pro uictoribus sese agere . sed ea cuncta Romanis ex tenebris , & editioribus locis facilia uisu , magnoq; hortamento erant . plurimum uero Marius hostium imperitia confirmatus , quammaximum silentium haberi iubet : ne signa quidem , uti per uigilias solebant , canere :

Proline
 canere: deinde, ubi lux aduentabat, defessis iam
 hostibus, ac paulo ante somno captis, de impro-
 viso uectigales, item cohortium, turmarum, le-
 gionum tubicines simul omnes tuba canere, mili-
 tes clamorem tollere, atque portis erumpere iu-
 bet. Mauri, atque Getuli, ignoto, & horribili
 sonitu repente exciti, neque fugere, neque arma
 capere, neque omnino facere, aut providere
 quidquam poterant: ita cunctos strepitu, clamo-
 re, nullo subueniente, nostris instantibus, tumul-
 tu, terrore, formidine, quasi uecordia, cepe-
 rat. denique omnes fusi, fugatiq;: arma, & si-
 gna militaria pleraque capta: pluresq; eo præ-
 lio, quàm omnibus superioribus, interempti. nam
 somno, & metu insolito impedita fuga. dein Ma-
 rius, uti cæperat, in hiberna proficiscitur, quæ
 propter commeatum in oppidis maritimis agere
 decreuerat: neque tamen uictoria socors, aut in-
 solens factus, sed pariter, atque in conspectu ho-
 stium, quadrato agmine incedere. Sylla cum e-
 quitatu apud dextimos, in sinistra parte A.
 Manlius cum funditoribus, & sagittarijs, præ-
 terea cohorte Ligurum curabat: primos, &
 extremos cum expeditis manipulis locauerat
 tribunos. per fugæ, regionum scientissimi, hosti-
 um iter explorabant. Simul consul, quasi nul-
 lo imposito, omnia providere: apud omnes adesse,

Boni Ducis
officia

se, laudare, increpare mœrentes. ipse armatus, intentusq; item milites cogebat, neq; secus atq; iter facere, castra munire, excubitus in portis cohortes ex legionibus, pro castris equites auxiliarios mittere: præterea alios super uallum in munimentis locare, uigilias ipse circuire, non tam diffidentia futurorum, quæ imperauisset, quam uti militibus exæquatus cū imperatore labor uolentibus esset. Et sane Marius illoq; alijsq; temporibus Iugurthini belli pudore magis, quam malo exercitum coercebat: quod multi per ambitionem fieri agebant: quod à pueritia consuetam duritiam, & alia, quæ ceteri miseras uocant, uoluptati habuisset: nisi tamen resp. pariter, ac sæuissimo imperio, bene atque decore omnia sunt gesta. igitur quarto denique die haud longe ab oppido Cirtha undique simul speculatores citi sese ostendunt. quare hostis adesse intelligitur. sed quia diuersi redeuntes, alius ab alia parte, atque omnes idem significabant, consul incertus, quonam modo aciem instrueret, nullo ordine commutato, aduersum omnia paratus ibidem opperitur. igitur Iugurtham spes frustrata, qui copias in quatuor partes distribuerat, ratus ex omnibus æque aliquos ab tergo hostibus uenturos. interim Sylla, quem primum hostes attigerant, cohortatus suos, turmatim, & quàm

Prælia.

Et quam maxime confertis equis, ipse, aliq;
 Mauros inuadunt: ceteri in loco manentes, ab
 iaculis eminus emissis corpora tegere, Et, si qui
 in manus uenerant, obtruncare. dum eo modo
 equites præliantur, Bocchus cum peditibus, quos
 Volux filius eius adduxerat, neque in priore pu-
 gna, in itinere morati, adfuerant, postremam
 Romanorum aciem inuadit. tum Marius apud
 primos agebat, quod ibi Iugurtha cum pluri-
 mis erat. dein Numida, cognito Bocchi aduentu,
 clam cum paucis ad pedites conuertit: ibi Lati-
 ne (nam apud Numantiam loqui didicerat) ex-
 clamat nostros frustra pugnare: paulo ante Ma-
 rium sua manu interfectum: simul gladium san-
 guine oblitum ostendere, quem in pugna, satis
 impigre occiso pedite nostro, cruentauerat. quod
 ubi milites acceperere, magis atrocitate rei, quàm
 fide nuncij, terrentur: simulq; barbari animos
 tollere, Et in percussos Romanos acrius incede-
 re: iamq; paulum à fuga aberant, cum Sylla,
 profligatis ijs, quos aduersum ierati, rediens ab
 latere Mauris incurrit. Bocchus statim auer-
 titur. at Iugurtha, dum sustentare suos, Et pro-
 pe iam adeptam uictoriam retinere cupit, cir-
 cumuentus ab equitibus dextra Et sinistra, om-
 nibus occisis, solus inter tela hostium uitabun-
 dus erumpit. atque interim Marius, fugatis
 equitibus,

equitibus, accurrit auxilio suis, quos pelli iam acceperat. denique hostes iam undique fusi. tum ^{in loco} spectaculum horribile in campis patentibus; se- ^{egregia} qui, fugere; occidi, capi; equi, atque uiri affli-
cti: ac multi, uulneribus acceptis, neque fugere posse, neque quietem pati, niti modo, ac statim concidere: postremo omnia, quæ uisus erat, con-
strata telis, armis, cadaueribus, & inter ea hu-
mus infecta sanguine. postea loci consul, haud du-
bie iam uictor, peruenit in oppidum Cirtham,
quò initio profectus intenderat. eò post diem
quintum, quàm iterum barbari male pugnaue-
rant, legati à Boccho ueniunt: qui regis uerbis
ab Mario petiuere, duos quamfidissimos ad eum
mitteret: uelle de suo, & de populi R. commo-
do cum ijs differere. ille statim L. Syllam, &
A. Manlium ire iubet. qui quanquam acciti
ibant; tamen placuit uerba apud regem facere;
uti ingenium aut aduersum flecterent, aut cupi-
dum pacis uehementius accenderent. itaque Syl-
la, cuius facundie, non ætati, à Manlio conces-
sum est, pauca uerba huiusmodi locutus.

Rex Bocche, magna nobis est letitia, cum te
talem uirum dii monuere, uti aliquando pacem,
quàm bellum, malles; neu te optimum cum pessi-
mo omnium Iugurtha miscendo commaculares;
simul nobis demeres acerbam necessitudinem, pa-
riter

riter te errantem, & illum sceleratissimum persequi. ad hoc populo R. iam à principio inopi, melius uisum est, amicos, quàm seruos, quærere: tutiusq; rati uolentibus, quàm coactis, imperitare. tibi uero nulla opportunior amicitia nostra: primum quòd procul absumus: in quo offense minimum est, gratia par, ac si prope adessemus: dein, quòd parentes abunde habemus; amicorum neque nobis, neque cuiquam hominum satis fuit. atque hoc utinam à principio tibi placuisset: profecto ex populo R. ad hoc tempus multo plura bona accepisses, quàm mala perpeffus es. sed quoniam humanarum rerum fortuna pleraque regit; cui scilicet placuit & uim, & gratiam nostram te experiri: nunc, quoniam per illam licet, festina, atque, uti cœpisti, perge. multa, atque opportuna habes, quo facilius errata officijs superes. postremo hoc in peccatus tuum demitte, nunquam populum R. beneficijs uictum esse. nam, bello quid ualeat, tute scis.

Adeā Bocchus placide, & benigne simul pauca pro delicto suo uerba facit: se non hostili animo, sed ob regnum tutandum arma cepisse: nam Numidia partem, unde Iugurtham expulerit, iure belli suam factam: eam uastari à Mario, pati nequiuisse: præterea, missis ante Romanam legatis, repulsum ab amicitia: ceterum ue

tera

tera omittere, ac tum, si per Marium liceret, legatos ad senatum missurum. dein, copia facta mittendi, animus barbari ab amicis flexus, quos Iugurtha, cognita legatione Syllæ, & Manlij, metuens id, quod parabatur, donis corrumperat. Marius interea, exercitu in hybernaculis composito, cum expeditis cohortibus, & parte equitatu proficiscitur in loca sola, obsessum turrim regiam, quod Iugurtha perfugas omnes præsidium imposuerat. tum rursus Bocchus scilicet, seu reputando, quæ sibi duobus prælijs euenerant, seu admonitus ab alijs amicis, quos incorruptos Iugurtha reliquerat; ex omni copia necessariorum quinque delegit, quorum & fides cognita, et ingenia ualidissima erant. eos ad Marium, ac deinde, si placeat, Romam legatos ire iubet: agendarum rerum, & quocunque modo belli componendi licentiam illis ipsis permittit. illi mature ad hiberna Romanorum proficiscuntur. deinde à latronibus Getulis in itinere circumuenti, spoliatiq; pauidi, sine decore ad Syllam profugiunt; quem consul, in expeditionem proficiscens, pro prætore reliquerat. eos ille non pro uanis hostibus, ut meriti erant, sed accurate, & liberaliter habuit. quare barbari & famam Romanorum auaritiæ falsam, & Syllam ob munificentiam in se amicum rati sunt, nam etiam

etiam tum largitio multis ignota erat: munificus nemo putabatur, nisi pariter uolens; dona omnia in benignitate habebantur. igitur quaestori mandata Bocchi patefaciunt: simul ab eo petunt, uti fautor, consultorq; sibi adsit, copias, fidem, magnitudinem regis sui, & alia, quæ aut utilia, aut beneuolentiæ esse credebant, oratione extollunt: deinde, Sylla omnia pollicito, docti quo modo apud Marium, item apud senatum uerba facerent, circiter dies XL. ibidem operiuntur. Marius ubi confecto negotio, quò intenderat, Cirtham rediit; de aduentu legatorum certior factus, illos, & Syllam ad se Uticam uenire iubet: item L. Bellienum prætorem præterea omnes undique senatorij ordinis, quibus cum mandata Bocchi cognoscit: legatis potestas eundi Romam fit: ab consule interea induciæ postulabantur. ea Sylla, & plerisque placuerunt: pauci uero ferocius decernunt, scilicet ignari humanarum rerum, quæ fluxæ & mobiles sæpius in aduersa mutantur. ceterum Mauri, impetratis omnibus, tres Romam profecti sunt cum C. Octauio Rufone, qui quaestor stipendium in Africam portauerat: duo ad regem redeunt. ex his Bocchus cum cetera, tum maxime benignitatem, & studium Syllæ lubens accepit. Romæ quoque legatis eius, postquam errasse regem, &

Iugur-

Iugurthæ scelere lapsum deprecati sunt : amicitiam & fœdus petentibus hoc modo respondetur . Senatus & populus R. beneficij , & iniuriæ memor esse solet : ceterum Boccho, quoniam pœnitet delicti , gratiam facit : fœdus , & amicitia dabuntur , cum promeruerit . Quibus rebus cognitis , Bocchus per literas à Mario petiuit , ut Syllam ad se mitteret ; cuius arbitratu de communibus negocijs consuleretur . is missus cum præsidio equitum , atque peditum , funditorum , Baleariorum : præterea sagitarij , & cohors Peligna cum uelitaribus armis , itineris properandi causa . neque his secus , atque alijs armis , aduersus tela hostium , quòd ea leuia sunt , muniti erant . sed in itinere quinto denique die Volux filius Bocchi, repente in campis patentibus cum mille non amplius equitibus sese ostendit : qui temere & effuse euntes , Syllæ , alijsq; omnibus & numerum ampliorem uero , & hostilem metum efficiebant . igitur se quisque expedire : arma atque tela tentare : intendere : timor aliquantus , sed spes amplior : quippe uictoribus , & aduersum eos , quos sæpe uicerant . Interim equites , exploratum præmissi , rem , uti erat , quietam nunciant . Volux adueniens quæstorem appellat : dicitq; se à patre Boccho obuiam illi simul , & præsidio missum . dein-

de eum, & proximum diem sine metu coniun-
 cti eunt. Post, ubi castra locata, & diei uestper
 erat; repente Maurus, incerto vultu pauens, ad
 Syllam accurrit; dicitq; sibi à speculatoribus co-
 gnitum, Iugurtham haud procul abesse; simul,
 uti noctu clam secum profugeret, rogat, atque
 hortatur. Ille animo feroci negat se toties fu-
 sum Numidam pertimescere: uirtuti suorum
 satis credere: etiam si certa pestis adesset, man-
 surum potius, quàm, perditis quos ducebat, tur-
 pi fuga, incertæ, ac forsitan post paulo morbo
 interitura uitæ parceret. ceterum ab eodem
 monitus, uti noctu proficiscerentur: consilium
 adprobat: ac statim milites cænatos esse in ca-
 stris, ignesq; quamcreberrimos fieri, deinde pri-
 ma uigilia silentio egredi iubet. Iamq; noctur-
 no itinere fessis omnibus, Sylla pariter cum or-
 tu solis castra metabatur: cum equites Mauri
 nunciant Iugurtham, circiter duum millium in-
 tervallo, ante eos consedissee. quod postquam
 auditum est: tum uero ingens metus nostros in-
 uadit: credere se proditos à Voluce, & insidijs
 circumuentos. Ac fuere qui dicerent manu uin-
 dicandum, neque apud illum tantum scelus inul-
 tum relinquendum. At Sylla, quanquam ea-
 dem existimabat, tamen ab iniuria Maurum
 prohibet: suos hortatur, uti fortem animum
 gererent.

gle
 uidentia

gererent : sæpe ante à paucis strenuis aduersus multitudinem bene pugnatum : quanto sibi in prælio minus pepercissent , tanto tutiores fore : nec decere , quem manus armauerit , ab inermibus pedibus auxilium petere : in maximo metu nudum , & cæcum corpus ad hostes uertere . deinde Volucem , quoniam hostilia faceret , Iouem maximum obtestatus , ut sceleris atque perfidiæ Bocchi testis adesset , castris abire iubet . Ille lacrymans orare , ne ea crederet : nihil dolo factum , ac magis calliditate Iugurthæ , cui uidelicet speculanti iter suum cognitum esset . ceterum , quoniam neque ingentem multitudinem haberet , & spes , opesq; eius omnes ex patre suo penderent ; credere illum nihil ausurum palam , cum ipse filius testis adesset : quare optimum factu uideri , per media eius castra palam transire : sese , uel præmissis , uel ibidem relictis Mauris , solum cum Sylla iturum . Ea res , uti in tali negotio , probata : ac statim profecti , quia de improviso accesserant , dubio , atque hæsitante Iugurtha , incolumes transeunt . deinde paucis diebus , quò ire intenderant , peruentum est . Ibi cum Boccho Numida quidam Aspar nomine multum & familiariter agebat , præmissus ab Iugurtha , postquam Syllam accitum audierat , orator , & subdole speculatum Bocchi consilia .

erat præterea Dabar Massugrada filius, ex gen-
 te Massanisa, ceterum materno genere impar.
 nam mater eius ex concubina orta erat, ob inge-
 nij multa bona Mauro carus, acceptusq; . quem
 Bocchus fidum Romanis multis antea tempesta-
 tibus expertus, illico ad Syllam nunciatum mit-
 tit, paratum sese facere, quæ uellet: colloquio
 diem, locum, tempus ipse deligeret: consulta
 sese omnia cum illo integra habere: neu Iugur-
 thæ legatum pertimesceret: accitum esse, quo
 res communis licentius gereretur: nam ab insi-
 dijs eius aliter cauere nequiuisset. Sed ego com-
 perio, Bocchum magis Punica fide, quàm ob
 ea, quæ prædicabat, simul Romanos & Numi-
 dam spe pacis detinuisse: multumq; cum animo
 suo uoluere solitum, Iugurtham Romanis, an
 illi Syllam traderet: libidinem aduersum nos,
 metum pro nobis suasisse. Igitur Sylla respon-
 dit, pauca se coram Aspare locuturum: cetera
 occulte, aut nullo, aut quam paucissimis præsen-
 tibus. simul edocet, quæ responderentur. Post-
 quam sicuti uoluerant, congressi: dicit se missum
 à consule uenisse quæsitum ab eo, pacem, an
 bellum agiturus foret. Tunc rex, uti præce-
 ptum fuerat, post diem decimum redire iubet:
 ac nihil etiam nunc decreuisse, sed illo die re-
 sponsurum. Deinde ambo in sua castra digressi.

sed

sed ubi plerunque noctis processit: Sylla à Boccho occulte accersitur: ab utroque tantummodo fidi interpretes adhibentur. præterea Dabar internuncius, sanctus uir, iurat ex sententia amborum: ac statim sic rex incipit. Nunquam ego ratus fore, uti rex maximus in hac terra, & omnium, quos noui, opulentissimus, priuato homini gratiam deberem. et me Hercule Sylla, ante te cognitum, multis orantibus, alijs ultro egomet opem tuli: nullius indigui: id immutatum, quod ceteri dolere solent, ego letor. fuerit mihi pretium aliquando eguisse tuæ amicitiae: qua apud animum meum nihil carius habeo. id adeo experiri licet: arma, uiros, pecuniam, postremo quidquid animo libet, sume: utere: & quoad uiues, nunquam tibi redditam gratiam putaueris: semper apud me integra erit: denique nihil me sciente frustra uoles. nam, ut ego existimo, regem armis, quàm munificentia uinci, minus flagitiosum. ceterum de rep. uestra, cuius huc curator missus es, paucis accipe. Bellum populo R. nunquam parauimus, neque factum uolui. fines meos aduersum armatos armis tutatus sum. id omitto: quando uobis ita placet. gerite uti uultis cum Iugurtha bellum. ego flumen Mulucham, quod inter me & Micipsam fuit, non egrediar, neque intrare

*Iugurtham sinam . præterea , si quid meq; uo-
 bisq; dignum petieris , haud repulsus abibis .
 Ad ea Sylla pro se breuiter & modice , de pace ,
 & de communibus rebus multis disseruit . deni-
 que Regi patefecit , quod polliceatur , senatum
 & populum R. quoniam amplius armis ualuis-
 sent , non in gratia habituros : faciendum ali-
 quid , quod illorum magis , quam sua , retulisse
 uideretur : id adeo in promptu esse ; quoniam
 Iugurthæ copiam haberet : quem si Romanis tra-
 didisset , fore ut illi plurimum deberetur : amici-
 tiam , fœdus , Numidiæ partem , quam nunc pe-
 teret , tunc ultro aduenturam . Rex primum
 negare : affinitatem , cognationem , præterea fœ-
 dus interuenisse : ad hoc metuere , ne fluxa fide
 usus , popularium animos auerteret : queis & Iu-
 gurtha carus , & Romani inuisi erant . denique
 sæpius fatigatus , leniter ex uoluntate Syllæ om-
 nia se facturum promittit . ceterum ad simulan-
 dam pacem , cuius Numida , defessus bello , audis-
 simus erat , quæ utilia uisa , constituunt . ita ,
 composito dolo , digrediuntur . At rex postero
 die Asparem Iugurthæ legatum appellat : di-
 citq; sibi per Dabarem ex Sylla cognitum , pos-
 se conditionibus bellum componi . quam ob rem
 regis sui sententiam exquireret . ille latus in ca-
 stra Iugurthæ uenit . deinde ab illo cuncta edo-
 ctus ,*

Etus, properato itinere, post diem octauum redit ad Bocchum: & ei nunciat, Iugurtham cupere omnia, quæ imperarentur, facere, sed Mario parum confidere: sæpe antea cum imperatoribus Romanis pacem conuentam, frustra fuisse: ceterum Bocchus, si ambobus consultum, & ratam pacem uellet, daret operam, ut una ab omnibus, quasi de pace, in colloquium ueniretur; ibique sibi Syllam traderet: cum talem uirum in potestatem habuisset; tum fore, uti iussu senatus; aut populi R. fædus fieret; neque hominem nobilem non sua ignauia, sed ob remp. in hostium potestate relictum iri. Hæc Maurus secum ipse diu uoluens, tandem promisit. ceterum dolo, an uero cunctatus, parum comperimus. sed plerunque regie uoluntates, ut uehementes, sic mobiles, sæpe ipsæ sibi aduersæ. Postea, tempore & loco constituto, in colloquium uti de pace ueniretur, Bocchus Syllam modo, modo Iugurthæ legatum appellare: benigne habere: idem ambobus polliceri. illi pariter leti, ac bonæ spei pleni esse. sed nocte ea, quæ proxima fuit ante diem colloquio decretum, Maurus adhibitis amicis, ac statim immutata uoluntate, remotis ceteris dicitur secum ipse multa agitanisse, uultu, colore, ac motu corporis pariter atque animo uariis: quæ scilicet, tacente

ipso, occulta oris immutatione patefecisse. tamen postremo Syllam accersiri iubet: & ex eius sententia Numidæ insidias tendit. deinde, ubi dies aduenit; & ei nunciatum est, Iugurtham haud procul abesse; cum paucis amicis, & questore nostro, quasi obuius honoris causa procedit in tumulum facillimum visu insidiantibus. eodem Numida cum plerisque necessarijs suis inermis, uti dictum erat, accedit: ac statim, signo dato, undique simul ex insidijs inuaditur. ceteri obtruncati: Iugurtha Syllæ uinctus traditur, & ab eo ad Marium deductus est. Per idem tempus aduersum Gallos ab ducibus nostris Q. Capione, & C. Manlio male pugnatum. quo metu Italia omnis contremuerat. illiq; & inde usque ad nostram memoriam Romani sic habuere: alia omnia uirtuti suæ prona esse; cum Gallis pro salute, non pro gloria certare. Sed postquam bellum in Numidia confectum; & Iugurtham Romam uinctum adduci nunciatum est: Marius consul absens factus est; & ei decreta provincia Gallia. isq; calendis Ianuarijs magna gloria consul triumphauit. ea tempestate spes, atque opes ciuitatis in illo sitæ.

ORATIO M. AEMILII

LEPIDI COS. AD POPVLVM

R. EX LIBRIS HISTORIARVM

C. Salustij Crispi.

C LEMENTIA, & probitas
 uestra, Quirites, quibus per ce-
 teras gentes maximi, & clari
 estis, plurimum timoris mihi fa-
 ciunt, aduersus tyrannidem L.

Sylla: ne aut ipsi, quæ non æstimatis, ea parum
 credendo de alijs, circumueniamini: presertim
 cum illi spes omnis in scelere, atque perfidia sit,
 neque se aliter tutum putet, quàm si peior, at-
 que intestabilior metu uestro fuerit: quo capti-
 uis libertatis curam miseria eximat: aut, si prou-
 deretis, in tutandis periculis magis, quàm ulci-
 scendo, teneamini. Satellites quidem eius, homi-
 nes maximi nominis, non minus optimis maio-
 rum exemplis, nequeo satis mirari: qui domina-
 tionis in uos seruitium suum mercede dant, &
 utrunque per iniuriam malunt, quàm optimo
 iure liberi agere. præclara Brutorum, atque
 Aemiliorum, & Luætatorum proles, geniti
 ad ea, quæ maiores uirtute peperere, subuer-
 tenda. nam quid à Pyrrho, Annibale, Phi-
 lippoq;

ORATIO LEPIDI COS.

lippoq; , & Antiocho defensum est aliud , quã
 libertas , & sue cuique sedes , neu cui , nisi legi-
 bus , pareremus ? quæ cuncta senus iste Romu-
 lus , quasi ab externis rapta , tenet : non tot exer-
 cituum clade , neque consulis , & aliorum princi-
 pium , quos fortuna belli consumpserat , satia-
 tus ; sed tum crudelior , cum plerosque secundæ
res in miserationem ex ira uertunt , quin solus
omnium , post memoriam hominum , supplicia ,
in post futuros composuit . quis prius iniuria ,
quàm uita certasset : prauissimeq; per sceleris
immanitatem adhuc tutus fuit , dum uos me-
tu grauioris seruitij à repetenda libertate terre-
mini . Agendum , atque obuiam eundum est
Quir. ne spolia uestra penes illos sint . Non pro-
latandum , neque uotis paranda auxilia . nisi for-
te speratis per tedium iam , aut pudorem tyrannidis ,
esse eum per scelus occupata periculosius
dimissurum . At ille eò processit , ut nihil glorio-
sum , nisi tutum , & omnia retinendæ domina-
tionis honesta aestimet . itaque illa quies , &
ocium cum libertate , quam multi probi potius ,
quàm laborem cum honoribus capebant , nul-
la sunt . Hac tempestate seruiendum , aut impe-
ritandum : habendus metus est aut faciendus
Quirites . nam quid ultra ? quæ ue humana su-
perant ? aut diuina impolluta sunt ?
 Populus R.
 paulo

paulo ante gentium moderator, exutus imperio,
 gloria, iure, cogitandi inops, despectusq; , ne
 seruilia quidem alimenta reliqua habet. Socio-
 rum, & Latij magna uis ciuitate, pro multis, &
 egregijs factis à uobis data, per unum prohiben-
 tur: & plebis innoxie patrias sedes occupauere
 pauci satellites, mercedem scelerum: leges, iu-
 dicia, ærarium prouincia, reges, penes unum.
 denique necesse ciuium, & uitæ licentiam, si-
 mul humanas hostias uidistis, & sepulcra infe-
 cta sanguine ciuili. Est ne iuris reliqui aliud,
 quàm soluere iniuriam, aut mori per uirtutem?
quoniam quidem unum omnibus finem natura
uel ferro septis statuit: neque quisquam extre-
mam necessitatem, nihil ausus, nisi muliebri in-
genio, expectat. Verum ego seditiosus, uti Syl-
 la ait, qui præmia turbarum quero; & bellum
 cupiens, quia iura pacis repeto. scilicet, quia
 non aliter salui, satisq; tuti in imperio eritis,
 nisi Vectius Picens, & scriba Cornelius aliena
 bene parta prodegerint: nisi approbaueritis om-
 nes proscriptiones innoxiorum ob diuitias, cru-
 ciatus uirorum illustrium, uastatam urbem fu-
 ga & cædibus, bona ciuium miserorum, quasi
 Cimbricam prædam, uenum, aut dono datam.
 At obiectat mihi possessiones ex bonis proscri-
 ptorum. quod quidem scelerum illius uel maxi-
 mum

ORATIO LEPIDI COS.

num est, non me, neque quenquam omnium satis tutum fuisse, si recte faceremus. Atque illa, quæ tum formidine mercatus sum pretio, soluto iure, dominis tamen restituo: neque pati consilium est, ullam ex ciuibus prædam esse. Satis illa fuerint, quæ rabie contracta tolerauimus, manus conferentis inter se Romanos exercitus, & arma ab externis in nosmet uersa. Scelerum, & contumeliarum omnium finis sit: quorum adeo Syllam non pœnitet, ut & facta in gloria numeret, & si liceat, auidius faceret. Neque iam, quid existimetis de illo, sed quantum uos audeatis, uereor: ne alius alium principem expectantes ante capiamini, non opibus eius, quæ futiles, & corruptæ sunt, sed uestra secordia, quam raptum iri licet, & quàm audeat, tam uideri felicem. nam præter satellites commaculatos quis eadem uult? aut quis non omnia mutata, præter uictoriâ scilicet milites: quorum sanguine Tarulæ, Scyroq; , pessimis seruorum, diuitiæ partæ sunt. an quibus prælatus in magistratibus capiendis Fusidius, ancilla turpis, & bonorum omnium debonestamentum? itaque maximam mihi fiduciam parit uictor exercitus, cui per tot uulnera & labores nihil, præter tyrannum, quæsitum est. nisi forte tribuniciam potestatem euersum profecti sunt per arma,

arma conditam à maioribus suis: utiq; iura, & iudicia sibimet extorquerent: egregia scilicet mercede, cum relegati in paludes, & siluas, contumeliam, atque inuidiam suam, præmia penes paucos intelligerent. Quare igitur tanto agmine, atque animis incedit? Quia secundæ res mire sunt uitij obtentui: quibus labefactatis, quàm formidatus antea est, tam contemnetur: nisi forte specie concordia & pacis, quæ sceleri & parricidio suo nomina indidit. Neque aliter Romani P. esse belli finem ait, nisi maneat expulsa agris plebs, præda ciuilis acerbissima, ius iudiciumq; omnium rerum penes se, quod populi R. fuit. quæ si uobis pax, & concordia intelliguntur: maxima turbamenta reip. atque exitia probate: annuite legibus impositis: accipite ocium cum seruitio: & tradite exemplum posteris ad populum R. suimet sanguinis mercede circumueniendum. mihi, quanquam per hoc summum imperium satis quæsitum erat, nomini maiorum, dignitati, atque etiam præsidio; tamen non fuit cõsiliu priuatas opes facere; potiorq; uisa est periculosa libertas quieto seruitio. quæ si probatis, adeste Quirites; & bene iuuantibus dijs, M. Aemiliu consulem, ducem, & auctorem sequimini ad recipiendam libertatem.

Oratio

ORATIO PHILIPPI

ORATIO PHILIPPI

IN SENATU.

M Axime uellem P. C. . remp. quietam esse , aut periculis à promptissimo quoque defendi : denique praua incepta cōsultoribus noxæ esse . sed contra , seditionibus omnia turbata sunt , & ab ijs , quos prohibere magis decebat . postremo quæ pessimi , & stultissimi decreuere , ea à bonis & sapientibus facienda sunt . nam bellum , atque arma quanquam uobis inuisa , tamen quia Lepido placent , sumenda sunt . nisi forte cui pacem præstare , & bellum pati consilium est . Pro dij boni , qui hanc urbem omiſſa cura adhuc regitis . *M. Aemilius* omnium , flagitiosorum postremus , qui peior , an ignauior sit , deliberari non potest , exercitum opprimende libertatis habet , & se è contempto metuendum effecit . uos mussantes , & retractantes , uerbis & uatum carminibus pacem optatis magis , quàm defenditis : neque intelligitis , mollitia decretorū uobis dignitatem , illi metū detrabi , atque id iure . quoniam ex rapinis consulatum , ob seditionem prouinciā cum exercitu adeptus est . quid ille ob benefacta cepisset , cuius sceleribus tanta premia tribuistis ? At scilicet eis , qui ad postremum usque legatos ,
pacem ,

pacem, concordiam, & alia huiuscemodi decreuerunt, gratiam habeo peperisse. Immo despecti, & indigni rep. habiti, prædæ loco aestimantur: quippe metu pacem repetentes, quo habitam amiserant. Equidem à principio, cum Etruriam coniurare, proscriptos accersiri, largitionibus remp. lacertu uidebam, maturandum putabam, & Catuli consilia cum paucis secutus sum. ceterum illi, qui gentis Aemiliæ benefacta extollebant, & ignoscendo populi R. magnitudinem auxisse, nusquam etiam tum Lepidum progressum aiebant, & cum priuata arma opprimendæ libertatis cepisset, sibi quisque opes, aut patrocinia quærendo, consilium publicum corruperunt. attamen erat Lepidus latro cum calonibus, & paucis sicarijs: quorum nemo diurna mercede uitam mutauerit. nunc est pro consule cum imperio, non empto, sed dato à uobis, cum legatis adhuc iure parentibus. et ad eum concurrere homines omnium ordinum corruptissimi, flagrant inopia, & cupiditatibus, scelerum conscientia exagitati: quibus quies in seditionibus, in pace turbæ sunt: hi tumultum ex tumultu, bellum ex bello serunt, Saturnini olim, post Sulpicij, dein Marij, Damasippiq; , nunc Lepidi satellites. præterea Etruria, atque omnes reliquæ belli arrectæ: Hispaniæ

ORATIO PHILIPPI

*Hispaniæ armis sollicitatæ : Mithridates in late-
 re uestigalium nostrorum , quibus adhuc susten-
 tamur , diem bello circumspicit : quin , præter
 idoneum ducem , nihil abest ad subuertendum
 imperium. quod uos oro , atque obsecro P. C. ut
 animaduertatis , ne patiamini licentiam scele-
 rum , quasi rabiem , ad integros procedere , nam
 ubi malos præmia sequuntur , haud facile quis-
 quam gratuito bonus est . An expectatis , dum ,
 exercitu rursus admoto , ferro , atque flamma
 urbem inuadat : quod multo propius est ab eo ,
 quo agitatur , statu , quàm ex pace , & concordia
 ad arma ciuilia , quæ ille aduersum diuina , &
 humana omnia cepit , non pro sua , aut quorum
 simulat iniuria , sed legum ac libertatis subuer-
 tendæ . angitur enim , ac laceratur animi cupi-
 dine , & noxarum metu , expers consilij , inquires :
 hæc atque illa tentans metuit ocium , odit bel-
 lum : luxu , atque licentia carendum uidet : at-
 que interim abutitur uestra socordia . neque mi-
 hi satis consilij est , metum , an ignauiam , an
 dementiam eam appellem : qui uidemini inten-
 ta mala , quasi fulmen , optare se quisque ne at-
 tingat , sed prohibere ne conari quidem . et ,
 queso , considerate quàm conuersa rerum natu-
 ra sit . Antea malum publicum occulte , auxilia
 palam instruebantur : & eo boni malos facile
 anteibant :*

anteibant : nunc pax , & concordia disturbantur palam , defenduntur occulte : quibus illa placent , in armis sunt , uos in metu . quid expectatis nisi : forte pudet , aut piget recte facere . An Lepidi mandata animos mouent ? qui placere ait sua cuique reddi , & aliena tenet : belli iura rescindi , cum ipse armis cogat : ciuitatem confirmari , qui ademptam negat : concordiae gratia tribuniciam potestatem restitui , ex qua omnes discordiae accensae . Pessime omnium , atque impudentissime , tibi ne egestas ciuium , et luctus curae sunt , cui nihil est domi , nisi armis partum , aut per iniuriam ? alterum consulatum petis , quasi primum reddideris : bello concordiam quaeris , quo parata disturbatur : nostri proditor , istis inuidus , hostis omnium bonorum : ut te neque hominum , neque deorum pudeat , quos perfidia , aut periurio uiolasti . qui quando talis es , maneat in sententia , & retineas arma , te hortor : neu prolatandis seditionibus inquires ipse , nos in solitudine retineas . neque te prouinciae , neque leges , neque dii penates ciuem patiuntur . perge qua coepisti , ut quammatissime merita inuenias . uos autem P. C. quousque cunctando remp. intutam patiimini ? & uerbis arma tentabitis ? Delectus aduersum uos habiti : pecuniae publicae , & priuatim extortae : praesi-

O R A T I O P H I L I P P I

dia deducta , atque imposita : ex libidine leges
 imperantur : cum interim uos legatos , & decre-
 ta paratis . et quanto mehercule auidius pa-
 cem petieritis , tanto bellum acrius erit : cum
 intelliget se metu magis , quàm æquo , & bono
 sustentatum . nam qui turbas , & eadem ciuium
 odisse ait , & ob id armato Lepido uos inermes
 retinet : quæ uictis toleranda sunt , ea cum face-
 re possitis , patiamini potius censet : ita illi à uo-
 bis pacem , uobis ab illo bellum suadent . Hæc si
 placent , si tanta torpedo animos oppressit , ut
 obliti scelerum Cinnæ , cuius in urbem reditu de-
 cus , atque ordines omnes interierunt , nihilo mi-
 nus uos , atque coniuges , & liberos Lepido per-
 missuri sitis : quid opus decretis ? quid auxilio
 Catuli ? quin is , & alij boni remp. frustra cu-
 rant . Agite , ut libet : parate uobis Cethegos ,
 atque alia proditorum patrocinia , qui rapinas ,
 & incendia instaurare cupiunt , & rursus ad-
 uersum deos penates manus armare . Sin liber-
 tas & bella magis placent , decernite digna no-
 mine , & augete ingenium uiris fortibus . adest
 nouus exercitus , & ad hoc colonie ueterum mi-
 litum , nobilitas omnis , duces optimi . fortuna
meliores sequitur . iam illa , quæ socordia nostra
 collecta sunt , dilabentur . quare ita censeo , quo-
 niam Lepidus exercitum priuato consilio para-
tum

tum cum pessimis, & hostibus reip. contrahi,
ordinis auctoritatem ad urbem ducit: uti Ap.
Claudius interrex cum Q. Catulo proconsule, *Dictatum
formale.*
& ceteris, quibus imperium est, urbi præsidio
sint, operamq; dent, ne quid resp. detrimen-
ti capiat.

ORATIO C. COTTAE COS.

AD POPVLVM.

Virites, multa mihi pericula domi,
Q militiæ, multa aduersa fuere: quorum
alia toleraui, partim repuli deorum
auxilijs, & uirtute mea: inq; his omnibus, ne-
que animus negotio defuit, neque decretis la-
bos. male secundeq; res opes, non ingenium mi
hi mutabant. at contra in his miserijs cuncta me
cum fortuna deseruere. præterea senectus, per
se grauis, curam duplicat: cui misero, acta iam
ætate, ne mortem quidem honestam sperare li-
cet. nam si paricida uestri sum, & bis genitus
hic, deos penates meos, patriamq; , & summum
imperium uilia habeo: quis mihi uiuo cruciatus
satis est, aut quæ pæna mortuo? cum omnia me-
morata apud inferos supplicia scelere meo ui-
ci: à prima adolescentia in ore uestro p̄uatus,
& in magistratibus egi: qui lingua, qui consilio

O 2 meo

ORATIO C. COTTAE COS.

meo, qui pecunia uoluere, usi sunt: neque ego callidam facundiam, neque ingenium ad male faciendum exercui: auidissimus priuatæ gratiæ maximas inimicitias pro rep. suscepi: qui uictus cum illa simul, cum egens alienæ opis plura mala expectarem, uos Quirites rursus mihi patriam, deos penates cum ingenti dignitate dedistis. Pro quibus beneficijs uix satis gratus uidear, si singulis animam, quam nequeo, concesserim. nam uita, & mors iure naturæ sunt: ut sine dedecore cum ciuibus, fama, & fortunis integer agas, id dono datur, atque accipitur. consules nos fecistis Quirites domi, belliq; impeditissima rep. nanque imperatores Hispaniæ stipendium, milites, arma, frumentum poscunt: & id res cogit: quoniam defectione sociorum, & Sertorij per monteis fuga, neque manu certa re possunt, neque utilia parare: exercitus in Asia, Ciliciaq; ob nimias opes Mithridatis aluntur: Macedonia plena hostium est: nec minus Italia maritima, & prouinciarum: cum interrim uestigalia parua, & bellis incerta, uix parum sumptuum sustinent: ita classe, qua comatus uehebatur, minore, quàm antea nauigamus. hæc si dolo, aut socordia nostra contracta sunt, agite uti libet, & ita supplicium sumite: sin fortuna communis asperior est, quare

quare indigna uobis, uobisq; , & rep. incipitis?
 Atque ego, cuius ætati mors propior est, non
 deprecor, si quid ea uobis incommodi demitur:
 neque mox ingenuo corpori honestius, quàm
 pro uestra salute, finem uitæ fecerint. Adsum,
 en C. Cotta cos. facio quod sæpe maiores asperis
 bellis fecere: uoueo, dedoq; me pro rep. quam
 deinde cui mandetis, circumspectite. nam talem
honorem bonus nemo uolet: cum fortune, &
pacis, & belli ab alijs acti ratio reddenda, aut
turpiter moriendum sit. tantummodo in animis
habetote, non me ob scelus, aut auaritiam cæ-
sum, sed uolentem pro maximis beneficijs ani-
mam dono dedisse. per uos igitur Quirites, &
gloriam maiorum precor, tolerate aduersa, &
consulite reip. Multa cura summo imperio inest,
multi ingentes labores: quos nequicquam ab-
nuitis, & pacis opulentiam queritis: cum om-
nes prouinciæ, regna, maria, terræq; aspera,
aut fessa bellis sint.

ORATIO MACRI TRIB. PL.

AD PLEBEM.

I, Quirites, parum existimaretis, quid
 S inter ius à maioribus relictum uobis,
 & hoc à Sylla paratum, seruitium in-
 O 3 teresset,

ORATIO MACRI TRI. PL.

teresset, multis mihi differendum fuisset, docendumq; quas ob iniurias, & quoties à patribus armata plebs secessisset, utiq; uindices parauisset omnis iuris sui tribunos pl. nunc hortari modo reliquum est, & ire primum uia, qua capefsandam arbitror libertatem. neque me præterit quantas opes nobilitatis solus impotens inani specie magistratus pellere dominatione incipiam: quantoq; tutius factio noxiorum agat, quàm soli innocentes. sed præter spem bonam ex uobis, quæ metum uicit, statui certaminis aduersa pro libertate potiora esse forti uiro, quàm omnino non certauisse. quanquam omnes aly creati pro iure uestro uim cunctam, & imperia sua gratia, aut spe, aut præmijs in uos conuertere, meliusq; habent mercede delinquere, quàm gratis recte facere. itaque omnes concessere iam in paucorum dominationem, qui per militare nomen, ærarium, exercitus, regna, prouincias occupauere, & arcem habent ex spolijs uestris: cum interim more pecorum uos multitudo singulis habendos, fruendosq; præbetis, exuti omnibus quæ maiores reliquere: nisi quia nosmetipsi per suffragia, ut præsidēs olim, nunc dominos destinatis. itaque concessere illuc omnes: & mox, si uestra receperitis, ad uos redibunt plerique. rarus enim animus est ad ea, quæ placent, defendenda

fendenda : cetera ualidiorum sunt . an dubium
 habetis , ne officere quid uobis uno animo per
 gentibus possit , quos languidos , secordesq; per-
 timuere ? nisi forte C. Cotta ex factione media
 cos. aliter quàm metu iura quædam tribunis pl.
 restituit . Et quanquam L. Cincius primus de
 potestate tribunus loqui ausus , mussantibus uo-
 bis circumuentus erat : tamen prius illi inuidiam
 metuere , quàm uos iniuriæ pertasum est . quod
 ego nequeo satis mirari Quirites . nam spem fru-
 stra fuisse intellexistis . Sylla mortuo , qui scele-
 stum imposu erat seruitium , finem mali credeba-
 tis . Ortus est longe sæuior Catulus : tumultus in-
 tercessit Bruto , & Aemilio Mamercos .
 Dein C. Curio ad exitum usque infantis tribuni
 dominatus est . Lucullus superiore anno quantis
 animis ierit in L. Quinctium , uidistis : quantæ
 denique nunc mihi turbæ concitantur . quæ profe-
 cto incassum agerentur , si prius , quàm uos ser-
 niendi finem , illi dominationis facturi erant :
 presertim cum his ciuilibus armis dicta alia , sed
 certatum utrinque de dominatione in uobis sit .
 itaque cetera ex licentia , aut odio , aut auaritia
 in tempus arsere : permansit una res modo , quæ
 utrinque quesita est : & erepta in posterum uis
 tribunicia , telum à maioribus libertati paratū .
 quod ego uos moneo quesoq; , ut animaduerta-

ORATIO MACRI TRI. PL.

*tis : neu nomina rerum ad ignauiam mutantes ,
 ocium pro seruitio appelletis: quo iam ipso frui ,
 si uera & honesta flagitium superauerit, non est
 conditio . fuisset , si omnino quiessetis . nunc ani-
 mum aduertite: & nisi uiceritis, quoniam omnis
 iniuria grauitate tutior est , arctius habebunt .
 quid censes igitur ? aliquis uestrum subiecerit ,
 primum omnium omittendum morem hunc, quē
 agitis, impigræ linguæ, animi ignaui, non ultra
 concionis locum memores libertatis: deinde ne
 uos aduirilia illa uocem, quo tribunos plebei mo-
 do patricium magistratum libera ab auctoribus
 patricijs suffragia maiores uestri parauere . quā-
 uis Quirites in uobis sit , ut quæ iussa nunc pro
 alijs toleratis, pro uobis agere, aut non agere cer-
 te possitis . Iouem , aut alium quem deum con-
 sultorem expectatis ? magna illa consulum impe-
 ria , & patrum decreta uos exequendo rata effi-
 citis Quir. ultroq; licentiam in uos auctum , at-
 que adiutum properatis . neque ego uos ultum
 iniurias hortor, magis uti requiem cupiatis: ne-
 que discordias , ut illi criminantur: sed earum
 finem uolens, iure gentium res repeto: & si per-
 tinaciter retinebunt , non arma , neque secessio-
 nem tantummodo, sed ne amplius sanguinem ue-
 strum prebeatis censeo . gerant, habeantq; suo
 modo imperia , querant triumphos: Mithrida-
 tem,*

tem, Sertorium, & reliquias exulum persequan-
tur cum imaginibus suis: absit periculum, & la-
bor, quibus nulla pars fructus est: nisi forte re-
pentina ista frumentaria lege munia uestra pen-
santur: cum tamen qui his modis libertatem om-
nium aestimauere, hi profecto non amplius pos-
sunt alimentis carere: nanque utilis exiguitate
mors prohibetur. senescunt uires, sic ut neque
absolui cura familiari tam parua res possit. at
& ignauissimi quique tenuissima spe frustran-
tur: quæ tamen quamuis ampla, quoniam serui-
tij precium ostentarent, cuius torpedinis erat de-
cipi, & uestrarum rerum ultro iniuria gratiam
debere? nanque alio modo, neque ualent in uni-
uersos, neque conabuntur. Cauendus tamen do-
lus est. itaque simul comparant delinimenta, &
differunt uos in aduentum Cn. Pomp. quem ip-
sum, ubi pertinuere sublatum in ceruices suas,
mox dempto metu lacerant: neque eos pudet uin-
dices, uti se ferunt, libertatis, tot uiros sine uno,
aut remittere iniuriam non audere, aut ius non
posse defendere: mihi quidem satis spectatum
est, Pompeium tantæ gloriæ adolescentem malle
principem uolentibus uobis esse, quàm illis domi-
nationis, & socium, auctoremq; in primis fore
tribunicie potestatis. uerum Quir. antea singu-
li ciues in pluribus non in uno cuncti præsidia ha-
bebatis:

E P I S T O L A

bebatis : neque mortalium quisquam dare , aut eripere talia unns poterat . itaque uerborum satis dictum est . neque enim ignorantia res claudit : uerum occupauit nescio quæ uos torpedo : quia neque gloria mouemini , neque flagitio : cuncta q̃; presenti ignauia mutastis : abunde libertatem rati , quia tergis abstinetur : & huc ire licet atque illuc , munera ditium dominorum . atque hæc eadem non sunt agrestibus , sed ceduntur inter potentium inimicitias , dono q̃; dantur in prouincias magistratibus . ita pugnatur , & uincitur à paucis : plebs , quodcunque accidit , pro uicta est , & in dies magis erit . siquidem maiore cura dominationem illi retinuerunt , quàm uos repetiueritis libertatem .

EPISTOLA CN. POMPEII

A D S E N A T V M .

I aduersus uos , patriamq̃; , & deos penates toties labores , & pericula suscepissem , quoties à prima adolescentia ductu meo scelestissimi hostes fusi , & uobis salus quesita est : nihil amplius in absentem me statuissetis , quàm adhuc agitis , P. C. : quæ contra ætatem præiectu ad bellum sæuissimum , cū exercitu optime merito , quantum est in uobis , fame , miserrima
omnium

omnium morte, confecistis. Hac in spe populus
R. liberos suos ad bellum misit? hæc sunt præmia
pro vulneribus, & toties ob remp. fuso san-
guine? fessus scribendo, mittendoq; legatos,
omneis opes & spes priuatas meas consumpsi:
cum interim à uobis per triennium uix annuus
sumptus datus est. per deos immortales, utrum
censetis ne uicem ærarij præstare, an exercitum
sine frumento, & stipendio habere posse? equi-
dem fateor, me ad hoc bellum maiore studio,
quàm consilio profectum: quippe qui, nomine
modo imperij à uobis accepto, diebus quadra-
ginta exercitum parauī: hostesq; in ceruicibus
iam Italiæ agenteis ab Alpibus in Hispaniam
summonui, per eas iter aliud, atque Annibal,
nobis opportunius patefeci: recepi Galliam, Py-
reneum. Lacetaniā Ilergetum: & primum
impetum Sertorij uictoris nouis quidem militi-
bus & multo paucioribus sustinui: hyememq; in
castris inter sæuissimos hostes, non per oppida,
neque ex ambitione mea egi. quid deinde præ-
lia, aut expeditiones hibernas, oppida excisa,
aut recepta enumerem? quando res plus ualent,
quàm uerba? castra hostium apud Sucronem
capta, & prælium apud flumen Durium, &
dux hostium C. Herennius cum urbe Valentia,
et exercitus deleti, satis clara nobis sunt. proq;
his

E P I S O T L A

his ò grati patres , egestatem , & famem redditis . itaque meo , & hostium exercitui par conditio est . nanque stipendium neutri datur : uictor uterque in Italiam uenire potest . quod ego uos moneo , quæsoq; , ut animaduertatis , neu cogatis necessitatibus priuatim mihi consulere . Hispaniam citeriorem , quæ non ab hostibus tenetur , nos , aut Sertorius ad internecionem uastauimus , præter maritimas ciuitates , quæ ultro nobis sumptui , oneriq; . Gallia , superiore anno , Metelli exercitum stipendio , frumentoq; aluit : & nunc malis fructibus ipsa uix agitat . ego non rem familiarem modo , uerum etiam fidem consumpsi . reliqui uos estis , qui nisi subuenitis , inuito , & prædicente me , exercitus hinc , & cum eo omne bellum Hispaniæ , in Italiam transgredientur .

R E X M I T H R I D A T E S

R E G I A R S A C I S .

Mnes , qui secundis rebus suis ad belli societatem orantur , considerare debent , liceat ne tum pacem agere : deinde , quod queritur , satis ne pium , tutum , gloriosum , an indecorum sit . Tibi perpetua pace frui liceret , nisi hostes opportuni , & scelestissimi .

mi . egregia fama , si Romanos oppresseris , futura est : neque petere audeam societatem , & frustra mala mea cum bonis tuis misceri sperem . atqui ea , quæ te morari posse uidentur , ira in Tigranem recentis belli , & meæ res parum prosperæ , si uera existimare uoles , maxime hortabuntur . ille enim obnoxius , qualem tu uoles , societatem accipiet . Mihi fortuna multis rebus ereptis usum dedit bene suadendi : & quod florentibus optabile est , ego non ualidissimus præbeo exemplum , quo rectius tua cõponas . Namque Romanis cum nationibus , populis , regibus cunctis una , & ea uetus causa bellandi est , cupido profunda imperij , & diuitiarum : qua primo cum rege Macedonum Philippo bellum sumpsere . Dum à Carthaginienſibus premebantur , amicitiam simulantes ei subuenientem Antiochum , concessione Asiæ per dolum auertere : ac mox à Philippo Antiochus omni cis Taurũ agro , & decem millibus talentorũ spoliatus est . Persen deinde Philippi filium post multa , & uaria certamina , apud Samothracas deos acceptum in fidem , callidi , & repertoſes perfidiæ , quia pacto uitam dederant , in somnis occidere . Eumenem , cuius amicitiam glorioſe ostentant , initio prodidere Antiocho , pacis mercede posthabita : custodi agri captiui sumptibus , & contumelijs

Romani
perſicij

E P I S T O L A

*tumelijs ex rege miserrimum seruorum effecere:
 simulatoq; impio testamento, filium eius Aristo-
 nicum, quia patrium regnum petiuerat, hosti-
 um more per triumphum duxere: Asia ab ipsis
 obsessa est: postremo totam Bithyniam, Nico-
 mede mortuo, diripuerunt, cum filius Nysa, quē
 regem appellauerat, genitus haud dubie esset.
 nam quid ego me appellem? quem disiunctum
 undique regnis, & tetrarchijs ab imperio eo-
 rum, quia fama erat diuitem, neque seruitu-
 rum esse, per Nicomedem bello laceßiuerunt,
 sceleris eorum haud ignarum, & ea, quæ acci-
 dere, testatum antea. Cretenses soli omnium li-
 beri ea tempestate, & rex Ptolemaeus, atque
 ego ultus iniurias, Nicomedem Bithynia expu-
 li, Asiamq; spoliū regis Antiochi recepi, &
 Græcie dempsi graue seruitium. incepta mea
 postremus seruorum Archelaus, exercitu pro-
 dito, impediuit: illiq; , quos ignauia, aut pra-
 ua calliditas, ut meis laboribus tuti essent, ar-
 mis abstinuit, acerbissimas pœnas soluunt. Pto-
 lemaeus pretio diem belli prolatat: Cretenses im-
 pugnatī semel iam, neque finem, nisi excidio,
 habituri. equidem, cum mihi ob ipsorum inter-
 na mala dilata prœlia magis, quàm pacem da-
 tam intelligerem; abnuente Tigraue, qui mea
 dicta sero probat, te remoto procul, omnibus
 alijs*

alijs obnoxijis , rursus tamen bellum cepit : Marcumq; Cottam Ro. ducem apud Chalcedona terra fudi , mari exui classe pulcherrima : apud Cyzicum magno cum exercitu in obsidione morantibus frumentum defuit , nullo circum adnitente : simul hyems mari prohibebat . ita sine vi hostium regredi coactus in patrium regnum , naufragijs apud Parum , & Heracleam militum optimos cum classibus amisi . restituto deinde apud Gabe ram exercitu , & uarijs inter me , atque Luculum praelijs , inopia rursus ambos incessit . illi suberat regnum Ariobarzanis bello intactum : ego , uastatis circum omnibus locis , in Armeniam concessi : scitantiq; Romani non me , sed morem suum omnia regna subuertendi , quia multitudinem arctis locis pugna prohibuere , imprudentiam Tigranem pro uictoria ostentant . nunc queso considera , nobis oppressis , utrum firmiorem te ad resistendum , an finem belli futurum putes ? Scio equidem , tibi magnas opes uirorum , armorum , & auri esse : & ea re à nobis ad societatem , ab illis ad prædam peteris . ceterum consilium est , Tigranis regno integro , meis militibus procul ab domo , paruo labore per nostra corpora bellum conficere : quando neque uincere , neque uinci sine tuo periculo possumus . an ignoras Romanos , postquam ad Occidentem pergentibus

Romanorum
cuius do
phoenici.

EPIST. MITRHIDATIS.

gentibus finem Oceanus fecit, arma huc conuer-
tisse? neque quicquam à principio, nisi partum
habere, domum, coniuges, agros, imperium,
conuenas, olim sine patria, sine parentibus, pe-
ste conditos orbis terrarum: quibus non huma-
na ulla, neque diuina obstant, quin socios, ami-
cos, procul iuxtaq; sitos inopes, potenteisq;
trahant, excidantq;; omniaq;, & maxime re-
gna hostilia ducant. nanque pauci libertatem,
pars magna iustos dominos uolunt: nos suspecti
sumus æmuli, & in tempore uindices affuturi.
Tu uero, cui Seleucia maxima urbium, re-
gnumq; Persidis inclytis diuitijs est, quid ab il-
lis, nisi dolum in præsens, & postea bellum expe-
ctas? Romani arma in omnes habent, acerrima
in eos, quibus uictis spolia maxima sunt: auden-
do, & fallendo, & bella ex bellis serendo ma-
gni facti. per hunc morem extinguunt omnia,
aut occidunt: quod difficile non est, si tu Meso-
potamia, nos Armenia circungredimur: exerci-
tus sine frumento, sine auxilijs: fortuna autem
nostris uitijs adhuc incolumis. teq; illa fama se-
quetur, auxilio profectum magnis regibus, latro-
nes gentium oppressisse. quod uti facias moneo,
hortorq;; neu malis perniciem nostra tuum impe-
rium prolatare, quam societate uictor fieri.

AD C.

AD C. CAESAREM DE RE-

PVBLICA ORDINANDA.

Opulus R. antea obtinebat regna, at-
 P que imperia, fortunam dono dare, item
 alia, quæ per mortales auide cupiuntur:
 quia & apud indignos sæpe erant quasi per libi-
 dinem data: neque cuiquam incorrupta perman-
 serant. sed res docuit id uerum esse, quod in car-
 minibus Appius ait, Fabrum esse quenque for-
 tunæ: atque in te maxime, qui tantum alios præ-
 tergressus es, ut prius defessi sint homines lau-
 dando facta tua, quàm tu laude digna faciendo.
 ceterum ut fabricata, sic uirtute parta, quàm
 magna industria haberi decet: ne incuria defor-
 mentur, aut corruant infirmata. nemo enim
 alteri imperium uolens concedit: & quamuis no-
 uus, atque clemens sit, qui plus potest, tamen,
 quia malo esse licet, formidatur. id euenit, quia
 plerique rerum potentes peruerse consulunt: &
 eo se munitiores putant, quo illi, quibus imperi-
 tant, nequiores fuere. at contra id eniti decet:
 cum ipse bonus, atque strenuus sis, uti quamopti-
 mis imperites. nam pessimus quisque asperrime fert
 rectorem. sed tibi hoc grauius est, quàm ante
 omnibus te armis parta cõponere. bellum alio-
 rum pace mollius gessisti: ad hoc uictores prædā
 P petunt,

petunt, uicti ciues sunt. inter has difficultates euadendum est tibi, atque in posterum firmanda resp. non armis modo, neque aduersum hostes, sed, quod multo maius multoq; asperius est, bonis pacis artibus. ergo omnes magna mediocriq; sapientia res huc uocat: quæ quisque optima potest, uti dicat. ac mihi sic uidetur: qualicunque modo tu uictoriam composueris, ita alia omnia futura. sed iam quo melius, faciliusq; constituas, paucis, quæ me animus monet, accipe. Bellum tibi fuit Imperator cum homine claro, magnis opibus, auido potentia, maiore fortuna, quàm sapientia: quem secuti sunt pauci, per suam iniuriam tibi inimici: item quos affinitas, aut alia necessitudo traxit. nam particeps dominationis neque fuit quisquam: neque, si potuisset, orbis terrarum bello concussus foret. cetera multitudo uulgi more magis, quàm iudicio post alius alium, quasi prudentiorem secuti. Per idem tempus maledictis iniquorum occupandæ reipub. in spem adducti homines, quibus omnia probro, ac luxuria polluta erant, concurrere in castra tua: & aperte quietis mortem, rapinas, postremo omnia, quæ corruptus animus iubebat, minitari. ex quæis magna pars, ubi neque creditum condonare, neque te ciuibus, sicuti hostibus, uti uident, defluxere. pauci restite-

re,

re, quibus maius ocium in castris, quàm Romæ futurum erat: tanta uis creditorum impendebat. sed ob easdem causas immane dictu est, quanti, & quàm multi mortales postea ad Pompeium discesserint: eoq; per omne tempus belli quasi sacro, atque in spoliato fano debitores usi. Igitur quoniam tibi uictori de bello, atque pace agitandum est: hoc uti ciuilitate deponas, illa ut quam iustissima, & diuturna sit: de te ipso primum, quia compositurus es, quod optimum factu est, existima. equidem ego cuncta imperia crudelia, magis acerba, quàm diuturna arbitror: neque quenquam à multis metuendum esse, quin ad eum ex multis formido recidat: eam uitam bellum æternum, & anceps gerere: quoniam neque aduersus, neque ab tergo, aut lateribus tutus sis, semper in periculo, aut metu agites. contra, qui benignitate, & clementia imperium temperauere, his leta & candida omnia uisa, etiam hostes æquiores, quàm alijs ciues. an qui me his dictis corruptorem uictoriæ tuæ, nimisq; in uictos bona uoluntate prædicent? scilicet quod ea, quæ externis nationibus, natura hostibus, nosq; maioresq; nostri sæpe tribuere, ea ciuibus danda arbitror: neque barbaro ritu cæde cædem, & sanguine sanguinem expiandum. an illa, quæ paulo ante hoc bellum in Cn. Pom-

peium uictoriamq; Syllanam increpabantur,
 obliuio abstulit? interfecit Domitium, Carbo-
 nem, Brutum, alios item non armatos, neque in
 praelio belli iure, sed postea supplices per sum-
 mum scelus interfectos: plebem Romanam in uil-
 la publica pecoris modo conscissam. heu quàm
 illa occulta ciuium funera, & repentinæ cædes,
 in parentum, aut liberorum sinum fuga, mulie-
 rum & puerorum, uastatio domorum: ante par-
 tam à te uictoriam omnia sæua, atque crudelia
 erant. ad quæ te illi iðem hortantur: & scilicet
 id certatum esse utriusque uestrum arbitrio, iniu-
 ria ut fierent: neque receptam, sed captam à te
 temp. & ea causa exercitus stipendijs confectis
 optimos, & ueterrimos omnium, aduersum fra-
 tres, parentesq; alij liberos armis contendere:
 ut ex alienis malis deterrimi mortales uentri, at
 que profunda libidini sumptus quærerent: atque
 essent opprobria uictoriæ, quorum flagitijs com-
 macularetur bonorum laus. neque enim te præ-
 terire puto, quali quisque eorum more, aut mo-
 destia, etiam tum dubia uictoria, sese gesserit:
 quoq; modo in belli administratione scorta, aut
 conuiuia exercuerint nonnulli: quorum ætas ne
 per ocium quidem taleis uoluptates sine dedeco-
 re attigerit. de bello satis dictum. de pace fir-
 manda, quoniam tuq;, & omnes tui agitis:
 primum

primum id quaeso considera, quale id sit de quo
 consultas: ita bonis, malisq; dimotis, patenti uia
 ad uerum perges. Ego sic existimo, quoniam or-
 ta omnia intereunt, qua tempestate urbi Roma-
 nae fatum excidij aduentarit, ciues cum ciuibus
 manus conferturos, ita defessos, & exangues re-
 gi, aut nationi praedae futuros. aliter non orbis
 terrarum, neque cunctae gentes conglobata mo-
 uere, aut contundere queunt hoc imperium. fir-
 manda igitur sunt concordiae bona, & discordiae
 mala expellenda. id ita eueniet si sumptuum,
& rapinarum licentiam dempseris; non ad uete-
 ra instituta reuocans, quae iam pridem corruptis
 moribus ludibrio sunt; sed si suam cuique rem fa-
miliarem, & finem sumptuum statueris. quod *Adolentia*
 niam is incessit mos, ut homines adolescētuli sua,
 atque aliena consumere, nihil libidini, atque
 alijs rogantibus denegare, pulcherrimū putent:
 eam uirtutem, & magnitudinem animi, pudor-
 em, atque modestiam pro secordia aestiment.
 ergo animus ferox praua uia ingressus, ubi con-
 sueta non suppetunt, fertur accensus in socios
 modo, modo in ciues: mouet composita, & res
 nouas ueteribus acquirit. quare tollendus scene-
rator in posterum, uti suas quisque res curemus.
ea uera, atque simplex uia est, magistratum po-
pulo, non creditori gerere: & magnitudinem

animi in addendo, non demendo reip. ostendere.
 atque ego scio, quàm aspera hæc res in principio
 futura sit, presertim ijs, qui se in uictoria licen-
 tius, liberiusq; , quàm arctius futuros credebāt:
 quorum si saluti potius, quàm libidini consules,
 illosq; nosq; & socios in pace firma constitues.
 si eadem studia, artesq; inuentuti erunt: nã ista
 egregia tua fama simul cum urbe Roma breui
 concidet. postremo sapientes pacis causa bellum
gerunt: laborem spe ocij sustentant. nisi illam
 firmam efficis, uinci, an uicisse quid retulit? qua
 re capesse per deos remp. & omnia aspera, uti
 soles, persuade. nanque aut tu mederi potes,
 aut omittenda est cura omnibus. neque quisquã
 te ad crudeles pœnas, aut acerba iudicia inuo-
 cat, quibus ciuitas uastatur magis, quàm corri-
 gitur; sed ut prauas arteis, malasq; libidines ab
 inuentute prohibeas. ea uero clementia erit, con-
suluisse, ne immerito ciues patria expellerentur,
retinuisse ab stultitia, & falsis uoluptatibus;
 pacem, concordiamq; stabilinisse: non, si flagi-
 tijs obsecutus, delicta perpessus, præsens gaudiũ
 cum mox futuro malo concesseris. ac mihi ani-
 mus, quibus rebus alij timent, maxime erectus
 est, negocij magnitudine: & quia tibi terræ, &
 maria simul omnia componenda sunt, (quippe
 res paruas tantum ingenium attingere nequit)
 magnæ

magnæ curæ magna merces est : igitur prouideas oportet, ut plebs, largitionibus, & publico frumento corrupta, habeat negocia sua, quibus ab malo publico detineatur : iuuentus probitati, & industriæ, non sumptibus, neque diuitijs studeat. id ita eueniet, si pecuniæ, quæ maxima omnium perniciēs est, usum atque dedecus dempseris. nam sæpe ego cum animo meo reputans, quibus quisque rebus clarissimi uiri magnitudinem inuenisset, quæ res populos nationes ue magnis autoribus auxissent, ac deinde quibus causis amplissima regna, & imperia corruissent : eadem semper bona atque mala reperiēbam, omnesq; uictores diuitias contempsisse, & uictos cupiuisse. neque aliter quisquam extollere sese, & diuina mortalis attingere potest, nisi, omissis pecuniæ, & corporis gaudijs, animo indulgens, non assentando, neque concupita præbendo peruersam gratiam gratificans, sed in labore, patientia, bonisq; præceptis, et factis fortibus exercitando. nam domum, aut uillā extruere, eamq; signis, aulais, alijsq; operibus exornare, & omnia potius, quàm semet uisendum efficere : id est, non diuitias decori habere, sed ipsum illis flagitio esse. porro ij, quibus bis die uentrem onerare, nullam noctem sine scorto quiescere mos est; ubi animum, quem dominari decebat, seruitio

oppressere, nequaquam eo postea hebeti, atque claudo pro exercitio uti uolunt. nam imprudentia pleraque & se præcipitant. uerum hæc, & omnia mala pariter cū honore pecuniæ desinent, si neque magistratus, neque alia uulgo cupienda uenalia erunt. ad hoc prouidendum est, quonam modo Italia, atque prouinciæ tutiores sint: id quod factu haud obscurum est. nam iidem omnia uasant, suas deserendo domos, & per iniuriam alienas occupando. item ne, uti adhuc, militia in iusta, aut inæqualis sit: cū alij triginta, pars nullum stipendium faciet: & frumentum id, quod antea præmium ignauiae fuit, per municipia, & colonias illis dare conueniet, cum stipendijs emeritis domos reuerterint. Quæ reip. necessaria, tibiq; gloriosa ratus sum, quàm paucissimis absolui. non peius uidetur pauca nunc de facto meo differere. plerique mortales ad iudicandum satis ingenij habent, aut simulant: ueruntamen ad reprehendēda aliena facta, aut dicta ardet omnibus animus, uix satis apertū os, aut lingua prompta uidetur, quæ dicta pectore euoluat: quibus me subiectū haud pœnitet, magis reticuisse pigeret. nā siue hac, seu meliore alia uia perget: à me quidem pro uirili parte dictum, et adiutū fuerit. Reliquum est, optare, uti quæ tibi placuerint, ea Dī immortales approbēt, beneq; euenire sinant.

Ad

AD C. CAEAREM ORATIO

DE REPUBLICA ORDINANDA.

Cio ego quàm difficile , atque asperum
 S factu sit , consilium dare regi , aut im-
 peratori , postremo cuiquam mortali ,
 cuius opes in excelsò sunt : quippe cum & illis
 consultorum copiae adsint : neque de futuro quis
 quam satis callidus , satisq; prudens sit . quin-
 etiam sepe praua magis , quàm bona , consilia
 prospere eueniunt : quia plerasque res fortuna
 ex libidine sua agitat . Sed mihi studium fuit
 adolescentulo rempub. capescere : atque in ea co-
 gnoscenda multam , magnamq; curam habui :
 non ita ut magistratũ modo caperem , quem mul-
 ti malis artibus adepti erant : sed etiam ut rem-
 publicam domi , militiaeq; , quantumq; armis , ui-
 ris , opulentia posset , cognitũ habuerim . itaque
 mihi multa cum animo agitante consilium fuit ,
 famam modestiamq; meam post tuam dignita-
 tem habere , & , cuius rei lubet , periculum face-
 re , dum quid tibi ex eo gloria accederet . idq; nõ
 temere , aut ex fortuna tua decreui : sed quia in
 te præter ceteras , artem unam egregie mirabi-
 lem comperi , semper tibi maiorem in aduersis ,
quàm in secundis rebus animum esse . sed per ce-
 teros mortales illa res clarior est , quòd & prius
 defessi

Consil.
 a for pen
 Culum.

Supra pag
ior.

defessi sunt homines laudando, atque admirando
munificentiam tuam, quàm tu faciundo, quæ glo-
ria digna essent. equidem mihi decretum est, nihil
tam ex alto reperiri posse, quod non cogitanti ti-
bi in promptu sit. neque ego, quæ uisa sunt, de
republica tibi scripsi, quia mihi consilium, atque
ingenium meum amplius æquo probaretur: sed
inter labores militiæ, interq; prælia, uictorias,
imperium, statui admonendum te de negocijs ur-
banis. nanque, tibi si id modo in pectore consilij
est, ut te ab inimicorum impetu uindices, quoq;
modo contra aduersum consulem beneficia popu-
li retineas: indigna uirtute tua cogites. sin in
te ille animus est, qui iam à principio nobilita-
tis factionem disturbauit, plebem Rom. ex gra-
ui seruitute in libertatem restituit, in prætura
inimicorū arma inermis disiecit, domi militiæq;
tanta, & tam præclara facinora fecit, ut ne ini-
mici quidem queri quicquam audeant, nisi de
magnitudine tua: quin accipe tu ea, quæ dicam
de summa reipublicæ: quæ profecto aut tu uera
inuenies, aut certe haud procul à uero. sed quo-
niam Cn. Pompeius aut animi prauitate, aut
quia nihil maluit, quàm quòd tibi obesset, ita
lapsus est, ut hostibus tela in manus iaceret: qui-
bus ille rebus rempublicam conturbauit, eisdem
tibi restituenda est. Primum omnium summam
potestatem

potestatem moderandi, de uestigalibus, sumptibus, iudicijs, senatoribus paucis tradidit plebs Romana, cuius antea summa potestas erat: neque his quidem legibus in seruitute reliquit iudicia, tametsi sicut antea tribus ordinibus tradita sunt: tamen iidem illi factiosi regunt, dant, adimunt, quæ lubet: innocentes circumueniunt: suos ad honorem extollunt. non facinus, non probrum, aut flagitium obstat, quo minus magistratus capiant: quod commodum est, trahunt, rapiunt: postremo tanquam urbe capta, libidine, ac licentia sua pro legibus utuntur. ac me quidem mediocris dolor angeret, si uirtute partam uictoriam more suo per seruitium exercerent. sed homines inertissimi, quorum omnis uis, uirtusq; in lingua sita est, forte, atque alterius secordia dominationem oblatam insolentes agitant. nam quæ seditio, aut dissensio civilis tot tamq; illustres familias ab stirpe euertit? aut quorum unquam uictoria animus tam præceps, tamq; immoderatus fuit? L. Sylla, cui omnia in uictoria lege belli licuerunt, tametsi à Sulpicio hostium partes muniri intelligebat, tamen, paucis interfectis, ceteros beneficio, quam metu retinere maluit. at hercule nunc cum Catonè, L. Domitio, ceterisq; eiusdem factionis, quadraginta senatores, multi præterea cum spe bona adolescentes, sicuti hostiæ

maçtati

Senatus
in tupe

AD C. CAESAREM

maestati sunt : cum interea importunissima genera hominum tot miserorum ciuium sanguine satuari nequiuissent : non orbi liberi , non parentes exacta etate , non gemitus uirorum , luctus mulierum immanem eorum animum inflexit : quin , acerbius in dies male faciundo , ac dicundo , dignitate alios , alios ciuitate euersum irent . nã quid ego de te dicam , cuius contumeliã homines ignauissimi uita sua commutare uolunt ? Scilicet neque illis tantæ uoluptati est (tametsi insperantibus accidit) dominatio , quanto mœrori tua dignitas : qui optatius habent ex tua calamitate periculum libertatis facere , quàm per te populi R. imperium maximum ex magno fieri . quo magis tibi etiam atque etiam animo prospiciendum est , quonam modo rem stabilias , communiasq̃ : mihi quidem quæ mens suppetit , eloqui non dubitabo . ceterum tui erit ingenij probare , quæ uera , atque utilia factu putes . in duas partes ego ciuitatem diuisam arbitror , sicut à maioribus accepi , in patres , & plebem . antea in patribus summa auctoritas erat , uis multo maxima in plebe . itaque sæpius in ciuitate secessio fuit : semperq̃ nobilitatis opes diminutæ sunt , & ius populi amplificatum . sed plebs eo libere agitabat , quia nullius potentia super leges erat : neque diuitijs , aut superbia , sed bona fama , factisq̃ fortibus

tibus nobilis ignobilē anteibat : humilimus quisque in armis, aut militia, nullius honestæ rei egens, satis sibi, satisq; patriæ erat. sed, ubi eos paulatim expulsos agris, inertia, atque inopia incertas domos habere subegit : cæpere alienas opes petere, libertatem suam cum repub. uenalem habere. ita paulatim populus, qui dominus erat, & cunctis gentibus imperitabat, dilapsus est : & pro cõmuni imperio, priuatam sibi quisque seruitutē peperit. hæc igitur multitudo primum malis moribus imbuta, deinde in arteis, uitasq; uarias dispalata, nullo modo inter se congruens, parum mihi quidem idonea uidetur ad capeSSendam remp. ceterum, additis nouis ciuibus, magna me spes tenet, fore, ut omnes expergiscantur ad libertatem : quippe cum illis libertatis retinendæ, tum his seruitutis amittendæ cura orietur. hos ego censeo permistos cum ueteribus nouos in colonijs constituas. ita & res militaris opulentior erit : & plebs bonis negocijs impedita, malum publicum facere desinet. sed non inscius, neque imprudens sum, & quæ mea res agetur : quæ seuitia, quæ ue tempestates hominum nobilium futuræ sint, cum indignabuntur omnia fundi : us misceri, antiquis ciuibus hæc seruitutem imponi, regnum denique ex libera ciuitate futurum, ubi unius munere multitudo
ingens

ingens in ciuitatem peruenerit . equidem ego sic
apud animum meum statuo , malum facinus in
se committere , qui incommodo reipublicæ gra-
tiam sibi conciliet . ubi bonum publicum , etiam
priuatum usui est : id uero dubitare aggredi , so-
cordia , atque ignauia duco . M. Liuius Drusus sem-
per consilium fuit , in tribunatu summa ope niti
pro nobilitate : neque ullā rem in principio age-
re intendit , nisi illi auctores fierent homines fa-
ctiosi , quibus dolus , atque malitia fide chariora
erant . ubi intellexerunt , per unum hominē ma-
ximum beneficium multis mortalibus dari : uide-
licet & sibi quisque conscius , malo atque infido
animo esse : de M. Liuiio Druso iuxta , ac de se ,
existimarunt . itaque metu , ne per tantam gra-
tiam solus rerum potiretur , contra eam nixi , sua
ipsius consilia disturbauerunt . quo tibi impera-
tor maiore cura fideq; amici , & multa præsidia
paranda sunt . hostem aduersum deprimere stre-
nuo homini haud difficile est : occulta pericula
neque facere , neque uitare , bonis in promptu est .
igitur ubi eos in ciuitatem adduxeris , quoniam
quidem renouata plebs erit , in ea re maxime ani-
mum exercitato , ut colantur boni mores : con-
cordia inter ueteres , & nouos coalescat . sed mul-
to maximum bonum patriæ , ciuibus , tibi , libe-
ris , postremo humane genti pepereris , si studiū
pecuniæ

pecunia aut sustuleris, aut, quoad res feret, mi-
nueris. aliter neque priuata res, neque publica,
neque domi, neque militia regi potest. Nam ubi
cupido diuitiarum inuasit, neque disciplina, ne-
que artes bonæ, neque ingenium ullum satis pol-
let: quin animus magis, aut minus mature, po-
stremo tamen succumbit. sæpe iam audiui, qui
reges, quæ ciuitates, & nationes per opulentiam
magna imperia amiserint, quæ per uirtutem ino-
pes ceperant. id adeo haud mirandum est. Nam
ubi bonus deteriore diuitijs magis clarum ma-
gisq; acceptum uidet, primo astuat, multa q; in
pectore uoluit: sed ubi gloria honorem magis in
dies, uirtutem opulentia uincit: animus ad uo-
luptatē à uero deficit. Quippe gloria industria
alitur: ubi eam dempseris, ipsa per se uirtus ama-
ra, atque aspera est. postremo, ubi diuitiæ cla-
ræ habentur, ibi omnia bona uilia sunt, fides,
probitas, pudor, pudicitia. Nam ad uirtutem
una, & ardua uia est: ad pecuniam, qua cuique
lubet, nititur: & malis, & bonis rebus ea crea-
tur. ergo in primis auctoritatem pecuniæ demi-
to: neque de capite, neque de honore ex copijs
quisquam magis, aut minus iudicauerit; si ne-
que prætor, neque consul ex opulentia, uerum
ex dignitate creetur. sed de magistratu facile
populi iudicium fit. iudices à paucis probari re-
gnum

Diuitia
rum uirtute
rium.

AD C. CAESAREM

gnum est: ex pecunia legi inhonestum. quare
 omnes primæ classis iudicare placet, sed numero
 plures, quàm iudicant. neque Rhodios, neque
 alias ciuitates unquam suorum iudiciorum pœni-
 tuit: ubi promiscue diues, & pauper, ut cuique
 fors tulit, de maximis rebus iuxta, ac de mini-
 mis disceptat. sed de magistratibus creâdis haud
 mihi quidem absurde placet lex, quam C. Grac-
 chus in tribunatu promulgauerat: ut ex confusis
 quinque classibus sorte centuriæ uocarentur: ita
 coæquati dignitate, pecunia, uirtute anteire ali-
 us aliû properabit. nec ego magna remedia con-
 tra diuitias statuo. Nam perinde omnes res lau-
dantur, atque appetuntur, ut earum rerum usus
est: malitia præmîs exercetur. ubi ea dempse-
ris, nemo omnium gratuito malus est. cete-
 rum auaritia belua fera, immanis, intoleranda
 est: quò intendit, oppida, agros fana, atque do-
 mos uastat: diuina cum humanis permiscet: ne-
 que exercitus, neque mœnia obstant, quo minus
 ui sua penetret: fama, pudicitia, liberis, patria,
 atque parentibus cunctos mortales spoliât. ue-
 rum si pecuniæ decus ademeris: magna illa uis
 auaritiæ facile bonis moribus uincetur. atque
 hæc ita sese habere tametsi omnes æqui, atque ini-
 qui memorent: tamen tibi cum factione nobili-
 tatis haud mediocriter certandum est: cuius si
 dolum

Auaritia.

dolum caueris, alia omnia in procliui erunt. nã
 hi, si uirtute satis ualerent, magis æmuli bono-
rum, quàm inuidi essent. quia desidia, & iner-
tia, & stupor eos, atque torpedo inuasit: stre-
punt, obtreñtant, alienam famam suum dedecus
existimant. sed quid ego plura, quasi de ignotis
 memorent? M. Bibuli fortitudo, atque animi
 uis in consulatum erupit: hebes lingua, magis
 malus quàm callidus ingenio. quid ille audeat,
 cui consulatus maximum imperium maximo de
 decori fuit? An L. Domitij magna uis est, cuius
 nullum membrum à flagitio, aut facinore ua-
 cat? lingua uana, manus cruentæ, pedes fuga-
 ces; quæ honeste nominari nequeunt, inhonestissi-
 ma. unius tamen M. Catonis ingenium uersutū,
 loquax, callidum haud contemno. parantur hæc
 disciplina Græcorum. sed uirtus, uigilantia, la-
 bor apud Græcos nulla sunt. quippe, cum domi
 libertatem suam per inertiam amiserint: censes
 ne eorum præceptis imperium haberi posse? reli-
 qui de factione sunt inertissimi nobiles: in qui-
 bus, sicut instituo, prater nomen nihil est addita-
menti. L. Postumius, & M. Fauonius mihi
 uidentur, quasi magnæ nauis superuacua onera
 esse, ubi salui peruenire uisi sunt: si quid aduersi
 coortum est, de illis potissimum iactura sit: quia
 precij minimi sunt. Quoniam nunc, ut mihi ui-
 deor,

deor, de plebe renouanda, corrigendaq; disserui:
 de senatu, quæ tibi agenda uidentur, dicam.
 Postquam mihi ætas, ingeniumq; adoleuit, haud
 ferme armis, atque equis corpus exercui: sed
 animum in literis, quòd natura firmus erat in la-
 boribus, habui. atque ego in ea uita multa legen-
 do, atque audiendo ita comperi, omnia regna,
ciuitates, nationes usque eò prosperum imperiũ
habuisse, dum apud eos uera consilia ualuerunt:
ubicunque gratia, timor, uoluptas ea corrupe-
re, post paulo imminutæ opes, deinde ademptum
imperium, postremo seruitus imposita est. equi-
 dem ego sic apud animum meum statuo, cuicun-
 que in sua ciuitate amplior, illustriorq; locus,
 quàm alijs est, ei magnam curam esse reip. nam
 ceteris salua urbe tātummodo libertas tuta est:
 qui per uirtutem sibi diuitias, decus, honorem
 pepererunt: ubi paulum inclinata respub. agi-
 tari cæpit, multipliciter animus curis, atque la-
 boribus fatigatur: aut gloriam, aut libertatem,
 aut rem familiarem defensat: omnibus locis
 adest, festinat: quanto in secundis rebus floren-
 tior fuit, tanto in aduersis asperius, magisq; an-
 xie agitatur. igitur ubi plebs senatui, sicut corpus
 animo obedit, eiusq; consilia exequitur: patres
 consilio ualere decet, populo supernacanea est
 calliditas. itaque maiores nostri, cum bellis
 asperrimis

asperrimis premerentur, equis, uiris, pecunia amissa, nunquam defessi sunt armati de imperio certare: non inopia ærarij, non uis hostium, non aduersa res ingentem eorum animum subegit, quin quæ uirtute ceperant, simul cum anima retinerent. atque ea magis fortibus consilijs, quàm bonis prælijs patrata sunt. quippe apud illos una respub. erat, ei consulebant, factio contra hosteis parabatur: corpus, atque ingenium patriæ, non sue quisque potentia exercitabat. at hoc tempore contra homines nobiles, quorum animos secordia, atque ignauia inuasit, ignari laboris, hostium, militiæ, domi factione instructi, per superbiam cunctis gentibus moderantur. itaque patres, quorum consilio antea dubia respub. stabiliebatur, oppressi ex aliena libidine huc atque illic fluctuantes agitantur: interdum alia, deinde alia decernunt: uti eorum, qui dominantur, simulas, ac arrogantia fert, ita bonum, malumq; publicum existimant. quod si aut libertas æqua omnium, aut sententia obscurior esset, maioribus opibus respub. & minus potens nobilitas esset. sed quoniam coæquari gratiam omnium, difficile est: quippe cum illis maiorum uirtus partam reliquerit gloriam, dignitatem, clientelas: cetera multitudo pleraque inscia, sit sententia eorum à metu libera. ita occulto sibi quisque alterius po-

tentia carior erit. libertas iuxta bonis & ma-
lis, strenuis, & ignavis optabilis est. uerum eam
 plerique metu deserunt. Stultissimi mortales,
quod in certamine dubium est, quorsum accidat,
id per inertiam in se, quasi uicti, recipiunt. igitur
 duabus rebus confirmari posse senatum puto:
 si numero auctus per tabellam sententiam feret.
 tabella obtentui erit, quo magis animo libero fa-
 cere audeat: in multitudine, & presidij plus, &
 usus amplior est. nam fere his tempestatibus,
 alij iudicijs publicis, alij priuati suis atque ami-
 corum negocijs implicati, haud sane reipub. con-
 silijs adfuerunt: neq; eos magis occupatio, quam
 superba imperia distinuere. homines nobiles cū
 paucis senatorijs, quos additamenta factionis ha-
 bent, quaecunque libuit probare, reprehendere,
 decernere eaq; uti libido tulit, facere. uerum
 ubi, numero senatorum aucto, per tabellam sen-
 tentiae dicentur, illi superbiam suam dimittent,
 ubi ijs obediendum erit, quibus antea crudelissi-
 me imperitabant. forsitan imperator perlectis
 literis, decernes, quem numerum senatorum fie-
 ri placeat; quoq; modo in multa, & uaria of-
 ficia distribuatur. et quoniam iudicia primæ clas-
 sis mittenda putem, quæ descriptio, qui numerus
 in quoque genere futurus sit, ea mihi omnia ge-
 neratim describere haud difficile factu fuit: sed
 prius

Consilium
 de dicenda
 Antonia
 in Lyne
 de eius au-
 mento.

prius laborandum uisum est de summa consilij :
 idq; tibi probandum uerum esse . si hoc itinere
 uti decreueris , cetera in promptu erūt . uolo ego
 consilium meum prudens , maximeq; usui esse .
 nam ubicunque tibi res prospere cedit , ibi mihi
 bona fama eueniet . Sed me illa magis cupido
 exercet , ut quocunque modo , & quamprimum
 respub. adiuuetur . libertatem gloria clariorem
habeo . atque ego te oro , hortorq; , ne clarissi-
mus imperator , Gallica gente subacta , populi R.
summum , atque inuictum imperium tabescere
uetustate , ac per summam secordiam dilabi pa-
tiaris . profecto , si id accidat , neque tibi nox , ne
que dies curam animi sedauerit : quin in somnijs
excitus furibundus , atque amens alienata mente
feraris . nanque mihi pro uero constat , omnium
mortalium uitam diuino numine inuisi : neque
bonum , neque malum facinus cuiusquam pro ni-
hilo haberi : sed ex natura diuersa præmia bo-
nos , malosq; sequi . interea fortè ea tardius pro-
 cedunt : suus cuique animus ex conscientia . spem
 præbet . quod si tecum patria , atque parentes
 possent loqui , scilicet hæc tibi dicerent . O Cæsar ,
 nos te genuimus fortissimi uiri in optima urbe
 decus , præsidiumq; nobis , hostibus terrorem : quæ
 multis laboribus , & periculis ceperamus , ea ti-
 bi nascenti cum anima simul tradidimus , patriã

PORCII LATRONIS

DECLAMATIO CONTRA

L. SERGIUM CATILINAM.

*I quid precibus apud deos immor-
tales, sanctissimi iudices, uobis-
cum aliquando ualuissemus, ian-
dudum & potiremur repub. no-
stra florentissima, & ciues no-
stros haberemus tum studiosos rerum gerenda-
rum, tum patriæ simul, ac uirtutis amantiissi-
mos: idq; temporis eximia latitia frueremur,
cum rationes omnes dicendi nostras in laudem
summorum, atque optimorum ciuium consumen-
das esse uideremus. nihil enim statuimus animo
dignius nec auctoritate maiorum, nec opinione
populari, quàm in eo genere uersari forësis exer-
citationis, quæ canere laudes egregias summorū
hominum posset, atque animos inflammare no-
stræ ciuitatis ad imitandum. uerum dicendi uo-
luptas olim sapientissimo uiro M. Catoni plane
contigerit, necnon & Galbæ, Scipioni, Grac-
chis, Porcinæ, Crasso, atque Antonio, summis
atque ornatissimis oratoribus: quorum tempo-
ra, singulari præstantia uirtutis, ac studio pene
incredibili pulcherrimarum artium floruerunt.*

Q 4 nobiscum

PORCII LATRONIS

** hanc ad
vires tra-
hunc Vocalem
lun.*
 Nobiscum uero sententia nostra bene ageretur,
 si modo tantum abessemus ab illa modestia tem-
 porum, atque hominum, nec incidissemus in atro-
 cissimos reipub. fluctus, ac miserandam tempo-
 rum calamitatem. Marco siquidem Catoni, &
 Scipioni coetaneo suo, monimentis immortalibus
 huius urbis, & sine dubio clarissimis lumini-
 bus temporum suorum, de legibus dicendū erat,
 de institutis maiorum, de gloria militari, perse-
 pe de laudibus, ac uictorijs. nobis uero, qui de-
 uenimus in hanc truculentam temporum condi-
 tionem, sublata est omnis gratia dicendī, atque
 interceptus locus omnis aut iucundissimi sermo-
 nis, aut conciliandæ beneuolentiæ popularis. nā
 si quādo uox nostra, siue à foro, siue à curia desi-
 deratur, dicendum est perpetuo nobis aut de te-
 rerrimis huius patriæ calamitatibus, aut de ne-
 farijs oppressiōibus ciuium, aut de perditæ iuue-
 tutis nunc impudicitia flagitiosa, nunc ignauia
 singulari. quare pestium quanta in dies redun-
 datio est, uos estis tēstimonio iudices, quorum
 aures calluerunt assiduitate pene quotidiana, co-
 piaq; incredibili ciuiliū controuersiarum. Di-
 ximus equidem paucis ante diebus, ut probe me-
 minisse potestis, de L. Glabrionis immanitate,
 atque audacia, furiosissimi hominis, & sine du-
 bio crudelissimi: cuius in senatu sica pridie de-
 prehensa

prehensa est, qua M. Papirium, lucem omnis
patriciæ dignitatis, extinguere moliebatur. nunc
uero dicendum est de L. Catilinæ sceleratissima
mente, atque inusitata nequitia, quam nuper, in
omnium ciuium perniciem, stragemq; redunda-
turam, dii immortales in auctorem sceleris, *tum* *vigilantia*
benignitate sua, tum consulari uigilia, retorse-
runt. quæso igitur iudices diligenter attendite,
remq; cognoscite barbaram crudelitatem, pericu-
lo uero & calamitate reipub. perniciosissimam.
Lucius siquidē Catilina non ignobili genere præ-
ditus, neque infima uirtute, si dotes egregias,
tum fortuna, tum corporis ad dignitatem urbis,
non ad perniciem conferre statuisset, temp. nu-
per ex atrocissimis bellorum ciuiliū uulneribus
paulisper respirantem nouis insidijs opprimere
conatus est. quid exhorruistis, iudices? non mo-
do opprimere conatus est, sed crudelissime uexa-
re: non uexare tantum, sed inaudito quodam ge-
nere feritatis extinguere. manum ad id compa-
rat, diuersam quidem genere, sed magnitudine
sceleris, uitæq; similitudine pene eadem: quam
exacerbata continua penuria rei familiaris,
et ob id desiderio prædæ mirabiliter flagrantem,
illecebræ sibi facillime conciliauerunt. consilia
nefarij facinoris in amplissimi ciuis M. Læcæ do-
mo decoquebantur: ad eam greges confluebant
perditorum

perditorum adolescentium, quorum hic familia ritatem eximiam consecutus fuerat, conciliatam partim assuetudine stupri, partim genere quodam nefarie largitionis. adhibiti sunt & cætus barbarorum hominum, nobilitati non solum magnitudine, & summa æris alieni, uerum etiam consuetudine, ac studio turpissimarum rerum. nec aliæ muliebres ab eo cætu religioso, nocturno, prorsus abfuisse indicatæ sunt. nulla denique portenta urbis, nullæ finitimarum regionum pestes repertæ sunt, quæ non denotatæ solertissime per hunc, per magnitudinem inopiæ facillime concitatæ, repente deuolauerint in aream ipsam nefariæ, atque flagitiosæ coniurationis. Ratio consiliorum fuit, ut Saturnalibus proxime futuris, uniuersi cum armis ad ipsius Læcæ domum præsto forent: ibiq; dato signo collaberentur omnes, partim ad diripiendam, inflammandamq; urbem, partim ad trucidandum senatum, partim ad eos conficiendos, qui præsidium urbi ferre uoluissent; Catilinam interim omnes & ducem, & imperatorem appellarent. Audistis indices satis euidenter, ut arbitror, consilium scelerratissimi hominis Catilinæ, rei q; indignissimæ miserabilem ac detestabilem crudelitatem: nunc uero audienda causa est, agnoscendæq; faces, quibus ille flagrant ad cupiditatem huiusmodi scelerati

lerati facinoris obeundam . quas si plane comprobatas uobis , ut arbitror , planeq; illustratas eidentibus signis attulero : nihil erit impedito , quin hostem reip. crudelissimum , atque infestissimum summis supplicijs , summis cruciatibus multandum , ac mactandum esse iubeatis . Tria iudices , sententia mea , scelerata , crudelia , flagitiosa , inaudita , quæ mentem Catiline semper immoderatam , semperq; nouis rebus studentem , ad exitium patriæ commouerunt , nunc dicenda sunt . primum , ratio quædam tristis similitatis : qua ductus , uniuersum senatum ex memoria repulsæ consulatus capitaliter fuit semper infectatus . secundo , rabies quædam temerariæ ambitionis , sitiens immodicæ gloriæ , prorsusq; inflammata perpetua quadam , & singulari cupiditate dominandi . postremo , cætus infames turpissimorum hominum , non modo fatigati diuturno malo domesticæ necessitatis , uerum etiam imbuti flagitijs , ac consuetudine scelerum , semperpiterna comite , & genitrice pessimarum cupiditatum . quod genus hominum Catilinam suum , etiam dormientem , è somno facillime excitare uoluisset . his autem ostensis breuiter , saneq; confutatis , quæ pro defensione flagitiorum suorum nostri aduersarij dicenda esse putauerunt , finem adesse uobis intelligetis . Bello Mitbridatico

tico iudices longissimo quidem omnium, & sine dubio post Punicum periculosissimo, cum diutius in senatu de eligendo imperatore dubitatū fuisset, planeq; omnes ambigerent, quis nam sagacissimo regi sagacissimus noster imperator opponeretur: Catilinam inter omnes competitores, incredibili quadam ambitionis magnitudine deflagrantem, omnes senatoriæ sententiæ reiecerunt. eo telo percussus adeo Catilina fuit, ut postea nullam omiserit neque perturbande curiæ, neque insectandi senatus occasionem. uidebat nanque detestandam cupiditatem suam, illo superstitite, nunquam in eum locum peruenturam, de quo illam pridem uniuersa omnium uoces eijciendam esse putauissent. uoluebat item animo summas uitæ necessitates: quibus exuere se posse arbitrabatur, si qua ratione præclaris magistratibus aspirasset. nunc illas uero magis ac magis instauratas quotidie intelligebat: quandoquidem inspicerent omnes, uitæ suæ rationes ea sententia iugulatas prorsus extitisse, ac, quicquid increpauisset ulterius, metuendam esse consularē uigiliam, metuendum esse iudicium senatoriæ auctoritatis. hanc uero speciem, ita exanguem, ita consternatam consuetudo erexit uitæ prauissimæ ad omne facinus, neque ocij sui patiens, neque alieni. Qualis eius uita fuerit, etsi præclare conscientia

scientia publica teneatur : huic tamen illustranda seu patefacienda testes indubitati uideri possunt ij, qui sacrarium illud libidinum colere, atque obseruare consueuerunt . quæ nugæ , dij immortales ? quæ portenta scelerum ? qui libidini gurgites ? quæ sentinæ flagitiosorum ? uerum is rumor sparsus est de moribus Catilinæ , eaq; gentium opinio peruagata, quatenus existimemus ipsas publicas non hominum esse , sed oraculi potius nuncupandas. famam uero popularem, à maioribus nostris sæpenumero accepimus , neque temere unquam nascituram esse , neque temere occasuram . decus illud egregium corporis non ad dignitatem nominis, ac gloriæ, sicuti par erat homini nobilissima familia nato, sed, uti latro perditissimus , ad omne genus flagitij conferendum fuisse semper arbitratus est . uires ad stuporem hominum præclaræ , atque inusitatæ perpetua uoluptatum intemperantia sunt labe factæ. flos pueritiæ uetustissimæ ad intuentium iucunditatem , cui non libidini patuit flagitiosæ iuuentutis ? aut quam turpitudinis notam non subeundam ultro, atque accersendam esse cogitauit ? lux illa uero præclari, atque excellentis ingenij, quam omnes diuinam semper, & singularem, atque inusitatam penitus esse arbitrabantur , nonne inter fædissimas uoluptatum sordes restincta

reſtinēta eſt? omitto peſtis huius impu-
 uoces, mollitiem ſcenicam, obtutus impu-
 blanditias muliebres, et omnem denique
 non mediocrium uitiorum ſub illa frontis
 ta ſimul, atque inſigni pulchritudine deliti-
 tem. prætereo mentem illius plus quàm gl-
 toriam, ſitim incredibilem humani cruoris
 rum inconstantiae genus: uultum nunc de-
 ſum, nunc alacrem, nunc anhelantem ſce-
 nunc gratia meretricia floſcentem: ſumma
 pecuniae deſiderium, ſummam ſimul prodig-
 tatem: contemptum incredibilem omnium b-
 rum, itemq; eximiam cum ſummis, atque ori-
 tiſſimis ciuibus familiaritatem. nihil enim f-
 iſto monſtro uerſipellius, aut mutabilius homi-
 memoria: ita ut res diuerſiſſimae ſepenumero u-
 deantur in eodem ingenio, tanquam in ſentiri-
 quadam teterrima, ſimul redundare. quis igitur
 dubitandum eſſe putauerit, hominem præditum
 huiusce inſtitutione uitæ, remotiſſimum ab om-
 ni genere humanitatis, per facile ſeſe teterrimo
 cuique, atque immaniſſimo facinori fuiſſe accom-
 modaturum? Fontem aperuimus, iudices, omniū
 Catilinæ morum, atque omnis conſuetudinis, un-
 de illi demanuiſſe uim iſtā præclarā conſiliorū
 facillime intelligendum eſt: nunc uidendum eſt,
 ſpem atrociſſimi ſcleris unde illi ſubminiſtrata
 fuiſſe

fuisse iudicemus. Cum hic itaque secum repeteret memoria miserandam ignominiam comitiorum, turpesq; angustias afflictæ rei familiaris, simulq; intueretur, uel sibi uiuendū, ac moriendum fore cum turpitudine summa, uel senatum nullum esse oportere: de ratione tollendi ipsius primum cogitare cæpit. nam illo deletō, sine dubio intelligebat, uiam latissimam libidinibus suis continuo patere. uertit itaque oculos ad innumerabilem copiam iuuentutis, qua dies, ac noctes stipabatur in exercenda consuetudine suarum cupiditatum. cum putauit manum ipsam hominum, tanquam hastam ualidissimam furoris sui facillime sibi accommodari posse, quam contorqueret in omnium nostrum ruinam, atque interemptionem: ut quam cognouerat educatam uitæ prauissimæ institutis, imbutam sæpe numero sanguine miserorum ciuium, ardentem incredibili desiderio prædæ, sibi uero mira familiaritate conciliatam. genus est hominum uehementer exercitatum ferro, atque inopia, duabus rebus ad omne genus facinoris paratissimū: quod quidem ego ciuitati nostræ, maxime debilitatæ bellis ciuilibus, atque afflictæ magnitudine calamitatum, magnopere pertimescendum esse iudico. nihil enim illis præter spem, atque animam fortuna reseruauit: alteram ad differendam ui-

PORCII LATRONIS

*ta necessitatem, alteram ad liuorem suum
 gnifice accommodatum. nihil illis contem
 lius: quos siquidem rudimenta uitæ tradu
 hac tenuissima re deposita nunc in gladiat
 muneribus, nūc alia facinoris atrocitate pa
 ad omne scelus, partim ad omnem patientiā
 dierunt. uerum hæ pestes, sententia mea quo
 rint abiectiones, eo magis extimescendas e
 reor, tanquam perpetuo seditionum ciuiliū,
 rerum nouandarum auidissimas: siue quia uo
 ptatem capiant ex mærore sociæ calamitatis: si
 ue quia ciuitatum uersutiam, mutabilitatem re
 rum suarum portendi quodammodo arbitratur
 hi sunt quidem, quos in foro quotidie in oculi
 ciuium calamistratos, ac uestibus collucentes pa
 sim obuolitare cernimus, fortunas omnium po
 pularium, atque ocium ciuitatis luminibus con
 signantes: qui non modo arrecti permanent ad
 opportunitatem cuiuspiam præsentis commodi,
 uerumetiam gestiunt ad opinionem speratæ uti
 litatis. Si feras quidem omnis generis, quo ma
 gis attenuatæ fuerint penuria edendi, eo magis
 præcipites, atque effrenatas ruere in perniciem
 uidemus: quid hanc desperatorum colluuiem ie
 iunam, sitientem facultatum nostrarum, quo im
 petu, quæue strage ruituram esse creditis, aut
 debacchaturam, si se carceribus emiseric? cum
 ille*

rem suum ma-
s contemptibi-
a traducta, in
n gladiatorijs
citate partim
patientia eru-
a mea quo sue
escendas esse
n civilium, ac
ue quia uolu-
lamitatis: si-
ilitatem re-
arbitratur.
die in oculis
lucentes pas-
nnum po-
inibus con-
manent ad
commodi,
berata uti-
s, quo ma-
i, eo magis
perniciem
luuiem ie-
m, quo im-
ditis, aut
erit? cum
ille

illa ratione careant, atque intelligentia: hi ue-
ro non absint penitus ab ipsa facultate intelli-
gendi. Grauiissimi quidem sunt morsus iritatae
necessitatis. dii immortales, quae clades ab illa
feritate hominum: quae genera flagitiorum ema-
nauissent, si nocturnus iste imperator quasi quas-
dam rapidissimas belluas in urbis penates immit-
tere potuisset? horret animus iudices, ea cogita-
tione complecti, quae miseri pertulissimus, si so-
por oculos consulares detinuisse. restringenda
est itaque flamma nobis scelerata, & atrox; dum
adhuc uelata cineribus, ac sopita, facultas restrin-
guendi leuissime data est: ne, cum omnia compre-
henderit (quod immortales dii penitus auertant)
nos frustra postmodum furibundam, atque exul-
tantem restringere cupiamus. neque rectorem
nauis audiendum prorsus existimo, in ipso mo-
rore calamitosa tempestatis, quam illi fugere fa-
cilime licuisset, consurgentem primo, sibiq; ac
rebus suis naufragium minitantem: neque item
gubernatorem urbis in ipso excidio, & calami-
tate ciuitatis, quam impendentem prius ipse co-
silio suo, suaq; prudentia sustinere quodam mo-
do, ac propulsare potuisset. Serae sunt hominum
lamentationes, prorsusq; uituperandae, quas oc-
cupatas in ijs lugendis cernimus, quae uitio suo;
desidiaq; contigerunt. Callicratidi Lacedaemo-
R niorum

PORCII LATRONIS

niorum duci, cum ornatissimam, cui præerat, classem funditus amisisset propter immoderatam gloriæ cupiditatem, nihil ad eam restituendam nouissima consilij ratio suffragata est; quam ita seruare poterat, si modo in statione continuisset. Terentio Varroni sempiternum dedecus, atque immortale monimentum erunt flagitiosæ turpitudinis, deletæ ad Cannas temeritate sua pulcherrimæ Romanorum legiones: quæ seruatæ periculosissimo tempore reip. sine dubio fuissent, & robur eximium pulcherrimæ urbis, & perpetuum decus consularis prudentiæ, disciplinæq; militaris. recte itaque maiores nostri summis laudibus efferendi sunt, qui Sp. Meliū, qui Gracchos, qui Manlium Capitolinum, qui Drusum, qui Saturninum, fortissimos homines, & reip. sæpenumero non mediocriter opitulatos, quod deuenissent in affectatæ tyrannidis suspicionem, morte multandos esse putauerunt. nec Sp. Melio fauor amplissimus ciuitatis, nec Gracchis aui sui Scipionis clarissimi uiri memoria, nec Manlio celeberrima gloria Capitolij liberati, nec Druso sanctissimi sui penates, nec Saturnino ius sacrosanctæ dignitatis auxiliata est. quid ita? quia necem paucorum, aut unius hominis, calamitati publicæ maiores nostri semper antepōndam esse putauerunt. quid? genus crudelitatis

eximium

eximium non sunt arbitrati, ciues eos perimere, summisq; affligere supplicijs, quorum in remp. persæpe clarissima beneficiorum genera extitissent? minime. quid ita? quia nullum satis dignū supplicij genus in eos consumi posse opinabatur, qui patriæ suæ libertatē opprimere statuisserent: nec illos ciues esse iudicauerunt, quos abiecisse rationem patriæ charitatis intuerentur. at contra, eos, qui tales interemissent, non modo dici, atque appellari ciues, ut essent, statuebant, sed afficiendos fore immortalibus donis, ac sempiternæ hominum memoriæ cōsecrandos. Quid enim potest indignius dici, quàm uitam à patria susceptam ad illius perniciem calamitatemq; conferre? quid fingi sceleratius, quàm eorum pœnas, ac crudelissimam seruitutem excogitare, quos ijsdem mœnibus, ac tectis constitutos eadem leges, atque eadem uiuendi ratio continuisset? quid denique potest intolerabilius existimari, quàm inferre delubris deorum immortalium, ac facultatibus nostris, illinc sceleratas faces, hinc acerbissimas expilationes? hæc qui curauerunt, iudices, aut qui tentauerunt, nunquam ego alienos ab hostibus, aut dissimiles feritati bestiarū existimabo. Vidimus de spe perficiendi nefarij facinoris: uidendum est de loco, quam latebram commodissimam, & tutissimam egregius arti-

PORCII LATRONIS

*fex delegit, cum contegenda conspirationi suæ,
 tum armis omnibus eius artificij comprehendendis: ne forsan temere domum nobilissimi cuius,
 atque opulentissimi M. Læcæ delectam esse iudicetis. primum homo delectus est huiusmodi ne
 farijs cupiditatibus affinis, quo particeps semper
 usus fuerat consiliorum suorum, adiutore teterrimarum libidinum, socio maximorum periculorum: cui spectato frequenter in difficillimis
 rebus, summam huiusmodi atrocissimi mali tuto
 committi posse, facillime sibi pollicebatur. præterea domum sibi deligendam esse indicabat,
 solitudine locorum desertam, et ab omni frequentia
 populi remotissimam, quæ scilicet uoces coniurationis
 tutissime continere posset. contulit igitur sese in ipsam M. Læcæ domum, remotam
 ab omni celebritate, constipatam multitudine
 arbuscularum, & ab omni suspitione prodendi
 facinoris non mediocriter abhorrentem. quos uero
 tetenderit ibi coniurationis laqueos, aut quas catenas
 scelerum conflauerit nobis, ac facultatibus nostris,
 Saturnalium dies patefactura fuerat, nisi primum
 benignitate deorum immortalium, deinde uigilantia consulari,
 nefarie sic de manibus latronum excidissent, nullas
 amplius tendiculas pertimescamus ab execrabili
 monstro, nullas insidias ab hoste teterrimo, tene-
 tur*

tur fera : nec, si uiri estis, declinata est telum
 ipsum sacrosanctæ uestræ auctoritatis. Ne ue Ca
 tilina nescias, uigilantissimos consules habere
 rempub. te, quocunque ueneris, quocunque abie
 ris, diligentia nostra circumseptum teneri : quid
 hesternæ nocte conciunculis tuis agitatum sit, li
 cet tecum recognoscas. Cum ad M. Læcam ue
 nisses, cum uno ex fidelissimis commilitonibus
 tuis ad multam noctem ; teq; in interiorē una
 cum illo cubiculi partem recepisses, tanquam in
 sacrarium memorabile cupiditatum uestrarum :
 repente de Læca sciscitari cœpisti, num quis ex
 coniuratis aduenisset : cum subito Lentulus, ac
 Cethegus, teterrima capita maleficiorū omniū,
 furibundi, atque alacres irruerunt, moxq; in
 gressi uociferare cœperunt : quid agis Catilina ?
 cur uoluptates nostras diutius remoraris ? præsto
 sunt Saturnalia nobis ociosis, atque oscitantibus,
 quem unum diem sæpenumero nuncupare soli
 tus es euerforem superbissimi ordinis, fugato
 rem ærumnarum nostrarum, lucem ac princi
 pem uniuerse nostræ dignitatis. num in geren
 dis negocijs ignoras sequendas esse temporum
 opportunitates ? & in occasione rerum desidiā,
 ac tarditatem omnem quam diligentissime fu
 giendam ? mutabilissimæ quidem sunt Deorum
 uoluntates : & fortunam, cum abire permiseris,

PORCII LATRONIS

frustra postmodum discedentem, ac fugientem
sis imploraturus. talia uero conquerentem tu
 paucis pro re subsecutus, Aquilam argenteam
 proferri continuo iussisti, præclaram auspicem,
 ac gubernatricem furoris tui futuram: testor
 noctem ipsam, impiarum molitionum tuarum
 consciam ac testem, nihil ex ijs me fugisse, quæ
 clandestini uestri conatus agitauerunt. perpau-
 ca satis attigisse fuerit, ne solitudine in ipsa lati-
 bulorum tuorum, cum ora uulgi plane deuita-
 uisses, fefellisse te crederes diligentiam pariter,
 atque industriam consularem. Linquo telorum
 innumerabilem, atque inexcogitatam copiam,
 quam in ijsdem furialibus antris constipandam,
 atque occultandam fore curauisti: mitto literas
 manu tua scriptas, diuersis municipijs redden-
 das, quo furori tuo succurrere, atque opitulari
 uellent: transeo rem illam simillimam prodigio,
 cum mane, isto iam coacto senatu, redundantibusq;
 subsellijs, serius in senatum præter consue-
 tudinem uenisses: quod nulli non oculi te sena-
 torum statim consignarunt ingredientem, demis-
 so uultu, pallore terribili, luminibus errantibus,
 ac facie præse ferente nescio quid inusitata cru-
 delitatis. præterea Saturnalibus proxime futu-
 ris rem adoriri placuit, quo die ciuitas omnis fe-
 riata publico edicto conferre sese in montem
Auentinum,

Auentinum, ac rusticari quodam modo solita est: cum tu manum furoris tui diligenter armatam, atque instructam primum ad cædem senatus, ac consulum, deinde ad occupandam Capitolij arcem munitissimam fueras immissurus: atque his perfectis, daturus operam cum directioni publicæ, tum inflammandis ædibus, atque his trucidandis, qui rempub. defendere uoluissent. Videtis iudices lucem clarissimam rationū, quam ego profecto censeo nullis inuolucris tenebrarum suarum obruturos esse, nec M. Læcam præclaram sedem, atque officinā teterrimæ coniurationis, nec ipsum detestabile caput, atque obscænum artificem Catilinam. cumq; hæc omnia constent, animaduertendum est pariter uno maleficij genere Catilinam non modo deos, ac patriam, uerum etiam mores, leges, consuetudinem urbis, atque instituta maiorum uiolasse. primum XII. tabulis cautum esse cognoscimus, ne quis in urbe cætus nocturnos agitare: deinde lege Gabinia promulgatum, qui conciones ulas clandestinas in urbe conflauisset, more maiorum, capitali supplicio multaretur. de te itaque Catilina sciscitor, tun' cætus istos commilitonum tuorum contra præcepta XII. tabulis contra leges nostras, contra uero senatus, ac plebis auctoritatem noctu cogendos esse putauisti? dein-

PORCII LATRONIS

de quaero, si quando in lucem sepulcrales istæ con-
ciuncula tuæ prodidissent, quid responsurus fu-
ses senatui? quid consulibus? aut quid uiris opti-
mis, atque amantissimis patriæ? quid leges igi-
tur nostras uiolas Catilina? quid senatus aucto-
ritati contradicis? æquum enim est instituta ma-
iorum, atque edicta grauissimi, sanctissimiq; or-
dinis, quia perstringere uestigia tua non es ueri-
tus, ea restituas, ac sarcias supplicij tui memo-
rabili animaduersione. Manlius Torquatus fi-
lium suum summa & singulari uirtute adole-
scentem, quod is in hostem contra mandatum
patrium dimicasset, uictorem acriter percuti se-
curi iussit: nos uero te tam temerario ausu ten-
dentem contra mandata senatus, contra uniuersæ
Romanæ reip. maiestatem Catilina perfere-
mus? maiores olim nostri, sapientissimi homines,
& sine dubio grauissimi, num leges à Grecia per
legatos suos accersendas esse putauerunt, qui-
bus hanc imperij magnitudinem perpetuo stabi-
lirent, ut tu homo recens, seueritate illarum cum
barbatulis tuis abutereris? non ita uisum Car-
thaginensibus accepimus, in Hannone suo mor-
ti condemnando, fortissimo, ac triumphali uiro,
quod is edicto senatus minus obtemperauisse pu-
taretur. non ita placuit Atheniensibus, urbi
sine dubio doctissimæ, atque eruditissimæ, cum è
Sicilia,

Sicilia, belloq; grauissimo reuocandum esse Al-
cibiadem statuerunt, summum & singularem
imperatorem, quem iuberent expiare supplicio
suo leges uiolatæ religionis. non ita denique à
maioribus nostris iudicatum est, cohortibus exo-
letorum tuorum sententia mea longe anteponen-
dis, cum L. Sulpicium, cōsulari familia summoq;
ingenio uirum, propter exiguam notam libidino-
sæ suspitionis censuerunt remouendum è senatu,
multosq; dies in uinculis habendum esse putaue-
runt. uos uero, iudices, Catilinam non modo le-
ges nostras, atque auctoritatem senatus crudeli-
ter labefactantē, uerum etiā uniuersos ciues ad
perniciem ferro, flammaq; deuocantem, impune
perferetis? Iacet homo prostratus euentu maxi-
marum molitionum: ut qui conatus suos conscien-
tia uestra patefactos atq; illustratos cernat, neq;
contentos fuisse seu superstitione cruenti sacra-
menti, seu tenebris nocturnis, seu solitudine loco-
rum maximā, et singulari. Contundite igitur, cō-
tundite iudices genus istud inauditi furoris: cō-
primate hominem gestientem effrænata temeri-
tate, flagrantem inusitatis cupiditatibus, furen-
tem incredibili superbia, spe nouandarum rerum
mirabiliter inflammatum. quin etiam rem ip-
sam publicam non modo euentu crudelissimæ ca-
lamitatis, uerum etiam metu, ac suspitione libe-
rate.

PORCII LATRONIS

rate . Diximus quidem sufficienter de senatoria
 simultate L. Catilinæ , capite ac fonte sceleratæ
 coniurationis: resq; omnes complexi sumus, quas
 aluisse furorem illum ac primum excitauisse iu-
 dicauimus : nunc uidendum est de ratione ambi-
 tionis teterrima, atque exitiabili, qua deflagra-
 uisse perpetuo Catilinam superiori diuisione de-
 monstrauimus . Cupiditates equidem plurimas
 in illo monstro calamitosas , ac nefarias omnes
 persæpe iudices animaduerti , libidinem unam
 perniciosissimam in primis conspiciere uisus sum
 temerariæ cuiusdam atque inconsideratæ ambi-
 tionis : qua duce properasse , nec ullo studio un-
 quam consciscendarum opum, nec ullo desiderio
 dignitatum abstinuisse reputatus est . putabat
 enim se frustra nobilissimo genere natū , frustra
 uirtutes eximias corporis, atque animi consecu-
 tum fuisse, ni omnia diuina, atque humana tru-
 culentissimo genere cupiditatis inquinauisset :
 quosq; cernebat excellere Romæ præstantia qua-
 dam dignitatis , beatissimos eos esse, & sine du-
 bio dijs æquiparandos fore arbitrabatur . id ge-
 nus uesanæ cogitationis hominem suapte natura
 præcipitem , atque inconsideratum compulit in
 abominandas, ac nefarias uitæ cupiditates . isq;
 nuper comitijs consularibus , quandoquidem suf-
 fragia curiæ propter impendentem metum Par-
 thici

thici belli, diligēter enucleata sunt, quas nō adiūt
senatorum uoces? aut quos ciuius confessus, par
tim pecunia, partim obseruationibus non obeun
dos suppliciter, ac contaminandos esse indicauit?
nulli tamen ad dignitatem gradus, neque insa
nienti, neque anhelanti bono candidato patue
runt. Eadem ratio sceleratæ libidinis illum ad
maiores uim scelerum paulo ante cōcitauerat.
Pisonem meministis egregia uirtute adolescen
tem, nisi & idē cupiditatibus obtemperare con
sueuisset, calamitosam sibi, ac multis in urbe se
ditionem excitauisse: cuius insigni familiarita
te atque amicitia Catilinam usum fuisse, nemo
est qui nesciat: nec modo coniunxisse se temera
rio iuueni, uerum etiam illum de successu rerum
suarum non mediocriter trepidantem, in auda
cia simul, ac sententia confirmasse, cum se illi ui
gilantissimum socium, ac satellitem fidelissimum
regendæ, gubernandæq; coniurationis fore polli
ceretur. quòd si uotis sceleratorum hominū suc
cessus aspirassent, quanta strage ciuium credi
tis, aut quanto diluuiο facultatum urbanarum
ruituram fuisse detestabilem horum, atque exe
crandam impietatem? uerum ij cœlites, quorum
auspicijs princeps, ac parens huius urbis Romu
lus pulcherrimi imperij Romani fundamenta ie
cit, tristissimam cladem, ac conatus perditos ne

PORCII LATRONIS

*ce adolescentis interceperunt. Pisonē mortuo
 conqueuiſſe Catilinam dicemus, aut incepti te-
 merarij pænitiuiſſe? non modo non pænituit, nec
 requieſcendum fuiſſe arbitratus eſt; ſed ruruſus
 alio furori acceſſit. non cōſueuerat animuſ, per-
 petuiſ cupiditatum flagitijs exercitatuſ, prima
 deſtitutione fortunæ reſfrigeſcere, ac conſterna-
 ri: ſed uix ſepulta memoria Piſoniā coniu-
 rationiſ, L. Silicinuſ adeptuſ eſt; potentiſſimuſ
 quidem hominuſ, ac tūc furentem ſingulari ſtu-
 dio reruſ nouandarum. uerum ea fax incendiij
 ruruſuſ benignitate deorum immortalium, ſum-
 maq; uirtute conſuluſ reſtinctā eſt. non obdor-
 miſcit tamen Catilina, hiſ deſtitutuſ euentiſ uigi-
 liarum ſuarum; ſed ruruſuſ ſcuiſ immanior; &
 quam remp. ſeruitio non potuerat obruere, de-
 ſtranguandā penituſ, ac tollendā cōgitauit;
 ſcleratuſ in omnem urbem, quā totieſ inſidijs
 appetiuiſſet; ſcleratiſſimuſ uero in patriā, cuiuſ
 iuſ extant in illum ſumma, & commemoranda
 monimenta beneficiorum. reminiſcere quāſo Ca-
 tilina, reminiſcere ferruſ illuſ ſceleſtuſ, atque
 illaſ nefariaſ faceſ, quaſ iſtiſ ſanctiſſimiſ penati-
 buſ, atque iſti pulcherrimæ patriæ minitariſ, nō
 ad oppugnandā urbem, neque ad eam concre-
 mandā tibi dataſ fuiſſe, ſed potiuſ ad ſalutem
 ciuium, dignitatē imperij, libertatiſq; noſtræ
 defen-*

defensionem. Per deos immortales oro te Catilina, si patria tecum his uocibus uteretur, quid esses illi quæso responsurus? Ego te paruulum Catilina cum in primis ornatissimo genere gentis nasci uoluisssem, deinde summis dotibus exornassem, tum corporis, tum animi: tum duabus rebus instituendum putauī, ferro, ac flamma: quibus esset parata tibi facultas tum amplificandi imperij mei, tum defendendæ publicæ libertatis. quid eam uim armorū in uiscera nostra torques? aut quid conuertis in exitium ciuium meorum institutam diligentia mea, meisq; rationibus eruditam dimicandi facultatē? maiores cōtra tui summis à me beneficijs, atque honoribus aucti, pro magnitudine susceptarum dignitatum pulcherrimas in urbe sæpenumero leges, pro præstantia beneficiorum clarissimas ex hostibus uictorias referre consueuerunt: tu mihi luctus acerbissimos paras pro summa copia beneficiorum meorum, tu cædes ciuium, tu domorum incēdia, tu uexationes uirginum, tu uastitatem urbis, tu genus atrocissimæ seruitutis. O crudelissimum hominum genus, & ab omni penitus humanitate derelictum. tu studio flagras eius urbis euertendæ, quam nec Carthaginiensium astutissimi doli, nec Numantinorum eximiæ uires, nec Græcorum erudita, & præclara ingenia labefactare,

PORCII LATRONIS

*re, obscurareq; potuerunt? quòd si citentur hi
 populi rursus diuinitus, atque istæ urbes redeant
 in statum uetustissimæ dignitatis: certe non ipso
 scelere tuo quicquam in me crudelius, nec quic-
 quam magis extimescendū molituras fuisse præ-
 dicabunt. sed ad te redeo. Temperarem ego me-
 met mihi, cursumq; istum uiolentæ orations for-
 sitan reuocandū esse iudicarem tum ab odio tuo,
 tum ab ipsa dicendi acerbitate, si quem in te sen-
 sum patriæ charitatis aspicerem, aut ullo te pa-
 cto posse arbitrarer sceleratā istam mentem re-
 linquere. sed id genus est cupiditatum tuarum,
 ut restinguendarum forsā rationem aliquam
 consequi possis, sanandarū nullam. nec te prius
 amissurū peruersitatem istam animi puto, quàm
 uitā amiseris. Vellem reuiuisceres Abala Serui
 li: nō expectaremus sententiam iudicum: neque
 abuteremur maiestate senatus, atque auctorita-
 te populi R. sed magnitudinem tanti flagitij san-
 guine tuo statim expiauißes. nam de senatus
 uoluntate nihil ambigimus. modo non impedi-
 retur legibus, repente profecto fueras pœnas im-
 pietatis tuæ dignissimas laturus. Vtinam deo-
 rum immortalium munere iudices mentem at-
 que animum huius introspeceremus: ne qua uo-
 bis fieret puniendi dubitatio, qui tantum scele-
 rum ingenio conflauisset. uideretis enim men-
 tem*

tem anhelantem tristissimum genus minarum, mentem debacchantem inaudita feritate, furentem incredibili uesania, sitientem cruoris urbani, prædæ auidissimam, uobis, atque omnibus ferro flammâq; minitantem. Catilinâ uobis demoſtrauimus iudices iritatum persæpe repulſis comitialibus nullas uocum, aut suffragiorum corruptelas fuisse prætergressum: deinde nullis rationibus infractum ac perterritum de perseuerantia scelerum suorum destitisse. quibus animaduertere sane potestis, quanta semper immanitate laborauerit ambitionis. superest nouissima pars diuisionis, grex ipse sodalium Catilinæ truculentus, atque amens: cuius in manu non exiguam rationem fuisse diximus excitandæ coniurationis. Lentulus siquidem, & Cethegus, terribilia portenta nostræ ciuitatis, furieq; uel certissima populi R. multa de magnitudine sua in ipsis concionibus, multa de dignitate imperij sui futuri palam predicare consueuerunt, tanquam si deorum immortalium concilio interfuisſent. primum Lentulus in libris Sibyllinis nescio quid perspexisse se predicabat, quod uiri acutissimi, atque peritissimi L. Cornelius, ac Cn. Piso, custodes publicarum ceremoniæ, nequaquam prospicere potuerunt. lucem nanque ait nescio quam de domo Cornelia quondam prodituram fore,

fore, quæ gloria nominis sui Romanum imperiū
 simul & complexura sit, & illustratura: eoq;
 genere uaticinij dignitatem suam portendi fata
 liter putauit: planeq; opinatur fati sui rationē
 in ipsa latebra Sibyllinæ diuinationis, tanquam
 in equo Troiano, delitescere. ego uero Sibyllam
 sine dubio sapientissimam mulierem fuisse iudi-
 co, uisamq; idoneam dijs immortalibus, cui sin-
 gularem quandam uim diuinandi concederent:
 uerum illam deliram penitus, ac prorsus cæcam
 fuisse affirmarem, si quam spem dignitatis in
 hac crudelissima peste reposuisset. si quid tamen
 cecinisse uisa est, quod ad Corneliam gentem per-
 tinere uideretur, uim omnem illius diuinatinnis
 in uno L. Sylla consumptam fuisse iudicemus, cu-
 ius paulo ante resp. sensit & crudelissimam si-
 mul, & amplissimam potestatem. nec ego deos
 immortales huic imperio tam infestos esse reor,
 neque à salute populi Romani tam abhorrentes,
 ut homini dementissimo regnum concederent hu-
 ius sanctissimæ, atque optimæ ciuitatis. Syllam
 profecto crudelitas uicit: at ipse maximarum
 laudem uirtutum, & rei militaris summam, ac
 singularem gloriam consecutus est. Lentulum
 uero nullæ uictoriæ nostræ ciuitati, nullum stu-
 dium armorum, nulla præstantia uirtutis, aut
 ingenij commendauit. quæ uero non tabernæ po-
 tius,

tius, aut qui non greges infamium hominum Sibyllinum istum principem concelebrarunt? nam uitam eius commemorare non est necesse, uersatam semper in obeundis libidinibus, ac societate turpissimorum hominum nobilitatam. nihil in eo sanguinis auiti, nihil industriæ Romanæ, nihil splendoris domestici, nihil auitæ frugalitatis, fingite uobis iudices, fingite dignitatem huius hominis tum florentem amplissimo magistratu, tum omnibus populi Romani muneribus exornatam. quantum, quæso, sanguinis ciuilis in foro, in curia redundaturum esse creditis? aut quantam uim libidinis, atque impudicitie per omnium ciuium cubicula demanaturam? Profecto dignitate fretus ea, quæ priuatus concupiuiſſet, sine dubio consequeretur: ferretur amens in omnia: nec ullæ rationes consiliorum, aut pudoris, nec ulla studia humanitatis refrænarent præcipitem, atq; incitatum cursum uetustæ crudelitatis. Cethegus, inferior nobilitate, atque ingenio, uehementia furoris longe immanior, parum à Lentuli somnio discedere uisus est: uerum insaniam leuissimæ opinionis modestiore loquendi ratione contegere uelletur. genus est idem tamen furoris, eademq; ratio concelebratæ diuinationis, tales hi scelerum artifices, amboq; concitati ad euertendam rem-

S pub.

PORCII LATRONIS

pub. partim à uesana spe uaticinij commemorati, partim à nefaria scelerum assiduitate, Catilinam offenderunt nouis rebus studentem: cuius præsidio, consilioq; cupiditates suas ita iuuari posse facillime crediderunt, si uiro sociorum copiosissimo sese coniunxissent. est enim in illo monstro, sicuti paulo ante tetigimus, uis eximia facetiarum, & ratio quædam adumbrata uirtutum, facilis ad comprehendendum omnium hominum familiaritates. Hunc igitur Catilinam adepti Cethegus, ac Lentulus, & ipsi lenocinijs suis insignes, ad omne genus beneuolentiæ subeundum deflagrare cœperunt admirabili quadam cupiditate seu diripiendæ urbis, seu potiundæ dominationis. Hæ sunt iudices huius nefarij facinoris abominandæ faces: hi sunt crudeles igniculi, quibus exarsisse Catilinæ ferocem animum facillime credendum est. talibus initijs consociati principes nefandæ coniurationis, manum exiguum desperatorum hominum, atque obscenæ iuuentutis pedetentim coegerunt: coactam, quid uellent, edocuerunt: edoctam, pari cupiditate sceleris inflammauerunt: inflammata denique pepulerunt, ut in omnium nostrum facultates, ac uitam facillime conspirarent. Furias istas audistis iudices, commodissimas, ac paratas non modo ad uiuos commouendos in omne facinus,

facinus, uerum etiam ad mortuos ex ipso Erebo, medijsq; bustis excitandos. reperti sunt tamen atrocissimi sceleris patroni, quiq; immanitatem detestandæ rei tum contegere uerbis, tum excusare conati sunt. L. Hortensius, uir eximia caritate reip. summisq; ornamentis præditus & scientiæ, & moderationis, nequaquam omnia credenda esse dicit: iubetq; grauissimis hominibus facilitatem iudiciorum diligenter esse continendam. primum affirmat Catilinam in perpetua custodia senatus extitisse: denique nunquam ferme discessisse à latere P. Cæpionis nobilissimi ciuis, atque integerrimi uiri: ita ut lepide dicat, dissepurationi eorum neq; solem orientem unquam, neque occidentem interuenisse. credo equidem sapientissimum hominem Hortensium (ut est innocentia singulari, summaq; uirtute) cuncta ipsa, quæ grauissime simul, atq; ornatissime complexus est, ita uera esse, sicuti dixerit, existimare. sed longe graditur à sententia mea. Quæro igitur de te L. Hortensi, teq; obtestor, atque obsecro per ipsum ius uetustissimæ nostræ familiaritatis: si L. Catilinam constat dies omnes, omnium ciuium consciëntia, siue in foro, siue in turmis agere; nunc stipatum cateruis exoletorum suorum, nunc uero gladiatorijs agminibus per ora uulgi palam obuolitare: si mani

festum est noctes omnes aut in lustris scortorum,
aut in antris M. Læcæ ducere, uiri, tuo, iudicio,
non abhorrentis à reip. caritate: quid est, quòd
illum obuersatū dicas in perpetua custodia, atq;
oculis senatorum? nisi forte custodiam senato-
riam uocas uel exiguam moram ipsius curiæ con-
silijs obeundis. Quod uero pertinet ad ipsius Cæ-
pionis familiaritatem assiduā, beneuolentiāq;
singularem: nihil est, quod insimulationi nostræ
derogandū esse iudicetis. diximus enim superius,
ingenij Catilinæ miros atq; occultissimos esse re-
cessus, nec qui cognosci, seu perlustrari facillime
possent. uigent enim in illa clade res diuersissimæ
pariter, continentia, & libido. nihil illo persæpe
affixius ad colenda bonorum consortia; nihil so-
lertius ad illis insidiandū: nihil illius munificen-
tia insignius, nihil auidius rapacitate: nihil acu-
tius consilio, nihil temeritate contēptibilis. quæ
cū ita sint, Cæpionem admirabimur in tantis
uiarum ambagibus errauisse? me, me, inquam,
fateor iudices, uetustissima quadam familiarita-
te Catilinæ coniunctum, persæpe delirauisse, mi-
ris perplexionibus illius, neque unquam certi
quicquam in illo ingenio comprehendere potuis-
se. nihil igitur erit miri, si uirum integerrimum
Cæpionem uersutissimi hominis doli, atq; incon-
stantissimi mores fefellerunt. non erit itaq; neq;
prudentiæ,

prudentiæ tuæ, neque gravitatis, Hortensi, can-
 didissimam opem humanitatis tuæ, summamq;
 dicendi copiam fontibus ipsis polliceri, aut quam
 bestiam iretitam iudicio tenemus, dissolutam,
 atq; exultantem reip. immittere. quod te nun-
 quam commissurum fuisse arbitrarer, nisi, qui
 me mores, ydem te Catilinæ sine dubio fefelle-
 runt. Satis ostentatas vobis putamus iudices tum
 rationes periculi nostri, tum huius immanissimi
 sceleris atrocitatem. nam si odio senatus maxi-
 mo Catilinam arsisse demonstravimus: si ratio-
 nes vitæ suæ veteres, ac novas in exercitatione
 teterrimarum libidinum collocatas: si spem per-
 ficiendi sceleris homini prosequentissimo inimi-
 citiarum: si deniq; locorum, ac temporis oppor-
 tunitates extitisse: præterea si rabiem quandam
 ambitionis in illo fuisse diximus: si nullam pote-
 statem referendarum libidinum, aut ullum pœ-
 nitentiæ locum: postremo si copiam innumerabi-
 lem desperate iuventutis cum illo coniunctam
 fuisse patefecimus: & eam simul ostendimus
 suapte ingenio furem incredibilem audacia,
 summamq; cupiditate præcedere, ac vexande ur-
 bis inflammata: quid erit iudices, quod dubi-
 tetis de liberanda patria, deq; ulciscenda crude-
 lissimi sceleris immanitate? novistis enim faci-
 nus inauditum omnium hominum memoria, fa-

PORCII LATRONIS

cinus atrox, superbum, nefarium, perniciosum, remotissimum ab omni humanitate, lege, consuetudine: cuius acerbitatem si minus animo bene perspexistis, quæso, mecum diligenter attendite. Scelus illud iudices euersionem nefariam moliebatur amplissimæ nostræ dignitatis, interitum crudelissimum senatorij ordinis, cædem communem omnium bonorum. huius sceleris libido reposita erat in diripiendis omnium cuium facultatibus, atque opprimenda urbis libertate: huic sceleri parabantur teterrimæ coniugum, ac liberorum nostrorum uexationes: in hoc scelere uersabantur denique faces inferendæ penatibus nostris, expilationes ædium, stupra uirginum Vestalium, luctus, ac mæror miserabilis uniuersæ ciuitatis. quæ si uobis, ut sunt, indigna, atq; intolerabilia uidentur: non iniquum erit autores horum malorum multare teterrimis supplicijs, clademq; omnium crudelissimam è uisceribus reip. propulsare. tenetis exempla maiorum atq; omnium gentium auctoritatem, qui semper summas, ac singulares pœnas in eo genere hominum consumendas esse putauerunt, qui rationes habuissent aut prodendæ patriæ, aut opprimendæ publicæ libertatis. nihil igitur erit impedimento, quin audaciam crudelissimi hominis Catilinæ crudelissimo genere suppliciorum expietis:

*tis : ut ultionem ex illorum cruciatibus , ac pæ-
 nis capiat resp. quorum erat conflagratura ma-
 nibus , nisi sanctissimi imperij Romani custodes ,
 ac uindices dij immortales nefarijs uotis obsti-
 tissent . credite iudices , hodierno die consur-
 rexisse uniuersam urbem , conspecturam ex iudi-
 cio uestro , planeq; animaduersuram , quid in
 posterum de salute sua , deq; facultatibus suis
 sperandum sit : credite item , uim uniuersam fla-
 gitiosæ iuuentutis aut hodierno Catilinæ sup-
 plicio simul conficiendam fore , aut illius libera-
 tione lætam , atq; exultantem non multo post in
 omnium nostrum perniciem una cum illo celer-
 rime consurrecturam . agitur siquidem hodierna
 uestra sententia de salute huius pulcherrimæ
 atq; optimæ ciuitatis , de stabilitate imperij Ro-
 mani , de legum incolumitate , de libertate ci-
 uium , de pudicitia liberorum , ac coniugum ue-
 strarum . huius enim pestis idem scelus erat , ut
 non grassaturum per capita paucorum , sed , tan-
 quam atrocissima uis ueneni , per omne corpus
 urbis demanaturum . quod scelus , aut quampe-
 stem si uindicandum esse censebitis , ut reor , &
 respublica desiderat : putate profecto deos im-
 mortales , & in primis Capitolinum Iouem , sem-
 piternum custodem , ac uindicem huius imperij ,
 pro liberatis eorum templis , ac cæremonijs gra-*

PORCII LATRONIS

*tias uobis amplissimas esse redituros : putate pa-
 riter idem facturam esse curiam , pro defensa
 consulum uita , seruataq; senatorij ordinis di-
 gnitate : putate matronas urbis , ac liberos no-
 stros , ob seruatam pudicitiam , supplices , ac con-
 gratulantes uniuersos ad genna uestra sese obuer-
 saturos fore : putate uirgines Vestales , atque ip-
 sam maiestatem amplissimi numinis , ob libera-
 tionem suam , summa uobis lætitia congratula-
 turam : putate deniq; ciues omnes , ob retentam
 uitam , ac libertatem suam , penates publicos ,
 pro conseruatis focis , atque aris , parietes urbis
 pro teterrimo genere uastitatis propulsato , fer-
 me incredibili gaudio exultaturos : putate tan-
 dem , hodierno iudicio paratum esse uobis aut im-
 mortale dedecus , aut memoriam nominis sempi-
 ternam . multa sunt equidem in hac uita , quæ
 turpiter , ac calamitosè neglecta , restitutionem
 tamen quandam quodam modo patiantur : huius
 uero uindicandi sceleris , si præsentem faculta-
 tem neglexeritis , frustra postea recuperande co-
 piam quæretis . aut hodie uobis propulsanda est
 è uisceribus reipub . pestifera uis calamitatis :
 aut ipsi patriæ sine dubio concidendum . utrum
 eligendum sit , uos uideritis . quid ? estis iudices
 humanitate tanta , ne socordia dicam , ut eorum
 uitam , ac spiritum diutius in reip. commorari
 patia-*

patiamini, qui uitæ, salutiq; ciuium crudeliter insidiati sunt? proponite uobis ante oculos, ac meditatione crebra reuoluite diem illum nefarium, quo salus omnium ciuium, quo facultates nostræ, quo ipsa resp. peritura fuerat: quando scilicet aspeximus bestias istas emissas carceribus per urbem omnem, per domos nostras furialiter exultantes, ipsumq; in primis miserandi facinoris ducem, ac principem Catilinam, confirmatum hoc iudicio, spe plenum, letitia gestientem, nunc hos ad cædem nostram, nunc illos ad rapinam, atq; inflammationem ædium deuocantem: coniuges è complexibus nostris ad libidinem uictorum raptæ fuissent: liberi ad stupra de gremijs parentum extorti, pretiosa supellex asportata: tecta conflagrassent ignibus: corpora cæsa passim iacuissent: omnia deniq; gemitu, fletuq; redundassent. hæc fuisset imago miserrimæ urbis, quam urbem à maioribus nostris florentissimam accepimus, & si prohibueritis, claram atq; excellentem posteris nostris tradituri sumus. per humanitatem deniq; uestram uos obtestor, atq; obsecro iudices, per amorem huius pulcherrimæ, atq; inuictissimæ urbis, per omnia, quæ uobis iucundissima sunt in uita, prouidete iterum atque iterum, ne liberati quondam tot amplissimis bellorum periculis, tot imminentibus malis erepti,

*crepti, nunc per ignauiam uestram, ac desidi-
am periclitemur. eripite uitam ciuium à miseranda
crudelitate: prohibete penates uestros à nefarijs
ignibus: seruate pudicitiam necessitudinum ue-
strarum à teterrimis uexationibus: liberate tem-
pla deorum à tristibus rapinis: subtrahite for-
tunas publicas ab indigna direptione: protegite
magistratus uestros ab inaudita feritate: defen-
dite denique uniuersam urbem ab hoc inusitato
prorsus, & tristissimo genere calamitatis.*

*C. S A L V S T I I C R I S P I
I N M. TVLLIUM CIC.*

O R A T I O.

*Rauiter, & iniquo animo maledicta
G tua paterer M. Tulli, si te scirem iudi-
cio magis, quàm morbo animi, petu-
lantia ista uti. sed quoniam in te neque modum,
neque modestiam ullam animaduerto: responde-
bo tibi: ut si quam maledicendo uoluptatem ce-
pisti, eam male audiendo amittas. Vbi querar?
quos implorem P. C. diripi remp. atque auda-
cissimo cuique esse perfidiæ? an apud populum
R. qui ita largitionibus corruptus est, ut sese, ac
fortunas suas uenales habeat? an apud uos P.
C. quorum auctoritas turpissimo cuique, & sce-
lera-*

leratissimo ludibrio est? ubi M. Tullius leges, in
dicia populi R. defendit; atque in hoc ordine ita
moderatur, quasi unus reliquus ex familia uiri
clarissimi Scipionis Africani, ac non repticius,
accitus, ac paulo ante insitus huic urbi cinis. An
uero M. Tulli facta ac dicta tua obscura sunt? an
non ita à pueritia uixisti, ut nihil flagitiosum
corpori tuo putares, quod alteri collibuisse? an
scilicet istam immoderatam eloquentiam apud
M. Pisonem non pudicitie iactura perdidicisti?
itaque minime mirandum est, si eam flagitiose
uenditas, quam turpissime paraſti. Verum, ut
opinor, splendor domesticus tibi animos attollit,
uxor sacrilega, ac periuriis delibuta, filia ma-
tris pellex, tibi iucundior, atque obſequentior.
quàm parenti par est. domum ipsam tuam ui &
rapinis, funestam tibi ac tuis, comparaſti: uide-
licet, ut nos commonefacias, quàm conuerſa ſit
reſp. cum in ea domo habitas homo flagitio-
siſſime, quæ P. Craſſi uiri conſularis fuit. Atq;
hæc cum ita ſint, tamen Cicero ſe dicit in conſi-
lio deorum immortalium fuiſſe: inde miſſum huic
urbi, ciuibusq; cuſtodem, abſque carnificis nomi-
ne, qui ciuitatis incommodum in gloriam ſuam
ponit: quaſi uero non illius coniurationis cauſa
fuerit conſulatus tuus, & iccirco reſp. diſſecta
eo tempore, quo te cuſtodem habebat. Sed, ut
opinor,

opinor, illa te magis extollunt, quæ post consulatum cum Terentia uxore de repub. consulisti: cum legis Plancie iudicia domi faciebatis, ex coniuratis alios morte, alios pecunia condemnabas: cum tibi alius Tusculanum, alius Pompeianam uillam ædificabat, alius domum emebat: qui uero nihil poterat, is erat calumnie proximus, is aut domum tuam oppugnatum uenerat, aut insidias senatui fecerat, denique de eo tibi compertum erat. Quæ si tibi falsa obiiicio: redde rationem, quantum patrimonij acceperis, quid tibi litibus accreuerit, qua ex pecunia domum paraueris, Tusculanum, & Pompeianum infinito sumptu ædificaueris. aut, si retices, cui dubium potest esse, quin opulentiam istam ex sanguine, & uisceribus ciuium paraue-
 ris? Verum, ut opinor, homo nouus Arpinas, ex C. Marij familia, eius uirtutem imitatur: contemnit simultatem hominum nobilium: populi R. curam habet: neque terrore, neque gratia commouetur. Illud uero amicitie tantum, ac uirtutis est animi? immo uero homo leuissimus, supplex inimicis, amicis contumeliosus, modo harum, modo illarum partium, fidus nemini, leuissimus senator, mercenarius patronus, cuius nulla pars corporis à turpitudine uacat: lingua uana, manus rapacissima, gula immensa, pedes fuga-

fugaces; quæ honeste nominari non possunt, inhonestissima. Atque is, cum eiusmodi sit, tamen audet dicere: O fortunatam natam me consule Romam. Te consule fortunatam Cicero? immo uero infelicem, & miseram, quæ crudelissimam proscriptionem ciuium perpeffa est; cum tu, perturbata rep. metu perculos omnes bonos parere crudelitati tuæ cogebas; cum omnia iudicia, omnes leges in tua libidine erant; cum tu, sublata lege Porcia, erepta libertate, omnium nostrum uitæ, necisq; potestatem ad te unum reuocaueras. Atque parum est, quod impune fecisti, uerum etiam commemorando exprobras, neque licet obliuisci seruitutis suæ. Egeris, oro te Cicero, perfeceris quod libet: satis est perpeffos esse: etiãne aures nostras odio tuo onerabis? etiãne molestissimis uerbis insectabere? Cedant arma togæ, concedat laurea lingue. Quasi uero togatus, & non armatus ea, quæ gloriaris, confeceris, atque inter te, Syllamq; dictatorem, præter nomen imperij, quidquam interfuerit. Sed quid ego plura de tua insolentia commemorem? quem Minerva omnes artes edocuit, Iupiter optimus maximus in consilio deorum admisit, Italia exulem humeris suis reportauit. Oro te Romule Arpinas, qui egregia tua uirtute omnes Paulos, Fabios,

Sci-

Scipiones superasti, quem tandem locum in hac ciuitate obtines? quæ tibi partes reipub. placeant? quem amicum, quem inimicum habes? cui in ciuitate fecisti insidias, ancillaris. quo iure, cum de exilio tuo Dyrrhachio redisti, eum sequeris? quos tyrannos appellabas, eorum nunc potentia fanes: qui tibi ante optimates uidebantur, eosdem nunc dementes, ac furiosos uocas. Vatinij causam agis: de Sextio male existimas: Bibulum petulantissimis uerbis ledis. laudas Cæsarem, quem maxime odisti, ei maxime obsequeris: aliud stans, aliud sedens de reipub. sentis: his maledicis, illos odisti, lenissime transfuga, neque in hac, neque in illa parte fidem habens.

M. TULLII C I C E R O N I S,

UT PUTATUR, IN SALUSTIVM

O R A T I O.

A demum magna uoluptas est, Crispe
E *Salusti, æqualem, ac parem uerbis uita agere, neque quicquā tam obscenū dicere, cui non ab initio pueritiæ omni genere facinoris ætas tua respondeat, ut omnis oratio moribus consonet. neque enim, qui ita uiuit, ut tu, aliter, ac tu, loqui potest: neque qui tam illoto*
ser-

sermone utitur, uita honestior est. Quò me uertam P.C? unde initium sumam? maius enim mihi dicendi onus imponitur, quo notior est uterque nostrum. quòd si aut de mea uita, atque actibus nostris huic conuiciatori respondero; inuidia gloriam consequetur: aut, si huius facta, mores, omnem ætatem nudauero; in idem uitium incidam procacitatis, quòd huic obijcio. id uos, si forte offendimini, iustius huic, quàm mihi, succensere debetis, qui initium introduxit. ego dabo operam, ut & pro me minimo cum fastidio respondeam, & in hunc minime mentitus esse uidear. Scio me P.C. in respondendo non habere magnam expectationem; quòd nullum uos sciatis nouum crimen in Salustium audituros, sed omnia uetera recognituros, quæ & meæ, & uestræ iam, & ipsius aures calent. uerum eo magis odisse debetis hominem, qui ne incipiens quidem peccare, minimis rebus posuit rudimentum, sed ita ingressus est, ut neque ab alio uinci possit, neque ipse se omnino reliqua ætate præterire. itaque nihil aliud studet, nisi, ut lutulentus sus, cum quouis uolutari. longe uero fallitur opinione. non enim procacitate lingua uitæ sordes eluuntur: sed est quædam calumnia, quam unusquisque nostrum testante animo suo fert, de eo, qui falsum crimen bonis obiecit. quòd si uita
iustius

istius memoriam uicerit; aliam P. C. non ex ora-
 tione eius, sed ex moribus spectare debetis. iam
 dabo operam, quàm maxime potero, ut breue id
 faciam. neque hæc altercatio nostra uobis inuti-
 lis erit P. C. plerunque enim respublica priuatis
crescit inimicitis: ubi nemo ciuis, qualis sit uir,
potest latere. Primum igitur, quoniam omnium
 maiores Crispus Salustius ad unum exemplum,
 & regulam quærit, uelim mihi respondeat, nun-
 quid ij, quos protulit, Scipiones, & Metelli an-
 te fuerint aut opinionis, aut gloriæ, quàm eos
 res gestæ suæ, & uita innocentissime acta com-
 mendauit? quòd si hoc fuit illis initium nomi-
 nis, & dignitatis, cur non æque de nobis existi-
 metur? cuius & res gestæ illustres sunt, & uita
 integerrime acta. quasi uero tu sis ab illis uiris
 Salusti ortus: quòd si esses; nonnullos iam tuæ
 turpitudinis pigeret, ego meis maioribus uirtu-
 te mea præluxi: ut, si prius noti nō fuerint, à me
 accipiant initium memoriæ suæ. tu tuis uita,
 quam turpiter egisti, magnas offudisti tenebras:
 ut, etiam si fuerint egregij cines, certe uenerint
 in obliuionem. quare noli mihi antiquos uiros
 obiectare. satius est enim, me meis rebus gestis
florere, quàm maiorum opinione niti; & ita ui-
 uere, ut ego sim posteris meis nobilitatis initium,
 & uirtutis exemplum. neque me cum iis confer-
 ri de-

ri decet, P. C. qui iam decesserunt, omniq; odio carent, & inuidia: sed cum iis, qui mecum una in rep. uersati sunt. Sed si fuerim aut in honoribus petendis nimis ambitiosus; (non hanc dico popularem ambitionem, cuius me principē confiteor, sed illam perniciosam contra leges, cuius primos ordines Salustius duxit) aut in gerendis magistratibus, aut in iudicandis maleficiis tam seuerus; aut in tuenda repub. tam uigilans; quam tu proscriptionem uocas: credo, quod nō omnes tui similes incolumes in hac urbe uixisset. At quanto meliore loco respublica tuenda staret, si tu, par ac similis scelestorum ciuium, una cum illis adnumeratus esses? An ego tunc falso scripsi, Cedant arma togæ, qui togatus armatos, & pace bellum oppressi? An illud mentitus sum, Fortunatam me consule Romam, qui tantum intestinum bellum, & domesticum urbis incendium extinxi? Neque te tui piget homo leuissime, cum ea culpas; quæ in historiis mihi gloriæ ducis? An turpius est P. C. scribentem mentiri, quàm illum palam hoc ordine dicentē? Nam quod meam ætatem increpuisti, tantum me abesse puto ab impudicitia, quantum tu abes à pudicitia. Sed quid ego de te plura querar? Quid enim mentiri turpe duces, qui mihi ausus sis eloquentiam ut uitium obiicere? cuius sem-

T per

me reuerti. Qui mihi dies, si cum omni reliqua uita conferatur, animo quidē meo superet, cum uniuerſi uos, populusq; R. frequens aduentu meo gratulatus eſt. tanti me fugacem, mercenarium patronum hi æſtimauerunt. Neque hercule mirum eſt, ſi ego ſemper iuſtas omnium amicitias æſtimaui: non enim uni priuatim ancillatus ſum, ueque me addixi: ſed quantum quiſque reip. ſtudit, tantum mihi fuit aut amicus, aut inimicus. Ego nihil plus uolui ualere, quā pacem: multi priuatorum audacias nutriuerunt. Ego nihil timui, niſi leges: multi arma ſua timeri uoluerūt. Ego nunquam uolui quicquam poſſe, niſi pro uobis: multi ex uobis, potentia freti, in uos ſuis uiribus abuſi ſunt. Itaq; non eſt mirum, ſi nullius amicitia uſus ſum, qui non perpetuo reip. amicus fuit: neque me pœnitet, ſi aut petenti Vatinio reo patrociniū pollicitus ſum, aut Sextij inſolentiam repreſſi, aut Bibuli patiētiam culpaui, aut uirtutibus Ceſaris faui: hæ laudes enim egregij ciuis, & unicę ſunt. quę ſi tu mihi ut uitia obicis, temeritas tua reprehendetur, non mea uitia culpabuntur, Plura dicerem, ſi apud alios mihi eſſet dicendum, Patres conſcripti, non apud uos, quos habui omnium actionū mearum monitores. Sed ubi rerum teſtimonia adſunt, quid opus eſt uerbis? Nunc ad te ut reuertar, Saluſti, pa-

T ii tremq;

tremq; tuum præter eam : qui si nūquam in uita sua peccauit , tamen maiorem iniuriam reipub. facere non potuit , quàm quòd te talem filium genuit. neque , tu si qua in pueritia peccasti , exequar , ne parentem tuum uidear accusare , qui eo tempore summam tui potestatem habuit : sed qualem adolescentiam egeris . hac enim demonstrata , facile intelligetur , quàm petulanti pueritia tam impudicus , & procax adoleueris. Postea quàm immensa gulæ impudicissimi corporis quæstus sufficere non potuit ; & ætas tua iam ad ea patienda , quæ alteri facere collibuisse , exoleuerat : cupiditatibus infinitis efferebaris , ut , quæ ipse corpori tuo turpia non duxisses , in aliis experireris . Ita non est facile reputare , P. C. utrum inhonestioribus corporis partibus rē quæsierit , an amiserit . Domum paternam uiuo patre turpissime uenalem habuit , uendidit . & cui dubium potest esse , quin mori coegerit eum , quo hic nondum mortuo probarede gesserit omnia ? Neque pudet à me eum quærere , quis in P. Crassi domo habitet : cum ipse respondere non queat , quis in ipsius habitet paterna domo . At hercule lapsus ætatis tyrocinio , postea se correxit . non ita est : sed abiit in sodalitium sacrilegij Nigidiani : bis iudicis ad subsellia attractus , extrema fortuna stetit : & ita discessit , ut non
hic

hic innocens esse, sed iudices peierasse existimarentur. Primum honorem in quaestura adeptus, hunc locum, & ordinem despectum reddidit, cuius aditus sibi quoque sordidissimo homini patuisset. Itaque timens, ne facinora eius clam uos essent, cum omnibus matribus familias opprobrio esset, confessus est uobis audientibus adulterium: neque erubuit ora uestra. Vixeris, ut libet, Salusti: egeris quæ uolueris: satis sit, unum te tuorum scelerum conscium esse: noli nobis languorem, & soporem nimium exprobrare. Sumus diligentes in tuenda pudicitia uxorū nostrarum: sed ita experrecti non sumus, ut à te cauere possimus. audacia tua uincit studia nostra. Ecquod hunc mouere possit, Patres conscripti, factum ac dictum turpe, quem non puduit palam uobis audientibus adulterium confiteri? Quod si nihil pro me tibi respondere uoluissē, sed illud censorium elogium Appij Claudij, & L. Pisonis, integerrimorum uirorum, quo usus est quisque eorum, pro lege palam uniuersis recitarem, nonne tibi uiderer æternas inurere maculas, quas reliqua uita tua eluere non possit? Neque post illum delectum senatus, te unquam uidimus. nisi forte in ea te castra coniecisti, quo omnis sentina reip. confluxerat. At idem Salustius, qui in pace ne senator quidem manserat, posteaquam

T iii resp:

resp. armis oppressa est, & idem uictores, qui
 exules reduxit, in senatum post quæsturam re-
 ductus est. Quem honorem ita gessit, ut nihil nõ
 uenale in eo habuerit, cuius aliquis emptor fue-
 rit. Ita igitur egit, ut nihil non æquum, ac ue-
 rum duxerit, quod ipsi facere collibisset: ne-
 que aliter uexauit, ac debuit, si quis prædæ loco
 accepisset magistratum. Peracta quæstura, po-
 steaquam magna pignora eis dederat, cum qui-
 bus similitudine uitæ se coniunxerat, unus iam
 ex illo grege uidebatur. Eius enim partis exem-
 plar erat Salustius: quò tanquam in imam uo-
 raginem cætus omnium uitiorum excefferat:
 quicquid impudicorum cylonum, paricidarum,
 sacrilegorum, debitorum fuit in urbe, munici-
 piis, coloniis, Italia tota, sicut in fretis, subsede-
 rant, nominis perditi, ac notissimi, nulla in par-
 te castris apti, nisi licentia uitiorum, & cupi-
 ditate rerum nouarum. At postea quàm præ-
 tor factus est, modeste se gessit, & abstinenter,
 nonne ita prouinciam uastauit, ut nihil neque
 passi sint, neque expectarint grauius socij no-
 stri in bello, quàm experti sunt in pace, hoc
 Africam interiorem obtinente? unde tantum
 hic exhausit, quantum potuit aut fide nominum
 traïici, quæ in naues contrudi: tantum, inquam,
 P. C. exhausit, quantum uoluit; ne causam di-
 ceret,

ceret, se tertio duodecies cum Cæsare paciscitur. Quod si quippiam eorum falsum est, hic palam refelle: unde tu, qui modo ne paternam quidem domum redimere potueris, repente tanquam somnio beatus, hortos pretiosissimos, uillam Tiburti, C. Cæsaris reliquas possessiones paraueris. Neque piguit querere, cur ergo P. Crassi domum emisssem: cum tu ueteris uillæ dominus sis, cuius paulo ante fuerat Cæsar? Modo inquam, patrimonio non comeso sed deuorato, quibus rationibus repente factus es tam affluens, & tam beatus? Nam quis te faceret heredem, quem ne amicum quidem suum satis honestum quisquam sibi ducit, nisi similis, ac par tui? At hercule egregia facta maiorum tuorum te extollunt: quorum siue tu similis es, siue illi tui, nihil ad omnium scelus, ac nequitiam addi potest. Verum, ut opinor, honores tui te faciunt insolentem. Tu Crispe Salusti tantidem putas esse bis senatorem, & bis quaestorem fieri, quanti bis consularem, & bis triumphalem? Carere debet omni uitio, qui in alterum paratus est dicere. Is demum maledicit, qui non potest uerum ab altero audire. Sed tu omnium mensarum assecla, omnium cubiculorum in ætate pellex, & idem postea adulter, omnis ordinis turpitudine es, & ciuilis belli memoria. quid enim grauius pati potuimus,

T iiii quàm

M. T. CIC. CONTRA SAL.

quàm quòd te incolumem in hoc ordine uideamus? Desine bonos petulantissima consecrari lingua: desine morbo procacitatis isto uti: desine unumquenque moribus tuis aestimare: his moribus amicum tibi facere non potes, uideris uelle inimicum habere. Finem dicendi faciam P. C. sæpe enim uidi grauius offendere animos auditorum eos, qui aliena flagitia aperte dixerunt, quàm eos, qui commiserunt. Mihi quidem ratio habenda est, non quid Salustius merito debeat audire, sed ut ea dicam, si qua ego honeste effari possum.

F I N I S.

INDEX RERVM MEMORABILIVM.



Borigenes cū Troia	Africę pars prouincia po-
<i>A</i> nis Romā condi-	puli R. 43.a.45.a.46.a
dere 3.a	Africae situs, & descri-
Adherbalis literę in se-	ptio 41.b
natu recitata. 45.a	Africa à Getulis, & Ly-
Adherbal necatur à Iu-	bibus possessa 42.a
gurtha 46.b	Albinus consul ad bellum
Adherbal à Iugurtha uin-	proficiscitur 52.a
citur 44.a	Allobroges ad coniuran-
Adolescētium animi mol-	dum ab Vmbreno solli-
les, & ætate fluxi 6.b	citati 17.b
Adherbal prelio uincitur	Allobroges à coniuratis
à Iugurtha 37.b	insurādū postulāt. 19.a
Adherbalis uerba in se-	Albini exercitus qualis
natu 38.a	56.a
Adherbal Micipsæ filius	Allobrogibus, ob coniura-
34.a	tionem detectam, præ-
Adrūtum à Phænicibus	mia decernuntur 21.b
conditum 42.b	Ambitio uitium uirtuti
Aes alienum, pro argen-	proprius, quàm auari-
to, cre solutum 14.b	tia 5.a
Aethiopes 43.a	Amicitia firma, idē uelle,
	idem

I N D E X

<i>idem nolle</i>	9.a	<i>Bestia coniuratus</i>	7.b
<i>Ambitio corrumpit animos</i>	5.a	<i>Bellum maritimum</i>	17.a
<i>Annibal Romanos afflixit</i>	34.a	<i>Bellū Mithridaticū</i>	17.a
<i>Animus diuinus</i>	1.a	<i>Bocchus cū Iugurtha coniungitur</i>	84.a
<i>Annius coniuratus</i>	7.b	<i>Bocchus Maurorum rex</i>	43.a
<i>Antonius</i>	11.b	<i>Bocchi regis uxor Iugurthæ filia</i>	73.a
<i>Aquila, Catiline uexillum</i>	30.b	<i>Bomilcar Massiuam occidendum curat</i>	51.b
<i>Aspar Numida</i>	90.a	<i>Bocchus respondet Syllæ</i>	87.b
<i>Atheniēsium res amplæ, maiores tamen ob ingenia scriptorum</i>	4.a	<i>Bomilcaris in Iugurtham insidiæ detectæ</i>	69.b
<i>Autronius consul designatus</i>	8.a	<i>Bomilcar contra fidem publicam reus fit</i>	52.a
<i>Auentinus mōs bis à plebe in secessione occupatus</i>	49.a	<i>Bomilcar à Metello corrumptur</i>	65.a
<i>Autronius coniuratus</i>	7. & 8.	<i>Bocchus Romanis Iugurtham tradit</i>	92.b
<i>Aueto, pro, ualeto</i>	15.b	<i>Bomilcar à Iugurtha necatur</i>	70.a
<i>Auaritia bonas artes perdit.</i>	5.a	<i>Brutus Sempronie maritus.</i>	17.b
B .		C .	
<i>Bellienus prætor</i>	88.b	<i>Catilina, fortiter pugnās, occi-</i>	
<i>Bestia tribunus pl.</i>	18.b		

I N D E X

occiditur	31.a	coniurationis	9.a
Capua municipium	13.a	Catonis de coniuratis sen-	
Catulus C. Cæsaris inimi-		tentia	27.a
cus	21.a	Capitolium incensum xx.	
Cassius coniuratus	19.a	annis ante coniurationē	
Catilina prohibitus pete-		Catilinæ	20.a
re consulatum	8.a	Catilinæ mores, & inge-	
Catilina patricius	14.a	nium	2.b
Catilina lege Plautia in-		Cassius prætor ad Iugur-	
terrogatus ab L. Paul-		tham mittitur	50.b
lo	13.b	Catonis natura, ac mo-	
Catilinæ literæ ad Q. Ca-		res	28.a
tulum	15.a	Catonis de coniuratis ora-	
Catilina paratus ad diffi-		tio	25.a
mulanda omnia	13.b	Capsa ab Hercule condi-	
Catilina hostis à senatu in-		ta	29.b
dicatus	15.b	Catilinæ uxor Aurelia O-	
Capsa capitur à Mario		restilla	7.a
81.a		Catilinæ socij	6. & 7.
Calpurnius à Iugurtha		Catilina nobilem uirginē,	
corruptus	47.a	& Vestæ sacerdotem stu-	
Calpurnius consul acriter		prauit	7.a
Numidiā inuadit	47.a	Catilina consulatum pe-	
Catilinæ uerba ad mili-		tit	11.b
tes	29.b	Cassius longinus coniura-	
Catabathmos	41.b. 42.b	tus	7.b
Catilinæ oratio ad cōscios		Catulus à Catilina literas	
		acci-	

I N D E X

accipit	15.a	titus	12.b
Catilinæ exercitus	28.b	Cicero cōsul refert in sena	
Capsa, oppidum Numi-		tu de coniuratis	22.a
diæ magnum & ualidū		Cicero homo nouus	11.a
79.b		Cicero inquilinus ciuis	
Catilinæ literæ ad consu-	14.a		
lares	15.a	Cirtha Iugurthæ tradita	
Catilina repetūdārū reus	46.a		
8.a		Ciuis belli causa	33.b
Carthago deleta discor-		Cirtha oppugnatur à Iu-	
diam Romæ peperit.		gurtha	44.a
54.b		Ciceronis consulis solici-	
Cæsar statilium custodit.		tudo, quid agendum su-	
20.b		per coniuratis	19.b
Cæsaris sententia de con-		Cicero consul	11.a
iuratis	24.b	Coniuratio secunda	8.a
Cæsar pontifex maximus		Consul uel à senatu, uel	
creatus, Catulo deiecto.		à populo summam po-	
21.b		testatem accipit	12.b
Cæsaris sententia de con-		Cornelius insidiatur Cice-	
iuratis	22.a	roni.	12.b
Cæsaris natura, & mores		Coniuratio prima	7.b
27.b		Cōiuratorū partes, et suū	
Cethegus cōiuratus	7.b	cuiusque munus	18.b
Cethegus audax	24.a	Coniurati quinque in car-	
Ceparius cōiuratus	19.b	cere necantur	28.b
Cicero consul insidijs pe-		Consulatus ante C. Mariū	
		nouo	

I N D E X

nouo homini nemini mā datus	66.a.70.b	Crassus malorum patro- nus	21.a
Coniuratio Catiline xx annis post incensum Ca- pitolium	20.a	Crassus Pompeio inimi- cus	8. & 8
Cornificius Cethegum cu- stodit	20.b	Crassus Gabinium custo- dit	20.b
Coniurationis causa æs a- lienum	14.b	Crassus coniurationis con- scius iudicatus	20.b
Coniuratio patefacta .	19. & 20	Curij cum Fulvia con- suetudo	20.b
Cornelij tres fato Romæ regnaturi	20.a	Curius seuatu motus à censoribus probri gratia	10.b
Consul designatus senten- tiam primus rogatur ,	22.a	Curius coniuratus	7.a
Concordiæ ædes	19.b	Cyrus in Asia bella gere- re primus cæpit	1.b
Corpus homini cum bel- luis commune	1.a	Cyrene colonia	43.a
Coniurationi particeps ,	7.b	Cyrenenses magni , atque opulenti	72.b
Cōiurationis præmia	10.a	D.	
Cornelius coniuratus	7.b	Dabar ex gente Massa- nise	90.b
Consulatus petendi legi- timi dies	8.a	Damasippus iussu L. Syl- læ occisus	24.a
Concordia parvæ res cre- scunt	36.a	Discordia res maximæ di- labuntur	36.a
		Equi-	

I N D E X

E.

Equites R. cum telis circum adē concordie 21.b

Equites Cæsari gladio minitantur 21.b

Equidem scitis, latina locutio 29.b

Exempla mala ex bonis initijs orta 23.b

F.

Fabius Sanga Allobrogū patronus 18.a

Fabij Maximi uerba 33.a

Filius à patre necatus. 17.a

Fædus irritum, quia factum iniussu senatus & populi 53.b

Fulvius Nobilior coniuratus 7.b

Fulvia Curij amica 10.b

Fulvia coniurationem detexit 11.a

Fulvius à patre necatus, 17.a

Fulvius ad Catilinam proficiscitur 17.a

Fulvius Flaccus ab Optimio cōsule occisus 41.a

G.

Gauda, Manastabilis filius, Massaniſæ nepos. 67.a

Gallis armis præstantes. 27.b

Gallorum gens infelicissima Romano nomini. 26.b

Galli apud Romanos formidabiles 92.b

Gallica gēs bellicosa 17.b

Gabinus coniuratus 7.b

Getuli et Lybius ferarum more uiuentes 42.a

Getuli, genus hominum ferum, & incultū 73.a

Getuli Africam habuere. 42.a

Gladiatorie familie 13.a

Gracchus ab opinio Consule occisus 41.a

Gracchi plebem undicare in libertatē conantes, occiduntur 55.a

Græci

I N D E X

- Græci uerberibus animad*
uertebant in ciues 24.b
Græci facundia dati 27.b
 H.
Hercules Lybijs capsam
condidit 79.b
Hercules in Hispania pe-
riit 42.a
Hiempsal Micipsæ filius.
 34. a
Hippo à Phœnicibus con-
dita 42.b
Hiempsal occiditur 37.b
Hiempsal natura ferox,
Iugurtham despiciens.
 36.b
Hiēpsal Africæ rex 41.b
 I.
Imagines maiorū ad uir-
tutem accedunt. 33.b
Interrogare, pro, in iudi-
cium uocare 13.b
Ingenium præstat uiribus
 I. a
Itali suffragia terebant.
 54. a
Italos necari iudicio, le-
ges permittebant 69.a
Italiæ uastitas ex bello ci-
nili 33.b
Iugurtha proditur Roma-
nis à Boccho 92.b
Iugurtha omni Numidia
potitur 37.b
Iugurtha à Scipione lau-
datus 35.b
Iugurthinum bellum ma-
gnum, atrox uaria uictō-
ria 33.b
Iugurtha Bebium tribu-
num ple. corrūpit 50.b
Iugurtha à Micipsa pa-
truo filij loco habitus.
 34. a
Iugurtha adoptatur à Mi-
cipsa 35.b
Iugurtha Adherbalē pu-
gna uincit 37.b
Iugurtha Manastabilis fi-
lius ex concubina, Massa-
nisæ nepos 34.a
Iugurtha cum Aulo, Al-
bini consulis fratre, fœ-
dus facit 53.b
Iugur-

I N D E X

Iugurtha Romam uenit.	Iugurtha Cirtham oppu-
50.b (46.a	gnat 44.a
Iugurtha Cirtha potitur.	Iugurtha Adherbalē ne-
Iugurtha bellum resumit.	cat 46.b
65.b	Iugurtha Opimium cor-
Iugurtha castra Romana	rumpit 41.a
capit 53.a	Iugurtha Numidarum
Iugurthæ peritia in re mi	rex 33.b
litari 57.b	Iugurtha Bocchum regē
Iugurtha exercitū de Ge	ad bellum Romanum cō
tulis cogit 73.a	pellit 73.a
Iugurtha uincitur 60.a.	Iugurthæ filia Bocchi re-
69.b	gis uxor 73.a
Ius gentium, et æquum bo	Iugurthæ deditio 47.b
num diuersa 52.a	Iugurtha legatos Romam
Iugurthæ ira, & infidiæ	mittit 37.b
in Hiempsaalem 37.a	Iugurtha excusatur à le-
Iugurthā præsente Mem-	gatis 40.b
mius ad populum accu-	Iugurtha ad deditiōem
sat 51.a	descendit 6.a
Iugurtha Adherbalē uin	Iunius coniuratus 12.a
cit 44.a	Iunius Silanus sententiā
Iugurtha qualis 33.b.	primus rogatur 22.a
35.a	Ingenium præstat uiribus
Iugurtha regnum Adher	1. a L.
balis inuadit 43.b	Latini suffragia ferebant
Iugurthæ seuitia 46.b	54.a

I N D E X

<i>Lacedemonij Athenien-</i>		<i>Lentulus coniuratus Len</i>	
<i>ses uicere</i>	24.a	<i>tulo Spintheri in custo-</i>	
<i>Laris oppidum</i>	80.b	<i>diam traditus</i>	20.a
<i>Leptis à Sidonijs conditū</i>		<i>Loquendi genus, ante diē</i>	
<i>72. b</i>		<i>v I. Cal. pro v I. Cal.</i>	
<i>Legis præsidium à prætore</i>		<i>64. b</i>	
<i>debitoribus ereptū</i>	14.b	<i>Loquendi genus, de suo lo</i>	
<i>Lentulus coniuratus præ-</i>		<i>co pugnam facere</i>	64.b
<i>tor</i>	19.b	<i>Loquendi genus, clemens</i>	
<i>Lex Memmij</i>	50.b	<i>rumor</i>	44.a
<i>Lex Satyra</i>	47.b	<i>Loquendi genus antiquū,</i>	
<i>Leptis à Phœnicibus con-</i>		<i>domi militiæq; , pro , in</i>	
<i>ditā</i>	42.b	<i>militia</i>	12.b
<i>Leges pro uita ciuium R.</i>		<i>Loquendi genus, manife-</i>	
<i>23. 24</i>		<i>stus rerū capitaliū, mani</i>	
<i>Lentulus patricius, & cō</i>		<i>festus sceleris</i>	27.a. 52.b
<i>sularis in carcere neca-</i>		<i>Loquendi genus, ignarus</i>	
<i>tus</i>	28.b	<i>populi R. pro ignorans</i>	
<i>Lex Porcia</i>	23.b	<i>43.a. 73.a</i>	
<i>Lentulus cuiusque modi</i>		<i>Loquendi genus, regio ho</i>	
<i>genus hominum ad con-</i>		<i>stibus ignara, pro, igno-</i>	
<i>iurandum sollicitat</i>	17.a	<i>ta</i>	60.a
<i>Legati ad Ingurthā</i>	45.b	<i>Loquendi genus, faciant</i>	
<i>Lentulus audax</i>	14.a	<i>idē maioribus suis, pro,</i>	
<i>Lex Plantia</i>	13.b	<i>faciant id, quod maiores</i>	
<i>Lex pro debitoribus ad-</i>		<i>sui fecere</i>	76.b
<i>uersus fœneratores</i>	14.b	<i>Loquendi genus antiquū,</i>	
<i>Lentulus Sura cōiuratus</i>		<i>esse ad urbem</i>	13.a
<i>7. b</i>		<i>Loquendi genus, equidem</i>	
		<i>V sci-</i>	

scitis	29.b	bellica princeps habitus
Lybies Africam habuere	92.b	
42.a M.		Marius Iugurthæ & Boc
Magistratus minores uigi		chi exercitus fudit 85.b
lijs præerant	23.b	86.b
Magistratuum insignia		Marius literarum Græca
à Tuscis sumpta	24.b	rum ignarus 77.a
Mamiliij tribuni pl. roga-		Marius consul creatur
tio aduersus corruptos		70.b
à Iugurtha	54.a	Marius iterū consul 92.b
Manlius Marij legatus.		Marij legatus Manlius.
78.b		76.b
Manlij ad Marcium regē		Mario decreta Gallia
legati, & mandata	14.a	92.b
Mālius Fesulanus cōiura		Mario aruspices lætā for-
tionis particeps	11.a	tunam pollicentur 65.b
Manlius Torquatus filiū		Marij & Metelli inimici-
necari iussit	26.b	tiarum origo 66.b
Manlius hostis à senatu		Marij cicatrices aduerso
indicatus	15.b	corpore 77.a
Manlius tribunus pl.	70.b	Marij patria, natura, mo-
Marcus imperator ad ur		res 66.a
bē, triūphū petens	13.a	Marius infestus nobilitat:
Marius Capsā capit	81.a	75.a
Marij uirtus in pugna		Marij ad populum oratio
84.b		75.b
Marius de Iugurtha triū		Marius Metelli legatus
phanit	92.b	57.a
Marius Romanorum in re		Marius Numidiam inua-

dit

I N D E X

dit	29.a	vincit	6.a
Marcus imperator ad urbem triumphum petens		Metelli mollities animis.	
23 a		74. b	
Mario Numidia traditur à populo	70. b	Metellus Thalam oppidū obsidet, & capit,	71. b
Massanisa rex Numidarum	34. a	72. a	
Massanisa bellica uirtute præstans	34. a	Metellus Celer prætor	
Massanisæ filij tres	34. a	13. a	
Massina Iugurthæ iussu occisus	51. b	Metellus Zamam oppugnat	64. a
Mauri dicti, qui antea Medi	42. b	Metellus oppugnationem Zamæ frustra tentatam omittit	64. b
Mauris Bocchus imperauit	43. a	Metellus exercitum licentia et ignauia corruptū ad militarem disciplinā reuocat	56. b
Medi postea Mauri dicti	42. b	Metellus Creticus imperator ad urbem triumphū petens	13. a
Mēmius tribunus pl.	46. b	Metelli ad Bocchum legati	74. b
Memmij rogatio	50. b	Metellus Bomilcarē corrumpit	65. a
Memmij oratio ad populum	48. a	Metellus consul in Numidiam ad bellum proficiscitur	55. b
Memmius Iugurthæ præsentem ad populum accusat	51. a	Metelli calliditas	57. a
Metellus Numidiam uastat	61. b	Metellus Romæ lætissimis	
Metellus Iugurtham		V ii ani-	

I N D E X

animis accipitur 79.a
 Micipsæ consilium aduer-
 sum Iugurtham 34.b
 Micipsæ uerba ad Iugur-
 tham 36.a
 Micipsa Iugurtham ado-
 ptat 35.b
 Micipsa moritur 36.b
 Micipsæ filij duo 34.a
 Micipsa Massanisæ filius,
 & regni heres 34.a
 Militia magis procedit
 animi ui, quàm corporis
 uirtute 1.b
 Milites ex classibus lecti.
 78.b
 Milices capitecensi 78.b
 Mulieres psallere & sal-
 tare elegantius non de-
 cet 11.b
 Mulucha flumen Iugur-
 thæ Bocchiq; regnum di-
 uidebat 81.b
 Murena citeriori Gallie
 præfectus 18.a
 Muthul Numidiæ flumen
 58.a N.
 Neronis sententia de con-
 iuratis 22.a

Nobilitatis superbiæ quo-
 quoniam primum tēpore ob-
 uiam itum sit. 33.b
 Numantia deleta 35.b
 Numidiæ alij se Iugur-
 thæ, alij Adherbalē ad-
 iungunt 37.b
 Numidiæ Romanos inua-
 dunt 59.a
 Numidiæ pars firmior Iu-
 gurthæ, speciosior Ad-
 herbali traditur 41.b
 Numidæ plerūque lacte,
 & ferina uestebantur.
 80.a
 Numidia uastatur à Me-
 tello 61.b
 Numidæ infidi, ingenio
 mobiles, nouarum rerū
 auidi 57.a. 67.b
 O.
 Octavius Rufio quæstor.
 88.b
 Opimius C. Gracchum Cō-
 sul occidit 41.a
 Opimius à Iugurtha cor-
 ruptus 41.a
 Opimius legationis prin-
 ceps. 41.a
 Pa-

I N D E X

P.	coniurationem, mutati.
Pater filium necat 17.a	20.b
Paullus accusator Catili- ne 13.b	Plebs urbana infamis, & egens 16.a
Persæ alueos nauium in- uersos pro tugurijs ha- buere 42.a	Plebis opes quando immi- nutæ 17.a
Petreius Antonij consu- lis legatus 30.b	Pompeius consul tribuni- ciam potestatem resti- tuit 16.b
Piso quæstor pro prætor in citeriorem Hispaniã missus 8.b	Pompeius ad bellum ma- ritimum, & Mithrida- tisum missus 17.a
Phœnices oppida multa in Africa cōdidere 42.b	Pompeij potentia formi- dolosa 8
Phileni uini obruti pro Pænorum rep. 73	Pompeius Rufus prætor 13.a
Piso coniurationis auctor 8.a	Pomptinius prætor 19.a
Piso C. Cæsaris inimicus. 21.a	Pons Miluius 19.a
Piso interficitur 8.b	Pontifex max. C. Cæsar 21.a
Plautia lex 23.b	Populus potestatem sum- mam dat 12.b
Plebis secessio à patribus & causæ 14.b	Prælium cum Catilina cō- mittitur 30.b
Plebis ex secundis rebus insolentia 54.b	Probitas per se ipsa parū tuta 38.b
Plebis duæ secessiones. 49.a	Punica fides incerta 90.b
Plebis animi, post detectā	Q. Quæstor pro prætor 8.b
	Re-

I N D E X

<i>R.</i>	<i>Romanorum arma à Sa-</i>
<i>Regnì præsidia sunt amici</i>	<i>mnitibus sumpta 24.b</i>
36. a	<i>Roma à Troianis condita</i>
<i>Resp. duabus artibus cu-</i>	3. a
<i>randa, audacia in bello,</i>	<i>Romæ oïa uenalia 35.b</i>
<i>æquitate in pace 4.b</i>	<i>Romæ, post Carthaginē de</i>
<i>Reges primum imperij no-</i>	<i>letam, orta seditio 54.b</i>
<i>men in terris 1. a</i>	<i>Rutilius Metelli legatus.</i>
<i>Rhodiornm à Romanis de</i>	59. a S.
<i>fectio 22.b</i>	<i>Satyra lex 47.b</i>
<i>Rhodij opibus populi R.</i>	<i>Scaurus quæstor 54. a</i>
<i>creuere 22.b</i>	<i>Scaurus in senatu prin-</i>
<i>Romani belli gloria præ-</i>	<i>ceps 45.b</i>
<i>stantes 3.b</i>	<i>Scaurus qualis</i>
<i>Romani Græcis facundia</i>	<i>Scaurus à Iugurtha cor-</i>
<i>præstiterunt 27.b</i>	<i>ruptus 47. a</i>
<i>Romanorum magistratuū</i>	<i>Scipio Iugurtham laudat</i>
<i>insignia à Tuscis sumpta</i>	35. b
24. b	<i>Scipio Romani exercitus</i>
<i>Roma libertatem adepta,</i>	<i>imperator bello Numã</i>
<i>brevi plurimum creuit.</i>	<i>tino 34.b</i>
3. b	<i>Scipionis uerba ad Iugur</i>
<i>Romano imperio ad occa-</i>	<i>tham. 35.b</i>
<i>sum ab ortu solis omnia</i>	<i>Scipionis Africani uerba</i>
<i>parebant 15.b</i>	33. a
<i>Romani exercitus prima</i>	<i>Scipionis literæ ad Mici-</i>
<i>corruptio 5.b</i>	<i>psam 35.b</i>
<i>Romani Gallos belli glo-</i>	<i>Sempronia coniurationis</i>
<i>ria uicerunt. 27.b</i>	<i>particeps 11.b</i>
	<i>Sem-</i>

I N D E X

<i>Sempronia lex de prouin</i>	<i>Sylla cōsul designatus</i>	8.a
<i>cij</i>	<i>Sylla de ambitu punitus</i>	
<i>Sempronia D.Bruti uxor</i>		8.a
17.b	<i>Sylla Marij quēstor</i>	83.a
<i>Senatus consultū de cōiu</i>	<i>Syllæ mores, & ingenium</i>	
<i>ratis in sententiam Ca-</i>		83.b
<i>tonis factum</i>	<i>Syllæ fratres cōiurati</i>	7.b
<i>Senatus misericordia, ac</i>	<i>Syllæ magnanimitas</i>	89.b
<i>mansuetudo</i>	<i>Syllæ uerba ad Bocchum</i>	
<i>Senatus consultū de Nu-</i>		87.a
<i>midie regno</i>	<i>Syphax Numidie rex</i>	
<i>Senatus in ædem Concor-</i>		34.b
<i>die uocatus</i>	<i>Syrtes in extrema Afri-</i>	
<i>Senatores indigni ordine.</i>	<i>ca sinus duo</i>	72.b
33.a	T.	
<i>Senatus potestatem sum-</i>	<i>Tana flumen</i>	80.b
<i>nam dat</i>	<i>Tarquinius coniurationis</i>	
<i>Senatus consulti summa</i>	<i>index</i>	20.b
<i>uis</i>	<i>Tarquinius index in uin-</i>	
<i>Senius senator</i>	<i>cula conijcitur</i>	21.a
<i>Sicca oppidū à Iugurtha</i>	<i>Thala oppidū à Metello</i>	
<i>primum defecit</i>	<i>obsidetur</i>	71.b
<i>Sitius Numātinus cōiura</i>	<i>Tiberij Neronis sentētia</i>	
<i>tionis particeps</i>	<i>de coniuratis</i>	22.a
<i>Sisenna historicus</i>	<i>Torquatus filium necari</i>	
<i>Statilius cōiuratus</i>	<i>iussit</i>	26.b
<i>Supplicia pro precibus</i>	<i>Tuba pugne signum</i>	31.a
4.b	<i>Tullianum, locus in car-</i>	
<i>Suthul obsidetur</i>	<i>cere</i>	28.a
	Tur-	

I N D E X

<i>Turpilins</i> , desertor præsi- dij, à Metello necatur.	<i>Vargunteius</i> coniuratus.
69. a	17. a
<i>Turpilins</i> Silanus, oppidi præfectus 68. a	<i>Vargunteius</i> insidiatur Ci- ceroni 12. b
<i>Turpilins</i> ciuis ex <i>Latio</i>	<i>Vitabundus</i> 86. b
69. a	<i>Volux</i> Bocchi filius 89. b
<i>Transpadani</i> Romæ iudi- cati de repetendis 21. b	<i>Vulturnius</i> Crotoniensis coniuratus 19. a
<i>Tribunatus</i> pl. summa po- testas 16. b	<i>Vulturnius</i> prætoribus se dat 19. b
<i>Tribunicia</i> potestas <i>Pom-</i> peio, & <i>Crasso</i> cos. re- stituta 16. b	<i>Vulturnij</i> indicium de cō- iuratis 20. a
<i>Triumviri</i> capitales 28. a	<i>Vulturnio</i> , ob detectā cō- iurationē, præmia decer- nuntur 21. b
<i>Troiani</i> Romā condidere, <i>Aenea</i> dūce profugi 3. a	<i>Umbrenus</i> . <i>Allobroget</i> ad coniurandum hortatur 17. b
V.	
<i>Vacca</i> diripitur 69. a	<i>Umbrenus</i> coniuratus. 17. a
<i>Vacca</i> oppidum, forū re- rum uenaliū 57. a	Z.
<i>Vaccenses</i> à Metello desi- ciunt 68. a	<i>Zama</i> regni <i>Numidiæ</i> arx 62. b
<i>Valerius</i> Flaccus prætor 19. a	<i>Zama</i> oppugnatur 63. a 60. a.

F I N I S.



